



50
3/21


DUKE
UNIVERSITY
LIBRARY

Treasure Room

486

Digitized by the Internet Archive
in 2013

<http://archive.org/details/lesimagesdesdiev01cart>



LES IMAGES DES DIEUX DES ANCIENS, CONTENANS LES IDOLES, COVSTVME, ceremonies & autres choses ap- partenans à la Religion des payens.

*Recueillies premierement & exposées en Italien par le Seigneur Vincent Cartari
de Rhege, & maintenant traduites en François & augmentées par
ANTOINE DV VERDIER, Seigneur de Vauprinas,
Conseiller du Roy, controlleur general de ses finan-
ces en la charge & generalité de Lyon.*

Aucc deux Tables, l'une des lieux & matieres plus notables,
& l'autre des pourtraicts contenus en ce liure.



A LYON,
PAR ESTIENNE MICHEL.

M. D. LXXXI.

Aucc Privilege du Roy.

9/10/31
Budget I
J. B.
12, 24
English

Extraict du privilege du Roy.

PAR grace & privilege du Roy est permis à Barthelemy Honora-
raty, & Estienne Michel, marchands Libraires, demeurans à
Lyon, d'imprimer, ou faire imprimer, en telle langue, & ainsi
comme bon leur semblera, vn liure intitulé, *Les images des*
Dieux des Anciens, contenant les idoles, coustumes, ceremonies
& autres choses appartenans à la Religion des Payens: Recueillies & exposees
en Italien par le Seigneur Vincent Cartari, traduictes & augmentees par An-
toine du Verdier, & ce pour le temps & terme de dix ans, à compter du iour
qu'il sera acheué d'imprimer. Et est defendu par sadite Maiesté à tous Li-
braires, Imprimeurs, ou autres de quelque qualité qu'ils soyent, d'impri-
mer, vendre & debiter ledit liure sans licence d'iceux Honoraty & Michel, sur
peine d'amende arbitraire, & confiscation des liures qui en auroyent esté
faictz. Et à fin qu'aucun ne puisse pretendre ignorance du present privilege,
ledit Seigneur veut & entend que l'extrait d'iceluy estant mis au commence-
ment ou à la fin dudit liure, serue pour toute notification. Car tel est son plai-
sir, nonobstant oppositions ou appellations quelconques, comme plus à plein
appert par les lettres de privilege sur ce donnees à Bloys le 7. Iour d'Auril,
1581. Et scelees du grand scel de sa Maiesté en cyre iaune.

Ainsi signé,

Par le Roy, M. Iehan Auril, maistre des Requestes ordinaire
del'hostel present.

P O V S S E P I N.



P R E F A C E

D'ANTOINE D V D6

VERDIER, SVR LES

IMAGES DES DIEUX:

A' MONSEIGNEVR D'ARQUES,

Cheualier des deux ordres du Roy, Vis-

conte, Baron d'Arques, Puy-vert,

S. Didier, la Mastre, &c.

LE S plus sçauans d'entre les anciens Ethniques, qui pour raison de leur doctrine auoient le soing & surintendence des affaires de la Religion, ne voulans espandre les marguerites au deuant des pourceaux (comme on dict en commun prouerbe) & laisser manier, les mains non luees, les secrets de la sapience humaine au cōmun peuple, ny à tous, notamment à ceux qu'ils estimoient incapables de comprendre les mysteres sacrez (qu'ils estimoient) touchant le seruice & adoration de leurs Dieux, voulurent cacher & tenir obscure ceste leur Philosophie, & icelle voiler & couvrir de fables, par lesquelles sous quelque vray semblance, & y ayant obserué quelque chose, mais

P R E F A C E.

tant peu qu'on ſçauroit dire, de l'hiſtoire : les idiots & i-
 gnorans de leur temps prindrent veſſies pour lanternes,
 & acheptèrent à bon compte des coquilles (qu'on dict cō-
 munement) à tel pris qu'ils les voulurent prendre, aſſa-
 uoir des ſornettes & bourdes friuoles, vaines & de
 neant. Pareille voye ont tenu tous les principaux Philo-
 ſophes, comme Pythagore, Platon & Ariſtote, dont le
 premier, aux nombres, & les deux autres, aux exemples
 pris des Mathematiques, ont caché les ſecrets de la Phi-
 loſophie, voire aux dictions & vocables obscurs & diffi-
 ciles à entendre, comme ſont ceux-cy, Enties, Identitez,
 Idées, & pluſieurs autres, tant ces grands & preſque di-
 uins perſonnages eſtimoient grand peché de prophaner
 ceſte ſapience humaine, & la propoſer à l'indigne vul-
 gaire, & commun peuple. Et ne receuoient ceux que ie
 ſors d'alleguer aucuns diſciples à leur Academie & eſ-
 chole pour leur enſeigner les diſciplines, qu'ils n'euffent
 premieremēt faiēt eſpreuue de la dexterité de leur eſprit,
 craignans de mettre le couteau entre les mains du fu-
 rieux, qu'on dit communement. Oultre le diuin Platon,
 qui allegue ſouuent maintes fables Poëtiques, Cicerō n'a
 traité autre choſe en ſes liures de la nature des Dieux.
 Heſiode & Homere ſoubs le voile de leur poëſie fabuleu-
 ſe, ont baſti le premier fondement de la philoſophie hu-
 maine, qu'ils ont en partie tiré d'autres plus anciens, com-
 me Orphee & Muſee, qui les ont precedé, & nous ont
 représenté les preceptes d'icelle. De maniere qu'en leurs
 fables

fables les anciens ont cherché le commencement de plusieurs sciences: car par la consideration du seul bouclier d'Achilles, ils se sont aduisez de l'Astrologie: laquelle a depuis mis en resuerie infinité d'esprits: Et comme dit vn second Ronsard en style,

Les doctes anciens ont gentiment caché

Les choses qu'ils auoyent en nature cerché,

D'vn manteau fabuleux, pour n'estre prophanees

De ceux qui n'ont ez corps les ames bien formees.

D'auantage les Poëtes anciens en leurs escripts ont couuert Et caché plusieurs intelligences Et sens, principalement trois, assauoir le sens literal, le moral, Et l'allegoric. Premierement au sens literal, ou historial, comme premiere escorce Et exterieure, ils ont mis la description des gestes les plus signalez, Et dignes de renom d'aucunes personnes: le sens moral vient apres, comme plus interieure escorce, Et plus prochaine de la moëlle, lequel est profitable à la vie active des hommes, louant les deportemens vertueux, Et blasmant les vices. S'ensuyuent les sens allegoriques, Et ceux-cy sont diuisez en trois, assauoir, naturel, celeste, et theologal: car sous telles propres parolles, ils ont voulu signifier quelque vraye intelligence des choses naturelles, des celestes, ou de l'astrologie, ou des theologales, Et aucunes fois les deux ou les trois sens sont cõpris au dedans de la fable, comme les moëllles du fruiet entre son escorce. Et pour quatre raisons iceux anciens cacherent leurs doctrines sous fictions, la premiere, affin

P R E F A C E.

de ne diuulguer leurs secrets tāt excellens à un chacun, estimās que trop manifester la vraye & profonde science, estoit la communiquer aux incapables d'icelle, en l'esprit desquels elle se corrompt, comme le bon vin se gaste en un mauvais tonneau. La seconde, pour se rendre plus briefs, & en peu de propos comprendre plusieurs sentences: car la briefueté est tresnecessaire à la conseruatiō des choses en la memoire. La troisieme, pour entremesler le delectable de l'histoire, & de la fable, avec le vray intellectuel, & le facile avec le difficile. Encores avec grande observation ils exprimerēt telles histoires en vers mesure & graues, pour autant que la mesure ayant son poix, ne peut subir une faute, de maniere que par ce moyen les sciences ainsi deduites ne se peuuent aysement adulerer, & moins les termes se changer. La quatrieme & dernière raison est, que ce faisans ils pouuoient d'une mesme viande, repaistre diuers banqueteurs de choses de diuers goust, parce que les moins ingenieux ne prendront seulement de leurs Poèmes que l'histoire, avec la grace & ornement du vers, & le doux son d'icelluy: & les esprits plus esleuez, oultre cela se repaistront du sens moral: & les aultres plus subtils & haults, pourront manger de la viande de l'allegorie, tant de Philosophie naturelle, que d'Astrologie, & de Theologie. Bien est vray que le diuin Platon en ses liures de la Republique, bannissant de la cité qu'il establit, les Poètes, & voulant amplifier la science, en osta le vers, mais non la fable. Et iagoit qu'il fust le premier

premier qui rompit partie de la Loy de la conseruation
 de la science, il la laissa encores si bien munie, par l'argu-
 ment & style fabuleux, que cela suffisoit pour la conser-
 uer: il a esté neantmoins fort blasmé par aucuns d'auoir
 reietté les Poëtes, & a on dict qu'il n'auoit rien faict qui
 uaille, non plus en cela qu'en quelques autres loix de sa-
 cité. Car si on veut chercher la Dialectique, voire la Logi-
 que, on la trouuera aux vers & fables des Poëtes. Si on
 cherche la Physique, ou Philosophie naturelle, les Poëtes
 l'enseigneront: si l'Ethique, ou Philosophie morale, avec
 ses parties, les Poëtes la traictent amplement. Qu'ainsi
 soit, les Philosophes, quand ils veulent illustrer leurs es-
 cripts, amènent les tesmoignages des Poëtes, comme per-
 les & marguerites tres-precieuses. Mesmes ce vaisseau
 d'election, l'Apostre Sainct Paul, n'a pas desdaigné alle-
 guer un vers & sentence du Poëte Menandre en sa
 premiere Epistre aux Corinthiens. Nous auons leu (dit
 Ciceron en ses Tusculanes parlât des liures des Poëtes)
 ces choses en nostre ieune aage, & les apprenons tous les
 iours. Et d'auantage nous estimons telle erudition & do-
 ctrine, liberale, & digne de l'homme. Sainct Basile mon-
 strant que les sciences prophanes donnent entrée à l'in-
 telligence des diuines, dit que ce n'est pas peu de cas, les
 cōparant l'une avec l'autre, d'entendre la difference, pour
 l'assurâce de la meilleure. Or le principal argument des
 Poëtes est des Dieux, de leur genealogie, de leurs noms,
 de leur nature, assauoir de leurs amours, & autres pas-

P R E F A C E.

sions, desquels Dieux l'abusée antiquité s'est forgée un nombre presque infiny, & à iceux attribué diuers offices & functiōs. Et sous maintes fictions, qui en apparence & à l'exterieur sont pures bourdes, & choses vaines & friuoles, ces anciens ont enuelopé de grādes intelligences: qui ont esté despuis descouuertes & declarées par plusieurs doctes autheurs anciens & modernes, prophanes, & Chrestiens. Phurnut Philosophe, (aultrement appelé Cornut) a traicté de la Nature des Dieux: Palephat, des fables: Hygin, des narrations fabuleuses: Apollodore Grammairien Athenien, a escrit pareillement un liure intitulé la Bibliotheque, ou de l'origine des Dieux: Fulgence, des Mythologies: Boccace, de la Genealogie des Dieux: Lilie Gregoire Gyrald Ferrarois, apres tous ceux la a traicté plus amplemēt le mesme subiect: & Vincent Cartari de Rhege a seul recuilli en un volume par bon ordre & methode les images & statues des mesmes Dieux, avec l'exposition d'icelles. Car au parauant luy nul, que ie sçache, n'auoit pris ceste peine, de ramasser des anciens autheurs ce qu'ils auoient dict de telles images esparses çà et là confusēmēt, en diuers endroicts de leurs liures, lesquelles il a assemblé cōme en un, avec telle liaison qu'à la mode d'Ouide en sa Metamorphose, d'une image il vient & entre si à propos au discours de l'autre, que d'un mesme fil, & sans s'entrompre, il rend le lecteur desireux de poursuire & lire tousiours, n'estant satisfait qu'il ne soit venu au bout. Je dy cecy mesurant
les autres

P R E F A C E.

les autres selon moy, comme ceux ausquels le vëtre vuid cause un bon appetit, estiment que chacun doibue estre de mesme: Et au contraire estans bien saouls, que ceux qui sont à ieuu, ayent disné. Et tout ainsi qu'un seul repas ne suffit point pour substantier nostre corps, ie ne diray pas seulement pour tout le temps de nostre vie, mais pour un iour, ains nous faut faire ce mestier tous les iours, Et deux fois par chacun iour: de mesmes ayant pris goust non moins à la matiere de ce liure (quoy que ie m'en fusse aultres fois ailleurs rassasié) qu'à aux belles figures en taille doulce, dont l'exemplaire imprimé pour la seconde fois à Venise, est orné: i'ay plus que i'amaïs eu faim de le lire. Et aiant accompli mon desir, le lisant tout du long, ay esté meu à non seulement le communiquer aux François, n'entendans la langue Italienne, par la version que i'en ay fait: mais aussi à l'augmëter de beaucoup, és endroictz où ie me suis veu un beau Et spacieux champ propre pour ce faire, comme i'eusse bien peu aussi rendre le volume d'une aultrefois plus gros qu'il n'est, y adioustât maintes autres images, fables, mythologies, Et autres choses propres en leur lieu, Et nō hors de propos, si i'eusse pësé tel mië labour debuoir estre agreable à la plus grande part des lecteurs. Car i'ay doubté, Et suis encores en ce doubte, que rares sont ceux qui y prendront plaisir, principalement ceux qui n'ayans gousté les bonnes lettres, n'y entendront que le hault Aleman: mais ce n'est pour telles gens que i'ay pris ceste peine. Et me semble que

P R E F A C E.

*ie voy desia quelques seueres censeurs qui pourront trou-
uer mauvais que ie me soye amusé à cela, & dirôt qu'es-
crivant telles fables ridicules, c'est renouueller la memo-
ire de l'ancienne erreur, & superstition des Gentils, qu'on
debueroit mettre sous les pieds, & tascher d'ensepuelir.
Mais ie leur resppōdray que les liures de Tertullian, de
Lactance, & d'Arnohe, tres-anciens Theologiens, & de
maincts autres de grande authorité, sont tous remplis de
l'Idolatrie des Gentils, laquelle ils assaillent de tous co-
stez, par argumens probables, & par les Sainctes escrip-
tures, & la condamnent, pour l'abolir, & en diuertir
ceux qui en estoient & sont encores souillees. Ie ne pense
point que nul siecle aye produict vn plus grand Theolo-
gien que Sainct Augustin, & neantmoins tant s'en fault
qu'un si grād personnage, tant saint & tant Chrestien,
aye trouué mauvais d'escrire des commentaires de Ju-
piter & des autres Dieux des Payens, qu'il n'a eu hon-
te d'intituler l'œuvre où il a parlé abondamment d'eux,
La Cité de Dieu. Fulgence, homme de bonne vie, & pro-
fond sçauoir, fut iadis, & est encores de grande estime,
& toutesfois il ne trouua impertinent & aliené de l'estu-
de de l'hōme Chrestien, d'expliquer les raisons des fables
des Gentils, combien qu'il fust ia vieil, & Euesque (au-
cuns dient que ce n'est pas l'Euesque qui a escript les
Mythologies, mais bien vn autre Fulgēce) Que si quel-
cun me fait ceste obiectiō, que les anciens peres ont escript
de ces fables & mensonges des Dieux des Ethniques,
affin*

P R E F A C E.

affin seulement de rebouscher & rabbatre leur folie & impieté: (comme par effect ils le monstrent bien, quand ils refutent & se moquent de leurs sottcs ceremonies): ie respondray aussi pour Cartari, & pour moy, que nous auons assemblé en un liure diuerses images des Dieux, affin que quand le lecteur Chrestien verra telle pluralité de Dieux, & Jdoles, deplorant la misere des paouures auenglez Payens, il recognoisse nostre felicité, & auèques moy rende graces au souverain & seul Dieu, de ce que par sa misericorde il nous a deliuré des tenebres si espesses d'erreur & d'ignorance, par son fils nostre Seigneur J E S V S C H R I S T: veu que descripuât leurs ceremonies, sanglants sacrifices, & façons de faire, ie donne mon iugement à l'encontre, & les condampne. Tel donc aiant esté mon dessain dez le commencement, il n'est nul qui l'osast trouuer mauuais, & reprendre hardiment, sinon qu'il me fust malucillant. Car seroit-ce pas bien vne grande enuie & malice de condâpner en moy, ce qui a esté loué ez autres, veu que les escripts des anciens docteurs de l'Eglise, sont plains de semblables propos? S'ils sont approuuez aux liures des autres, pourquoy les reprendra on aux miens, où ie les ay seulement transcript & exposez de bonne foy? N'entens-tu pas (ie parle à toy censeur au sourcil refroingné, quel que tu sois) que quand tu reiettes & condampnes telles choses, tu n'abolis & reprouues pas seulement la Poësie, mais aussi l'histoire, & les bonnes lettres? Mais

P R E F A C E.

dy moy ie te prie, où c'est que tu as leu, que la lecture des liures des Gentils aye esté defendue. Sainct Basile le grand, n'a il escript vne harengue à ses ieunes disciples et nepueux, en laquelle il leur declare quel profit ils pourront recueillir de la lecture des liures des autheurs prophanes & ethniques? Sera ce mal faiçt que les ieunes gens, voire toutes personnes entendēt & sçachent pourquoy Jupiter a esté appellé Stateur par les Romains? Est-ce vn grād crime de dire la cause pourquoy les mesmes Romains ont appellé Junon Monete? & a quelle occasion le surnom de Chaulue a esté donné à Venus? Est-ce impieté de sçauoir que souuentefois les proprietétez qu'on a attribué à chacun Dieu, signifient les excellences ou du corps, ou de l'esprit? comme quand on a dit, les tetins de Venus, les yeux de Iunon, les mains de Pallas, les pieds d'argent de Thetis, les pieds d'or de Cerés, la loiaulté de Themis, l'eloquence de Mercure? Ou est ton iugement, ô Mome rebarbatif? S'il n'est loisible de declarer ces choses, pourquoy ne les rayè lon de tous les liures, cōme pernicieuses? mais elles sont nō moins utiles que delectables, notamment pour la cognoissance des antiquitez. Certainement ç'a esté tousiours chose fort belle & louable, d'auoir cognu l'antiquité, & n'ignorer ce que les anciens ont escript. Or comme ainsi soit que les images & statues des Dieux tiennent les premieres places entre les antiquitez, les medalles apres, les inscriptions des tombeaux, le troisie sme reng, les graueures & autres reliques

reliques de ceste venerable antiquité, le quatriesme & cinquiesme, i'ay voulu mettre premierement en besoi-
 gne ma plume au subiect des images des Dieux des anciens,
 deuant que venir aux autres especes que ie sors de nom-
 mer, de chacune desquelles, selon leur ordre, i'espere trai-
 cter par apres, en autres liures que ie desseigne. Et d'au-
 tant que cest argument precedent surpasse ses sui-
 uans, i'ay aduisé aussi de dedier ce liure à un Seigneur qui de-
 uance maints autres en la cognoissance de telles choses,
 & en face estat, comme les personnages illustres, insi-
 gnes, bien naiz, & d'esprit hault esleué, s'y sont de tout
 temps pour la pluspart delectez. D'entre lesquels, & de
 ceux de nostre temps, Monsieur d'Arques, Seigneur nō
 moins vertueux, docte & amateur des sciences, que
 vaillant & genereux, & lequel est une perle de la no-
 blesse Françoisé de nostre aage, tient l'un des premiers
 lieux. Oultre ce qu'estant fils de cest heroique Cheualier,
 Monseigneur le Visconte de Foyeuse, Lieutenant de
 Roy, il ne peut en imitant les vertus paternelles, qu'estre
 digne de tres-grands honneurs. Que si ie me vouloy ar-
 rester sur ses louanges, & son merite, qui est cognu par
 tout le monde, ie n'auroy iamais faict.

C'est donc à vous tresmagnanime & vertueux Sei-
 gneur, que ie vouë & offre ce mien labeur, vous suppliāt
 accepter ma deuotion, ensemble ceste offrande d'aussi bon
 cueur que humblement ie la vous presente: & n'auoir à
 mespris ny le present nyle donneur, à l'exemple d'Arta-

P R E F A C E.

xerces, Roy des Perses, lequel passant chemin tout à cheval, receut avec les deux mains de l'eau qu'une petite vieille femme (Plutarque dit un pauvre homme de labour) luy donna à boire, autant agreablement qu'il auoit accoustumé prendre les presens que les puissans Monarques luy enuoyoiẽt, ayant cest humain Prince esgard non au don, mais à la bonne volonté de celle qui le luy donnoit. Prenez donc le cas que ie soye en vostre endroit ceste vieillotte; qui vous aye offert l'eau, et vous soiez, s'il vous plaist, Artaxerces, de maniere que comme il print à gré un present de bien petite valeur, ainsi pareillement vous daigniez prendre de bonne main, & voir de favorable œil ceste œuvre, bien que ce soit peu, & que vous soiez digne de chose plus grande. Ce que ie m'assure vous ferez, de tant plus que ie sçay que comme plus un Seigneur est studieux, & amateur des bonnes lettres, de tant plus aussi il a en recommandation la douceur & la courtoisie. En ceste assurance, ie prie à Dieu,

Tresmagnanime Seigneur, vous donner avec santé, longue vie, & accroissement de grandeur.

Vostre tres-humble seruiteur,

ANTOINE DV VERDIER.

Ad clar. Anton. Verderium, Dom. Vallispriuatæ, Claudij Ver-
derij, eiusdem filij obsequentiſs. Hendeca-
ſyllabi, ſeu Phaleucij verſus.

*O gentes miſeræ, nimis dolendæ,
Quarum claudere cæcitas ocellos
Infirmos potuit: quibus latræa
Falſorum in pretio fuit Deorum.
O gentes miſeræ, à quibus ſupremi
Soliusque Dei fides neglecta.
Fælices populi, à quibus Deorum
Cultura ad nihilum fuit redacta.
Fælices iterum, à quibus ſupremi
Soliusque Dei fides recepta.
Quantum Thæciji ſuus poëta,
Et quantum peperit malum Latinis
Ianus dum varios Deos doceret:
Et quantum nocuit ſuis Meliſſus,
Cecrops Cecropiis, Agenoriſque
Proles perſuga Græciæ vniuerſæ:
Tantum proficis, hoc tuo labore,
Genti non modò Gallicæ, ſed orbi.
Sicut clara dies præit tenebras,
Et mendacia iure veritati
Cedunt, ſic tibi cedit Orpheuſque,
Eumolpúſque, Linuſque, Homerus atque,
Fallentes populum ſuis fabellis:
Diuum nam veterum erigens figuras
Euertis ſimul, vnicúmque verum
Monſtras eſſe Deum omnibus colendum.*







LES IMAGES DES DIEUX

DES ANCIENS,



Iadis recueillies & exposées en Italien par le seigneur Vincent Cartari de Rhege, & maintenant traduites en Francois par ANTOINE DV VERDIER, seigneur de Vaupriuas.



ET OVTE les perfections donnees à la nature humaine, il n'en est point d'autre qui soit plus grande ny plus conuenable à l'homme que la religion: & parce onques n'a esté nation qui n'aye participé d'icelle en quelque sorte. Et combien que on die que la raison principalemēt fait l'homme différent des animaux brutes, on voit aussi neantmoins qu'auparauant l'usage d'icelle, la religion apparoit en luy comme estant celle qui accompagne l'esprit humain selon que disoit Iamblic, philosophe Platoni-

*La religion
perfection
principale
des homes.*

que, lequel veut que certaine lumiere diuine vienne à toucher nos entendemēs, & qu'en iceux elle eueille vn appetit & desir naturel de bien, duquel apres l'homme discourt, & en rend raison avec iugement. Ce qu'aucuns ont voulu donner à entendre sous la fable de Promethee, comme que ce feu diuin, avec lequel il donna vie au premier homme, vienne à tirer continuellemēt à luy par voyes secretes les ames humaines, lesquelles au semblable sentans d'où sont venues & de qui elles ont eu leur premiere origine, se retournent & reuiennent à iceluy. De là vient que quand quelque grande chose se presente, de bien, ou de mal, soudain deuant qu'en faire autre consideration, l'homme leue les yeux au ciel, & souuent aussi les mains ensemble iointes, demonstrent que naturellement il sent que de là hault vient tout bien, & que par ce il en veuille rendre graces & louange à celuy qui l'enuoye, & que de là on doit pareillement attēdre ayde contre tout mal. C'est pourquoy il implore humblement la faueur diuine en telle maniere, & a recours aux prieres, qui sont tous effets de religion. Laquelle fait aymer & craindre Dieu, ce qui ne se peut pourtant faire sans auoir quelque cognoissance de luy. Donques auparauāt l'vsage & discours de la raison, l'homme en aucune maniere cognoist & porte reuerence à Dieu, en quoy il est different des bestes, auxquelles aucuns ont bien voulu dire qu'il y a quelque chose de raisonnable: mais il ne s'est iamais trouué qu'elles ayent eu aucune lumiere de religion. A ceste cause la religion est toute des hommes,

mes, & seule appartient à iceux, lesquels guidez d'icelle ont haussé les yeux au ciel, & considerans la miraculeuse dispositiō de l'vniuers, ont dit estre là haut celuy qut par amour infinie, & puissancē souueraine & auec prouidence eternelle ordōne toutes les choses, les gouuerne, & en a cōtinuel soing. Et fut cestuy appellé Dieu, pourautant qu'il est autheur & donneur de tous biens, eternel, infini & inuisible. Mais pour cela chacun ne s'attend tousiours à ceste verité, parce que les hommes commenceans de consentir à leur nonchalance, & de s'y complaire par trop, ne regarderent plus oultre que ce qu'ils veirent des yeux corporels, & de là prindrent occasion de croire que les Estoilles, le Soleil, la Lune & le Ciel mesmes fussent Dieux, comme escrit Platon, que ceux la furent les premiers adorez tant des Grecs, comme iadis au parauant eux de plusieurs nations barbares, & veut que du continuel mouuement qu'ils leur voyoient faire, ils les ayēt appelez Dieux, tirās ce nom de certaine dictiō Grecque. Ceste tromperie & abus vint despuis tellement à croistre, que plusieurs hommes aussi furent estimés Dieux, & comme Dieux furent pareillement adorees aucunes bestes, & à tous estoient dressez diuers simulachres, cōme fut encores fait nō seulemēt aux vertus, mais aussi aux vices, & à chacun d'eux fut donné nom de Dieu, & de diuinité. Aux vertus, afin d'estre tousiours presentes, & qu'elles aydassent aux vices, afin qu'ils ne nuyssent & demeurassent loing. Dōt fut presque infinie la multitude des Dieux enuers les anciens, car non seule-

*Multitude
de Dieux.*

ment les nations, mais chaque cité, tout lieu, toute maison & toute personne s'en façonnoit à sa mode, & n'y eut presque aucune des nations humaines, de laquelle ne fust nommé quelque Dieu. Cete grande quantité de Dieux ne fut seulement parmy le vulgaire & menu peuple des antiques, mais aussi entre ceux qu'on estimoit scauoir asses. Par ce que ceux cy, oultre qu'à certain premier & vnique bien, qu'ils disoient estre cause de toutes les choses, mettoient en apres vn nombre presque infiny d'autres gens, qu'ils adoroient de plus, & en nommoient aucuns Dieux, autres Demons, autres Heroes, & à tous donnoient offices à eux appropriez, & lieux distincts & separez, comme estoit aussi distinguee la maniere de sacrifier aux vns, & aux autres. Herodote escrit que ceux d'Egypte nommerent douze Dieux seulement dez le commencement, & les semblarent imiter les Pythagoriciens. car on lit que les Grecs prindrent & porterent ces choses & les autres sciences de l'Egypte, où estoient les tant celebrees colonnes de Mercure toutes plaines de profonde doctrine, principalement des choses du ciel, marquées de diuerses figures & pourtraicts d'animaux, de plantes & d'autres choses, que les Egyptiens eurent autresfois en lieu de lettres, lesquelles estoient declarees par les prestres (qui là estoient tresdoctes, & en grande reputation) à qui-conque en eust esté iugé digne, comme fut Pythagoras, Platon, Democrite, Eudoxe, & autres qui pour ceste occasiō vindrent en Egypte. Disoient doncques les Pythagoriciens, que comme en la première sphere
re sont

Douze principaux Dieux.

re font douze figures d'animaux , ascauoir les douze signes du Zodiaque:ainsi y a il autāt d'ames , chacun ayant la sienne, qui leur donnent vie, & mouuemēt, & sont icelles les douze Dieux , Iupiter, Iunon, Neptune, Vesta, Phœbus, Venus, Mars, Pallas, Mercure, Diane, Vulcan, & Ceres:lesquels ils disoient auoir le gouuernement des choses de ça bas. Cēs mesmes Dieux furent aussi mis des Romains & partis en six masles & six femmes, dicts Consentes pour ce qu'ils estoient cōseillers du senat celeste, & ne se deliberoit rien sans eux, comme on voit en Homere , & ez autres Poetes, que quād il y auoit quelque affaire d'importance, Iupiter faisoit assembler le conseil pōur en deliberer, combien que luy mesmes deliberoit aussi souuent, & faisoit de son seul motif, comme les Poetes mesmement en ont escrit, & Seneque en vn lieu où il dispute de la nature du fouldre , dit qu'il y en a aucū que Iupiter dardoit sur les mortels, de sa teste, & sans le conseil des autres Dieux. En oultre tous les Dieux des anciens n'habiterent pas en vn seul lieu, & ne demurerent trestous au ciel, mais la terre, & les eaues tant des fleues que de la mer, en eurent leur part, & ne furent tous immortels , pourautant que les Demydieux mouroient, dont font foy , (dit Pausanias) plusieurs sepultures de Silenes qui se voyent à Pergame, en Asie, & les Nymphes semblablement mouroient. De maniere que l'abusee antiquité se forgea des Dieux de toute sorte, comme on peut voir en sainct Augustin en sa cité de Dieu, de ce qu'il en rapporte de Varron. Mais avec tout cela

*Dieux Cō-
sentes.*

*Dieu n'a
point de fi-
gure.*

parmy ces Gentils & Payens, s'en trouuerent aussi aucuns lesquels eurent certaine bonne opinion de Dieu, ascauoir qu'il estoit vn, seul, eternal & inuisible, & par ce n'auoit forme ny figure aucune, qui cherche laquelle (dit Pline) consent par trop à son ignorance. C'est pourquoy Antisthenes, chef de la secte Cynique, disoit (côme recite Theodorit euesque de Cyrene) que Dieu ne peut estre veu des yeux, pourautant qu'il n'est semblable à chose aucune visible. à raison dequoy ne faut penser qu'on le puisse cognoistre par image, ou statue: quelle que ce soit qu'on face de luy. Et Xenophon imitateur de Socrates, dist qu'on cognoissoit bien Dieu estre grand & puissant, puis qu'il mouuoit tout, & demeuroit toujours immobile, mais pour cela ne pouuoit on scauoir de quel aspect il estoit, ni quelle face il portoit. A ce propos Xenophanes se mocquant de la vanité des hommes qui adoroient les statues faites par Phidias, Polyclète, & autres excellens sculpteurs, disoit que si les cheuaux, les bœufs, & les elephans eussent eu les mains, & d'icelles sceu trauailler & faire besogne, ils auroient aussi faicts les Dieux en forme d'elephant, de bœuf, & de cheual, comme les hommes les ont faict de forme humaine. Le mesme demontre Ciceron avec aucunes raisons, là où disputant de la nature des Dieux, il fait parler Cotta cōtre l'opinion des Epicuriens. Les Iuifs (lesquels entre les anciens ensuiuirent la vraye religion) adorarent vn seul Dieu, & le regardoient non ez statues ou ez images avec les yeux du corps, mais en sa diuinité avec la lumiere de

de l'entendement, entant néantmoins que la nature humaine le pouuoit comporter & comprendre. Et comme recite Corneille Tacite, repouterent meschās tous ceux lesquels faignoient l'image de Dieu, & la formoient en diuēses matieres à la semblance de corps humains, & à ceste cause en leurs temples ils n'auoiēt aucunes statues ny simulachres. Dont parce que Herode auoit fait mettre sur la grande porte du temple de Hierusalem vne grande aygle d'or, quelques ieunes gens s'esleuerent, & se mutinans comme en fureur de peuple, ayans entendu que le Roy s'en alloit mourir, la briserent & ietterent par terre, ainsi que racompte Iosephe, disans que c'estoit contre les loix de la religion, & qu'il ne falloit attendre autre occasion de venger & restablir l'honneur de Dieu. mais les miserables la rencontrèrent fort mal, car Herode eut encores tant de vie qu'il les feit prendre & bruler tous vifs. Suidas recite que Pilate ayant porté en Iudee quelques estēdars & enseignes où estoit peinte & representee l'image de Cesar, toute ceste nation fut troublee de ce qu'il auoit enfreint leurs loix & ordonnances antiques, qui estoient de n'auoir aucune image en la cité. Trismegiste disoit que celuy ne mōstroit qu'il creust que les Dieux fussent au ciel; lequel en vouloit voir les statues deuant les yeux, ou qu'il ne se fioit que ses voeus & prieres peussent arriuer iusques là haut, & que pour ce doute furent faicts les simulachres, & appelez Dieux. On lit de Lycurgue, legislateur des Lacedemoniēs, qu'il ne vouloit qu'à semblance d'homme ny de nul

autre

autre animal peussent estre comparez & representés les Dieux, & qu'il ne s'en deust faire simulachre ny statue. Lactāce escript que les Egyptiens iadis des le commencement adorerent les Elemens, sans faire aucune image d'iceux. Et Numa Pompilius, second Roy des Romains, ne croyoit qu'on peust donner aucune effigie à Dieu, comme racompte Plutarque. De sorte que les Romains demurerent deslors cēt septante ans sans faire aucune image & statue de leurs Dieux, estimans estre grande erreur de tirer & représenter les choses diuines & immortelles à la semblance des mortelles & humaines. Les Persans pareillemēt, & ceux de la Lybie, aux premiers temps n'eurent aucunes statues, autels, ne temples. Herodote escrit des Scythes, que, combien qu'ils adorasent plusieurs Dieux, comme Vesta, Iupiter, Apollon, Mars, & autres ausquels ils dōnoient des noms propres à leur langue, ils ne feirent pourtant temple, autel ne statue à autres qu'à Mars, comme nous verrons cy apres en son image, & neantmoins ils sacrifioient à tous en vne mesme maniere. Les Essedons, gent de la Scythie, n'adoroient point d'autre idole que la teste ou crane d'un homme mort, ayans (comme racompte Herodote) vne telle coustume entre eux, qu'à celuy auquel le pere estoit mort, tous les parens & amis apportoit des ouailles & brebis, lesquelles ils couppoient en pieces, comme de mesmes ils faisoient du corps du defunct, & de ces deux chairs meslees ensemble, ascauoir de l'homme & des brebis, ils faisoient vn grand banquet, & en mangeoient

mangeoient indifferémēt. En apres ils escorchoient la teste du mort, qui pour cest effect auoit esté reservee & mise à part, & la mettoient dedans & dehors, de maniere qu'en ayant leué toute la chair ne restoit que l'os seul tout poly & net, lequel ils doroient, & le tenoient pour idole, luy faisant sacrifice tous les ans en grâde solennité. Et Pomponius Mela, & Solin racomptent qu'ils s'en seruoient de coupe à boire, & q̄ c'estoit le plus grâd honneur qu'ils sceussent faire au defunct. A ceci est semblable ce qu'escript Suidas de certaine gent de la Iudee, qui adoroit la teste d'un asne d'or, & luy sacrifioit de trois ans en trois ans vn homme estranger, le decoupans tout en menues pieces. Ceux de Marseille en la Gaule Narbonnoise adorerent les Dieux dans les bois sacrez, sans simulacre aucun: bien est vray que quelquesfois ils faisoient reuerēce & honneur aux grands & haults troncs des arbres, non autrement que si en iceux ils eussent creu estre la diuinité, ainsi qu'escriit Lucan. Et aux premiers temps apres le deluge, les gens de bien & iustes habitoient deffoubs les chesnes (comme on lit dans Pline) & auoient iceux en lieu de choses saintes, & de sacrez temples, parce que les chesnes leur donnoient des glands, dont ils viuoient, & les couuroient & garentissoient de la pluye & des autres iniures du temps. Pausanias descriuant l'Achaie, met, qu'en certaine part de ce pais la y auoit enuiron trente pierres quarrees, sans figure aucune, chascune desquelles auoit le nom de diuers Dieux, & estoient gardees en grande reuerence, pour autāt

que les Grecs auoient d'ancienne coustume d'adorer & reuerer lesdictes pierres, ne plus ne moins que les statues des Dieux. Corneille Tacite escriuant de la Germanie, racompte que les Germains, ou Allemands, anciennement n'eurent ne statues ne temples. D'autant qu'ils estimarent estre vn grand meffait d'enclorre les Dieux dans les murailles en vn petit espace d'vn temple, & que ce fust par trop mesleant à leur grandeur de les tirer ou pourtraire à la petite forme du corps humain. Ils ne mettoient au nombre de leurs Dieux sinon ceux qu'ils pouuoient voir, & desquels ils se sentoient grandement aydez & secourus. Ceux cy estoient le Soleil, Vulcan, & la Lune. Des autres ils n'en cogneurent aucun, ainsi qu'escript Cesar, & n'en entendirent point nommer. Les Grecs au commencement (dit Herodote) adoroient les Dieux, & leur sacrifioient sans les nommer, iusques à ce qu'ils en eurent apres sceu les noms de l'Egypte. mais il dit qu'en son temps ne se sceut encores d'où soient venus ces Dieux, ou si vn à vn, ou bien tous ensemble ils soient venus, ou bien si tous ayent esté dez tousiours, sinon qu'Hesiodé & Homere, lesquels furent enuiron quatre cens ans deuant luy, introduirent parmy les Grecs la race des Dieux, avec plusieurs surnoms, & à iceux attribuerent diuers arts & diuerses formes. Dont pourroit on presque affermer que de ces deux les Grecs eussent appris de figurer les Dieux en diuerses sortes. Mais disons toutesfois avec Herodote, qu'ils l'ont pris des Egyptiens, lesquels furent les premiers qui bastirent

*Origine des
Dieux.*

bastirent temples, dresserent autels, & meirent statues. Comme donc les Grecs le prindrent des Egyptiens, ainsi les Romains eurent des Grecs l'usage des statues, qui fut quand Marcel print Syracuse, parce qu'il porta dans Rome la plus grãde partie des plus beaux tableaux, peintures, statues, & autres tels ornemens qu'il y trouua, tãt pour en faire spectacle, & en embellir son triomphe, q̃ aussi pour en parer & orner par apres la ville de Rome, laquelle iusques alors n'auoit encores sceu quel plaisir & recreation donnoit la peinture & la sculpture. Et pource fut blasmé & repris pour lors Marcel de plusieurs, premierement pource qu'ils disoient que c'estoit à luy trop superbement fait, d'auoir mené en triomphe & comme prisonniers non seulement les hommes, mais aussi les Dieux: & puis, pource qu'il auoit emply le commun populaire de curiosité oyسية, & de babil, attendu qu'il ne faisoit autre chose la plus part du iour, que s'amuser à causer & deuiser de l'excellence des ouuriers, & de leurs arts & ouuraiges, & ainsi perdre le temps. Cecy escript Plutarque, & adiousté, que Marcel neantmoins se vatoit d'auoir esté le premier, qui eust montré aux Romains d'admirer les belles choses de la Grece: & au parauãt luy Tite Liue auoit escript le mesme, disant, que de là les Romains commencerent d'admirer les œuures des arts & sciences Grecques, & qu'ils recueillirent depuis avec beaucoup de licence les despouilles, tant des choses sacrees, que des profanes. Tertullien disant que la Religion fut ordonnée à Rome par Numa, avec pau-

Marcel porta les statues de Grece à Rome.

ures ceremonies & sans idoles : parce que les Grecs, ne les Tosfans , n'y estoient encores allez en faire: semble vouloir que Tarquin le Prisque ou l'ancien, fust le premier, lequel, comme Grec qu'il estoit, & fort bien entendu en la vaine religiõ des Etrusques, enseignast aux Romains de faire statues des Dieux. L'vsaige donc de ces statues vint des Egyptiens , & par le moyen des Grecs passa & paruint vers les Romains : mais il est trop difficile , à scauoir comme il commença en Egypte, tant en a esté escript diuersement. Lactance dit, que plusieurs ont creu que les premieres statues, ayent esté faites par ces Roys, & hommes valeureux, lesquels avec prudence & iustement, ont gouuerné les peuples à eux soubsmis, voulans iceux monstrez statues , la memoire qu'ils tenoient des equitables & iustes Roys, ensemble la reuerence & affection qu'ils leur portoient apres leur mort. Eusebe pareillement escript que les Gentils, souloient conseruer par les statues , la memoire des plus dignes personnes, demonstrent en ceste maniere combien estoit aymé celuy qui auoit conduit ses actions vertueusement, & en quel respect on l'auoit. I'ay leu en Suydas, qu'un Seruch descendu de la race de Iaffet, fils de Noé, fut le premier qui mit en auant l'adoration des statues & des Idoles qu'il auoit faictes pour memoire des hommes vaillans, lesquels il faisoit adorer comme Dieux, & bienfaiteurs du monde. Il y eut aussi des Roys, qui de leur viuant se feirent faire des statues, & icelles adorer, comme Semiramis, laquelle si ce ne fut la premiere, fut bien entre

*Origine des
statues &
idoles*

tre les premiers. Icelle se feit pourtraire & insculper en vne pierre grande de dixsept stades, qui sont plus de deux milles d'Italie, & ordōna que cent hommes en mode de prestres la vinsent adorer aueq solemnelles ceremonies, & luy offrir diuers dons comme à chose de deité. Eusebe racompte qu'en Egypte fut vn homme trefriche, lequel pour remedier à la douleur qu'il sentoit par la mort d'un sien fils vnique, en fait faire vne statue, la contemplant de la mesme affection qu'il portoit au fils defunct: dont ceux de sa maison, lors qu'ils sentoient l'auoir offencé, & qu'ils craignoient à raison de ce d'en auoir quelque grief chastimēt, accouroient à la statue, s'enclinoient à genoux deuant icelle, l'adoroient & demandoient pardō, & ce faisans l'offense leur estoit remise, & restoiēt quictes de la punition. Ils offroient en apres à ceste statue des fleurs & autres diuers dons, comme à celle qui estoit souuent l'assurance & sauueté de plusieurs. Et à l'exemple d'icelle en furent apres faites des autres, ausquelles il sembla (peut estre) plus honnestes de mettre des nōs de diuers Dieux. & ainsi furent faictes effigies d'iceux à la semblance pour la plus part, des corps humains, non que les anciens fussent tous si fols qu'ils creussent que les Dieux eussent la teste, les pieds, & les mains, comme les hommes, mais pour autāt, comme escrit Varron, qu'estās les esprits humains semblables aux esprits diuins, & ne se pouuans voir ni les vns ni les autres, ils voulurent que les corps fissent foy de ceste ressemblāce. Porphyre dit pareillemēt (ainsi qu'Eusebe rapporte)

Statue admirable.

Pourquoy les Dieux ont esté faits en effigie humaine.

*Promethee
adoré.*

que les Dieux furent faicts en forme humaine, pour monstrier que comme Dieu est tout esprit & raison, ainsi aussi les hommes en ont leur part. Lactance escrit que Promethee a esté le premier qui a faict de terre statue d'homme, & que l'art de faire les statues print commencement de luy: d'où vint en apres qu'à l'homme, imitateur de l'œuvre diuine, fut attribué ce qui est à Dieu: & dict que Promethee auoit faict & formé le premier homme. Pour laquelle chose on luy edifia pareillement temples & autels, comme à vn Dieu, & y eut vn des autels à luy dediez en l'Academie des Atheniens, auquel les hommes alloient en certain temps allumer aucuns cierges qu'ils tenoient en main, courans l'un apres l'autre, & celuy qui portoit le sien allumé iusques dans la cité, obtenoit la palme de victoire, ceux qui marchaient deuant faisoient tousiours place de main en main, & cedans aux autres qui venoient apres, si la lumiere de leurs cierges s'estaignoit, ou bien à ceux qui ne portoient qu'un cierge, & courans le se bailloient l'un à l'autre, succedant tousiours celuy qui estoit le plus pres à celuy qui le suiuiot. Ceste ceremonie, ou ieu (si mieux ainsi on le veut appeller) ne fut faict seulement à l'honneur de Promethee, quoy qu'on lise qu'il fust inuenté & institué par luy, mais aussi de Vulcan, & de Minerue: & ne couroit on tousiours à pied, mais quelquesfois aussi à cheual. Dont Adimante en Platon voulant persuader à Socrates de s'arrester en certaine compagnie, luy dist qu'il voioit sur le soir le ieu des cheuaux, lesquels courans se donnoient

noient le flambeau allumé l'un à l'autre en l'honneur de la deesse, qui estoit Minerue. Et Herodote racomptant la maniere trouuee des Persans de faire tenir promptement les nouuelles des affaires qu'on veut mander (qui estoit comme les postes dont lon vse au iourd'hui, quand le paquet court, & que de poste en poste on le baille au premier courrier qui vient) dit qu'ils faisoient, comme font les Grecs, lors que courans, & se baillans l'un à l'autre la torche allumee, ils la portent à Vulcan. Aucuns ont dit que ce ieu represente ce que feit Promethee, quand il print le feu au ciel, & le porta en la terre. Quelques autres dyent, qu'il demonstre le cours de la vie humaine, en laquelle ceux qui vont deuant, quitent la lumiere de la vie à ceux qui viennent apres, comme dit Platon, establisant ses loix, que les hommes se debuoiuent marier pour engendrer des enfans, afin qu'ils redonnent la vie à autrui, laquelle ils ont eu pareillement d'autrui. Et Lucrece parlât de la succession des mortels, dit, que courans & s'entresuyuans, ils se donnent l'un l'autre la lumiere de la vie. En la Phocye y auoit aussi vn certain petit tēple dedié à Promethee, avec vne statue, laquelle aucuns disoient estre d'Esculape: mais parce qu'en ce lieu vis à vis estoient quelques grosses pierres de couleur de sable, & qui rendoient vne odeur semblable à celle des corps humains, il fut creu plus generally que ceste statue fust du dict Promethee, & que ces pierres fussent restees de la mesme matiere dont il forma ce premier homme, duquel vint apres toute la generation humaine. Il
peut

peut bien estre, & nous le pouuõs bien dire, que Promethee ayé faict le premier homme, si par luy nous entendons, comme entendit Platon, la supreme prouidence, par laquelle, non seulement les hommes, mais toutes les autres creatures du monde sensibles & insensibles, ont esté dez le commencement creees & faictes. Et parce fut ceste Prouidence adoree des anciens cõme Deesse, laquelle en mode de tresbonne mere de famille, gouuernast l'vniuers, & estoit son image de femme rafsise en habit de graué matrone. On voit en oultre combien de plaisir prenoient les anciens aux statues dont ils auoient vng grãd nombre: tellement que Pline escrit qu'à Rhodes en auoit plus de trois mille, non moins en Athenes, en Delfe, & autres lieux de la Grece. En quoy les Romains ne furent moins ambitieux que les Grecs, par ce qu'ils eurent tant de statues, qu'il fut dit que dans Rome y auoit vn autre peuple de pierre. Et ne conseruoient en grand soing les anciens seulement les statues, mais aussi les peintures plates, en ramassans tant qu'ils en pouuoient auoir des peintres & sculpteurs excellens, desquelles ils ornoient leurs maisons non seulement dans la cité, mais aussi dehors au village. Ce qui fut estimé estre trop superflu, & y auoir trop de lascif, & ne conuenir à la seure vie des Romains. Dont Marc Agrippe en feit vne belle harengue, voulant persuader qu'on meit en public toutes les statues & tableaux qui estoient mises pour ornement des maisons priuees. Et fust esté asses meilleur (dit Pline) que de les enuoyer cõme en exil aux champs & au

& au village. Varron escript que plusieurs allerent aux maisons de plaisir, que Luculle auoit aux chāps, pour voir seulement les belles peintures & sculptures qu'il y auoit posees dans des niches fort bien accomodees. Les anciens obseruerent aussi de faire les statues en sorte, qu'ils pouuoient, quand il leur plaisoit, leur oster les testes, & y en mettre d'autres. Dont Suetone parlant de la vaine gloire de Caligula, dit, que comme il sembla à cest empereur, qu'il eust surpassé la grandeur de tous les autres Princes & Roys, il commença d'vsurper les honneurs diuins, & commanda qu'à toutes les statues des Dieux qui par religion, ou par art estoient belles à voir, comme celles de Iupiter Olympien, & autres, fussent ostees les testes, & que la sienne y fust mise. Et Lampride mesme escript, que l'empereur Commode osta la teste du colosse, qui estoit de Neron, & y posa la sienne. D'auantage les statues esleuees en public, estoient

tenues en tel respect de quiconque elles fussent, qu'on les gardoit comme chose religieuse, & n'estoit licite les oster, ny les offenser en façon que ce fust, comme dit Ciceron contre Verres, amenant l'exemple de ceux de Rhodes, lesquels, bien qu'ils eussent eu trescruelle guerre contre Mithridates, & qu'à raison de ce ils luy portassēt hayne mortelle, toutesfois ne bougerent iamais sa statue de sa place, & n'y toucherēt point, ores qu'elle estoit en vn des plus dignes lieux de la cité. Et les statues des princes auoiēt ce priuilege, qui quiconque fuyoit à icelle & la tenoit embrassée, ne pouuoit estre tiré de là par force. Ce qui

Statues tenues en grand respect

pourtant ne seruit de rien au fils de Marc Antoine: car Auguste le feit oster de la statue de Cesar, à laquelle il estoit couru pour son refuge & salut, & com-
 manda qu'on le tuaist. Les statues furent aussi faites
 quelquesfois vestues, & quelquesfois nues. On en
 feit pareillemēt de toutes dorees: & Acilie Glabrien
 fut le premier, comme escrit Tite Liue, qui feit en
 Italie statue doree: laquelle il posa à son pere Gla-
 brion. Alexandre Aphrodisee dit, qu'anciennement
 les statues des Dieux & des Rois furent souuent fai-
 tes nues, pour demonstrier que la puissance d'iceux
 est ouuerte & manifeste à chacun, & qu'ils sont, ou
 doibuent estre de cœur sincere, & nud, non souillé
 de vices, ne couuert de fraude & dol. Et Pline dit
 que les Grecs auoient de coustume faire les statues
 nues, par ce que les Romains les fouloient au moins
 vestir d'un corps de cuyrasses. Ce que possible ne
 fut apres tousiours obserué, & à plusieurs furent
 donnees statues pour autre occasion, que pour leur
 propre valeur. Dequoy Caton ne tint iamais conte,
 lequel à vn qui luy demanda pourquoy il n'auoit sta-
 tue parmy tant de nobles ses pareils, respondit (com-
 me recite Ammian Marcellin) que plustost il vou-
 loit que les gens de bien ignorassent pourquoy il
 n'en auoit point, que s'ils osoient dire la cause pour-
 quoy on luy en auoit dressée. Agesilae semblable-
 ment refusa des Grecs l'honneur des statues, disant,
 commē recite Xenophon, qu'icelles portoient lou-
 ange aux sculpteurs, & ses actions vertueuses à luy.
 Et estoient les statues portees solemnellement, & en
 procession

*Statues
pourquoy
nues.*

*Statues de
par qui des-
priees.*

proceſſion, ez pompes publiques par les anciens Romains, leſquels avec celles des Dieux portoient auſſi les ſtatues & images des princes, & autres perſonnes illuſtres, les oſtant de la grande place où elles eſtoient toutes, excepté celle de Scipion, qu'on oſta du Capitole, comme eſcrit Appian, par ce qu'il auoit ia fait entendre au peuple que toutes les operations procedoient du conſeil diuin, & pour dire que Iupiter luy monſtroit tout ce qu'il auoit à faire, il s'enfermoit ſouuent tout ſeul dedans ſon temple, qui eſtoit au Capitole, à raiſon dequoy y fut retenue ſon effigie & ſtatue, & touſiours deſpuis là gardée. Par ces ſtatues & images eſtoient cogneues les plus nobles familles. Dôt Marius, pour ce qu'il eſtoit de famille non noble, dit en Saluſte, qu'il n'a images ne ſtatues qu'il puiſſe mōſtrer de ſes anceſtres & maieurs, toutesſois qu'au lieu d'icelles, il peut bien faire voir les merites & honneurs qu'il a rapporté de ſes victoires. Mais retournōs aux ſimulachres des Dieux, leſquels furent faiçts en diuerſes manieres, ſelon que diuerſes eſtoient les couſtumes des peuples, demonſtrans aucunesſois en iceux le naturel auquel ils eſtoient plus enclins. Dôt Suidas eſcript que les Phœniciens feirent leurs Dieux tenās des ſacs pleins d'argent à la main, pourautant qu'ils iugeoient que celuy qui eſtoit plus riche en or & argēt, eſtoit de plus grande valeur que les autres. Les Grecs les feirent armez, par ce qu'ils creurent que par les armes, principalement eſtoient les gens tenus ſubieçts. D'abondant, mōſtroient aucunesſois les anciens ethniques

*Statues
pourquoy
faites en di-
uerſes ma-
nieres.*

ez statues des Dieux, ce qu'ils desiroiēt obtenir d'eux, ou que ia ils auoient obtenu, car ils les faisoient souuent par vœu, le mesme faisoient ils aussi presque tousiours par les surnoms qu'ils leur donnoïēt : mais les principales & plus propres estoient celles qui signifioient leur nature, & les effects, qu'on croioit venir d'iceux. Elles ne furent pourtant tousiours faites en sorte, qu'elles fussent entendues de tous, ayant la religion de ces temps (ores qu'elle fust vaine & faulse) introduit la plus grand part de ces mysteres & secrets, tellemēt qu'il n'y auoit seulement q̄ les prebſtres qui les sceussent : les autres les croyoiēt simplement, sans chercher & s'enquester plus oultre de ce qu'il estoit permis à tous de ſçauoir. Dont on lit en Tite Liue, & autres historiēns, qu'aucuns liures de Numa Pompilius, ayans este trouuez, lesquels pouuoient porter grand dommage à la religion de ces temps, s'ils fussent venus en lumiere, parce que, peut estre, descouuroient ils la vanité d'icelle : furēt brulez publiquement par ordonnance du Senat, affin que le commun peuple n'en sceust rien plus que ce qui luy estoit monſtré par le Pontife, & par les autres prebſtres, qui de ce auoient la cure. Et Tarquin Roy feit noyer en mer (comme rapporte Valere le Grād) vn nommé Marc Tulle, auquel auoit esté baillé en garde le liure des secrets de la religion, par ce qu'il en laissa prēdre vne coppie à Petronie Sabin. Ce qui pourra estre cause que quelquesfois demeurera en arriere la raison de quelque image que i'auray deſſeigné, pourautant qu'Herodote, Paulanias, Plutarque,

& maints

& maints autres, dyent souuent qu'ils ne la scauent pas, ou que la religion leur deffent de la dire. Mais ce sera bien raremēt, car ce que l'on n'a voulu dire tout entierement, se recueillit quelquesfois de plusieurs à pieces: & ainsi ay ie faict le plus que i'ay peu. Pour suyuant donc mō propos, pourquoy les Dieux ont esté faictz en diuerſes manieres, Eusebe recitant les parolles de Porphyre, dit, que les anciens pour faire cognoistre la diuerſité des Dieux, en feirent aucuns masles, & aucuns femmes, aultres vierges, & aultres mariés, & vestirent leurs statues. Et Aristote dit que les anciens estimerent la vie des Dieux estre semblable à celle des hommes, parce qu'ils les auoient fait en effigie humaine, & pour ce comme ils viuoient soubz des Roys, ainsi ils dirent, qu'entre les Dieux y auoit vng Roy. Lactance apres auoir prouué par plusieurs argumens, que les Dieux des anciens furent hommes, la memoire desquels fut consacrée apres leur mort, adioust, qu'ils furent de diuers aages, qui enfant, qui ieune, & qui vieil, & qu'à chacun fut donnee certaine & propre image, & furent faits leurs simulacres de telle sorte qu'ils representoient l'aage, & l'habit qu'ils auoient quand ils moururent. Et pource peult on aussi dire que tant d'autres choses qu'on raconte ainsi des Dieux des anciens ayent esté feintes comme si à fait ils eussent esté hommes. Et i'en diray quelcune selon qu'il me viendra à propos, en desſeignant les images particulieres de plusieurs, ausquelles ie mettray la main, apres que i'auray dit de quelle matiere elles estoiet faictes. Eusebe

*Matières
des idoles.*

donc dict, apres Porphyre, que Dieu estant vne lumiere trespure, qui ne peut estre comprise de noz sens, fut fait de matiere lucide & resplendissante, comme le plus fin marbre, & le crystal: qu'il fut fait pareillement d'or, pour monstrier l'eternel & diuin feu où il habite, & que plusieurs le faisans de pierre noire, vouloient donner à entendre son essence inuisible. Mais Porphyre parla possible de la coustume de son temps: comme ainsi soit que les plus anciens fabriquaient les Dieux de bois, comme on lit en Theophraste, où il escript de la nature des plantes, qu'on souloit faire lesdites idoles de cedre, de cyprés, de terre grasse, & de buys, & aucunes aussi de racine d'oliuier: & Pline escript que les anciens feirent les statues des Dieux, de cedre, pourautant que ce bois dure presque sans fin: & que dans Rome y en auoit vne d'Apollō, qui fut aportee de Seleucie. Plutarque en escript ainsi: C'est vne chose fort antique, que la manufacture des images & statues, que les anciens firent de bois, parce que la pierre leur sembla estre trop dure pour en faire les Dieux, & pensoient que l'or & l'argent fut comme la fiente de la terre sterile, & infructueuse, parce que là où sont les minieres de ces metaux, rarement y naist aultre chose: & appelloiēt les anciēns malade & malheureuse ceste terre laquelle ne produisoit herbes, fleurs & fruietz, pourautant que l'auarice n'ayāt onques encores eu vigueur dans leurs cueurs, ils ne se foucioient & ne tenoient compte d'aultre, sinon q̄ de ce dont ils pouuoient se nourrir & viure. Platon aussi semble vouloir que de

*Idoles de
bois.*

bois

bois seulement fussent faictes les statues des Dieux, escripuant ainsi : Estant la terre habitation consacrée aux Dieux, on ne doit faire d'icelles leurs images, ne d'or ne d'argent, pouraultant que ce sont choses par lesquelles est portée enuie à ceux qui les possèdent. A ce propos Lactance escrit, que les riches statues des Dieux demonstroient l'auarice des hommes, lesquels sous couuerture de religion, se delectoient d'auoir or, yuoire, perles, pierreries, & aultres choses precieuses, faisans d'icelles les sacrées images, qu'ils tenoient cheres plus pour la matiere & estoffe dont elles estoient, que pour ceux qu'elles representoient. Le mesme Platon poursuit son propos en ceste maniere : Lyuoire est chose que l'ame auoit premieremēt, & puy l'a mise à bas : & pource il n'est pas bon d'en faire les statues des Dieux : le fer n'est à cela bon, ny les aultres metaux durs, pouraultant qu'ils sont mis en œuvre aux guerres, & sont instrumens des massacres & occisions. Restoit donc, selon Platon, le bois seulement pour en faire les sacrées images. Pausanias de mesmes dit, qu'il croit qu'aux premiers tēps toutes les effigies des Dieux en la Grece ont esté faites de bois, principalement celles que les Egyptiens auoient fabriqué : car en Argos estoit vne statue de bois representant Apollon, à luy dediée par le tresantique Danae. Et sembloit que ne se trouuaissent aucunes plus antiques images faictes d'autre matiere que d'ebene, de cyprez, de chesne, de lierre, & d'argille : mais il y en eut aussi quelcune d'oliuier, faicte par le conseil de l'oracle, qui demonstroit aperte-

ment

ment qu'au temps d'alors les Dieux aymoient mieux estre pourtraitz, & insculpez, ou esleuez sur bois que sur aultre matiere. Car i'ay leu en Herodote, que les habitans d'Epidaure enuoyarent demander à l'oracle en Delphes, le moyen de remedier à vne grande sterilité: ausquels fut respõdu qu'ils fissent deux simulacres ou statues à Damias & Luxeias (ceux cy estoient Demons ou Genies du pays,) non de metal, ny de pierre, mais de bois d'oliuier. Au premier temple qui fut basti à Iunon en Argos, fut posé vne statue d'un tronc de poyrier: & à Rome, où elle estoit appelée Roïne, on y en dressa deux de Cyprez, qui estoient portees solennellemēt & en grāde ceremonie (comme escrit Tite Liue) à certain sacrifice qui fut ordonné la premiere fois que Hannibal passa en Italie. Et lit on dans Pline, qu'à Populonie, ville de Toscane, dite maintenant Portoferrato, y auoit vne statue de Iupiter fort antique, faicte d'un seul bois de vigne. Dont n'est de merueille, s'il est vray que se soit trouuez des seps de vigne tant grandz & gros que les colonnes du temple de Iunon en Metapont en ayent esté faictes, ainsi que le mesme Platon l'escrit. De l'arbrisseau aussi vulgairement appelé Agnus castus & en Grec, ἄγνος, c'est à dire chaste & monde, fust faicte vne statue à Esculape, (cōme escrit Pausanias) en certain lieu de la Laconie, où du nom de la matiere de la statue il fut appelé Agnite. De bois semblablement furent faits les Dieux des Romains, pendant qu'ils furent amis de la simple pouureté. A raison dequoy Tibulle, parlāt aux Dieux domestiques,

nommez

nommez Lares, dit ainfi:

*N'ayez honte si bien vous estes
Faiçts d'un tronc sec, parce qu'aux temps
Treshoureux de noz pauvres ans,
Vous fustes tels, lors que la foy,
La pieté, la iuste loy,
Estoient mieux qu'à present gardees:
Et que pauvrement adorés
Furent dans les pauvres maisons
Les Dieux de bois, &c.*

Et Properce fait parler Vertumne de sa statue, & dire en ceste maniere:

*D'une piece & sec tronc de boys
J'ay esté fait, comme tu vois.
Et parauant Numa Pompili,
Je demuray dedans la ville,
Que tousiours agreable i'euz.*

Pline escrit que iacoit que la fabrication des statues fust en Italie chose fort antique, tesmoing l'Hercule dedié par le Roy Euander, qui fut posé au marché aux beufs à Rome, & appellé triomphal, parce que on le reuestoit d'habits de triôphe en toutes les entrees triôphantes qu'on faisoit à Rome, neantmoins on ne fait aux Dieux dans les temples autres statues que de bois au parauant que l'Asie fust subiuguee des Romains, de laquelle furent apportees en Italie les precieuses statues: car la Grece ne se contenta tousiours du bois seul pour en faire ses Dieux, mais elle les fait aussi d'or & d'autres diuers metaux: & pour se monstrier plus splendide & magnifique en

leur endroit, Pausanias dit qu'elle feit souuent venir de l'Indie & de l'Ethiopie, l'yuoire pour leur en faire des statues:& que de fer aussi en fut faicte quelcune, comme l'Hercule qui combat l'Hydre, qu'on void en la Phocide,mais cela fut tant difficile à faire, qu'il y auoit peu de statues qui fussent faites de fer. Dont à Pergame,cité d'Asie, venoient plusieurs pour voir comme chose admirable, deux testes de fer consacrees à Bacchus, l'vne de Lion, l'autre de Sanglier. Corydon chantant avecq Thyrsis en Vergile, promet à Diane la faire toute de marbre poly : & sur ce passage Seruie le grammairien, commentateur de Vergile,dit que les anciens souloiēt faire aux statues la teste & la poictrine seulement de marbre. Oultre ce ils feirent presque tousiours aucuns Dieux vils & plebeiens de boys seulemēt, de terre, ou d'autre semblable vile matiere, comme Priape, & autres à luy semblables,qu'ils tenoient la pluspart aux champs& au descouuert,& les autres plus nobles, comme les Dieux du Ciel, de matiere plus digne. Et ne furent tousiours tous les Dieux des anciens faicts en forme humaine, mais souuentesfois à la semblance de diuers animaux : & quelquesfois aussi d'homme & de beste ensemble ioincts, comme les Centaures, & les Satyres. Dont (ainsi qu'escript Seneque,& apres luy S. Augustin) si viuās ils eussent esté de la forme qu'on leur auoit faict leurs images & semblances, ils n'auroient esté adorez comme Dieux, mais fuyz comme monstres. En Egypte plus qu'en autre region furent en valeur ces mōstrueux simulachres & statues, comme

me fera veu en plusieurs images, ausquelles ie donneray commencement par l'Eternité: pourautant que si bien tous les Dieux des anciens n'estoiēternels, & immortels, les plus dignes neantmoins estoient estimez tels, à raison dequoy on creut que l'Eternité les accompagnaist tousiours: quoy que Boccace racomptant la Genealogie des Dieux, die que les anciens la donnerent pour compaignie à Demogorgon seulemēt, lequel il met auoir esté le premier de tous les Dieux, & tient qu'il habitaist au milieu de la terre, tout passé, & enuironné d'une nuee tresobscure, couuert de certaine humidité & mouffe, comme sont ces choses qui demeurent en lieu humide. Mais ie n'ay encores onques trouué, ny veu autheur ancien, qui parle d'icelluy. Parquoy ie dy que l'Eternité demeuroit tousiours avecq ces Dieux, qui estoient reputez immortels, le nom de laquelle demonstre assez qui elle estoit, denotant & signifiant chose qui contient en soy tous les aages & tous les siecles, de sorte qu'aucun espace de temps ne la peut mesurer, combien qu'on puisse dire en certaine maniere que pareillement elle soit temps, mais qu'elle n'a iamais fin. Et pource Trismegiste, les Pythagoriques, & Platon dirent que le temps estoit l'image de l'Eternité, pourautāt qu'il se retourne en soy mesme, & semble que iamais ne s'en voye la fin. Mais ceste Eternité peut estre plustost dite Perpetuité, parce que combien qu'elle n'aye onques fin, elle ne possede pourtant entierement toute en vn mesme point ceste siēne vie infinie, ce qui est le pro-

*Eternité.**Perpetuité.*

pre de l'Eternité, selon Boece Seuerin: lequel dit que si bien il sembla à Platon, que le monde n'aye eu commencement, & soit pour n'auoir iamais fin, ceux la toutesfois se trompent, lesquels ensuiuans ceste opinion, le dyent & nomment coeternel à Dieu: parce que à donner aux choses leur propre nom, ils doiuent dire, tenans encores l'opinion de Platon, que Dieu est eternal, & le monde, perpetuel. Boece donc descript l'Eternité, qu'elle est vne possession parfaite & presente de tous les temps, & icelle est propre à Dieu, auquel ne passe ny vient le temps cōme à toutes les choses créées, ors que quelcune fust pour n'auoir iamais fin. Mais ne la cerchons pour ceste heure tant par le menu, comme, peut estre, les anciēs ne la cerchèrent, quand ils dirent leurs Dieux estre eternels, voulans entendre par cela qu'ils fussent immortels & sans fin, & que l'Eternité fust ceste infinité de temps. Dont Claudian, qui la descript amplement ez louanges de Stilicon, fait qu'un Serpent enuironne l'antre, où elle demeure, en sorte qu'il se poufse la queue dans la bouche: ce qui est faict pour demonstrier l'effect du tēps, lequel se va tousiours tournant & roulant en soy mesme, dequoy ce Poete a pris l'exemple des anciens d'Egypte, lesquels en leurs lettres hieroglyphiques demonstroient pareillement l'an par le serpent qui se mordoit la queue, pour raison que les temps sont ainsi ioincts ensemble, & tellemēt que la fin du passé est le commencement de celluy qui s'ensuyt. On voit l'Eternité en vne Medaille de Faustine, faicte en ceste sorte. Vne fēme

vestue

*Image de
l'an.*

vestue en matrone est debout sur pieds , tenant vne boule en la main dextre, & portant sur le chef vn large voyle estendu, qui la couure d'une espaule à l'autre. Mais voyons tout le dessein qu'en fait Claudian:

*En vn lieu tant loingtain & de nous inconnu,
Que trace n'apparoist qu'homme y soit oncq venu,
Où venir n'est permis à la pensee humaine,
Et les Dieux mesmement y arriuent à peine.
Vne cauerne y a, mere d'infinis ans,
Qui hors mande, & apres retire à soy les temps.
Un serpent tortueux, qui au dos & au ventre
Est plein de verde escaille, enuironne cest antre.
Ce qu'il trouue, il estraint, & ne le lasche pas,
Que du tout, peu à peu, n'en ayt pris son repas.
Il se fourre la queue au profond de sa gueule,
Et semble qu'affamé, deuorer il la vueille.
Se trainant doucement en rond, il fait son cours,
Et au lieu d'où il part, il retourne tousiours.
A l'entree & à l'huy s'en tient l'alme Nature,
Laquelle d'observer qui entre & sort, a cure.
D'icelle à l'environ les ames vont volant,
Et de ses membres tous chacune va pendant.
Vng vieillard venerable, estant dans la cauerne,
Escript les fermes loix, desquelles se gouuerne
Le monde vniuersel, en oultre ce vieillard
Aux Astres etherez certains nombres mespart:
Par vn ordre immuable aux ames il ordonne
Le despart, & retour: & combien la personne
Doit viure, & quand mourir, & les effectz diuers
Des Astres principaux, dont les cieux sont couuers*

De Mars, de Iuppiter, de la Lune, & Saturne,
 De Venus, & Mercure en leurs cours diurne:
 Et quand Phæbus s'approche, & pres l'Antre se tient,
 La puyssante Nature au deuant de luy vient,
 Et le vieil au poil blanc reueremment s'incline
 Aux superbes rayons. De la grotte Diuine
 Le sueil diamantin lors s'ouure, & peu à peu
 Sont veus tous les secrets qui gisent en ce lieu.
 Là les siecles de fer & d'airain ont leur place,
 Celuy d'argent y est, lequel ne vient ny passe
 Que bien tard parmy nous: l'autre plus haut assis
 Est d'or, & d'or sont ceux qui sont entour luy mis,
 Tous plains de vraye foy, de soigneuse prudence,
 De bonté, de douceur, de iustice & clemence.
 Ce sont les ans heureux qui finiront nos maux,
 Quand Phæbus tout-voyant voudra de noz trauaux
 Avoir compassion: & fera que l'Astree
 Du haut ciel descendra en la basse contree,
 Desireuse reuoir la terre, & se tenir
 Auecques les humains sans iamais n'en partir.

La description & desseing de cest antre ou cauerne,
 nous demonstre, (selon l'exposition de Boccace) que
 l'Éternité va par dessus tous les temps, & parce elle
 est esloignée & incognue non seulement aux mor-
 tels, mais quasi aussi aux Dieux celestes, assauoir à ces
 bienheureuses ames qui sont là sus aux cieux. Et de
 son large & spacieux sein ceste cauerne enuoye hors
 les temps & siecles, lesquels elle rappelle apres à foy,
 parce qu'ils ont ia eu commencement en icelle, & se
 retournans en eux mesmes semblent sortir d'icelle, &

retour

retourner encores en la mesme. Ce qui se faict tacitement, parce que sans que nous nous en prenions garde, le temps passe, & s'en va comme à cachettes. A la porte où demeure la Nature, maintes ames vôt volans à l'entour, pourautant qu'elles descendent aux corps mortels, d'ou sortans en apres, elles vont au sein de l'Eternité.



Ce qui se fait tout par œuvre de la Nature, & pour ce elle demeure là à la porte. Le vieillard qui m'espart par nombre les estoilles, est (possible) Dieu, non qu'il soit vieil, car en luy n'est aucun terme d'age, lequel donnant ordre au mouuement des estoilles, distingue les temps. Mais (possible) seroit il plus propre de dire q̄ le vieillard fust le Destin, parce qu'il fait la reuerce à Phoebus, que lon pourroit prédre pour Dieu, quād il se presente à la cauerne. Autre chose ne dit en apres Boccace des siecles qui sōt là, pour estre chose facile à chacun, & ie n'en diray pareillemēt rien plus, pour venir à l'image de Saturne, que les anciens ont pris pour le temps, & nous auōs ia commencé à tenir propos du temps en parlant de l'Eternité, de laquelle qui voudra voir autre description, lise l'Hymne que Michel Tarchaniote Marulle Constantinopolitain en a fait, & encores vn autre Hymne d'icelle que Pierre de Ronfard a plus excellemment & hautement chanté.

S A T V R N E.

*Premierement du hault ciel vint Saturne,
Fuyant l'effort de Iupiter, à l'heure
Qu'il fut chassé de son regne & demeure.
Cil que ie dy mit ordre diligent
A policer ceste indocile gent,
Par les hauts monts esparse & dissipée:
A iustes loix la rendit occupee.
Et voulut il la nommer Latium,*

Pour auoir en latente mansion

En ces confins, & retraits affeuree.

On dit encor que la saison doree

Fut sous ce Roy, tant il gouuernoit bien

Tranquillement en paix le peuple sien.

En ceste maniere chante Virgile de Saturne, mettant l'histoire avec les fables, laquelle raconte selon la verité, que Saturne vint en Italie lors que son fils le chassa de la Grece, & les fables ont feint en apres, qu'il estoit premierement Seigneur du Ciel, & que Iupiter l'en chassa, & le fit descendre embas, parce que la Grece tend plus vers l'Orient, & partant est plus haute que l'Italie, laquelle tire vers l'Occident. S'estant donc Saturne retiré en Italie, Ianus Roy de ce pays où despuis Rome fust edifiée, lequel avec son peuple viuoit grossierement, l'associa, & le fit participant au Royaume, pourautant que Saturne luy monstra la maniere de cultiuer les terres, & fabriquer la monnoye de metal, laquelle au parauant estoit de cuyr. A raison dequoy despuis en l'un des costez d'icelle, fust marquée vne nauire, pourautant que Saturne nauigant alla en Italie: & de l'autre costé vne teste à deux visages, car telle estoit l'image de Ianus, comme nous verrons cy apres. Dont Saturne fut tant estimé de ces gens, qu'ils commencerent, ensemble leur Roy, à le reuerer cōme Dieu, car ceux là estoient lors reputez Dieux, lesquels fauoient inuenter & enseigner quelque art qui fust vtile à la vie humaine. Et cultiuer les terres, & les rendre plus fertiles qu'elles ne sont de leur nature, c'est vn art tres-

*Saturne
dit Stercu-
lier.*

*Saturne
pris pour le
temps.*

utile, par lequel Saturne merita les sacrez hōneurs, & fut appellé Sterculie, de la fyante & fumyer que l'on espanche sur les terres & prés, qui les faict deuenir plus fertiles. A ceste cause aucuns ont voulu dire que sa statue tenoit vne faulx à la main, pour denoter que ia du commencemēt en Italie il enseigna la cultiuation des champs, & le labeur des terres, comme



ainsi

ainsi soit qu'avecques la faux on moyssonne le bled que les terres bien labourées produisent. Oultre cecy, soubz le nom de Saturne les anciens entendirent le temps, & les Latins amenerent plusieurs raisons de Saturne toutes conuenables au temps, mais non à nostre propos. Et les Grecs pareillement le nommerent Cronos, qui veult à dire temps. & ce que le nom signifie fut monsté en l'image de ce Dieu, laquelle ils firent presque tousiours en forme d'homme vieil, mal vestu, à teste nue, portant vne faux en vne main, & en l'autre auoit ne sçay quoy enuelopé en vng drapeau, qu'il sembloit se metre dás la gueule, comme s'il le vouloit deuorer, & quatre petits enfans estoient là au pres de luy. Ces choses sont interpretées ainsi. Le temps est vieil, & mal vestu, pourau tant que ou il a tousiours esté, ou bien il commença d'estre ensemble avec le monde, assauoir lors que la separation du Chaos estant faicte, les elemens furent separez, & que commencement fut donné à la generation des choses, commenceant alors le Ciel de se tourner à l'entour, par le mouuemēt duquel les hommes pareillemēt cōmencerent de mesurer le temps, qui fut occasion aux Grecs de dire en leurs fables, Saturne auoir esté fils d'Vranos, qui signifie Ciel. Et auoient de coustume les anciens metre au sommet du temple de Saturne vng Triton avec la trompette à la bouche, voulant par ce moyen demonstrier, comme dict Macrobe, que de Saturne l'histoire commēça d'auoir voix, & d'estre cognue: car sans doubte au parauant que les temps fussent distinguez, elle ne

*Exposition
de Saturne*

*Quand
c'est que
commença
l'histoire.*

pouuoit estre sinon muete & incognue. Saturne fut ainsi vestu vilement, pour denotér qu'en ce commencement du mode les personnes ne cherchoient somptuositez en leurs vestemens, ains se contentoient que leur corps fust couuert. Ou bien tels habits monstroient estre du tout vsez, afin de sembler estre plus cōuenables à la vieillesse d'icelluy, lequel auoit la teste nue, parce qu'en ces premiers temps, qu'on le croyoit gouuerner tout, & que l'aage d'or estoit en vigueur, la verité fut ouuerte & manifestée à tous, non cachée, comme elle fut sous tant de mēsonges, & tant de tromperies. A ceste raison aussi les anciens sacrifioient à Saturne la teste descouuerte, laquelle ils se couuroient en sacrifiant aux autres Dieux. La faulx que Saturne tient en main, demonstre que le temps moissonne & trenche toutes les choses. Et ce qu'il se fourre dans la bouche pour le deuorer, denote que toutes les choses nées & produytes par le temps, sont aussi par le temps deuorées, surquoy les anciens feignirent la fable qui s'ensuit. Craignāt Saturne d'estre chassé du Royaume par vn sien fils, ainsi que les destinees luy auoient predict, il commanda à Ops, laquelle fut aussi appelée Rhea, sa femme, que toutes les fois qu'elle enfanteroit, luy presentast soudain ce qu'elle auroit fait, pourautant qu'il ne vouloit en maniere que ce fut qu'aucun enfant masle restast en vie, quand bien il les eust deu tous deuorer. Or Ops enfanta la premiere fois Iupiter & Iunon, d'vne ventree, & presenta Iunon seule au mary, sachant que pour estre femme, elle ne luy feroit aucun mal,

Fable de Saturne.

mal, & miffa Iupiter, dequoy Saturne s'eftant pris garde, cria, & le voulut auoir : lors Ops luy presenta certaine pierre enuelopée dans vng drap, difant ce eftre le fils qu'il demandoit, & Saturne fans regarder aultrement que c'eftoit, fe la fourra dans la gueule, & la deuora: mais en apres la mit dehors, comme il faisoit pareillement des fils apres qu'il les auoit mangé, lesquelz il reuomiffoit. Dont lit on en Pausanias qu'à Delphes, au temple d'Apollon, estoit vne pierre non par trop grande, gardee en fort grand respect, par ce qu'on la disoit estre la pierre que Saturne deuora en lieu de Iupiter, sur laquelle tous les iours (mais plus les festes) ils respandoient de l'huyle, puy l'enuelo-
poiēt entour de layne nō lauee. Et les Romains creurent ladicte pierre estre celle, qui au Capitole ne voulut ceder à Iupiter, & fut adoree pour le Dieu Terminus, ou Terme. Neptune fut pareillement cōserué de sa mere par semblable tromperie & ruse, laquelle feignit d'auoir enfanté vn petit cauallin, & le bailla à deuorer au mary, comme disoient ceux d'Arcadie, & Pausanias le rapporte. Pluton semblablement se sauua pour estre né d'une mesme portee avec sa seur Glauque, laquelle fut seule presentee au pere, lequel, excepté les fusdicts, deuora tous les autres enfans, les iettans encores dehors, comme i'ay dit, lesquelles choses signifient, comme i'ay commencé à dire cy dessus, que toutes les choses produites par le temps, sont aussi consumees par le temps, lequel les faict aussi renaistre, excepté les elemēs, qui sont les quatre enfans, Iupiter, Iunon, Pluton, & Ne-

Pierre deuorée par Saturne.

ptune, affauoir feu, air, terre, & eau, lesquels ne passerent par la deuorante gueule, pourautant que ceux cy durent tousiours. Martian Capelle descripuât Saturne, luy faict porter en la main droite vn serpēt qui se mort la queuē, monstāt en ceste sorte que par luy s'entend le temps: & dit qu'il marche à pas lent & tardif, & a la teste couuerte d'vn voyle verdoyāt: la barbe & les cheueux sont tous chenus, & combien qu'il soit ainsi vieil, semble neantmoins qu'il puisse retourner enfant. Ce qu'on peult dire estre le renouvellement que faict le temps d'an en an: & pource le voile verd sur la perruque blanche, denote le commencement de l'an, lors qu'au printemps toute la terre est verdoyante, laquelle apres en hyuer est couuerte de tres blanche neige, & ainsi tost se passe l'an d'vne saison à l'autre, qui semblent estre ioinctes ensemble. La tardité du pas se peult rapporter à la tardiuē reuolution que faict la sphere de Saturne, qui des sept planetes est la plus grande, estant par dessus toutes les autres: ce qui la rend plus tardiuē à parfaire son tour. Et pource que de ceste planete viennent tristes effects le plus souuent, ils le feirent vieillard, sale, avecq la teste affeublee, paresseux, & lent, pourautant que sa nature est froide, seche, & toute melancholie. C'est pourquoy Martian Capelle escripuant des nopces de Mercure, & de Filologie, & la faisant monter de ciel en ciel, dit qu'estant paruenue à celuy de Saturne, elle y trouua ce vieillard, qui demouroit là en lieu froid, tout glacé, & couuert de bruine & de neige, & auoit pour habillement de teste vn serpent, quelques

*Image de
Saturne.*

Exposition.



quelquefois vne teste de lyon , & quelque autre fois
 vne teste de sanglier, qui monstroient les terribles dêts.
 Lesquelles trois testes pourroient (parauēture) mon
 strer les effects du temps, ce que pourtant ie ne veux
 affermer, ne le trouuant escript par autheur digne de
 foy. Bien diray ie, qu'à cela conuient assez ceste ima
 ge laquelle auoit pareillement trois testes , de lyon,
 de

de chien, & de loup: qui signifioient les trois temps, passé, present, & aduenir, qui fut mise par les Egyptiens avec le simulachre de Serapis leur Dieu principal, & laquelle ie desseigneray apres en son lieu.

*Image de
Saturne.*

Voyons maintenant ce qu'on lit en Eusebe des effects du temps demonstrez par l'image de Saturne. Il escrit qu'Astarte, fille de Celie, femme & seur ensemble de Saturne, avec plusieurs autres qu'il en auoit, fait à son mary vn ornement royal, qui auoit quatre yeux, deux deuant, & deux derriere, lesquels estoient clos, & dormoient les vns apres les autres, de sorte que deux estoient tousiours ouuerts: & aux espauls elle meit quatre aisles, deux desquelles estoient estendues, comme s'il vouloit voler, & deux restraints & ferrees, cōme s'il s'arrestast. Ce qui signifie que bien qu'il dorme, il ne laisse pourtant de voir, que pendāt qu'il veille il dort aussi, & pareillement que s'arrestant, il s'en vole & fuyt, & que volant, il s'arreste: choses toutes propres au temps. Il adioust apres, que la mesme Astarte meit sur la teste de Saturne deux aisles, voulant par l'vne monstrier l'excellence de l'entendement, & par l'autre le sens. Car les Philosophes naturels dient, que l'ame humaine lors qu'elle descēdās le corps mortel, apporte avec soy de la sphere de Saturne la force d'entendre, & le discours, qu'elle monstre par apres tant ez choses qu'elle comprend par l'esprit seul, qu'en celles qu'elle cognoist par les sens. Ie pourroy dire comme les Platoniciens pour Saturne entendirent l'esprit, ou ame pure, qui demeure presque tousiours ententue à la contemplation

*Voyez la
seconde
figure.*

tion des choses diuines : ce qui donna occasion de dire, qu'en son temps fust l'aage d'or, auquel on viuoit en grand repos & felicité : parce que telle est la vie de quiconque cherche de mettre ius la pesanteur des affections terriennes, & de s'esleuer le plus qu'il peut à la consideration des choses celestes. Ié pourroy aussi dire que Platon souuent met Saturne pour ceste haute & supreme intelligence, laquelle pouruoit à l'estre, au viure, & à l'ordre de toutes les choses. Mais cela ne fait en rié à l'image de ce Dieu, partant ie le laisse, & viens à dire que les anciens (comme escrit Macrobe) la feirent ayant les piedz liez avec vn filet de laine, & le tenoient ainsi tout l'an, sinó qu'ils le deüloient apres au mois de Decembre, à certains iours qui luy estoient dediez, voulans en ceste maniere monstrier que la creature au ventre de la mere demeure liee avec nœuds tendres & mols, lesquels sont defaictz lors qu'au dixiesme mois le temps du meur enfantement est venu. Et de là Macrobe dit auoir pris origine le prouerbe des Latins, que les Dieux ont les piedz de layne. Mais aucuns l'ont interpreté en autre sorte, assauoir, que la bonté diuine ne court en haste ny avecques bruit à chastier celuy qui peche, mais va & marche à pas lent & tardif, de maniere que le pecheur ne s'en apperçoit premier que de sentir la peine. On dit aussi que Saturne auoit les piedz liez : ou pource que toutes les choses produites en ce monde semblent estre entrelassees ensemble, ainsi viennent l'vne dernier l'autre : ou bien pource que la nature par certaine & reglee loy, tient

*Saturne
ayant les
piedz liez.*

ainſi les temps lyez enſemble, qui ne ceſſent iamais d'aller ſuccedans l'un à l'autre. Et pource que tres legerement ils courent & s'enfuient, les fables (peut eſtre) ont feint que Saturne ſe changea en cheual, animal fort leger, lors qu'ayant iouy de Phillyre, tres belle nymphe, de laquelle naſquit en apres Chiron, Centaure tres docte, il fut ſurpris & attrapé, ſans s'en prendre garde, par ſa femme, de laquelle il ſe depeſtra, s'eſtant fait ainſi cheual, & ayant pris la courſe. Dont Virgile deſcriuant vn beau cheual, dit que

Tel fut Saturne en cheual tranſmué,

Lors que ſentant que ſa femme venoit,

Branlant le crin, en fuyant henniſſoit:

Et de ſon cry reſonnoient les montaignes.

Mais ces choſes appartiennēt mieux à qui voudroit expoſer les fables des Dieux des anciens, qu'à celuy qui en veut deſſeigner les images, comme ie fais: partant ie les laiſſe, & ne me reſtant autre choſe à dire de Saturne, ie parleray de Ianus ſon compaignon, parce que, comme i'ay deſia dit, les hiſtoires veulent que tous deux regnaſſent en vn temps enſemble en Italie, & Macrobe eſcript que Ianus fut le premier qui y commença d'edifier les temples à l'honneur des Dieux, & qui institua la maniere de ſacrifier à iceux, dont puis il fut pareillement adoré comme Dieu, tellement que les anciens Romains uſoient de ceſte ceremonie, de ne ſacrifier iamais à quelque Dieu que ce fut, qu'ils n'inuoaſſent premier Ianus, comme auteur & inuēteur des ſacrifices. Ce qu'ils faiſoient auſſi pourautant qu'ils creurent que Ianus demeu-

roit

Ianus inno-
qué en tous
les ſacrifices.

roit continuellement aux portes du ciel, de maniere que les prieres des mortels ne pouuoient passer ni venir iusques aux autres Dieux, si cestuy-ci ne leur donnoit l'entree. Et faloit qu'il leur prestaist la main, & les aydaist à cheminer, parce que les prieres (lesquelles Homere feint estre femmes) sont boiteuses, ainsi que le mesme Poëte les descript. La raison est que quand on veult prier, on ploye les genoux, ou bien parce qu'avec vn cœur douteux on se met à prier, estant incertain d'obtenir ce pour quoy l'on prie. Elles ont en outre la face triste, & les yeux louches, pour autant qu'il semble qu'on ne puisse regarder droit ny avec visage ioyeux ceux qui ia se sentent offensez, quand avecques prieres on leur requiert pardon. Les portes du ciel sont deux, l'une de l'Orient, par laquelle le soleil entre quand il vient à donner la lumiere au monde: l'autre de l'Occident, & par icelle il sort quand il donne lieu à la nuit. Celuy dōc qui entend le soleil pour Ianus, comme fait Macro-
be, le dit auoir la garde des portes du ciel, car l'entree & la sortie luy en est libre. Et parce ils le firent à deux faces, mōstrans que le soleil n'a besoing de se retourner derriere pour voir l'une & l'autre partie du monde. Et luy mirent à la main vne baguete & vne clef, afin que par l'une de ces choses on cogneust que le Soleil gouuerne & modere le monde: & par l'autre, qu'il l'ouure quād le iour vient à l'illuminer, & le ferme lors que s'en alant il nous laisse, & qu'il fait que la nuit couure de tenebres la terre. De la vint que Ianus fut creu estre vng mesme que Portunne, lequel

Prieres comme sont faites.

Portes du ciel.

Image de Ianus.

Portunne.



estoit estimé vng Dieu gardien des portes, pour raison dequoy les anciens luy mettoient à la main vne clef comme à Ianus. De cestuy ci prindrent aussi occasion les anciens de se forger vng autre Dieu des gonds des portes. Car Ouide racôte que Ianus eust deuenu amoureux d'une nymphe nommee Grane, il fit tant qu'il en recueillyt les fructs de son amour, & en

en recôpenſe luy donna tout pouuoir ſur les gonds des portes , & l'entiere domination ſur iceux, pour s'ouurir & ſe fermer au plaſir & volunté d'icelle. Et luy donna encores vne verge d'eſpine blâche, appellee la verge Ianale, ainſi dite de Ianus, aueq laquelle on chaffoit les ſorcieres des maiſons où il y auoit des petits enfâns au berceau. Ceſte nymphe fut deſpuyſ appellee la Deeſſe Carne, autrement Cardinee, la uiſſance de laquelle outre les gonds s'eſtendoit auſſi ſur le cueur, le foye & les autres parties interieures de l'homme. Et auoiët de couſtume les Romains de manger aux Calendes de Iuin lard de pourceau à l'honneur de ceſte deeſſe: ſoit qu'ils penſaſſent que par la faueur d'elle cela aydaſt à conſeruer l'homme en ſanté: ſoit qu'ils vouluſſent en ceſte maniere renouer la memoire de l'eſpargne & frugalité de ces bons anciens, qui ſe contentoient de ſimples viandes, côme dit Ouide. Je trouue bien qu'à ceſte deeſſe fut fait vng temple ſur le mont Celie à Rome, par ce Brutus, lequel fit ſemblât d'eſtre ſol iuſques à ce que l'occafion ſe preſenta à luy de chaffer l'impie Roy Tarquin, eſtimant que par le moyen d'icelle la diſſimulation de ce qu'il auoit dans le cueur, luy fuſt ſuccedee heureuſemët: mais ie n'ay point trouué encores qu'aucune ſtatue en ayt eſté faiçte, ny comment, & quelle, me contentant de raconter toutes ces choſes d'elle, afin que qui voudra prendre l'autorité d'en faire vng deſſeing, ou pourtrait, aye de quoy le compoſer. Les anciens eurent encores le Dieu Forcule, auquel eſtoient recommandees les portes, lesquelles

*Deeſſe Car-
dinee.*

*Dieu For-
cule.*

*Dieu Li-
mantin.*

*Que signi-
fient les fu-
ces de Ia-
nus.*

se tournans sur les gonds, s'ouurent & ferment, dites des Latins Fores : & encore vng autre Dieu nommé Limantin, Dieu du fueuil de la porte. Dōt S. Augustin se moquant d'eux, dit qu'un seul homme portier fait tout ce qu'ils font faire à trois Dieux ensemble, qui sont la deesse Cardinee, Forcule, & Limatin. Ores ie reuiens à Ianus, qui est le soleil, lequel non seulement ouure le matin, & clost le soir par chacun iour, cōme iay dit: mais fait aussi le mesme de tout l'ā. Car il l'ouure lors qu'au printemps il fait que la terre commence à produire herbes & fleurs, & que toute allaigre elle espend son ample sein : puis le ferme en hyuer quand priuee de tout son ornement, elle se restraint en soimesme, & demeure couuēte de neige & de glace. Les deux faces de Ianus denotēt aussi le temps, dont l'une est ieune, qui signifie le present : & l'autre est barbue, & de plus grand aage, signifiant le passé. Pline escript que Numa Pompilius, Roy des Romains, fit vne statue de Ianus, ayāt les doigts des mains en telle sorte agēcez, qu'ils mōstroient le nombre 365. afin qu'on cogneust par cela qu'il estoit le Dieu de l'an, car l'an a autant de iours comme il en monstroir auecques les mains: comme ainsi soit que les anciens ployans les doigts en diuerſes manieres monſtraſſent tous les nombres qu'ils vouloiēt, comme on peut veoir en ce qu'escript le venerable Bede, qui en a faict vng liuret. Suidas pareillement rapporte que pour monſtrer que Ianus estoit le mesme que l'an, aucuns luy mirent en la main droite le nombre de 300. & en la gauche 65. & que quelques autres
luy

luy feirent tenir la clef en la main droite, pour le faire cognoistre commencement du temps, & portier de l'an. Ceux de Phoenicie, ainsi qu'escriuent Ciceron & Macrobe, penserent que Ianus fut le monde: & pour ce quand ils vouloient faire son image, ils peignoyēt le serpēt qui se mord la queuē, & se la deuore, pour-
 autant que le monde se nourrist de soy-mesme, & va se roulant & contournāt incessamment en soy mesme, comme la naissance des choses & leur mort le nous demonstre. Plutarque dit que les deux faces de Ianus monstroient, ou qu'il estoit Genie du pays, ou bien Roy des nations les plus anciennes, qu'il changea leur façon de viure gosse & brutale en ciuile & priuee, tirant d'une en autre la forme & l'ordre de la vie humaine. Autres veulent que les deux faces de Ianus signifient la prudence des sages Roys & princes accorts, lesquels outre qu'ils scauent disposer du present avec tresbon conseil, ont la face deuant, parce qu'ils voyent de loing, & scauent cognoistre les choses premier qu'elles soient, & deuant qu'elles aduiennent, & l'ont pareillemēt derriere, parce que les passees leur viennent en l'esprit, tellement qu'ils voient tout. Ces choses furent ainsi monstrees des Princes, pourautāt, comme dit Plutarque, qu'ils sont enuers les mortels les viues images des Dieux. Et comme les anciens Romains adoroient Anteuorte & Postuorte, compagnes de la diuinité: la premiere, parce qu'elle scauoit l'aduenir: l'autre, le passé, entendans par cela que la sapience diuine scait tout: ainsi en l'image de Ianus avec les deux faces, ils monstra-

Faces de Ianus.

*Anteuorte
et Postuorte.*

rent

*Faces de Ia-
nus en l'a-
me.*

rent la prudence du Roy, auquel ne doibt estre cachée aucune chose de celles qui sont necessaires au bon gouuernement des peuples. Aucuns ont aussi dit q̃ les anciens creurent Ianus auoir esté le Chaos, qui fut celle confusion de toutes choses deuant la creation du monde, & à ceste raison ils luy ont fait vne face barbue, horrible & obscure, & l'autre ieune, belle & gaye, pour demonstrier la beauté venue de la distinction des choses, & de l'ordre admirable donné à l'vniuers, & que pour cela il fut adoré comme Dieu des principes, auquel furent consacrez les commencemens des choses. Mais fermant les yeux de la teste & ouurant ceux de l'entendement, considerons vng peu l'image de Ianus avec les deux faces en l'ame humaine. Nostre ame, selon l'opinion des Platoniciens, soudain qu'elle est sortie des mains de Dieu, se retourne à luy par certain sien naturel mouuement, comme fille amiable, qui desire de reuoir le pere. Et ce desir est ainsi propre & naturel à elle, comme à la flamme de monter tousiours, sa nature la tirant vers le lieu d'où vient son estre, commencement & naissance: & parce que le feu en terre est allumé par la vertu des corps superieurs, la flamme tant qu'elle peult tend tousiours vers iceux: ainsi l'ame, qui se sent créée de Dieu, se retourne à luy, & le desire. Mais ce desir, ou lumiere (si mieux nous l'aymons ainsi appeller) ne dure en elle tousiours. d'vne mesme maniere: car tant plus s'vnit avec elle, plus elle deuient moins resplandissante, & ainsi se fait semblable à elle, ne voyant plus sinon soy-mesme & les choses de ça bas, & ne

& ne regarde plus Dieu, ni les choses diuines. Mais elle ne s'esloigne pourtât d'icelles, de sorte qu'elle ne les puyffe plus voir: mais pour mieux dire, ce premier desir qui est apparu en elle, & puis s'est caché, luy presente quelque peu de lumiere diuine, se descouure soudain, & avec ce retourne à la consideration des choses du ciel. L'ame donc a deux lumieres, l'vne naturelle, à soy propre, & nee avec elle, & avec ceste lumiere se voit elle mesmes, & cognoist les choses du monde: l'autre lumiere est diuine, & infuse de la bonté de Dieu, par la guide de laquelle lumiere elle se hausse au ciel, & là cõtemple les choses diuines. Ces deux lumieres se cognoissent ez deux faces de Ianus: la diuine en la ieune: & la naturelle en la vieille & barbue: parce que les choses que la nature produit çà bas, se changent & enuieillissent: & leur consideration faite par la seule lumiere naturelle a du tenebreux & de l'obscur, pource l'ame les void & contemple avec la face barbue. Et avec l'autre en apres, qui est ieune & polie, nostre ame guidee de la diuine lumiere, toute claire & resplendissante, vient à cõtémpler & remirer l'eternel Dieu, les ames bien heureuses, & les cours & mouuemēs celestes: lesquelles choses ne se changent iamais, & gardent tousiours la beauté de leur ieunesse. Les anciens feirent en outre l'image de Ianus avec quatre faces, pour autant qu'il en fut trouué vne statue ainsi faicte en certain lieu de la Toscanne. Et mōstroit fort bien q̄ celluy qui la feit, print Ianus pour l'an, lequel a quatre faces, parce qu'il y a quatre saisons qui luy font changer de visa-

ge & d'aspect: assauoir, le Printemps, l'Esté, l'Automne, & l'Yuer, lesquels les anciens peignirēt en habits & visages diuers, ainsi qu'Ouide les desleigne briefuement, quand il descript le siege royal de Phœbus, disant:

Le beau Printemps là se manifestoit,

Qui sur son chef chapeaux de fleurs portoit:

Et l'Esté nud, ayant vne couronne

D'esps de blé, qui son chef enuironne.

L'Automne aussi, monstrant membres souillez

Des meurs raisins en vendange fouillez.

Le froid Yuer son reng aussi tenoit,

Dont le poil blanc par tout herissonnoit.

Les saisons de l'an sont aussi quelquefois monstrees en ceste sorte. On met Venus pour le Printemps, Ceres pour l'esté, Bacchus pour l'Automne, & pour l'Yuer quelquefois Vulcan, estant aupres de sa fournaise ardente, & quelque autrefois les vents, avec Eole leur Roy, pource qu'ils causent les tempestes & orages qui en Yuer sont plus frequents qu'ez autres temps. On met aussi sous les pieds de Ianus douze autels, par lesquels estoient entendus les douze mois de l'an, ou bien les douze signes du Zodiaque, que le Soleil passe en tout l'an. Et à Rome estoit vn temple de Ianus, qui auoit quatre portes, & quatre colonnes soubstenoient la voulte de dessus, en chacune desquelles y auoit des niches avec figures representants les mois, lesquels se diuisent en quatre saisons de l'an. Son temple au commencement quād Numa l'eut fait, n'auoit que deux portes: au deuant duquel

duquel son simulachre ou statue estoit, & là il estoit appellé Patulce & Cluse, de deux mots Latins, dont l'un signifie ouurir, & l'autre fermer, parce qu'on creut que sa main faisoit ces deux offices, comme l'ay desia dit, & estoient ces portes appellees les portes de la guerre, desquelles Virgile escrit ainsi.

*Patulce &
Cluse.*

*De guerre dure y a deux portes fortes,
(Tel est le nom de ces iumelles portes)
Sacres d'honneur, par deuotion sainte
Au cruel Mars, & par tremblante crainte.
Cent gons d'arain les maintiennent serrees:
De fer durable à iamais sont barrees.
Iamais ne part Ianus de ce quartier,
Qui est commis au sueil garde & portier.
Les bruyans huis du portail dont ie conte,
Va deffermer le Consul, quand de conte
Deliberé, sans arrest superflu,
Les peres ont à la guerre conclu.
Faisant l'office est là ce Consul graue,
Du Quirinal habit insigne & braue,
Qua la Gabine il ceint & autour plie:
La guerre ouuerte il annonce & publie.
Suyure en apres la ieunesse voit on:
Mainte trompette & cornet de laiton,
Pour le consens public, enroué sonne.*

*Portes de la
guerre.*

Le Senat ayant fait deliberation de commencer la guerre, l'un des Consuls ouuroit lesdites portes, & tant que duroit elles demeuroient tousiours ainsi: puis estant finie, on les ferroit tout aussi tost. Ce que fut institué par Numa, & depuis tousiours obserué

*Ianus mai-
stre de la
paix & de
la guerre.*



par certaine loy, comme escrit Plutarque. A raison dequoy il fut dit tenir la paix & la guerre en sa main, ainsi qu'Ouide fait dire à luy-mêmes, quand il luy demande la raison de ses festes; pourautant que son temple ouuert denotoit la guerre, & fermé signifioit la paix. Dequoy maintes raisons ont esté amenees: mais pour le present disons en vne seulemēt, assauoir que

que plusieurs (& entre autres Ciceron) creurent Ianus estre le ciel, lequel se tournant par son mouvement & tour est cause des coniunctiōs, des aspects, & des autres positions des estoiles, qui nous inclinent à plusieurs operatiōs q̄ nous faisons: & pource dit on souuēt que plusieurs mutatiōs des choses humaines viennent du ciel, au nombre desquelles on peut mettre la paix & la guerre. Ce que possible les Romains voulurent donner à entendre par le mystere d'ouurir & fermer le temple de Ianus. Duquel en outre on lit qu'il y eut aucunes statues en certain lieu de la cité, ou se trouuoient ordinairement les vsuriers à traiter leurs negoces, parce que luy, qui estoit creu le Dieu des commencemens, estoit aussi reputé le maistre des Calendes, qui sont les premiers iours des moys, dont il fut pareillement appelé Iunon, parce que les Calendes estoient aussi consacrees à Iunō, & aux Calendes les vsuriers auoient coustume d'exiger & leuer leurs vsures. Outre ce estoient pareillemēt appelez Ianus, ces arcs qui ez pompes & magnificences des triomphes estoient dressez par la cité à quatre faces, à la semblance du temple que j'ay dit aux quatre portes. Dont Suetone Tranquille parlant de la superbe & vaine gloire de Domitian, dit qu'il dressa par la cité plusieurs Ianus avecq les ornemens triomphaux.

LES IMAGES
APOLLON, PHOEBVS,
LE SOLEIL.



Es opinions ayans esté diuerſes enuers les anciens du commencement des choses, tant de la matiere que de l'auteur, & createur d'icelles : les Poetes, lesquels furent les premiers, comme dit Aristote, qui escripirent des Dieux, faignirent diuerſes fables d'iceux, faisans croire à l'abusee & sotte gent, que plusieurs furent lesquels appellans Dieux les premiers inuen-teurs des choses, & des principales matieres d'icelles, exprimerent les diuers aduis & opinions des diuerſes sectes. Et contant des fables en ceste sorte, feirent Dieux les Elemens, les Estoilles, le Soleil, & la Lune: ausquels en apres furēt bastis & esleuez temples, autels, & statues presque en tous lieux, excepté en aucuns des Assyriens, comme escrit Lucian, lesquels disoient, qu'on deuoit bien faire des semblances & statues de ces Dieux, qui n'estoient veus en autre maniere, mais non au Soleil, ny à la Lune, parce qu'on les voit tous les iours: que puis qu'ils se monstrent toutes les fois qu'on leue les yeux au ciel, que sert il (disoit ceste gent) d'en faire d'autres statues? Neantmoins Macrobe rapporte qu'en certaine autre partie de l'Assyrie, où fut creu & adoré le Soleil, & Iupiter, qui montre l'ame du monde estre vne mesme chose, y auoit vne semblâce ou statue doree sans barbe, laquelle tenant le bras en haut, portoit en la main vn fouët à la mode d'un charretier, & tenoit en



la gauche le foudre, & aucûs espics de bled: lesquel-
 les choses monstroient le pouuoir du Soleil & de Ju-
 piter estre ensemble ioint. Et parce qu'il semble que
 de tous les corps celestes le Soleil aye plus grande
 force és choses créées, & en icelles monstre plus ma-
 nifestemēt qu'aux autres ses effects, aucûs ont voulu
 que par tous les autres Dieux on entende tousiours
 de

de luy feulemēt, selon que diuerſement il nous montre cy ſes vertus. C'eſt pourquoy les anciens en firent des ſtatues en diuerſes ſortes, & fut appellé de diuers noms, non ſeulement par les diuerſes natiōs, pour la diuerſité des langues, mais auſſi par ceux qui eſtoient d'une meſme nation. Les Grecs le nommerent quelquefois Apollon, & quelquefois Phœbus, & ainſi l'ont auſſi appellé les Latins, ne luy ayans donné autre nom en leur langue que Sol, c'eſt à dire Soleil. Les anciens le firent ieune de viſage, ſans barbe. Dont voulant Alciat en ſes Emblemes representer la ieuneſſe, meit Apollon & Bacchus, cōme qu'à ces deux plus qu'aux autres conuienne d'eſtre touſiours ieunes: Tibulle diſant le ſemblable,

*Bacchus ſeulet & Phœbus ſont
Touſiours ieunes, & le chef ont
Tous deux orné de cheuelure
Belle & reluſſante, &c.*

Apollō touſiours ieune.

Dequoy Denys tyran de Syracuſe print occaſion de couurir ſes ſacrileges avec vn propos facetieux, lors qu'il oſta la barbe à la ſtatue d'or d'Eſculape, diſant qu'il ſembloit choſe trop impertinente, que le pere fuſt ſans barbe, & que le ſils l'eueſt ainſi longue. Car on lit qu'Eſculape fut ſils d'Apollon, auquel ils font une belle perruque & cheuelure blonde, tellement qu'elle ſemble d'or, & representer les reſplendiſſans rayons du Soleil. La ieuneſſe duquel nous donne à entendre, que ſa vertu, & ceſte chaleur qui donne vie aux choſes créées, eſt touſiours le meſme, & n'enueicillit iamais, & ne deuient debile. Ce qui ſemble auſſi

aussi estre propre à tous les autres Dieux , qui n'en-
 uieillissent onques. Dont Homere, dist que Hebé, la *Hebé.*
 quelle diction Grecque vaut autant à dire que fleur
 d'age, & signifie le premier coton ou poil, dit follet,
 qui vient aux ieunes gens, versoit le Nectar , liqueur
 diuine : & donnoit à boire à tous les autres Dieux,
 comme Ganimedes faisoit à Iupiter seul. A ceste cau-
 se elle fut la deesse de la ieunesse, adoree pareillement *Deesse de la*
 des anciens , & la faisoient les Romains en forme d'y- *ieunesse.*
 ne tresbelle infante, avec vestemens de diuerses cou-
 leurs , & avec chapeaux de belles fleurs à la teste,
 peu differente de la Deesse Pomone. Ils menerent sa
 statue ainsi faite au temple que Caius Licinius luy
 auoit dedié au grand Cirque, & lequel Marcus Li-
 uius auoit voué & consacré seize ans au parauant le
 iour qu'il deffist l'armee d'Asdrubal, ainsi que Tite
 Liue escrit. Mais ie ne scauroy dire cōme les Grecs
 l'auoient faite : parce que Pausanias recite que dans
 le temple qui luy fut dedié au pays de Corinthe , en
 certain petit bois de cyprez, ceste Deesse n'eut aucu-
 ne statue qu'on veist, moins qui fust cachée , & ce
 pour certaine raison & mystere , qu'il n'a voulu dire,
 & ie ne l'ay sceu trouuer escript par autres. Toutef-
 fois ces gens l'adoroient, & luy faisoient grands hon-
 neurs, dont le plus grand estoit que quicōque fuyoit
 en ce lieu , suppliant humblement la Deesse , estoit
 deliuré (pour respect d'elle) de tout chastiment &
 peine qu'il eust merité , pour quelque grand crime
 que ce fust, par luy commis. Et ceux qui estoient de-
 liurez de prison , portoient là leurs ceps , & les ap-



*Lyre en la
main d'A-
pollon.*

pendoient en des arbres au temple. Apollon auoit en outre à la main vne lyre, pour demonstrier la tres-douce harmonie que font les cieux, se mouuans avec celle proportion qui plus conuient à chacun d'eux, laquelle vient du Soleil, lequel estant au milieu d'iceux (cōme rapporte Macrobe, & telle fut l'opinion des Platoniciens) donne loy à tous: de sorte qu'ils vont

vont tost, & tard, selon que de luy ils ont plus ou moins de vigueur. Et parce que chaque ciel a sa muse, selon les mesmes Platoniciens, nommee aussi par eux à fois Sirene, d'autant qu'elle chante melodieusemēt, qui se rapporte au doux son des orbes celestes, ou cieux, lesquelles sont en nombre neuf, autant qu'il y a de muses: on a feint qu'Apollon est chef & guide d'icelles, & est tousiours en leur compagnie, comme au temple que Pausanias dit auoir esté dedié commun à tous deux, assauoir à Apollon & aux Muses. Lesquelles du commencement ne furent nommees plus de trois, & estoient les noms tels en la langue Greque, qu'en la nostre ils signifient Meditation, Memoire & Chançon. Mais Pierius de Macedoine, (duquel eut nom vne montagne de ce pays) ordonna despuis, comme escrit Pausanias, que les Muses fussent en nōbre neuf, & leur donna les noms, qu'elles ont tousiours apres retenu. Et de ceste montagne toutes ensemble furent surnommées Pierides, cōme de diuers autres lieux qui leur furent dediez, elles eurent diuers autres surnoms. Elles furent dites filles de Iupiter, & de la Memoire, dite en Grec Mnemosyné, propres des Poetes, & de la musique: parce que celuy qui a bon entendement, & grande memoire, deuient facilemēt docte en ce où il applique l'esprit, & en faisant souuentesfois de belles & gentiles compositions, est dict auoir les Muses fauorables, lesquelles les anciens ont peint ieunes de face, & fort belles, vestues en mode de gaillardes nymphes, tenans diuers instrumens en main, selon les diuerses inuen-

*Apollon
chef des
Muses.*

*Nombre
des Muses.*

*Images des
Muses.*

*Chapeaux
dōt les Mu-
ses estoient
couronnees.*

tions qu'is attribuoient à chacune d'elles, comme fait Virgile, lequel en vn sien Poëme fait Clion inuentrice de l'Hystoire, Melpomené de la Tragedie, & Thalie de la Comedie. A Euterpe il attribue l'invention des instrumens à vent, à Therpsicoré, de la harpe & espinete, & à Erato, de la lyre & Luth. Il fait que de Calliope viennent les vers heroiques, d'Vranie l'Astrologie, & de Polymnie la Rhetorique, & dit à la fin que toute leur vertu vient d'Apollon, & que Phœbus estant au milieu d'elles, embrasse tout. On leur faisoit chapeaux de diuerses fleurs & feuilles, & aucunesfois ghirlandes de palme, ou bien on leur enuironnoit le chef de plumes de diuerses couleurs, ou fust pour les Pierides, qui les deffierent à chäter: puis vaincues d'icelles, comme comptent les fables, furent changees en Pies, qui sont oyseaux lesquels encores pour le iourd'huy scauent imiter la voix humaine, ou bien pour les Sirenes, surmontees pareillement d'elles au chant. Et de nostre temps aussi lon voit à Rome aucunes images tresantiques des Muses, qui ont vne plume plantee au sommet de la teste, & croit on que fust des Sirenes. Et les anciens, pour monstrier que les arts liberaux, & toutes les sciences s'entresuyuent l'vne l'autre, peignoient les Muses inuentrices d'icelles, comme i'ay dit, lesquelles se tenās par la main l'vne auec l'autre dansoient en rond, guidees d'Apollon, qui est ceste lumiere superieure, laquelle illustre l'humain intellect, ou bien qu'il est au milieu d'elles. Et est dōnee la place du milieu à Apollon, non seulement là, mais aussi en l'vniuers, parce qu'il

*Pourquoy
Apollō est
au milieu.*

qu'il espad par tout sa vertu : à raison dequoy il fut appelé cueur du ciel:& pour mōstrer qu'il auoit puissance non seulement au ciel,mais aussi en la terre, & iusques en enfer, les anciens luy meirent en main la lyre, entendans par icelle la celeste harmonie, l'escu ou pauois à costé,qui representoit nostre hemisphère,faite en cercle & rond, comme l'escu : & luy donnerent les sagettes, lesquelles parce qu'elles penetrent avec grand force lors qu'on les a descochees de l'arc, monstrent que ses rayons penetrent par sa vertu iusques aux entrailles de la terre, où est la plus basse partie du mōde, laquelle pour cela est appelée enfer. Tout cecy rapporte Seruie le grammairien, l'ayant pris d'un certain liure de Porphyre, intitulé Soleil. Aucuns dient qu'Apollon est appelé Dieu d'enfer, & que les fleches luy furent mises en main, pourautant que souuentefois nuyent grandement aux mortels les trop vehēmentes ardeurs du Soleil, causans peste, & autres maladies : mais parce que sa chaleur temperee nous ayde aussi en apres, il tenoit les Graces en la main droicte (comme ie diray en l'image d'icelles)& les sagettes en la gauche:parce que essuyant les humidités qui sortent continuellement de la terre, il rend l'air purgé & sain. De là prindrent occasion les Poētes de feindre qu'Apollon eust occis de ses sagettes le grand serpent Python, nay de la terre soudain que les eaux du deluge furēt cessées: car Python ne veut à dire autre chose que pourriture, laquelle souuent naist de la terre par trop d'humidité,& feroit de tresgrands maux,si elle n'estoit con-

Python occis par Apollon.

*Pourquoy
le Loup est
attribué à
Apollon.*

*Dequoy se
nourrissent le
Soleil & les
estailles.*

*Loup d'A-
pollon.*

sumee des chauds rayons du Soleil, qui sont les sagettes aigues d'Apollon. Laquelle chose fust monstree pareillement par celuy qui du commencement consacra le Loup à ce Dieu: parce que cōme le Loup rait & deuore les brebis, ainsi le Soleil par ses rayōs tire à soy, & consume les humides exhalations de la terre. C'est pourquoy lon a dit aussi, que le Soleil, la Lune, & toutes les autres estoiles se repaissent & nourrissent des humiditez que la mer & la terre leur enuoye, ainsi qu'escriit Marc Tullie Ciceron, rapportant l'opinion de Cleanthes philosophe, quand il dispute de la nature des Dieux. Le mesme cas veut entendre Homere, quand il feint que Iupiter, avec les autres Dieux, assauoir le Soleil inuité avec les autres estoiles, soit allé au festin de l'Ocean. On dit aussi que comme le Loup a si bon œil, qu'il y void de nuict, ainsi le Soleil quand il apparoit, surmonte les tenebres de la nuict. Dont à Delphes au temple d'Apollon y en auoit vn fait de bronze, pourautant que Latone (selon que dient les fables) faite enceinte par Iupiter, puis changee en ceste beste, craignant possible que lunon le sceust, & la trouuant luy feist quelque mal, ainsi Louue qu'elle estoit enfanta Apollon. Ou bien pource qu'on lit qu'vn loup descouurit le larcin fait des choses sacrees de ce temple, par tel moyen qu'il tua le larron, l'ayant trouué endormi, & depuis alla tant de fois en la cité hurlant & criant, qu'aucuns furent esmeus à le suiure, & il les cōduisit au lieu où il auoit veu metre les choses desrobees, & pour ceste cause fut fait le Loup de bronze, & dedié

là à

là à Apollon en son temple. Ainsi raconte Pausanias: lequel rendât aussi la raison du temple dédié en Argos à Apollon, y surnommé Lycee (qui veut à dire en nostre langue Lupin ou Louveau) dit que Danae estant venu en Argos, fut en debat avec Gelanor, touchant la principauté de la cité, & estant la cause deuant le peuple, chacun dist si bien ses raisons, que les iuges resterent douteux & en suspens de ce que ils deuoient ordonner, tellement que la matiere fut remise à estre vuydee le iour ensuiuant, auquel de bon matin vn loup fut veu assaillir vn troupeau de bœufs, & de vaches qui païssoient à l'entour des murailles, & s'estant attaqué au taureau, chef du haras, le tua. Dequoy les Argiues prindrent argument du iugement qu'ils deuoient faire, comparās Danae au loup: parce q̄ cōme ceste beste n'est aucunement domestique & priuee, ainsi luy venu d'estrāge cōtree, n'auoit iusques à lors eu aucune habitude & priuauté avec les Argiues: & feirent comparaison de Gelanor au taureau, parce qu'il auoit tousiours demeuré au pais. Et ayant le loup occis le taureau, Danae fut iugé superieur, & luy fut donné le gouuernement & domination de la cité. Dont croyant qu'Apollon eust enuoyé ce loup, il luy edifia en apres le temple que i'ay dit, & l'appella Lycee, c'est à dire Lupin, ou de Loup. Et outre la statue du Dieu qui estoit dans le temple, au dehors & au deuant d'iceluy y auoit vne grande base, en laquelle estoient insculpez le taureau & le loup qui se battoient, & vne ieune vierge qui iettoit des pierres contre le taureau, laquelle on disoit estre

*Apollon
Lycee.*

*Corbeau
d'Apollon.*

Diane. Outre le loup, Apollon eut aussi le corbeau. & Martian Capelle dit que ce fut pour la science de deuiner, dont Apollon estoit estimé le Dieu, comme ainsi soit que le corbeau de sa nature deuine la pluye, & le temps serain, & la predict à nous avec voix claire & facile, tãtost enrouee & interrompue, cōme escript Vergile, où il enseigne de cognoistre quand c'est que le temps se doit changer. Et creut on le corbeau deuiner maintes autres choses, & de mesmes les predire avec diuerfes voix: dont les anciens en furent grandement obseruateurs en leurs augures. Parce n'est de merueille, qu'on l'aye attribué & dedié à Apollon, duquel les fables le feirēt aussi ministre & seruiteur, ainsi que raconte Ouide, lequel dit pareillement, qu'Apollon s'en estant fuy avec les autres Dieux en Egypte, pour s'asseurer & garentir des mains de ce grand Thyfon, qui les persecutoit tous, se changea en corbeau en ce lieu, avec lequel les fables ont aussi mis le Cygne, pour monstrier, comme dient aucuns, que le Soleil fait le iour semblable à la blancheur du cygne, quand il vient à nous, & partant de nous fait pareillement la nuit noire, comme est le corbeau. Et aucuns ont voulu dire qu'il n'y a aucun autre oyseau plus propre & conuenant à Apollon que le cygne, tant pour sa blancheur, qui peut représenter la lumiere du Soleil, que pour son doux chant, comme aussi pour autãt qu'il predict sa mort, & c'est à lors que plus doucement & mieux il chante que iamais il ne fait, soit qu'il se resiouisse de sa mort, par certain naturel instinct: soit que quand il est pres de mourir,

grande

Cygne d'Apollon.

grande abondance de sang luy descenda au cueur, duquel estant tout reschauffé, semblo qu'il se defface de douceur & plaisir, & pource il chante ainsi doucement. Autres ont dit que le cygne plainct, & ne chante pas, quand il veut mourir; pour auant que luy croissent tant dedans certaines plumes, qu'il a en la teste, qu'elles luy transpercent le cerueau, dequoy il se meurt. Pausanias escrit qu'en Grece on reueroit le coq comme oyseau d'Apollon, de ce que chantant il annonce au matin le retour du Soleil: & peut estre aussi parce que les anciens deuinoient souuent par sa voix les choses bonnes ou mauuaises qui deuoient aduenir, selon qu'il chatoit en temps, ou hors de temps & saison. Comme les Beotiens deuinerent ceste noble victoire qu'ils eurent contre les Lacedemoniens, les coqs châtans presque toute la nuit: car c'est oyseau, quand il est vaincu, se taist & se cache, & se monstre tout ioyeux quand il est vainqueur, & chantant publie sa victoire. Homere fait q l'Esperuier luy soit pareillemēt consacré, l'appellant legier & prompt messager d'Apollon, lors qu'il escript que Telemaque retourné en sa maison en Itaque, veid vn esperuier en l'air qui deschiroit vne colombe: d'où il print bon augure de deuoir deliurer sa maison, des amoureux de sa mere. Et les Egyptiens sous l'image de l'Esperuier entendoient souuent Osiris, à scauoir le Soleil, tant parce que cest oyseau est de veuë tres aigue, que tres leger à voler. Et les Egyptiens l'adorent, comme escrit Diodore Sicilien, racontant des bestes qui estoient par eux gardees comme Dieux:

*Cog d'A-
pollon.*

*Esperuier
d'Apollon.*

pour occasion aussi (outre autres) que iadis aux premiers temps vn esperuier venant, on ne scait d'où, porta en la cité de Thebes en Egypte aux prebstres vn liure escrit en lettres rouges, contenāt comment & avec quelle reuerence il falloît adorer les Dieux. Dequoy vint que les escriuans des choses sacrees en ce pays porterent apres tousiours vn chapeau rouge à la teste, avec vne aïlle d'esperuier. Porphyre escriuant de l'abstinence des anciens, dit que ceux d'Egypte distribuans diuers animaux à diuers Dieux, comme à eux propres, donnerent au Soleil l'esperuier, l'escarbot, le mouton & le crocodile. Et pource (rapporte Eusebe) les Theologiens d'Egypte mettoient l'image du Soleil en vne nauire, laquelle ils faisoient porter par vn crocodile, voulans môstrer par la nauire le mouuement qui se fait en l'humidité à la génératiō des choses: & par le crocodile, l'eaue douce, de laquelle le Soleil oste toute triste qualité, & la purge par ses rayons temperez. Et Iamblic parlant des mysteres d'Egypte dit, que quand ils mettent Dieu sur la nauire, & au gouuernement d'icelle, ils veulent entendre la premiere cause qui gouuerne l'vniuers, & qu'icelle d'en haut sans se remuer aucunement, fait neantmoins mouuoir & bouger les secondes causes, & toutes les autres de main en main, tout ainsi que le pylote fait aller la nauire à son plaisir, touchant seulement tant soit peu le timon. Martian Capelle pareillement, quand il fait que Philologie entre en la sphere du Soleil, dit, qu'elle void là vne nauire, laquelle gouueree de diuerses fantaisies,

*Nauire du
Soleil.*



fies, va selon que sont les cours de la nature. Elle est pleine de tres viues flammes, & porte marchandises tres precieuses: sept freres ont le gouuernement d'icelle. En l'arbre est depeint vn Lyon, & par dehors est aussi peint vn crocodile, & puis dedans a vne fontaine de lumiere diuine, laquelle par secretes voyes s'espond par le monde. De l'escarbot (autrement dit

fouillemerde) on lit en Eusebe, au liure qu'il a fait de la preparation euangelique, que les Egyptiens en faisoient vn grand conte, & l'auoient en grand honneur & reuerence, le croyans estre la vraye & viue image du Soleil : parce que tous les escarbots, comme escrit Elian, & Suidas aussi le rapporte, sont males, & n'ont point de femelles parmy eux. A raison dequoy en Egypte estoit enioint aux hommes de guerre de les porter continuellemēt grauez en leurs anneaux des doigts, pour demonstrier qu'il leur estoit besoing auoir vn cœur viril, & nullement effeminé. Les escarbots en outre perpetuent leur race en ceste maniere : ils espandent la semence sur le fient, & la tournent & virent avec les pieds, puis en font des petites boules qu'ils vont roulant par l'espace de vingthuit iours, tellement qu'estans eschauffees tāt qu'il leur fait de besoing, prennent ame, & en naissent des nouueaux escarbots, lesquels sont semblables au Soleil, parce qu'il espend pareillement sur la terre la vertu feminine, & l'envelope continuellement, & se roulant à l'entour du ciel, fait que la Lune se renouuelle tous les mois en autāt de temps que l'escarbot renouuelle son engence. Outre les animaux les anciens dedierent aussi arbres & plantes aux Dieux. Le

Laurier
d' Apollon. laurier fut donné à Apollon, & d'iceluy ils luy en faisoient ghirlandes, soit pour la fable qu'on raconte de Daphné nymphe qu'il ayma, & qui fut transformee en cest arbre : ou soit qu'on creust que le laurier auoit quelque chose de diuin en soy, à cause que quand on le met au feu, il faiēt bruit, dequoy les anciens

ciens faisoient iugement des choses futures: assauoir de bon heur, si les feuilles de laurier iettees dans le feu, rendoient vn grand son: & de malheur, si on ne les entendoit faire aucun bruit. Quelques vns des anciens croyoient aussi que qui eust mis à l'entour de sa teste des feuilles de laurier, lors qu'il s'en alloit dormir, celuy eust veu en songe la verité des choses qu'il desiroit scauoir. Outreplus le laurier semble auoir en soy quelque vertu secrette de feu, pourauant que son bois estant frotté avec celuy du lyerre fait feu, ne plus ne moins que font la pierre & le fusil, estans frappez l'vn contre l'autre, & n'est chose qui mieux represente le Soleil que le feu. Or le laurier ayant esté ainsi propre à Apollon, les Poëtes en ont esté despuis coronnez, comme de mesmes les Empe- reurs le portoient pour cause qu'on dit que cest arbre n'est iamais frappé de fouldre & feu du ciel. De maniere qu'on lit de l'Empereur Tibere, qu'il s'entournoit la teste de laurier, toutes les fois qu'il oyoit tonner, affin d'estre assure & hors de dāger du fouldre. Et aux Calendes de Ianuier les Romains donnoient aux nouueaux magistrats quelques feuilles de laurier, estimans que par icelles ils se peussent conseruer sains toute l'annee, parce qu'on croyoit le laurier ayder asses à la santé, de laquelle Apollon aussi eut non seulement le soing, mais encores la medecine print origine de luy, comme nous verrons en l'image d'Esculape, comme ainsi soit, que la temperance & bonne disposition de l'air, conseruatrice des corps humains, vienne du Soleil. Duquel on lit, qu'au pa-

*Apollon
pere de la
medecine.*

*Oeil de Iu-
piter.*

*Le Soleil
void tout.*

rauant l'vsage des lettres les Egyptiens le denotoyēt en ceste maniere. Ils mettoient vn sceptre royal ayāt vn œil à la cime, dont ils l'appellerēt aussi quelque-fois œil de Iupiter, comme voulans dire qu'il voioit l'vniuers, & le gouuernoit avec iustice grande : car le sceptre signifie le gouuernemēt. Et Homere dit souuent du Soleil, qu'il voit & entend toutes choses. Ce qui donna occasiō aux Lacedemoniens de faire vne statue d'Apollon à quatre oreilles, & autāt de mains, & dient aucuns, qu'ils la feirent telle, pource qu'il fut iadis veu vne fois en ceste forme combatre pour eux. Mais peut estre vouloient ils monstrier en telle maniere, la prudence qui vient de ce Dieu, laquelle est tardifue au parler, mais bien a tousiours les oreilles ouuertes pour ouyr & escouter. Et à ceste raison les Grecs auoient vn prouerbe qui disoit, Enten celui qui a quatre oreilles, voulans entēdre d'un homme sage, & accort. Apulee fait foy que le Soleil voit toutes choses, quand il dit qu'en Thessalie y auoit des femmes magiciēnes & forcieres, lesquelles pour rair & desrober quelque chose par leurs enchante- mens, entroient dedans les tombeaux & fosses des trespassez si secretemēt, qu'elles n'auroient peu estre veuēs, non mesmes des yeux du Soleil, voulant dire par cela Apulee qu'il soit impossible, ou hors d'vsage & bien difficile faire chose que le Soleil ne voye. Les Pheniciens faisoient le simulacre du Soleil d'une pierre noire, ronde, & large au fond, mais qui vers la cime venoit en amoindrissant: laquelle, comme escrit Herodote, ils se vantoyēt auoir eue du ciel: & pour-
ce di

ce disoient, qu'icelle estoit la vraye image du Soleil, faite diuinement, non par art humain. De ceste cy ne deuoit estre differēte de forme, ie ne sçay pas de couleur (parce que Pausanias, qui l'escriit, n'en fait point mention) certaine pierre semblable à vne grande pyramide, que les Megaresiens gardoient sous le nom d'Apollon. Et en vn autre lieu, (ainsi que racōte Ale-



xandre Napolitain) ils mettoiēt certaine pierre platte & ronde à la cime d'un baston, & icelle adoroient pour l'effigie & image du Soleil. Laſtance ſur Statius eſcrit qu'en Perſe le Soleil eſtoit le plus grand Dieu qui là fuſt adoré, & l'adoroit ceſte nation en vn antre ou cauerne, la ſtatue d'iceluy ayant la teſte de lyon, eſtant veſtue à la Perſiane, avec certain ornemēt que portoient à la teſte les femmes de Perſe, & tenāt des deux mains à force vn bœuf ou vache par les cornes. La teſte de lyon ſignifie, que le Soleil a plus grande force au ſigne du lyon, qu'en aucun des autres du Zodiaque: ou bien, que tel eſt entre les eſtoiles le Soleil, qu'eſt le lyon entre les beſtes. Il ſe tient en la cauerne, quand il ſe met deuant la Lune, de ſorte qu'il n'eſt veu de nous au temps de l'Eclipse. Et par les raiſons qui ſeront dites apres en ſon image, la Lune eſt feinte en forme de vache, laquelle le Soleil tient ſerree par les cornes, pourautant que ſouuent il luy oſte la lumiere, & la force, l'aſtraignant auſſi la loy de la nature, à le ſuiure. Aucuns veulent que cela monſtraſt pluſtoſt certain myſtere de ce peuple de Perſe, parce que aucun ne pouuoit eſtre admis aux choſes ſacrees de ce Dieu leur, ſi premierement en certaine cauerne il ne faiſoit preuue manifeſte de ſa force, & de ſa patience. En vne cité d'Achaïe, comme eſcrit Pauſanias, la ſtatue d'Apollon eſtoit faite de metal, & toute nue, excepté qu'elle auoit les pieds veſtus, & en tenoit vn ſur le teſt d'un bœuf, qui eſtoit fait (dit on) pourautant que les bœufs pleurent à Apollon, comme chante Alcee en certain Hymne qu'il fait à

Mercure,

*Bœufſagres-
ables à A-
pollon.*

Mercuré, lequel les luy desroba : & premier que luy le dist aussi Homere, escriuant que, moyenant salaire, Apollon gardoit le bestail de Laomedon : & luy fait dire ainsi par Neptune.

*Ne te souuiens il plus des maux qu'auons soufferts
Nous seuls entre les Dieux à trauailler experts,
Quand nous feismes seruiçe vn an tout d'ordinaire
Au fier Laomedon, en espoir de salaire?
C'est luy qui commandoit, nous faisant trauailler.
Quant à moy ie sceus bien sa ville emmurâiller
De murs larges & beaux, affin que ferme & stable
On ne la peust forcer, ny rendre perissable.
Et d'un autre costé tu conduisois dehors
Les bœufs au front cornu, dont les piez sont retors,
Pour les mettre en pasture en la montagne d'Ide.*

Et le bœuf estoit le plus agreable sacrifice & oblatiō qu'on eust sceu donner à Apollon, dont les Cariftiens, & certains autres peuples de la Grece, luy en dedierent vn tout de bronze. Mais Pausanias croit que ces gens vouloient par cela faire entendre qu'ayans alors chassé les barbares, ils pouuoient librement labourer la terre, & en recueillir les fruiçts. Plutarque escripuāt que Thesee feit mettre le bœuf à la monnoye de son temps, en rend quelques raisons, entre lesquelles est ceste, qu'il voulut par ce moien enseigner les peuples, & les inciter à cultiuer la terre. En Egypte on adoroit vn bœuf en place d'Osiris, pour lequel ils entendirent le Soleil, se persuadans qu'il leur fust apparū en telle forme, apres que Typhon son frere l'eut occis, enuieux des hon-

neurs, que luy faisoient ces gentz, l'adorans comme Dieu, à cause des belles & profitables sciences, qu'il leur auoit appris, & le nōmerēt Apis, qui veut à dire bœuf en leur langue. Mais aucuns ont dit que le bœuf fut adoré des Egyptiens, pourautant qu'Osiris ordonna ainsi avec Isis sa femme, estimant que cest animât meritaist tels honneurs, à cause du grand profit & commodité qu'en reçoient les humains à la cultiuatiō de la terre. Et ne se contentoient seulement de l'effigie, mais vouloient que la beste fust viue, laquelle neantmoins ils ne gardoient en vie que bien peu d'annees, lesquelles passees les prebstres la mettoient à mort, en la noyant à vne fontaine. Ce Dieu Bouin ainsi mort, tous se deschirans la robe & s'arrachans les cheveux, en faisoient le plus grand dueil du mode: lequel ils ne cessoient de mener iusques à ce qu'ils en eussent trouué vn autre, ayant les marques qu'il conuenoit, pour en faire vn Apis: car tous les bœufs, ou veaux (Herodote l'appelle veau) n'estoient bons pour estre le Dieu Apis, mais falloit que ce veau fust forty d'une vache, qui iamais n'en eust porté d'autre. Et tenoient les Egyptiens qu'une foudre du ciel fust entree dans icelle vache, dont elle eust conceu & engendré Apis, que les Grecs appelloient Epaphus, lequel veau estant noir & deuenu grād, auoit vne tache blanche & carree au front, vne aigle empreinte sur son espaule, vn escarbot en la langue, & les poils doubles en la queue. Ceste beste dōt ayāt esté ainsi trouuee, tous les Egyptiēs se resiouissans en menoient grand feste, & la bailloient en garde

de aux prebſtres avec toute la reuerence, & tels honneurs qu'ils faiſoient aux deitez, de laquelle ils prenoient certaines reſponſes, comme de l'oracle, en ceſte maniere: On luy bailloit avecques la main, ou du ſoing, ou de l'auoyne, & ſi elle en prenoit volontiers, & mangeoit, les affaires auoient à ſucceder heureuſement, & tout au contraire, ſi elle ne vouloit manger. Diodore racompte que l'ame d'Osiris ayant eſté occis paſſa en vn bœuf, & qu'elle eſt touſiours au bœuf, qu'ils appellēt Apis, & qu'elle paſſe de l'un en l'autre quand on le noye. A Memphis, cité principale d'Egypte, les Egyptiens diſoient que Apis ſe monſtroit & apparoifſoit quelquesfois à eux, de laquelle apparition ils celebroident aucuns iours de feſte, & s'eſtans veſtus de leurs beaux habits, faiſoient feſtes & banquets de ioye. Dequoy le Roy Cambyſes ne leur ayant onques veu faire telle ſolempnité, fut grandement faſché & indigné vne fois que ſon armee ayant eſté rompue & deſſaite par les Ammoniens, eſtant retourné à Memphis, il eſtima que ces gens feiſſent telle feſte à cauſe que ſes affaires ſ'eſtoient mal portez, & menaſſent ioye de ſa perte, parce que d'autre part il ſçauoit qu'ils ne l'aymoient gueres, ſeit mettre à mort aucuns des principaux, ne voulant croire (quoy qu'ils l'aſſermaſſent) que tous ces triumphes fuſſent faits pour l'apparition de leur Dieu Apis, & leur diſoit que ſ'il y auoit quelque Dieu ſi appriuoisé que de venir parmy les Egyptiëſ, ce ne ſeroit ſans qu'il le ſceuſt, & euſt bonne cognoiſſance. Et pource que les prebſtres confirmoient les

*Cambyſes
occit Apis.*

propos que les autres en auoient dit, il leur commanda qu'ils luy feissent voir ce Dieu Apis: ce qu'ils firent, & amenerent deuant luy en grande solennité ce Dieu bouin. Duquel il se print à rire, & ayant desgainé son simeterre pour luy en donner dans les tripes, le frappa toutesfois en la cuyſſe, & se mist à dire aux prestres telles parolles, Donques ô meschans que vous estes, les Dieux sont ainsi faicts de chair & de sang? les vous forgez vous ainsi qu'ils ayent à sentir les coups, & estre subiects à estre bleſſez ou tuez? Vrayement tel Dieu est digne de vous: toutesfois ie vous veux faire cognoistre que ne vous ferez moqué de moy à vostre plaisir. Et cela dit, commanda que les prestres fussent asprement battus de verges, & qu'en outre fussent occis tous les autres Egyptiens, qui seroient trouuez par la ville faisans feste. Et ainsi print fin la feste d'Apis, comme raconté Herodote. Varron escrit, & Saint Augustin le rapporte, que Apis fut vn roy des Argiuens, lequel vint par mer en Egypte, où il mourut, & fut si agreable à ceste nation, qu'après sa mort il fut fait le plus grand Dieu des Egyptiens, & adoré de tous sous le nom de Serapis. car pource que le coffre auquel on met le mort est dit en Grec *σόςος* (qui est à dire Sercueil, d'où est venue le nom *Σερσάπιος*, c'est à dire deuorât la chair: car ainsi les Grecs appellent aussi vn sercueil) & que on comença à honorer Apis estant encor enseveli dans le sercueil deuant que son temple fust edifié, il fut appellé au commencement Sorapis: puis vne lettre changee, il fut dit Serapis. Mais le bœuf qu'Egypte

pte abusée d'une merueilleuse vanité nourrissoit en l'honneur de luy avec grandes delices, pource qu'ils l'honnoient tout seul sans sercueil, estoit appelé seulement Apis, parce qu'il estoit vif & adoré sans tombeau, & hors de la sepulture. Les Egyptiens luy porterent si grand honneur, qu'il fut ordonné de luy, que quiconque diroit qu'il auoit esté homme, fust puny de peine capitale. A raison dequoy en tous ses temples, il y auoit vne statue, laquelle tenant le doigt ferré sur les leures, sembloit admonnester qu'on feist silence, ou bien cela signifioit qu'on ne dist mot qu'il fust esté homme. Et c'estoit (comme dit Varron au liure de la lāgue Latine) la statue du Dieu Harpocrates, qui a esté nommé par Ausone *σιγάλιος*, *deσιγάω*, qui est à dire, le me tais, duquel aussi Plin & Catulle font mention, quand ils veulent signifier vn homme secret & taisible. comme aussi Ouide, disant,

D'Apis aussi le grand bœuf honoré,

Diuersemment de couleurs décoré.

Semblablement celuy l'accompagnoit

Qui lors son doigt sur la bouche tenoit,

Admonnétant à obseruer silence.

Oltre le bœuf les Egyptiens adorerēt aussi le Bouc en Egypte, comme on lit dans Iosephe, au liure qu'il a escrit contre Appion, & pareillement ceste beste qu'ils appelloient Cynocephale, de laquelle ie traiteray en l'image de Mercure, comme aussi le Crocodile, auquel Cleomenes, l'un des principaux capitaines d'Alexandre le grand, ioua vn presque semblable trait que Cambyse fit à Apis, lequel Cleo-

menes passant par cest endroit d'Egypte, où le Crocodile estoit adoré comme Dieu, & ayant entendu, qu'un sien page auoit esté gasté par vne de ces bestes, manda venir deuant luy tous les prestres, & se plaignant de leur Dieu, de ce qu'il l'auoit offencé, sans qu'il eust onques en sa vie pensé à luy faire aucun mal, dict, qu'il estoit deliberé de se venger contre les Crocodiles, & commanda qu'on se tint prest pour en faire vne grande chasse, laquelle pourtant ne fut faite apres: car Cleomenes se contenta de tirer vne grosse somme d'argent, que luy donnerent ces prestres, affin que leur Dieu ne fust moqué, & destruit, cōme il eust esté, si la chasse fut sortie en effect. Aristote dit cecy, escriuant en ses Politiques de ceux qui par nouueaux moyens scauoient trouuer de l'argent. Mais retournons à Apollon, lequel pour les choses ia dites, & pour les fables qu'on racompte de luy, assauoir qu'il gardoit iadis les troupeaux d'Ammet, & autres semblables, outre plusieurs autres surnoms que les anciens luy donnerent, il fut aussi appelé pasteur, pourautant que la chaleur tēperée du Soleil repaist & baille nourriture à toutes les choses. D'où vint, peut estre, la folle superstition des Ethiopiens macrobies, c'est à dire de longue vie, habitans en Afrique, entour la mer meridionale, lesquels auoient vne prairie en vn faux bourg, laquelle quasi tous les matins se trouuoit couuverte de la chair de toutes bestes à quatre pieds, rostie & biē assaisonnée, & quiconque vouloit, y venoit en manger à son appetit, croyant, (bien que, comme escrit Herodote,

les

*Apollon pa
steur.*

les magistrats ou officiers principaux de la ville, la feissent apprester & porter sur le lieu par chacune nuit, le plus soigneusement & secretement que faire se pouuoit) que la terre leur produisoit ces viandes ainsi cuites, possible par la vertu du Soleil: à raison de quoy ce lieu estoit appellé la Table du Soleil, grandement renommee des anciens. D'ou print source le prouerbe, par lequel sont appellees tables du Soleil les maisons des riches & opulents, où les pauures peuuent aller manger à leur plaisir. Outre cecy les Assyriens monstrent la puissance que le Soleil a en ce monde, & les effects qu'il y fait, par vne image d'Apollon, qui auoit la barbe longue & pointue, portât certain engin sur la teste semblable à vn panier. Lucian escrit, que aucuns des Assyriens seulement presenterent Apollon ayant la barbe, & reprenoient les autres qui le faisoient sans barbe, comme voulans inferer qu'estre si ieune demontre quelque imperfection, laquelle ne doit estre ez statues des Dieux, & pource il les faut faire en forme d'homme ia parfait, comme est celui qui a la barbe. Il estoit en apres vestu d'un corselet: & tenoit de la main droite vne pique qui auoit à la cime vne petite figure de la Victoire, & de la main gauche presentoit vn bouquet de fleurs. Il auoit sur les espaules vn drap en forme de manteau, ouuert deuant, avec la teste de Meduse, enuironnee de serpens: à son costé estoient aucunes aygles, qui sembloient voler, & au deuant ses pieds, vne image de femme, laquelle de l'un & de l'autre costé auoit deux autres images pareillement de fem-

*Table du
Soleil.*

*Image d'A
pollon.*



Exposition.

me, qu'un grand serpent à plusieurs tours tortus en-
laçoit. Ainsi décrit Macrobe ce simulacre, & l'inter-
prete aussi comme s'ensuit. La barbe, qui pend en
bas sur la poitrine, signifie, que le Soleil espend du
ciel ses rayons en la terre. Le panier doré qui monte
en haut, monstre le celeste feu, dequoy lon croit que
le Soleil soit fait. La pique & la cuyrassé signifient

Mars,

Mars, car on dit que par luy est demonstree la vehemente ardeur du Soleil. La Victoire veut à dire que tout est subiect à la vertu du Soleil. La fleur denote la beauté des choses, lesquelles la secreete vertu du Soleil ensemece, comme de sa temperee chaleur, fait naistre, nourrit, & cōserue. La femme qui se tient deuant ses pieds, est la terre, laquelle est decoree par les rayons que du ciel le Soleil espend dessus elle. Ce que monstroient les mesmes Assyriens, (selon que Macrobe recite) par l'image de leur grād Dieu, qu'ils appelloient Adad, auquel ils faisoient estre subiette la Deesse Adargate. à ces deux ces gens disoient que toutes les choses obeysoiēt, & par le premier ils entendoient le Soleil, & par l'autre, la terre. C'est pourquoy le simulachre d'Adad auoit les rayons qui tendoient contre bas, pource que le Soleil espend ses rayons sur la terre, & l'image d'Adargate en auoit les siens en haut, pour demonstrier, que ce qui naist en la terre, y est produit par vertu des lumieres supernelles. & afin que mieux fust entendue la terre par ceste Deesse, on mit les Lyons dessous elle, car ceux de Phrygie saignirent, que la mere des Dieux (qu'ils creurent estre la terre) fut menee en son charriot par des Lyons, comme on verra cy apres en son image. Les autres deux femmes qui sont aux costez de celle là du milieu, signifient la matiere, dont sont faites les choses, & la nature, qui les fait: lesquelles paroist, que seruent ensemble à la terre, faisans tant pour son embellissement. Le serpent qui les enlâce, nous donne à entendre de chemin tortu que fait le

Adad, Adargate.

Soleil. Les Aygles, parce qu'elles volent treslegèrement, & en haut, signifient la hauteur, & la vifteffe du Soleil. fut après adiousté le manteau fur les espaulles & teste de Meduse, qui est l'escuffon & marque de Minerue, pourautant que, comme dit Porphyre, Minerue n'est autre, que ceste vertu du Soleil, laquelle esclaire les entendemens humains, & enuoie la prudence dans les ames des mortels. Que les anciens voulussent aussi entēdre par Mars aucunes proprietéz du Soleil, outre ce que i'en ay dit, & en diray en son image, en fait assez entiere foy vne statue grande de trentē coudees, qui sont quarantecin piedz, laquelle Pausanias dit qu'estoit en vn certain lieu de la Laconie cōsacree à Apollō, & sembloit estre fort antique, & faite en ce temps, que les hommes ne sçauoient encorēs trop bien faire les statues, qui fut au parauāt Dedalus, car il fut le premier, comme raconte Suidas, qui ouurist les yeūx aux statues, & les feit avec piedz separez l'vn de l'autre. Ceste statue, excepté la face, les mains & les piedz, sembloit de tout le demeurāt vne colonne: & auoit vn morion en teste, en vne main l'arc, & la pique ou lance en l'autre, qui sont enseignes propres de Mars: iāçoit que Minerue les porte semblablement, mais pourtant par diuerse raison, comme on peut voir en leur image. Ceux d'Egypte feirent en diuerfes manieres des statues au Soleil, & vne entre les autres estoit qui auoit la teste à demy tondue & rase, de sorte que de la part droite seulement restojent les cheueux: ce que vouloit à dire, ainsi que l'expose Macrobe, que le Soleil ne demeure
iamais

i amais caché à la nature, en sorte qu'elle sent continuellement quelque ayde de ses rayons : & les cheveux coupez signifient, que le Soleil, en ce temps mesmes que nous ne le voions point, a force & vertu de retourner de nouveau vers nous : tout ainsi que les cheveux coupez reuiennent, pourautant que les racines y sont demeurees. Quelques vns veulent aussi, que la mesme statue signifie ceste partie de l'an, en laquelle le Soleil demeure moins avecques nous, estant arriué en sa derniere limite du tropique du capricorne, qu'il ne peut passer plus outre, & lors sont les iours les plus courts, lesquels de peu à peu retournent estre longs, à mesure que le Soleil recommençant son tour, s'approche de nous. D'auantage, on faisoit en Egypte les images du Soleil avec des plumes, & non toutes d'une couleur, mais l'une brune & obscure, l'autre claire & luyfante : ceste cy ils appelloiēt celeste, ceste autre, infernale : parce que le Soleil est dit demeurer au ciel, quand il va par les six signes du zodiaque, qui sont le temps de l'esté, & sont appelez superieurs, & le dit on descendre en enfer, quand il comence à cheminer par les autres six de l'yuer, dictz inferieurs. Or les plumes qu'ils mettoient à ces images, estoient pour demonstrier la viffesse du Soleil : ainsi l'expose Macrobe. On lit aussi que sous le nom de Serapis les Egyptiens entendirent le Soleil, combien qu'ils le meissent aussi quelquesfois pour Iupiter. Dont ils faisoient sa statue en forme d'homme, qui portoit à la teste vn boiceau ; comme s'il vouloit monstrier, qu'en toutes choses il faut vser de mesure

Serapis,



conuenable. Et Suidas rapporte que aucuns dirent
 que c'estoit le Nil, lequel par ce muy qu'il auoit sur
 la teste, & par certain baston dont lon se sert à mesu-
 rer, qui estoit comme vne aulne, signifioit estre ne-
 cessaire que ses eaux s'espandissent auëc certaine me-
 sure, pour rendre fertile l'Egypte. A son costé estoit,
 comme escrit Macrobe, vne figure ayant trois testes
 iointes

iointes & assemblees en vn corps seul, à l'entour duquel vn serpent estoit enuelopé & entortillé, de façon qu'il le couuroit tout, & auoit la teste au dessous la main droite de la statue, comme voulant dire qu'il soit maistre de tout le temps, signifié par les trois testes que i'ay dit. Desquelles l'une, assauoir celle du milieu, qui estoit de Lyō, signifioit le temps present, parce que cestuy cy, estant mis entre le passé & le futur est en estre, & a plus grande force que les autres. L'autre du costé droit, de chien plaisant & agreable, denotoit que le temps à venir nous deçoit tousiours par nouuelles esperances. Et la troisieme du costé gauche, de Loup rauissant, vouloit dire que le tēps passé rait toutes choses, & les deuore & consume, de sorte que de maintes il n'en laisse memoire aucune. Ce Dieu eut aussi au temple qui luy fut dedié en Alexandrie, ville d'Egypte, vne statue faite de toutes les sortes de metaux & bois, si grande, qu'estendant les mains elle touchoit les deux costez du temple, & y auoit vne petite fenestre faite avec tel art, que le Soleil aussi tost qu'il estoit leué (qu'on dit) ou qu'il commençoit à paroistre, entrant par icelle venoit à illuminer la face de la grande statue: ce que voyant le peuple, commença à croire, & dire, que le Soleil venoit tous les matins saluer Serapis, & le baiser. A Thebes pareillemēt, ville de la haute Egypte, au tēple de Serapis y auoit vne statue de certain marbre dur, de couleur de fer, (qu'on tenoit estre le simulachre du Roy Memnō) laquelle tous les iours sur le leuer du Soleil estāt frapée des rayons d'iceluy, cra-

quoit,& rendoit vn doux son & murmure,comme si elle eust voulu parler. Nul est (selon mon aduis)qui mieux depaigne le Soleil,en sorte qu'il face paroistre que toutes les diuersitez des temps viennent de luy, que fait Martian Capelle,lequel met que Mercure,& la Vertu s'en vont vers Phœbus prendre son conseil si Mercure se doibt marier,& le trouuent assis en vn



grand & haut siege de iustice, ayant deuant luy quatre vases couuerts, dans lesquels il regarde, n'en descourant qu'un à la fois. Ils estoient tous de diuerses façons, & de diuers metaux. L'un de tresdur fer, duquel on voyoit sortir des viues flâmes, & estoit appelé, Teste de Vulcan. L'autre, de clair argent : & estoit plein de clarté & d'air temperé, & l'appelloient, Ris de Iupiter. Le troisieme estoit de plomb terné, & se nommoit, Mort de Saturne, plein de pluye, de froid, de frimats & de neige. Le quatrieme, & le plus près dudit Phœbus, fait de verre reluyfant, contenoit dedans soy toute la semence, que l'air espend sur la terre, & estoit appelé, Tetin de Iunō. De ces vases, ores de l'un, ores de l'autre, tantost de cestuy cy, & tantost de l'autre, selon qu'il en auoit besoing, Phœbus prenoit ce dont apres les mortels receuoient quelquefois vie, & quelquesfois mort. Car lors qu'il vouloit bailler au monde le doux vent de l'esprit vital, il mettoit partie de l'air temperé dans le vase d'argent avec partie de la semence qui estoit enclose dans le vase de verre. Et quand apres il menassoit de peste, & de mortalité, il y adioustoit les flammes ardêtes du vase de fer, ou bien l'horrible froid caché dans le noirâtre plomb. Par là se void clairement (comme j'ay desia dit) que la diuersité des temps vient de la main du Soleil, & que les qualitez de l'air pareillement se changent par luy, desquelles naissent par après plusieurs accidens & bons & mauuais, parmy les mortels. C'est pourquoy les Poëtes ont feint qu'Apollō occist les Cyclopes, qui sont les nuees, & les autres

*Vases de
Phœbus.*

*Teste de
Vulcan.*

*Ris de Iupi
ter.*

*Mort de
Saturne.*

*Tetin de Iu
non.*

*Apollon oc
cist les Cy
clopes.*

tristes

*Apollon pere
d'Escu-
lape.*

Esculape.

tristes qualitez de l'air, & qu'il estoit pere d'Esculape, duquel nasquit apres Hygiee, qui veut dire la Santé: comme ainsi soit qu'Esculape n'est autre que l'air, lequel est purgé par le Soleil, en forte qu'il donne la santé aux humains, comme lon croit aussi que font les medecins, ou conseruans les corps sains, ou guerissans les malades. Et pource dirent les anciens qu'Esculape fut le Dieu de la Medecine, & estoit principalement adoré en Epidaure, ville de la Grece, laquelle, à cause du temple de ce Dieu, fut en grande estime, ainsi qu'escrit Solin: car qui cerchoit remede à quelque maladie, alloit dormir en iceluy & entendoit en songe ce qu'il luy conuenoit faire pour guerir: & là estoit la statue de ce Dieu, assis en vn beau siege, comme Pausanias le desseigne, ayant vn baston en vne main, & tenât l'autre sur la teste d'vn serpent, & vn chien gisoit à ses piez. De tout cecy semble rendre la raison Feste Pompee, disant, On donne le Serpent à Esculape, pourautant que c'est vn animal fort vigilant, comme il est necessaire que le soit le bon medecin. On luy dōne le chien, parce qu'il fut nourry petit enfant de laiēt de chien: & le baston, qui est tout plain de neuds, signifie la difficulté de la medecine. A quoy le mesme Feste adiouste (ce qui n'est au simulachre que Pausanias en a descrit) q̄ les anciens luy feirent des ghirlandes & chappeaux de laurier, à cause que cest arbre sert & est grandemēt bon contre plusieurs maladies. Esculape fut fait le plus souuent avec la barbe longue, comme monstre ce que j'ay dit de Denys le Tyran, au cōmencement de ceste



image: mais il est aussi quelquesfois sans barbe, ainsi que le met Pierre Appian au liure des Antiquailles par luy recuilly: & a sur le dos vn certain vestement fait en mode de chemise, avec vne autre robe (côme vous diriez vn roquet) ceinte par dessus, au bort de laquelle, qu'il tenoit replié, il semble auoir quelques fruiçts, & de la main droite tient deux coqs: pour au-

*Cog d'Escu-
lape.*

tant que le coq luy estoit consacré, pour la vigilance qui doit estre en vn bon Medecin : & les anciens luy en faisoient sacrifice. Dont Socrates en Platon, quand il se meurt, laisse par son testament vn coq à Esculape, voulant en ceste maniere monstrier le sage Philosophe, qu'il rédoit à la bonté diuine guerissante tous les maux, entendue par Esculape, & partant fille de la prouidēce diuine, denotee par Apollō, la lumiere du iour, de laquelle le coq est messager, assauoir la lumiere de la vie presente. Les Phliasiens aussi au pays de Corinthe eurent Esculape sans barbe, les Sicioniens pareillement le feirent ainsi, & tout d'or & d'yuoire, tenant en la main droite vn sceptre, & en l'autre vne pomme de pin. Et disoiēt ces gens qu'ils l'auoient eu en ceste forme, qu'une femme appelée Nicagore le leur apporta d'Epidaure sur vn chariot tiré de quatre mulets, non pourtant fait comme estoit sa statue, mais transmué & changé en serpent, ainsi que l'eurent aussi les Romains, quand pour remedier à vne grande pestilence qui auoit duré trois ans, selon que recite Valere le Grand, enuoierent mesmemēt en Epidaure certains ambassadeurs pour aller querir & amener à Rome le Dieu Esculape, suyuant l'aduis des liures Sibyllins : c'estoit vn serpent que les Epidauriens adoroient ainsi qu'Esculape, qui se monstroient à eux bien rarement, & lequel sortant du temple commença à se trainer doucement par les lieux les plus frequentez de la ville, avec vn regard amiable & debonnaire, & par trois iours fut veu en ce point, non sans que tout le peuple en fust esmerueillé,

*Serpēt d'E-
sculape.*

*Esculape
comme fut
porté à Ro-
me.*

esmerueillé, & comme s'il eut voulu monſtrer qu'il eſtoit ayſé & deliberé de ſe transporter en ſi noble lieu, comme en la ville de Rome, ſe ietta dedans la galere des Romains, & s'eſtant poſé au lieu le plus hōnorable de la prouë, où ſe tenoit Quintus Ogulinus, chef de la legatiō, apres auoir fait pluſieurstours paiſiblement, ſe laiffa ainſi porter à Rome: là où entré dedans le temple, qui eſt en l'iſle, qui fut dediee à Eſculape, fut adoré comme il eſtoit en Epidaūre. De maniere que touſiours deſpuys, on mit le ſerpent à la ſtatue d'Eſculape. Dequoy pluſieurs raiſons peuuent eſtre recueillies de Philoſtrate, d'Hygin, d'Eufèbe, de Plīne, de Macrobe, & d'autres, deſquelles ie ne feray mention de plus que d'une, non qu'elle ſoit plus veritable que les autres, laquelle a de la fable, mais parce que elle me ſemble plus plaiſante à lire. Eſculape auoit acquis telle reputation & renom par les œuures miraculeuſes qu'il faiſoit en la medecine, qu'il fut creu non ſeulement ſçauoir guerir tout mal, mais auſſi pouuoir redonner la vie aux morts. A raiſon dequoy Minos, Roy de Crete, ſon fils Glauque, qu'il aymoit vniquement, luy eſtant mort, le ſeint appeller, & le pria de remettre ſon cher fils en plaine vie. mais apres qu'il vit que ny prieres ny promeſſes ne luy profitoyent en rien, pourautant que Eſculape, ſachant qu'il luy eſtoit impoſſible ce faire, reſuſoit l'entrepriſe, recourant à la force, le ſeint enlorre en certain lieu avec tresbonne & ſeuere garde, le menaſſant de ne l'en laiſſer iamais ſortir, iuſques à ce qu'il euſt reſuſcité de mort à vie ſon fils. Eſculape ſe

*Compte
d'Eſculape.*

voyant mal appointé, se meit à penser, non de faire reuiure le mort, mais comme il s'en pourroit fuyr, & sauuer de danger: & pendant qu'il discouroit en son esprit diuerfes choses, il veid passer deuant luy vn Serpent, lequel il tua du baston sur lequel il estoit appuyé. de là à bien peu d'espace de temps en voicy vn autre qui vient, ayant certaine herbe à la bouche, & touchant d'icelle la teste de l'autre Serpent mort, le retourna soudain en vie. Esculape qui void cecy, prend soudain l'herbe, & ayant fait le semblable entour le corps du defunct Glaucque, iceluy fut remis en vie, & quant à luy il regaigna sa liberté. Et pour ceste cause Esculape voulut que le serpent fust tousiours despuis entortillé au baston qu'il portoit à la main, comme lon voit pour la pluspart ez statues qui ont esté faites de luy. Mais soit que ce fust pour cela, ou autrement, q̄ cōme i'ay dict, il y en a plusieurs raisons, les serpens furent tant familiers à Esculape, que non seulement en Epidaure, où fut son propre & principal siege, ils luy estoient tous dediez, & spécialement aucuns particuliers, assauoir ceux qui sont familiers & priuez aux hommes. A Corinthe pareillement dans son temple estoient nourris aucuns serpens que nul n'osoit approcher, mais on mettoit ce qu'on leur vouloit bailler, à la porte du temple, & s'en alloit on apres, sans en auoir autre soing. En vne autre ville assez prochaine de là, entre les autres images qui estoient au temple d'Esculape, il y en eut vne, assise sur vn serpent, laquelle on disoit auoir esté la mere d'Arat, qui fut fils d'Esculape, comme recite

Serpens familiers à Esculape.

Pausa

Pausanias , lequel escrit aussi qu'en vne cauerne de Beotie , d'où prend sa source le fleuve Hercynie, il y auoit certains simulachres se tenans debout, portans à la main des baguettes , comme sceptres , lesquelles estoient enuironnees de serpens: dont quelques vns dirent qu'elles representoient Esculape , & Hygiee sa fille. Quelques autres créurent que ce fussent les statues de Trophonius , parce que le boys qui estoit là alentour, print son nom de luy, & d'Hercynagie, compagne de Proserpine, de laquelle pareillement eut nom le fleuve que iay dit, comme ainsi soit que les anciens dediaffent les serpens à Trophonius, aussi bien qu'à Esculape , croyans (peut estre) qu'iceux fussent les veritables rapporteurs de l'Oracle celebré en la cauerne , qui fut dite l'Antre de Trophonius , pourautant que luy mesme demeura vn long temps enfermé là dedans à predire les choses futures, & y mourut de faim : dequoy il en fut tousiours despuis plus estimé, & reueré : encores plus de ce que l'Oracle ne cessa par sa mort , mais soit que son Genie ou Ange fut resté en ce lieu la, comme aucuns disoient : ou soit qu'autre Demon sien amy y eust succédé, il cōtinua neantmoins au mesme antre. A ceste cause quicōque venoit à cest Oracle, souloit appaiser premierement par certains sacrifices l'ombre de Trophonius, & apres quelques ceremonies, s'estant deuât toute œeuure laué au fleuve Hercynie, alloit boire en deux fontaines: l'une de l'oubly : & de ceste cy il beuuoit premier pour oublier tout le passé: l'autre, de la memoire, dont il beuuoit apres pour

*Antre de
Trophonius*

*Oracle de
Trophonius*

mieux se souuenir de ce qu'il rapporteroit des paroles de l'Oracle. & apres s'estant mis en chemise, avec les souliers aux piedz, & la teste liee d'aucunes bandes, en l'vne des bouches ou entrees de l'Antre, estoit tiré là dedans par vn soufflé & vent, de la sorte que feroient les eaues d'un impetueux torrent, & luy venoient à l'encontre certains serpens, & autres esprits, & fantosmes, ausquels il donnoit quelques gasteaux faicts avec miel, qu'il y auoit expressement apporté, puis s'estant mis tout en vn monceau, comme vne grenouille, & la teste entre les genoux, demouroit là iusques à tant qu'il eust entendu ou veu ce qu'il y estoit allé entendre ou voir: car cest Oracle quelquesfois parloit, & quelques autres fois monstroït par signes les choses qui deuoient aduenir. Et alors en la mesme maniere qu'il auoit esté tiré dedas, il estoit mis dehors, mais pourtant par vne autre emboucheure de la mesme cauerne, & tant estourdy, lourdy & espouuenté, qu'il ne se recordoit plus de soy mesmes, ny des autres. Mais les prebstres qui la estoient à cest effect, le remettoient en vn siege, appelé le siege de la memoire, & lors il se ressouuenoit de tout ce qu'il auoit veu, & ouy, le racontant à ces prebstres, lesquels en tenoient registre. Il reuenoit apres de peu à peu à soy: & ne faut doubter s'il y auoit eu belles affres, car il y auoit bien peu de gens qu'on veïst onques plus rire despuis qu'ils auoient esté dedans l'Antre de Trophonius. Pausanias raconte plusieurs autres choses qu'on faisoit pour aller à cest Oracle, & dit y auoir esté luy mesme:

mais

mais j'en ay voulu parler ainſi briefuement, pour monſtrer ſeulement qui eſtoit ceſtuy auquel non moins qu'à Eſculape eſtoient dediez les ſerpens. Ciceron parlât de la nature des Dieux, dit qu'il y auoit pluſieurs Mercurès, dont l'un d'iceux demeueroit deſſous terre, & eſtoit le meſme que Trophonius. Les ſerpens enuers les anciens furent ſignes & marques de la Santé, pourautant que comme le ſerpent ayant mis à bas & laiſſé ſa vieille deſpouille, ſe renouuelle, ainſi les hommes lors qu'ils gueriffent de quelque maladie, ſemblēt eſtre renouellez. A ceſte occaſion ils feirent l'image de la Santé en ceſte maniere. Vne femme eſtoit aſſiſe en vn ſiege haut eſleué, avec vne coupe à la main, & auoit vn autel aupres, ſur lequel eſtoit vn ſerpent tout entortillé en rôd, excepté qu'il hauſſoit la teſte. La marque de la Santé eſt auſſi fai-

*Signes de
Santé.*

*Image de la
Santé.*

*Enſeigne de
la Santé.*



cte en forme de pentagone, comme on voit aux medailles antiques d'Antioque, duquel on lit que faiſant guerre iadis contre les Galates, & ſe trouuant auoir du piſ, ſ'auifa, pour donner courage aux ſoldats, de ſeindre & faire croire qu'il auoit veu Alexādre le Grand, qui luy bailloit ceſte marque, luy diſant qu'il la donnaſt à ſes ſoldats, & que ſ'ils la portoient ſur eux, il reſteroit vainqueur en ceſte guerre, ce qui aduint apres. Les lettres qui ſont à l'entour de la marque, les Latines diēt S A L V S, & les Gre-

ques ſigniſiēt le meſme, diſās H Y G E I A, qui eſtoit le nom de la fille d'Eſculape, cōme j'aydit, adoree des anciens

anciens quant & le pere, avec lequel ils meirent sou-
 uent la statue de ceste Deesse (comme dit Pausanias)
 qui fut en vn certain endroiçt du pays de Corinthe,
 là où la statue d'Esculape estoit vestue d'une chemise
 de laine, & d'un manteau par dessus qui le couuroit
 tout, qu'on ne luy voioit que le visage, les mains, &
 les piedz. Et Hygiee semblablement toute couuerte,
 partie de cheveux, que les femmes s'estoient coup-
 pez, & qu'elles auoient offert à la Deesse, partie de
 quelques tresdeliez voiles tous dechiquetez. Mais
 retournons au Soleil, dont les rayons purgeans l'air,
 font que la terre aussi produit abondamment, com-
 me possible voulurent monstrier ceux lesquels en la
 region de Troye feirent la statue d'Apollon Smin-
 thien, ainsi dit des Souris, parce qu'il en fouloit vne
 du pied, & sont les Rats appelez Sminthiens en ces
 quartiers. Ce que me semble confermer le compte
 qu'on fait du Prestre d'Apollon, qui desprisoit les
 choses sacrees, à raison dequoy les rats luy gastoient
 sa cueillette tous les ans, lesquels furent occis par ce
 Dieu apres que le Prestre commença de faire cas
 & d'estre obseruateur de la religion: pourautant que
 les rats & les autres petits animaux, qui sortent de la
 terre, naissent de l'air mal temperé, dont la terre ne
 peut produire les choses vtils aux hommes, sinon
 que les rayons du Soleil, ostans toute mauuaise qua-
 lité, tuent ceux là, & qu'ils dōnent force à la terre de
 produire celles cy. Plin eſcrit d'une autre statue d'A-
 pollon, faite de la main de Praxiteles, laquelle on
 pourroit dire auoir mesme signification que celle
 des

des rats, dont ie fors de faire mention, pourautant qu'ayant l'arc tendu & la sagette dessus, elle demeu-
roit comme en embusche pour tuer vne Laifarde,
qui n'estoit gueres loing. On amene aussi vne autre
raison, pourquoy Apollon fut appellé Sminthien, &
auoit le rat en statue, laquelle est telle, que les habi-
tans de l'isle de Crete voulans enuoyer dehors vne
colonie, eurent pour conseil de l'oracle d'Apollon,
d'edifier la ville, là où les enfans de la terre leur don-
neroyent plus d'ennuy. Et ayans enuoyé ceux de la
colonie aux chāps Troyens, les rats en vne nuit ron-
gerēt toutes les courroyes de leurs targes & pauois:
dequoy s'estans pris garde le matin, ils entendirent
qu'ils deuoient s'arrester en ce lieu par le conseil de
l'Oracle, à cause que ces rats estoient naiz de la terre,
& ayans mis en ce lieu la ville feirent vn temple à A-
pollon, l'appellans Sminthien. Et ce peuple eut des-
puis tousiours les Sminthes, (c'est à dire les rats) en
grand honneur & reuerence. & en auoit aucuns do-
mestiques nourris de l'argent du publicq, lesquels de-
meuroient dans des petites grottes à costé du grād
autel, & partant il en fut aussi mis vn avec la statue
d'Apollon, comme i'ay dit. Par où se peut voir, que
les statues des Dieux, & les autres pareillement qui
leur estoient dediees, monstroient souuent les cho-
ses qu'on auoit obtenu d'iceux, ensemble les actions,
qui par leur faueur & conseil auoient succedé heu-
reusement, comme on voit en Pausanias de tant &
tant qu'il y en auoit à Delphes: desquelles suffira
maintenāt d'en mettre deux. L'vne fut d'vn bouc de

*Rats tenus
en grād hon-
neur.*

*Bouc offert
à Apollon.*

bronze, offerte à Apollon par les Cleoneens, gent de la Grece, parce qu'estans vne fois affligez de peste, ils eurent par conseil de ce Dieu, de sacrifier vn bouc sur le leuer du Soleil, ce qu'ils feirent, & la contagion cessa. dont à raison de ce ils enuoierent apres offrir le bouc de bronze. L'autre fut d'un asne, pour ceste occasion. Ceux d'Ambracie, & les Sicioniens, tous peuples de la Grece, faisoient guerre les vns contre les autres: & ayant ceux cy fait vne embuscade aux autres, qui auoient à sortir de leur ville vne nuit, aduint qu'un asne touché de son maistre pour aller vers la ville, aueques sa charge sur le dos, sentit par fortune vne asnesse aller deuant luy, & la com-
*Asne offert
à Apollon.* mença à fuyure, recanant le plus fort du monde, & cheminant vn peu plus que son conduyseur n'eust voulu, lequel pour cela se mit à crier de mesme, comme si la beste le deust mieux entendre, il haussioit la voix chasque fois, brayant comme l'asne, tellement que le bruit fut si grand, que les Sicioniens en furēt espouuantez, estimans d'auoir esté descouuers par les ennemis, & sortis de l'embuscade prindrent la fuite, & les Ambraciots aduertis de cela, vindrent apres eux, leur donnerent à doz, & les deffeirent, puy ayās fait faire vn bel asne de bronze, l'enuoyerent offrir à Delphes, au temple d'Apollon, en memoire du bien fait qu'il leur sembloit auoir receu de cest animal: d'autāt aussi qu'ils vouloient recognoistre auoir obtenu ceste victoire par le moyen de ce Dieu. Alexandre d'Alexandre en ces iours Geniaux raconte, que iadis à Naples fut faicte vne statue d'Apollō, laquelle

oultre

outre les autres marques & ornemens qu'on donne communément à ce Dieu, auoit vne Colombe sur l'espaule, & vne femme se tenoit deuant, qui la gardoit, & sembloit l'adorer, & que ceste femme estoit Parthenopé, qui adoroit la Colombe sur l'espaule d'Apollon, pourautât que ce bon oyseau, duquel elle print bon augure, luy feit escorte, & luy tint bonne compagnie quâd de Grece elle alla aux champs Napolitains, côme ainsi fut que les Grecs ne fouloient iamais s'acheminer pour venir d'un lieu en un autre, si premierement ils n'en prenoient augure, & n'en demandoient conseil aux Dieux. Les Poetes ont outre autres choses donné a Phœbus (qui est le mesme qu'Apollon, comme i'ay desia dit) un chariot tiré par quatre treflegers & prompts cheuaux, comme dit Ouide: Martial fait mêtion seulement de deux, & tous deux mettent leurs noms, qui sont Grecs, lesquels cheuaux montrent diuerses propriétés du Soleil, & que pour estre animaux de grâde viuacité & promptitude, ils furent mis en son chariot, lequel Ouide dit qu'il estoit tout d'or, excepté que les rayons des roues estoient d'argêt: qu'il y auoit par tout de chrysolites attachees avec un tresbel ordre, & autres tresreluisantes pierres precieuses, lesquelles touchees de la lumiere de Phœbus, rendoient admirable clarté. Tout cecy que Ouide met au chariot de Phœbus, Martien Capelle le met aussi, & autres choses de plus entour le corps du mesme Phœbus, quâd il en fait le portrait qui s'ensuit. Phœbus a sur la teste vne couronne de douze bagues tresreluisantes, trois desquelles

*Colombe
sur l'espaule
d'Apollon.*

*Cheuaux
au chariot
de Phœbus.*

*Chariot de
Phœbus.*

*Couronne de
Phœbus.*

luy ornēt le front, & reluisent tant qu'elles esblouy-
fent quiconque leue les yeux vers luy: & sont icelles,
Lichine, Aſtrite, & Ceraune. Il en a fix autres aux
deux coſtez des iouēs, aſſauoir Eſmeraude, Scythe,
Diaſpre, Hyacinthe, Dédrite, & Helitrope, lesquel-
les à certains temps depeignēt ainſi la terre de leurs
couleurs, & la font toute verdoyante, & croit on que



le printemps & l'autõne les luy ayent donnees pour s'en seruir quand ils retournent à leurs saisons. Les autres trois appellees Hydatide, Diamãt & Crystal, & engendrees de l'yuer glacé, sont sur le derriere de la courõne. La perruque est si blonde qu'elle semble or. La face à sa premiere monstre paroist estre d'enfant tendre, puis de ieune homme fier, & en fin de froid vieillard. Le reste du corps semble estre tout de flamme, & a les plumes aux pieds enrichies d'Escarboucles trefardens. A l'entour il a vn manteau tissu d'or & de pourpre. De la main gauche il tiët vn bouclier trefreluisant, & à la droite il porte vne torche allumee. Je ne m'arreste à parler d'auantage de ceste image, car elle est telle que chacun de soy mesme la peut fort bien entēdre. Mais i'en vay mettre vne autre, laquelle Eusebe escript qu'estoit en Elephãtinopolis, ville d'Egypte, faicte en forme d'hõme, excepté la teste, qui estoit de moutõ ayant les cornes, & estoit toute bleue, qui est la couleur de la mer, laquelle represente en l'vniuers l'humidité, signifie (ainsi que le mesme Eusebe l'expose) que la Lune, conioincte au Soleil au signe du Mouton, est plus humide de beaucoup qu'elle n'est aux autres temps. Mais ie ne veux entrer en ces discours appartenãs aux Astrologues, parce que les images qu'ils en ont fait, ne seruent à mon propos. Parquoy ie mettray fin maintenant à tout ce que ie vouloye dire du Soleil, non pourtant deuant qu'auoir declaré vn autre sien pourtraict, que le Poete Claudian desseigne en la robe de Proserpine, où estoit aussi depeinte la Lune sa seur, l'i-

mage de laquelle sera mise incontinent apres ceste cy. Claudian dit donc ainsi en nostre langue.

*Le Soleil & Phœbé, d'Hyperion la race,
Frere & seur nouveau naiz, y sont de bonne grace
Représentez au vif: l'un du iour conducteur,
Et l'autre de la nuit: differents de couleur.
Thetis la Nereide entretient en tout aysé
Ces iumeaux au berceau, qu'elle endort & appaise,
Ou bien sur son giron toute gaye les tient.
Du bras droit sur son sein Titan elle soubstient,
Lequel tendre, peu ferme, & de forces debile,
A marcher seulement un seul pas n'est habile.
Tel iadis le Soleil en son enfance est feint,
De rayons flamboians son chef n'estoit lors ceint.
Une chaleur tiede yst seulement de sa bouche,
Et quand il plore, on void qu'une splendeur le touche.
Au bras gauche sa seur succe à Thetis le lait
De son tetin enflé, qui plus que tout luy plaist:
Et son front argentin, desia petites cornes
Commence à mettre hors, &c.*

Seuerian, auteur Grec, comme raconte Ianus Parrhasius, declare excellemment pourquoy Thetis tenoit le Soleil au bras droit, & la Lune sur le gauche, disant que Dieu Eternel souuerain ouurier & createur de l'vniuers, fait premierement le Soleil, & en apres la Lune, laquelle il mit aux confins de l'occident, & le Soleil en la region du ciel opposite à l'autre, assauoir l'orient: car à l'observation des Astres, comme Hygin enseigne en son Astronomique, l'orient est appellé costé droit du ciel, & l'occident, costé

été gauche : toutesfois les deuins d'Hetrurie (maintenant Toscane) diuiferent en deux parties le monde vniuersel, selon le cours du Soleil, & appellerēt droite celle du Septétrion : & la gauche, celle du Midy, de ce que le Soleil & la Lune regardent en cest endroit, comme ainsi soit qu'Orphée dit le Soleil estant à droit, engendrer l'Aurore : & quand il est gauche, la nuit, c'est à dire, faire en orient le iour, en occident la nuit. On pourroit dire aussi que Claudian meist le Soleil au bras dextre, & la Lune au fenestre, pour autant que le Soleil a plus de force, & est de beaucoup plus grāde vigueur que la Lune, de laquelle ie traiteray incontinent apres auoir desseigné l'Aurore, laquelle combien qu'au ciel elle marche deuant le Soleil, ie ne croy pourtant qu'elle doibue estre marrie, d'auoir esté mise apres parmy ces miennes images, parce que en toute maniere elle naist de luy : comme ainsi soit que l'Aurore n'est autre chose que la premiere rougeur que les rayons du Soleil font en Orient, quand il commence à fortir & à paroistre sur nostre Hemisphere. Dont les Poètes en ont controuué plusieurs fables, & l'ont descrite en diuerses manieres. Je ne trouue pas que si bien les anciens meirent l'Aurore entre les Dieux du ciel, que pourtant ils luy feissent iamais aucune statue : sinon qu'en Athenes, comme escrit Pausanias, il y en auoit vne de terre, laquelle rauissoit Cephale, mais il ne dit point comme elle estoit faite. I'en feray dōc le pourtrait selon les Poètes. Homere la fait ayant les cheveux blonds & dorez, assise en vne chaire doree, & vestue

Aurore.

*Cheval de
l'Aurore.*

vestue d'un habillement de mesme couleur. Virgile dit qu'avec les mains colorees elle vient à chasser hors les estoilles. Et Ouide, qu'elle ouvre les rouf-foyantes portes, toutes plaines de tresbelles roses, quand Phœbus veut sortir en l'Orient. Aucuns luy mettent à la main un flambeau allumé, & font qu'elle aye un coche tiré du cheual Pegasean, qui auoit les ailes, & dyent qu'elle l'obtint de Iupiter en don, apres que Bellerophon fut cheu de dessus par terre. Ce qui possible donne à entendre que ceste heure de l'aube du iour est la plus commode & la meilleure aux Poëtes à escrire & composer leurs vers, que ne sont toutes les autres: d'ailleurs ce fut le cheual, lequel frappant du pied feit sortir l'eau d'Helicon, fontaine depuis tant renommee & frequetee des Muses. Toutesfois Homere ne luy baille pas ce cheual, mais bien autres deux, luyfans & resplendissans. Quelques vns aussi fignent que l'Aurore lors qu'elle commence d'apparoistre, vient toute bigarree de couleurs, espendant par l'air paniers de fleurs, & de roses iaunes & vermeilles. En somme chacun la descriit comme il luy vient à plaisir, peignant neantmoins tousiours ceste couleur entre iaune & rouge, que les premiers rayons du Soleil espendent parmy l'air.

DIA

DIANE.

LES Anciens appellerent Diane la Deesse de la chasse , & dirent qu'elle auoit en recommandation les forests & les bois, d'autant qu'elle s'y exerçoit souuent à chasser à toutes sortes de bestes , fuyant la conuersation des hommes , pour mieux garder la virginité. Et pource fut faite en habit de nymphe toute trouffée avec l'arc en main , & le carquois plain de flesches au flanc, ainsi que la décrit Claudian, lequel apres qu'il a desseigné Pallas, dit ainsi d'elle:

*Image de
Diane.*

-- mais plus gentille & belle

*Diane estoit, les yeux & ioues de laquelle
Paroissoient de Phæbus le lustre radieux,
Le sexe seulement eust discerné les deux.
Les bras nuds reluysoient en blancheur aurorine,
Et les cheueux espars luy couuroient la poitrine.
L'arc vousté destendu, & le troussé carquois
Sur le dos luy pendoient, & ceinte en deux endroicts
La robe à petits plis descendoit ondoyante
Au dessoubz des genoux.*

Et luy bailloient pour compagnie quelques vierges en petit nombre, lesquelles sont pareillement descrites par Claudian en ceste sorte:

*Les bras ellès ont nuds, & les espauls nues,
D'où pendent les carquois, plains de flesches pointues.
Leurs mains armées sont d'un roide & leger dard,
Et n'ont autre ornement qui soit fait avec art.
Non que pour cela moins leur beauté voir se puisse,
Pendant que vont suyuant le penible exercice.*

*De la chasse plaisante, & qu'une sueur moite
De leur face couloit.*

Et le mesme Claudian dit, que l'arc de Diane est de corne, cõtre ce qu'en escrit Ouide, lequel le fait estre d'or, & de corne celuy des Nymphes, disant de Syringue, qu'elle estoit si belle, qu'on l'eust prise pour Diane, n'estoit que ceste cy porte l'arc d'or, & celuy de l'autre est de corne. Les fables ont ainsi feint, pourautant que comme sous le nom d'Apollon, le Soleil fut adoré, ainsi la Lune fut adoree sous le nom de ceste Deesse, appelée Diane, quasi Deuiane, pourautant que la Lune se deuie ou (pour mieux dire en François) desuoye du droict chemin de l'Ecliptique, que tient tousiours le Soleil, de mesmes que les chasseurs vont souuent à trauers des terres, & par chemins escartez, cerchans & poursuyuans les bestes. Desquelles nulles autres furent plus agreables à ceste Deesse que les cerfs, comme on connut bien, lors qu'Agamemnon ayant tué seulement vn cerf, elle fut tellement indignee à l'encontre des Grecs, & leur feit tant de mal en Aulide, qu'il se resolut de l'apaiser par le sang de celuy qui l'auoit offencee. De maniere que le bon Roÿ vieillard, luy sacrifia Iphigenie sa propre fille: laquelle estoit desia sur le buscher preste d'estre immolee, quand Diane meü de compassion de l'infante, la feit soudain disparoir, remettant vne bische en son lieu, de laquelle les Grecs feirent & paracheuerent le sacrifice ordonné, & appaiserēt la Deesse. Et Iphigenie transportee en la region Taurique, fut là faite prebstresse de Diane, où les

les estrangers estoient sacrifiez, principalement les Grecs, qui abordoient en ces quartiers, auxquels apres auoir fait quelques prieres, ils aualloient la teste auec vne dolouere, & d'une haute roche (où fut basti le temple de la Deesse) ils iettoient le corps en la mer, la teste demeurant là attachee à vn posteau. Or ayant Iphigenie le soing & intendance de ce triste sacrifice, il aduint que son frere Orestes, qui estoit allé en Colchos pour se purger & lauer de l'enorme peché qu'il auoit cōmis, tuant sa mere, arriua en ce lieu, & fut incontinent reconnu d'elle, le voulut exempter d'estre sacrifié: mais pource que le peuple du pays n'eust supporté telle licence & grace, elle s'enfuyt auecques luy, portant quant & elle l'idole de la Deesse couuerte & enuelopee dās certains faisseaux de baguettes, ou (pour mieux dire fagots) à raison de quoy elle fut apres appelée Diane fascelline, & la porta, & mit à Aricie, loing de Rome de dix milles, continuant là mesmes l'impie sacrifice des victimes humaines, qui sembla par apres trop cruel aux Romains, iacoyt qu'ils ne sacrifiasent seulement que les serfs, & pource laisserent venir ceste Deesse auec ses sacrifices vers les Lacedemoniens, lesquels conuertirent l'usage d'iceux, à telle ceremonie. Ils iettoient le sort sur aucuns ieunes hommes de la cité, & ceux sur lesquels le sort tomboit, ils les mettoient sur l'autel de la Deesse, où il les battoient de telle sorte, que les pauures miserables espanchoient abondamment du sang de leurs tendres & delicats membres. Dequoy non seulement ils ne se plaignoient, mais sou-

uent se debattoient ensemble, lequel d'entr'eux endureroit & soustiendrait plus virilement les aspres coups. Pendant ce spectacle, la Prestresse tenant le simulachre de la Deesse au bras, alloit à l'entour de l'autel, & escrit Pausanias, que si celuy qui auoit la charge de battre ces ieunes gens, eust d'auenture espargné & porté plus de respect à l'un qu'à l'autre, soit pour estre plus beau, ou soit qu'il fust plus noble, l'idole de la Deesse, qui estoit assez petite, & legere deuenoit si grande, & pesante, que la Prestresse ne la pouuoit soubstenir qu'à bien grande peine, & pour ce, quand tel cas auenoit, elle crioyt que par la coulpe du batteur elle se sentoit oppresser de la grosse charge de la statue, lors par trop pesante. Et cōbien qu'il semble qu'un si cruel sacrifice fut mal conuenable à vne Deesse vierge, plaissante & gracieuse, telle qu'estoit Diane, toutesfois aucuns des anciens creurent qu'elle print plaisir de veoir espandre sur ses autels le sang humain, comme fut fait aussi, selō qu'on lit dās le mesme Pausanias, à Patras, ville d'Achaie, qu'on luy sacrifioyt tous les ans vn adolescent, & vne pucelle, les plus beaux de la ville, pour appaiser son ire conceue du peu de reuerence que luy auoit porté vne sienne Prestresse, laquelle se laissant vaincre à l'impudicité, exerça les œuvres de la chair par plusieurs fois avec vn sien ieune amoureux, au temple mesmes de la Deesse : dont de là à peu de temps tous deux moururent miserablement, & s'en ensuyuit vne cherté, & vne pestilence tresgrande en ladite ville, à laquelle fut remedié par le cruel sacrifice que

ce que j'ay dit. Mais peut estre que la coulpe de tels detestables sacrifices, fut des natiōs, lesquelles se plai-
soiēt à practiquer en ceste maniere leur cruauté, com-
me on peut voir par ce qui fut fait à plusieurs autres
Dieux, ausquels furent offertes pareillement les vi-
ctimes humaines: car Diane monstra assez bien, qu'i-
celles ne luy estoient agreables, quand en la place
d'Iphigenie elle remit la biche. C'est pourquoy au-
cuns veulent que de là aye esté introduit de sacrifier
la biche à Diane, ce qui fut obserué aussi en apres par
les Romains à certains temps, & estoient parce ap-
pendues les cornes des Cerfs en tous les temples de
Diane, excepté en vn, basti sur le mont Auentin, où
en place des cornes des Cerfs on attachoit celles
des bœufs. Et dit on l'occasion en auoir esté, qu'en la
terre des Sabins nasquit iadis vn tresbeau beuf, ou
vache (quoy que fut) à vn nommé Antoine, & dirent
les deuins, que quiconque le sacrifieroit le premier à
Diane sur le mont Auentin, iceluy gaigneroit à sa
patrie l'empire de l'Italie. Antoine ioyeux de cecy,
s'en va à Rome avec le bœuf, pour en faire le grand
sacrifice, dequoy aduerti secretement le Prebstre de
Diane par vn sien seruiteur, feit aller Antoine se la-
uer au Tibre, luy disant que sans cela, il ne pouuoit
faire sacrifice qui fut agreable à la Deesse, & ainsi il
sacrifia le bœuf, fichant les cornes d'icelluy aux por-
tes du temple. dont parce qu'il estoit Romain, l'Em-
pire de Rome fut despuis acquis à l'Italie: & apres
fut introduite l'vlsance de mettre les cornes des
bœufs en ce temple de Diane seulement, assis (com-

me i'ay dit) sur le mont Auentin. Pourroit bien aussi cela auoir esté fait, de ce que cest animal conuienne asies à Diane, pendant que pour elle nous entendôs la Lune, côme ie diray cy apres, que maintenant ie reuien aux Cerfs: lesquels furêt estimez estre tât agreables à Diane, que les anciens quelquesfois vestirent ses statues des peaux d'iceux. En Arcadie y en auoit



vne reueftue de la peau d'un Cerf, des efpaules de laquelle pendoit vn carquois rempli de fiefches. Elle auoit en l'une des mains vne torche allumee, & en l'autre deux ferpens, & à cofté d'elle eftoit vn chien de chaffe. En certain lieu de l'Achaïe, où l'on faisoit treffolempnel facrifice à Diane, dont l'Idole eftoit d'or & d'yuoire, en forme de chaffereffe, le iour au parauant qu'on facrifiaft, vne grãde tourbe de peuple alloit en proceffion en toute pompe, & la Vierge prebftrefse venoit apres toute derniere, fur vn beau chariot tiré de deux Cerfs. Les Poëtes donnent le chariot à Diane, trainé pareillement par Cerfs blãcs comme neige, mefmes Claudian, quand il dit,

*Simulacre
de Diane.*

La Deeffe qui aime uniquement la chaffe,

Des montaignes descend, & la mer fend & paffe,

Avec fon leger coche attellé de cerfs blancs.

Et tient on, qu'ils la meirent fur le chariot tiré de tresprompts & legiers animaux, pour monfter fa vifteffe, attédu que la Lune fait fon tour en bien peu de temps, comme eftant en la plus petite sphere des autres. Aux autres Dieux pareillement furent baillés des chariots, en figné de ce que les Spheres celestes rouënt continuellement, deffus lesquelles les Dieux font, & feló leurs qualitez ils ont les animaux de mefmes, qui les tirent. Dont Properce fait que le chariot de la Lune foit tiré par cheuaux, quand il dit,

Bien qu'à yeux clos Phæbé feulemẽt sommeillaft,

Et qu'avec fcs cheuaux au ciel elle esclairaft

A l'heure de mynuict.

*Cheuaux
de la Lune.*

L'un d'iceux eftoit noir, & l'autre blanc, (diët Bocca-
ce)

*Mulet au
chariot de
la Lune.*

ce)pourautant que non seulement la Lune apparoit de nuit,mais se void aussi le iour. Feste Pópee escrit, qu'un Mulet tiroit le chariot de la Lune, & amenant la raison,il dit,qu'elle est sterile de soy,pour estre froide de sa nature, & le Mulet pareillement n'engendre point. Ou bien vouloient monstrier les anciens par cest animal, que la Lune n'a point de lumiere d'elle mesmes, mais esclaire par la lumiere d'autrui, la receuant du Soleil qui la luy preste, tout ainsi que le Mulet ne naist des animaux de sa race, mais d'autres, assauoir des Asnes & Iumens. Pausanias racomptant les merueilles qui estoient au temple de Iupiter Olympië en Elide,ville de Grece, dit, qu'il y auoit vne Diane, bië que(adiouste il apres)quelques vns ont voulu dire que son chariot n'est tiré par chevaux,ains par mulets,selon vne vaine fable qu'on raconte du mulet:& autre chose n'en dit.Le Poëte Prudence escriuant contre Symmachus, escrit, que les anciens Romains sacrifioient vne vache brehaigne à la Lune, & que deux vaches, lesquelles aussi n'eussent onques porté fruit, tiroient son chariot. Il y en a eu d'autres, qui ont attellé les ieunes taureaux au chariot de la Lune, mesmes Claudia quand il fainct, que Ceres pour chercher sa fille, allume & enflambe en Mongibel les pins coupez,disant:

*Taureaux
au chariot
de la Lune.*

*De ceste eaue elle les baigne
Dont le brulant Phæbus arrouse ses chevaux;
Et que la Lune espend sur ses cornus taureaux.
Et Aufone de mesmes escriuant à Paulin,dit,
la la Lune faisoit voir ses gaillars taureaux.*

On

On baille la mesme raison des taureaux, que j'ay dit des mulets, assauoir, qu'ils signifient la sterilité. Car, comme escrit Xenophon, & qu'il se pratique tous les iours, on chastre les taureaux pour les rēdre plus doux, & plus commodes à labourer la terre, d'où vient qu'en apres ils ne peuuent plus engendrer. Ou bien cest animal fut attribué à la Lune pour la ressem-
 blance qui est entr'eux aux cornes, veu qu'e son image, qui estoit d'une gentile nymphe, ils mettoient deux petites cornes à la teste, cōme j'ay dit. En Egypte on sacrifioit à la Lune ce bœuf, là tenu en si grande reuerence, lequel falloit qu'il eust vne tache blanche au flanc droit, & les cornes petites, comme sont celles de la Lune, quand elle commence à croistre, ainsi que Pline escrit. Les Egyptiens luy en sacrifioient aussi vn de six mois, aucuns dient de sept iours, & quelques autres le dixieme iour apres qu'il estoit nay: ce qui se faisoit quand avec leurs ceremonies ils impoisoient le nō aux enfans qui leur estoient naiz. Tels sacrifices faisoient lors les anciens à la Lune, pour luy rendre graces de ce que l'enfant fust sorti du ventre de la mere à bon port, & venu au temps meur & requis à l'enfantement. Car on dit que la Lune pour estre planete humide auance quelque-
 fois par son influence, & presque tousiours fait que la femme enceinte se desliure & enfante plus facilement. Et à raison de ce ils l'inuoquoient alors, & la prioient, l'appellans Lucine, que bien tost & sans peril de la mere, il luy pleust faire sortir en lumiere le frui& desia meur. Mais les fables ont dit que Diane

*La Lune
aydant à l'enfantement.*

estoit inuoquee des femmes ez enfentemens , soubz le nom de Lucine , pourautant que sortie qu'elle fut du ventre de Latone sa mere, se tourna vers elle soudain, & toute dispoſte & agile l'ayda à enfanter Apollon son frere, comme si elles la vouloient prier qu'elle sortist avec sa diuinité , & vinst leur donner l'ayde qu'elle donna iadis à sa mere de ses propres mains. Or Diane ne fut exprimee ny entendue seulement soubz le nom de Lucine , mais Iunon aussi , comme on void en son image. Et aucuns ont dit que ce ne fut ny l'une ny l'autre, mais bien certaine femme, laquelle vint des montagnes Hyperborees en Delos, pour ayder Latone en son enfentement, & que de là s'espanдит en apres son nom, en sorte qu'elle fut adoree presque par tout, & eut temples , autels & simulachres, comme les autres Dieux : auparauant lesquels il fallut qu'elle fust, puis que par son ayde & secours ils venoient à naistre. Et ainsi semble que l'entendist vn Poëte Lycien, lequel, comme raconte Pausanias, en quelques Hymnes qu'il feit à ceste Deesse , la dist auoir esté auparauant Saturne, & luy donna certains noms, par lesquels on pourroit aussi croire facilement qu'elle eust esté .vne des Parques , pourautant qu'icelles auoient semblablement assez que faire à la naissance des personnes , comme nous verrons lors que traiterons de leurs images. Mais laissant chercher à vn autre, qui elle estoit , & d'où vint ceste Deesse Lucine , tenons propos de ses statues, lesquelles estoient tenues tousiours toutes couuertes, des Atheniens pourtant seulement, vers lesquels la statue de Lucine pouuoit

pouuoit aufsi bien estre vne piece de bois, ou d'autre matiere, sans aucune figure, que façonné en femme, ou en autre chose, puis qu'elle estoit tousiours couuerte, & ne se voioit iamais. En certain lieu d'Achaïe fut vn temple de ceste Deesse, fort antique, avec vne statue toute de bois, excepté la face, estant telle, qu'elle pouuoit représenter Diane, les mains, qui estoient de marbre, & vn voile de lin fort delié la couuroit toute, excepté les parties qui estoient faites de marbre, lesquelles demeuroient descouvertes. L'une des mains estoit estendue, sans tenir aucune chose, & y pouuoit on bien auoir mis vne clef, parce que, comme escrit Feste Pompee, les anciens la souloient donner aux femmes, monstrans par icelle, qui est instrument & engin d'ouurir, qu'ils leur desiroiēt vn enfantement facile, & plaisant: car s'ouurant bien la voye au petit enfant, quand il est prest à naistre, il s'en fort sans donner tourment à la mere: mais peut estre qu'ils voulurent signifier le semblable par ceste main de Lucine estendue & ouuerte. L'autre portoit vne torche ardēte, laquelle denotoit, ou que les femmes en enfantant sentent de griesues douleurs, qui les serrēt de la façō que le feu estreint tout ce à quoy il se prend, ou bien que ceste Deesse estoit la messagere & porteuse de la lumiere aux enfans naissans, d'autant qu'elle leur bailloit ayde à sortir du ventre de la mere. A raison de quoy les Grecs luy mettoiēt sur la teste ghirlandes ou chapeaux de Dyctame, herbe, laquelle mise sous les femmes, quand elles sont au trauail de l'enfantement, leur ayde assez. On

*Statue de
Lucine.*

*Flambeau
en main de
Diane.*

Diane. lit en outre, que les anciens mettans à Diane l'arc en main, ont voulu signifier les aigues piqueures des douleurs, qu'ont les femmes lors qu'elles enfantent, & ainsi la representoient ils tousiours. Dont Marc Tulles escripuant contre Verres, desleigne vne statue de Diane, que ledit Verres auoit emportee de Sicile: elle estoit (dit il) haute & grande, avec vne robe qui la couuroit toute iusques aux piedz, ieune de face & de virginal aspect, portant vn flambeau ardent en la main droite, & vn arc en la gauche, & les sagettes luy pendoient sur les espaules. D'auantage, la torche ardëte en main de Diane, dont y en eut vne statue faite de bronze en Arcadie haute de six pieds, outre celle que ie sors de dire peut aussi signifier que la Lune esclairant de nuit fait escorte aux voyageurs, & pource elle y fut appelee escorte & guide, tout ainsi comme à Rome au temple qu'elle eut sur le mont Palatin fut dictë *Noctiluca*, c'est à dire luyfante de nuit. Et eut autres diuers noms, comme sera dit cy apres. Pausanias descriuant le coffre de Cypsele Tyran de Corinthe qui reposoit au temple de Iunon, dit, que plusieurs figures d'or, & d'yuoire y estoient insculpees & taillees, & entre autres celle de Diane y estoit, ayant des ailes aux espaules, & portant de la main droite vn Leopard, & de la gauche vn Lyon, & dit Pausanias qu'il ne sçait rendre aucune raison pourquoy cela à esté ainsi fait: dõt ie n'auray honte d'en dire de mesmes, n'ayant encores trouué autheur qui en aye escrit. Je laisse donc à chacun de l'interpreter selon sa fantasie, & vien à dire que

Virgile

Virgile a mis trois faces à la vierge Diane, & qu'à cette cause on luy bailla les Epithetes de Triforme, Trigemine, & Triuie. Elle ne fut seulement appelée Diane, mais aussi Hecaté: dont Ouide dit,

--que Hecate à trois faces,

Regarde trois chemins qui tous viennent en un.

Combié que par après elles fussent toutes vne mesme chose, & les noms seulement estoient diuers, pour monstrier par iceux, (comme j'ay dit tât de fois) les diuerses puissances, & diuerses qualitez que les anciens attribuoient à leurs Dieux, ensemble les effets diuers, qu'on croyoit prouenir d'iceux. C'est pourquoy les fables disent, que Hecaté, fille de Iu- *Hecaté.*
piter, eut de luy autorité & pouuoir sur tous les elemens, & qu'elle fut ainsi nommée, pourautant qu'une semblable diction & vocable en langage Grec, veut à dire cent, que les Grecs souuentefois prennent pour nombre infiny, comme s'ils eussent voulu dire qu'elle fut de puissance infinie, d'autant qu'il semble, que d'elle, qui est (comme j'ay dit) la Lune, soient gouuernez les elemens, & presque toutes les choses composees d'iceux, & qu'elles se changent, ainsi & selon qu'elle se change. Toutesfois elle pourroit bien auoir esté ainsi appelée, de ce que (comme aucuns afferment) on luy sacrifioit avec cent autels, faits de motte, ou mouffe verte, & tuoit on cent victimes, comme pourceaux, ou brebis: mais si le sacrifice (lequel à raison de ce fut appelé Hecatombe) estoit *Hecatêbe.*
fait au nom de l'Empereur, les victimes estoient cent Lyons, ou bien cent Aigles. Je ne croy pourtant,

*Victimes
feintes.*

qu'ils eussent tousiours ces animaux vrais, mais plustost qu'ils en faignissent aucunesfois, car les anciens eurent ceste coustume souuent en leurs sacrifices, de mouler & feindre d'argille, de paste, ou de quelque autre matiere, la beste qu'on deuoit sacrifier, s'il ne s'en trouuoit qu'à grande difficulté: & les pauures, qui ne pouuoient faire la despence à achepter des vrais & naturels animaux, comme dit Suidas, en sacrifioient souuent des contrefaits & feints. Herodote escrit que les Egyptiens ne faisoient sacrifice de pourceau à autre Dieu, qu'à la Lune, & à Bacchus, & en ces festes seulement qu'ils celebrent en temps de plaine Lune, se gardans bien & abstenans en toutes les autres festes de toucher à ceste beste, de laquelle ils ne mangeoient qu'à ce iour la seulement que lon le sacrifioit, & rien plus en tout le reste de l'année: & ceux qui par pauureté ne pouuoient sacrifier vn pourceau naturel, en representoient vn le mieux apres le naturel que faire se pouuoit, & icelluy sacrifioient. Appian escrit, que les Cyziceniens, peuples de la Grece, lesquels disoient Iupiter auoir donné leur cité en dot à Proserpine, qu'ils adoroient sur toutes autres deitez, luy sacrifians vne vache toute noire) estans vne fois assiegez de l'armée de Mithridates, Roy de Pôt, ne pouuans trouuer la vache qui estoit necessaire au solempnel sacrifice de la Deesse, en firent vne de paste pour en faire oblation: mais sur ce qu'ils apprestoient le sacrifice, il en vint vne du milieu de la mer toute noire, ainsi qu'elle deuoit estre, laquelle nageât par deffoubs les nauires de Mithridates, passa en la cité,

cité, & s'estant venue arrester deuant l'autel de la
 Deesse, fut sacrifiée par ce peuple, qui print de là bō-
 ne espérance de debuoir estre deliuré du siege, com-
 me il fut. car assez tost apres, Mithridates, pour plu-
 sieurs incommoditez qui luy suruindrent, fut con-
 treint de leuer le siege, & s'en aller. Didon en Virgi-
 le, au dernier sacrifice qu'elle fait au partement d'E-
 nee, respand les feintes eaues de l'Auerne: & là note
 Seruie son commentateur, que les anciens en leurs
 sacrifices faignoient souuent les choses dont ils ne
 pouuoient finer, sinon qu'avec grande difficulté. Et
 en autre lieu encores il dit que l'eau qu'ils espan-
 choient au temple d'Isis, estoit dite estre du Nil, com-
 bien qu'elle n'en estoit pas. Et non seulemēt les fein-
 tes victimes excusoient ceux qui ne pouuoient sacri-
 fier les vraies, mais aller en toute humilité baiser la
 main du Dieu, auquel il faloit sacrifier, tint souuent
 lieu de sacrifice à qui ne pouuoit faire autrement.
 Les anciens souloient aussi baiser par deuotion les
 idoles consacrees, comme on peut recueillir de Cice-
 ron, en vne Action qu'il a escrit contre Verres, où il
 dit, qu'en Agrigēt, ville de Sicile, y auoit vne fort bel-
 le idole d'Hercules, faite de bronze, laquelle auoit
 la bouche & le menton presque tout vsez & māgez,
 tant il estoit souuent baissé de qui l'alloit adorer. Et
 Prudence escriuant comme estoit adoré le Soleil,
 estimé Apollon, met à la fin qu'ils baisoient aussi les
 pieds aux cheuaux qui tiroient son chariot. Mais re-
 uenant à Hecatē, elle fut adoree sur les carrefours
 des chemins, là où ils luy sacrifioient le chien, le
 priant

*Baiser la
main.*

priant avec paroles inconnues, & avec hurlemens, pour imiter ce que ia feit Ceres, quand elle alloit cerchant la fille Proserpine, qui estoit la mesme que Hecaté: à laquelle les riches d'entre les anciēns auoiēt coustume de sacrifier par chacū mois aux carrefours des chemins, laissans là du pain, & autres choses necessaires à viure, lesquelles estoient apres prises & leuees par les pauures: & estoit appelee ceste façon de faire, le souper d'Hecaté, ainsi que racompte Suidas, lequel dit aussi, que la mesme Deesse se mōstroit aucunesfois en forme horrible & espouuantable, assauoir d'homme fort grand, ayāt la teste de Serpent. Elle fut dite & faite Triforme, pour mieux regarder ces chemins qui luy estoient consacrez, lesquels venoient à s'assembler en croix, comme quelques vns ont dit: mais autres ont voulu (& possible mieux) que les trois faces, qu'on luy donnoit, fussent fictions d'Orphee, voulant monstrier en ceste maniere les variables aspects que nous voions en la Lune, & que sa vertu a force non seulement au ciel, où ils l'appellent Lucine, mais aussi en terre, où elle est dictē, Diane, & iusques au bas de l'Enfer, où lon la nomme Proserpine, pour autāt qu'elle est estimee descendre en Enfer, tout le temps qu'elle demeure cachee de nous. Lesquelles choses sont exposees par Eusebe comme s'ensuit. La Lune est appelee Hecaté, & Triforme, pour les diuerfes figures qu'elle mōstre en son corps, selon que plus, ou moins elle se trouue estre esloignee du Soleil: dont pareillement ses vertus sont trois. L'une est quand elle commence à monstrier la

*Hecaté Tri
forme.*

lumiere

lumiere aux mortels, donnant par icelle accroissement aux choses : & ce premier & nouuel aspect estoit monsté des anciens par les robes blanches, & dorées, qu'ils mettoient entour son idole, & par la torche ardente, que la mesme auoit à la main. L'autre est, quand ia elle a la moitié de toute la lumiere, & fut ceste cy monstree par le panier, auquel ils portoient ses choses saintes : parce que pendant que la lumiere de la Lune va croissant, par chacun iour, se font plus meurs les fruiçts de la terre, qu'on recueillit apres dās les paniers. La troisieme cōsiste en l'ëtierre, lumiere demōstree par les vestemēs, qui ont de l'obscurité. Ils donnoient aussi à ceste Deesse le Laurier, lequel est propre à Apollon, & ce pourautant qu'elle reçoit sa clarté du Soleil, & ceste couleur enflambee, qu'elle monstre aucunesfois en la face. Luy dōnoient pareillement le pauot, pour la multitude des ames, lesquelles on croyoit habiter en son ciel, cōme qu'icelluy fust vne grande cité toute plaine de grand nombre de peuple, cōme ainsi soit que le pauot monstre & signifie les citez, pourautant qu'il a les testes ainsi tailles à la cime comme sont les murailles des villes, & tient en soy assemblée vne grande quantité de menus grains, tout ainsi que grand nombre de personnes demeure vny ensemble dedans les villes. Et eurent opinion aucuns philosophes que là haut au ciel de la Lune fust aussi bien habité comme est çà bas la terre, & disoient, que les villes, les forestz & les montagnes qui sont là, sont ces taches qui nous semblent paroistre en sa face. Mais Pline dit qu'elles sont :

causees de l'humidité qu'elle tire de la terre. Pausanias escript qu'ë Egeine, ville des Corinthiës, Hecatë estoit adoree plus que tous les autres Dieux, & que là elle eust vne statue de bois fabriquee par vn ouurier nommé Miron, & faite à vne seule face, & le demeurant du corps en mode de tronc, car elle ne fut tousiours representee avec trois faces, mais croit on que Alcamenes au parauant tous les autres la feit telle aux Atheniens. Des trois testes donc qu'eut l'Idole de Hecatë, l'vne, assauoir la dextre, estoit de cheual, l'autre de chien, & la troisieme (qui estoit celle du milieu) d'homme rustique, selon le dire d'aucuns, parce que quelques autres la font de sanglier, animal le quel possible conuient mieux à ce qui se dit de la Lune, laquelle consideree quand elle espend sa lumiere empruntee, sur nous, est appelée Diane, & chasseresse: ce qui peut estre signifié & entendu par le sanglier, pourautât que ceste beste demeure tousiours aux forests, & aux bois: comme aussi la teste du cheual, animal trefagile, nous fait voir, qu'elle entouroit trefuistement le ciel: & celle du chien donne à entendre, que la mesme quand se cache de nous, fut creuë estre la Deesse de l'enfer, & appelée Proserpine, pourautant qu'on donne le chien au Dieu de l'Enfer, comme Cerbere, tant celebré par les fables, en fait foy. & le Poëte Prudence escriuant contre la vanité des Gentils que Symmachus deffendoit, dit en ceste maniere de la Lune:

*Ores sur vn beau char tiré de deux genisses
Blanche, à trauers le ciel elle fait son chemin:*

Ores

*Ores aux creux enfers, d'un fouet serpentin
 Les Eumenides sœurs grièvement ell' chaste,
 Leur commandant sortir, & venir leur manie
 Enraciner aux cœurs des folastres mondains.
 Ores par les forestz, les bisches & les dains
 De son espieu branlant d'outre en outre elle perse.
 De là aduient qu'avec triple forme diuerse,
 Aueques diuers noms à nous elle apparoist.
 Car elle est dictée Lune à l'heure qu'on la voit
 Vestue d'un beau linge, ou bien d'un voile blanc.
 Et quand ceincte elle tient pendu dessus son flanc
 La trouffe, elle est la vierge & fille de Latone..
 Puis quand assise en roine, ell' commande & loy donne
 Aux ames des damnez, c'est alors de Pluton
 La femme Proserpine. &c.*

Pourfuiuant son propos il dit estre chose veritable,
 que cestuy est vn mauuais Demō, lequel trompe les
 hommes, leur persuadant que plusieurs & diuers
 Dieux soient en trois diuers endroicts, au ciel, à la
 terre, & en enfer. Porphyre, comme dit Theodorit
 Euesque de Cyrene, escripuant des mauuais De-
 mons, ce qui en sera dit en l'image de Pluton, met
 que Hecatē est maistresse d'iceux, & qu'elle les tient
 en trois Elemens, en l'air, en l'eau, & en la terre. Ou-
 tre ce dirent aussi les anciens, que Hecatē faisoit sou-
 uent voir à qui se trouuoit en quelque calamité &
 grande misere, certaine ombre ou fantosme, qui se
 changeoit toutesfois, & presque soudain d'une figu-
 re à autre, cōme dit Aristophanes, & Suydas le rap-
 porte, & se monstroient maintenant bœuf, maintenant

mulet, quelquefois paroiffoit estre vne tresbelle femme, & quelque autre vn chien, & fut telle chose appelée Empuse, parce qu'il sembloit qu'elle allast avec vn pied seul. Aucuns ont voulu qu'elle fust la mesme Hecaté, laquelle se monstra en ceste sorte à plain midy, quand avec certaines ceremonies on appaisoit les ombres des morts. Et pour les variables & diuers aspects que ceste beste faisoit voir de soy à autrui, les anciens meirent en auant vn proverbe, par lequel ils disoient que qui monstroient de vouloir maintenant vne chose, & tantost vne autre, & qui ne se laissoit iamais cognoistre quel il estoit: celuy dy ie se changeoit plus qu'Empuse. Et Lucian parlant des danfes, dit qu'elles font changer la personne en tant de sortes, qu'on peut dire qu'elle represente Empuse, qui se change en mille formes, & est plus muable qu'Prothee. Ceste Empuse estoit, dit Lucian, vne insigne dâseresse, laquelle sautoit à vn pied, ce que ledit nom signifie. Eustathius dit que c'estoit vne espèce de lutin & fantosme plain d'effroy, dedié à Hecaté: qui en voudra sçauoir d'auantage, lise Cel. Rhodigin au chapitre 38. du 6. liure de ses antiques leçons. Eusebe racompte qu'en Apollinopolis, ville d'Egypte, y auoit vne statue de Hecaté, laquelle monstroient aussi, que la Lune n'a lumiere de soy, mais la reçoit du Soleil, pourautant qu'elle estoit faite en forme d'homme tout blâc, qui auoit la teste d'Esperuier. La blancheur signifie, que la Lune d'elle mesmes n'a lumiere, mais la reçoit d'autrui, assauoir du Soleil, qui luy donne aussi esprit & force: ce qui est signifié par la

teste



teste de l'Esperuier, pourautant que cest oyseau est
 consacré au Soleil, comme i'ay dit en son image. On
 lit d'abondant qu'en Egypte les mesmes anciens fai-
 soient Isis vestue de noir, pour monstrier qu'elle est *Isis.*
 de soy vn corps opaque & obscur: & estoit icelle
 aussi la Lune, comme on pouuoit cognoistre par sa
 statue faite en forme de femme, ayant deux petites

cornes de bœuf à la teste. A raison dequoy les Egyptiens ne pouuoient sacrifier les vaches, pourautant qu'elles estoient du mesme sexe que Isis. Ou bien pour autant que les fables dient, que iadis Iupiter la transforma en ceste beste, apres qu'elle eut iouy d'elle, affin que Iunon ne s'en prinst garde, & auoit lors à nom Io: & ainsi l'appellent les Grecs, & la peignent pareillement avec les cornes à la teste: mais estant apres venue en Egypte, elle y fut nommee Isis, & tenoit son Idole vne cymbale en la main droite, & vn vase en la gauche. Ce qui donna occasion à quelques vns (comme dit Seruie, commentateur de Virgile) de croire qu'elle fut l'Ange de l'Egypte, & que par elle on veist & conneust la nature de ce pays, la cymbale signifiant ce bruit que le fleuve du Nil fait quand il croist tellement qu'il noye toutes les terres d'alentour: & le vase, les lacs qui sont là. Autres ont dit, qu'elle est la terre, comme rapporte le mesme Seruie, & Macrobe aussi, ou bien la nature des choses, qui est subiette au Soleil: & de là vient qu'ils faisoient le corps de ceste Deesse tout plain & chargé de tetins, comme voulans inferer que l'vniuers prent nourriture de la terre, ou bien de la vertu occulte de la Nature, parce que les anciens représenterent aussi la

Nature. Nature par ceste Image. Et à ce que j'ay entëdu, vne statue & Idole faicte de mesme sorte fut trouuee à Rome au temps du Pape Leon dixiesme du nom, & voit on ceste mesme figure avec tant de mammelles en vne medaille antique d'Adrian. Quand les anciens d'Egypte vouloient desseigner la Nature en leurs sacrees

ſacrees figures, ils mettoient le Vaultour, & la raiſon eſtoit (dit Marcellin) parce que entre les Vaultours il ne s'en trouue aucun maſle, mais tous ſont femelles, comme eſcrit auſſi Elian : & creut on que Eur, vent de Leuant, ſeruiſt ainſi à ces oyſeaux en lieu de maſles, comme il ſemble que Zephyre engroiſſe ou fait enceinte la terre & les arbres au Printemps. Il y en a quelques vns, leſquels ont mis ſur la teſte de l'idole d'Iſis, vne ghirlâde ou chapeau d'Aurone, (que le vulgaire appellé cyprez ſauuage) & luy ont baillé en la main gauche la meſme herbe, & en la droite vne petite nauire, par laquelle ils vouloient, (peut eſtre) monſtrer, qu'elle vint en Egypte, comme ainſi ſoit que là fut celebree vne feſte dediee à la Nauire d'Iſis, comme eſcrit Lactance, pourautant que ſi bien les fables faignirent, que muee en vache nageant elle paſſaſt la mer, ſi eſt ce que l'hiſtoire a eſcript, qu'elle la paſſa nauigeant, & pource les Egyptiens la creurent auoir ſurintendance & maiſtriſer ſur les nauigations, qu'elle dreſſaſt le cours à la mer, & peuſt dōner par ſa diuinité heureux voyage aux nauigeans. Dont Lucian fait que Iupiter commande à Mercure, qu'il aille conduire Io par mer iuſques en Egypte, & que là il la faſſe appeller Iſis, & la faſſe adorer cōme Deeſſe, laquelle aye puiſſance de faire venir le Nil, de faire ſouffler les vents, & de conſeruer & ſauuer les nauigeans. Et Apuleie fait que la meſme Iſis parle de ſa feſte ainſi: Ma religion commēcera demain pour durer apres eternellement, & eſtants ia les tempeſtes de l'yuer appaiſees, & la mer de troublee, eſmeue & tēpeſtueuſe,

pestueuse, faite calme, & paisible & nauigable, mes prebstres m'offriront vne nasselle, en demonstration de mon passage. Comme aussi aucuns peuples de la Germanie (ainsi que racompte Alexandre le Napolitain) adoroient vne Liburne, qui est vne sorte de petite nauire, & legeré, (& pourray dire que fust cōme sont aujourd'huy les brigantins, ou les fregates)



croyans que c'estoit la vraye image d'Isis, le simulacre de laquelle en Egypte (dit Aelian) auoit la teste entournee & couronnee d'un serpent, & le mesme lit on en Valere Flacque, qui luy baille pareillement la cymbale à la main. Ouide, quand la fait apparoir en songe à Theletuse, la depeint ainsi, mettant avec elle aussi quelques autres des Dieux d'Egypte:

D'inach' la fille, ou plustost sa figure,

A Theletuse apparut d'auenture.

Dessus son front estoit apparoiſſant.

Le vray pourtrait de la Lune en Croissant,

D'or reluyſant elle portoit encor

Eſpis de blé, & la couronne d'or.

Pres luy estoit Anubis, ou Mercure

En chien, ainsi que là on le figure.

De Bubastis sa compaignie tressainte

Isis estoit enuironnee & ceinte.

D'Apis aussi, le grand bæuf blanc & noir.

Tu y estois aussi, qui as pouuoir

Mettant les doigts sur la bouche, d'apprendre

Qu'il se faut taire. On y pouuoit entendre

Cymbales bruyre, & sistres resonner.

Apuleie mesmement fainct de l'auoir veüe en songe, quand il estoit Afne, & la descript de façon, qu'on peut clairement voir que c'estoit la Lune, laquelle les Egyptiens adoroient avec myſteres couuers & cachez. Dont Martiã Capelle fait que Philologie entre en la sphere de la Lune, voit là les cymbales, les flambeaux de Ceres, l'Arc de Diane, les tabourins de Cybelé, & ceste figure à trois testes, de laquelle j'ay

desia dit que auoit aussi les cornes à la teste , & vne Bische, toutes lesquelles choses ensemble, & chacune d'apart signifioient la Lune. Mais retournant à Apuleie, il dit, que dormant luy sembla voir ceste Deesse, laquelle avec visage reuerend sortoit de la Mer, (pourautāt que les Poètes ont fainct que le Soleil, la Lune, & toutes les autres estoilles s'en entrās & couchās, qu'on dit en cōmun langage, se plōgeassent dās la mer , & que de là sortissent à leur premiere apparition par chacun iour) & peu à peu monstra par apres tout le corps reluyfant. Elle auoit la teste ornee de longs & espais cheveux, vn peu crespus, & lesquels estoient espars sur le col, & entournee d'vn beau chapeau de diuerses fleurs, & au milieu du frōt elle portoit certaine chose ronde, platte & polie, qui reluysoit comme vn miroir, & d'vn costé & d'autre estoient aupres d'elle quelques serpens, sur lesquels y auoit aucuns espis de bled. La robe de diuerses couleurs estoit faite d'vn linge ou voile fort delié, & sembloit estre maintenant blanche, maintenant iaune & doree, maintenant enflambee & rouge. Elle en auoit aussi vne autre toute noire, mais pourtant bien claire & luyfante, & couuerte presque toute de resplēdissantes estoilles, au milieu desquelles y auoit vne Lune esclairante, & aux bords d'alentour au bas y auoit des fleurs & fruiets de toute sorte, attachez avec vn tresbel ordre. En outre portoit la Deesse en la main droite certain instrument d'airin fait en mode de Cymbale, lequel menoit assez grand bruit & son, quand elle branloit le bras, & de

la main gauche luy pendoit vn vase doré, l'anse duquel estoit vn serpent, qui sembloit estre tout enflé de venin, & auoit aux pieds certain ornement fait de feuilles de Palme. Voila le pourtraict qu'Apuleie fait d'Isis, à laquelle par vne raison naturelle, il donne la robe blanche, iaune & rouge, parce que la Lune change souuent de couleur, dequoy plusieurs predisent la qualité du temps qui s'en doit ensuiuir. car la rougeur en icelle, signifie qu'il fera vent, la couleur obscure, pluye, & la claire, beau temps & air serain: comme de mesmes chanta Virgile, disant,

*Incontinent que la Lune recoit
Le nouueau feu que le Soleil luy donne,
Si de sa corne obscure elle enuironne
Air tenebreux, ce sera pluye extreme
Dessus la terre, & dessus la mort mesme:
Mais s'elle espond de son visage lors
Vne rougeur virginalle dehors,
Le vent viendra: car la Lune doree
Tousiours par vent est de rougeur paree.
Si au quart iour despuis qu'elle a son naistre
(Car ce quart iour vraiment fait cognoistre
Le temps futur) si pure elle sera,
Et qu'en son ciel claire cheminera,
Sans corne obtuse, & noirs brouillars suiuaus,
Tout le quart iour, & autres ensuiuaus
Après ce quart iusqu'à la fin du mois
Estre sans vent & sans pluye tu vois.*

L'autre robe toute noire monstre, que la Lune, comme j'ay dit plusieurs fois, n'a point de lumiere de soy,

mais la reçoit d'autrui, assauoir du Soleil. Aucuns ont dit aussi que Apuleie met ceste Cymbale à la main de ladite Deesse, pour demonstrier l'vsance & maniere de faire des anciens, lesquels fortis hors la maisõ au descouuert faisoient vn bruit & rumeur avec vases d'airain & de fer, estimãs d'ayder par ce moyen à la Lune, quand elle perd la lumiere lors que la terre est entre elle & le Soleil, & au milieu de tous deux, qui est au temps de l'Eclipse, duquel ne sachans la cause, ils disoient que la Lune estoit tiree en terre par la force & vertu des enchantemens, pourautant que lors quelques enchanteurs auoient donné à entendre au peuple de pouuoir cela faire, & plus. Dont Virgile disoit, parlant en la personne de certaine magicienne, que les vers charmez & enchâtez ont puissance de tirer du ciel la Lune çà bas : & lit on de Medee qu'elle faisoit descẽdre la Lune en despit & malgré d'elle : & Lucã parlant des enchanteurs de Thesalie, dit qu'ils furent les premiers qui feirent force aux estoilles, & qu'ils faisoient deuenir la Lune noire, & obscure lors qu'elle debuoit estre plus claire & plus luyfante, & la tenoient en ceste sorte iusques à tant qu'elle fut venue en terre, faire ce qu'ils vouloient. Et en Apuleie vne de ces enchanteresses se vante de pouuoir faire tout grand mal aux Dieux, & de pouuoir obscurcir à son plaisir la lumiere des estoilles, pourautant que la force de ces enchantemens s'entendoit non seulement contre la Lune, mais aussi contre le Soleil, & toutes les estoilles, & contre tous les autres Dieux, tât du ciel comme de l'enfer : lesquels

outre

outre toutes les autres maudites ceremonies, ils sou-
loient menasser (comme escrit Porphyre à certain
grand Prebstre d'Egypte, & Theodorit le rapporte)
de rompre & despecer le ciel, afin qu'ils tombassent
tous à bas, de reueler les secrets mysteres d'Isis, &
de publier toutes ses choses plus occultes, de faire
que la barque de Caron ne passera plus d'ames, de
donner les membres d'Osyris à Tyfon, pour les es-
carteler, mettre en pieces, & esprendre par tout, &
autres semblables folies, mettans tousiours en auant
ce qu'ils estimoient plus desplaire à ce Dieu, auquel
ils vouloient faire force, & le contraindre afin qu'il
leur vinst obeir. Et possible que à cecy fut semblable
ce qu'on lit en Ouide de Faune & de Pic, Dieux, ou
Demons, habitateurs du mont Auentin, qui par art
magique, & à force d'enchantemens contraignissent
Iupiter à venir du ciel leur respondre, combien que
par apres les Romains condampnerent cest art dia-
bolique, & ne le voulurent practiquer en aucune
maniere, comme on voit par Apuleie, qui en fut ac-
cusé, & en furent reputez maistres ceux de Thessa-
lie, parce que, comme racompte Suidas, Medee pas-
sant par ce pays, y versa & respendit la bouëste de
ses poisons, & de ses enchantemens. Et pource qu'ad
les Poëtes font quelques prieres à la Lune sous
nom quel que ce soit, ou de Diane, ou de Hecaté, ou
d'autre pour la rendre plus facile à les exaucer, ils luy
souhaitent qu'elle puisse auoir sa lumiere pure &
claire, & que les charmes de Thessalie ne la puyssent
iamais tirer du ciel. comme fait la Nourrice de Phe-

dre en la Tragédie Hippolyte de Seneque, que Robert Garnier, qui l'a traduite fait parler ainsi,

*O Roine des forests, qui habites les monts,
Diane à triple forme, inuoquee en trois noms,
Qui commandes aux bois, & aux montaignes sombres,
Qui là bas aux enfers regnes entre les ombres,
Et qui grande lumiere en nostre ciel reluis,
Effacant la noirceur des sommeilleuses nuitz,
Hecatè Triniane: O sainte chasseresse,
Escoute ma priere, & m'exauce, Deesse.*

Et vn peu après:

*ainsi tousiours luyssante
Puisse tu decorer la voule brunissante:
Ainsi quand tu seras au ciel pour l'esclairer,
Nul chant magicien ne te puyssé tirer:
Ainsi iamais l'obscur d'une ennuyeuse nue
Ne voile la beauté de ta face cornue.
Et nul pasteur iamais ne puisse triompher
Sur toy, &c.*

Par ce Pasteur est entendu Endymion, duquel les fables ont fainct que la Lune estant amoureuse de luy, l'endormit d'un sommeil perpetuel en vne montaigne de Carie, nommee Latmie, affin de le pouuoir mieux baïser à son ayse. Mais il y en a qui le content autrement. Et Pausanias escrit qu'ils feirent bien autre chose que se baïser, car aucuns diēt qu'Endymion eut de la Lune cinquante filles. Et lit on aussi que non seulement par amour elle luy feit largesse de son corps, mais pour auoir de luy en don des belles brebis blanches, tout ainsi que Pan Dieu d'Arcadie eut

la iouissance d'elle, luy donnant la toyson d'une brebis blanche, comme a chanté Virgile, & à son imitation Pierre de Ronfard en vn sien Sonnet ainsi.

Le Dieu Pan pour le prix d'une blanche toyson

Peut bien fieschir ton cœur.

Ce sont toutes fables, qui ont neantmoins quelque eschantillon de verité : car Pline escrit que Endymion fut le premier qui remarqua par le menu la nature de la Lune, & la diuersité de ses mouuemens: & pource fut saint estre rauy de son amour. Alexandre Aphrodysee en ses Problemes escrit pareillement que Endymion fut homme fort studieux du cours & mouuement des choses celestes, & parce qu'il dormoit le iour, & veilloit la nuit, pour obseruer les aspects diuers de la Lune, il fut dit auoir pris son plaisir avec la Lune, & auoir dormy vn sommeil merueilleux, finalement auoir appris d'elle, comme vray Philosophe, la cognoissance & resolutiō de telles causes. On l'a saint aussi estre pasteur, pource qu'il contemploit es lieux solitaires & hautes montaignes le mouuement de la Lune. De mesme pourroit on dire aussi de ceux de Thessalie, que pour auoir voulu rechercher le cours & la nature de la Lune, on aye saint apres qu'ils la tiraissent du ciel en terre, & lors le peuple croyoit qu'elle patist beaucoup, & supportast grand ennuy, & que ce son representé par la Cymbale que tenoit Isis à la main, allegeast grandement la peine de la violēce qui luy estoit faite, comme chantarent souuent les Poëtes, & Pline en escrit aussi, disant qu'il y a des hommes, lesquels cuydans la Lune pou-
voir

uoir estre charmée & enchantée, vont à son secours, menant vn certain grand bruiet, avec diuers sons, pour garder la Lune d'entendre les charmes & enchantemens. Ainsi anciennement quand on voioit la Lune ecclipsée ou passe, la gent simple de ce temps croioit qu'elle auoit esté enchantée. Et pour rompre cest enchantement, faisoient vn chariuary de poësles & autres pots d'airain, afin que le son rompiſt le charme, & que la Lune fuſt deliurée de ſa douleur. Ce que ſemble toucher Ouide quand il fait ainſi parler la ſorciere Medee:

Je ſay auſſi la Lune deſaillir,

Sans que vaiſſeaux d'airain, quand ils reſonnent,

(Ainſi qu'on dit) empeſchement y donnent.

Dont Properce dit, que les enchantemens mettroiēt la Lune de ſon chariot à bas, ſi l'airain reſonnant ny remedioit. Et Iuuenal parlant de certaine femme babillarde & remplie de caquet, dit, qu'il ne faut plus faire tintamarre avec pots de cuyure, airain, ny autres metaux, pourautant qu'elle ſeule par ſon babil, mene tant de bruit, qu'elle peut deffendre la Lune des charmes. De ceſte couſtume ancienne de faire bruyre auſſi les chauderons lors de l'eclipse de la Lune, fait auſſi mention Tite Liue au 26. liure des la ville baſtie, & Plutarque en l'opuscule, de la face qui apparoit en la Lune. Autres ont voulu dire que la Cymbale, appelée par les anciens * Sistré, miſe en la main d'Iſis ſignifie le ſon que la Lune fait au rouër des ſpheres celeſtes. Et ne la faiſoient ſeulement d'airain, mais auſſi d'argent, & d'or, comme dit Apuleie, quand il par

* Ἀπὸ τῆς
σείσης, à qua
tendo.

il parle des myſteres de la Deeffe Isis : & cōme recite Celie Calcagnin, ceſt inſtrumēt eſtoit à quatre faces, qui ſe mouuoieēt à l'entour de deſſus, lesquelles ſignifioient, q̄ la partie du mōde, qui ſ'engendre & ſe corrompt, eſt deſſoubs le globe de la Lune, là où toutes les choſes ſe changent ſelon le mouuement des elemens, demōſtrez par les quatre faces. Au dedās & en la partie de deſſus, ils inſculpoient vn chat ayant viſage d'homme, & y auoit autres deux teſtes, qui ſe remuoient ſoubs les quatre, que i'ay dit : l'vne eſtoit d'Isis, l'autre de Nephthie, & ſignifioient icelles la naiſſance & la mort des choſes, qui prouiennent des mutations des Elemens. Le chat ſignifioit la Lune: dont les fables faignans, cōme racompte Ouide, que les Dieux pour euitier la furie de Typhon le geant, ſ'en fuyſſent iuſques en Egypte, & ne ſe tinſſent là aſſeurez, s'ils ne ſe chāgeoient en diuers animaux, dirent que Diane ſe tranſmua en chat, parce que c'eſt vn animal fort diuers, & qui void de nuit, & dont les yeux ſe changent, leur clarté croiſſant ou diminuant, ſelon que la lumiere de la Lune diminue, ou croiſt, & le faiſoient avec face humaine, pour demonſtrer, que les mouuemens de la Lune ne ſe font ſans ſupérieure intelligence. C'eſtoient les myſteres contenus au Sifre tant célébré es ceremonies d'Isis, & mis ſouuent à la main en ſon image, comme i'ay ia dit, qu'Apuleie le luy meit en la droicte. Quant au vaſe qui luy pēdoit de la main gauche, outre ce que i'en ay dit, on lit auſſi qu'il peut ſignifier le mouuement des eaues groſſes & enſlees par la nature hu-

mide de la Lune. De là vient qu'aucuns ont voulu dire, que le croissement & descroissement, soit occasion du flux & reflux que font les eaues de la mer. Et affin que ceste image de la Lune, outre les choses naturelles qui sont en elle monstrees, nous en enseigne aussi quelque autre plus profitable à la vie humaine, regardons à ce que dit Saint Ambroise, lequel par l'exemple de la Lune, la lumiere de laquelle se peut à bon droit appeller incertaine, par ce que se changeant toutesfois tantost croist, & tantost diminue, nous admoneste que parmy les choses de ce monde n'y a rien de ferme, assésuré & permanent, & que toutes se deffont & destruisent avec le temps. C'est pourquoy aucuns disoient que les anciës Romains de noble famille portoient aux pieds certaines petites lunes, affin d'auoir deuant les yeux & par icelles estre souuent aduertis de l'incertitude & fragilité des choses humaines, affin qu'ils ne fussent orgueilleux, encores qu'ils abūdassent en biens, pour autant que les richesses, & les autres biens de fortune tant estimez des mortels, sont à point comme la Lune, laquelle maintenant est toute claire & resplendissante, tost apres sa clarté amoindrit de telle sorte que bien peu on la voit, & en fin deuient tant obscure, que plus il ne semble qu'elle soit, & ne paroist rien du tout. Mais c'est asses parlé de la Lune: disons maintenant de ceste vñance & maniere de faire des Romains, de porter les lunes ou croissans en leurs souliers, parce que quelques autres la tirent des Arcadiens, disans, que d'entre tous les peuples de la Gre-

ce ils s'estimerent estre les plus antiques, & partant plus nobles, car ils auoient opinion & tenoient pour certain d'auoir esté deuant que la Lune fust faite. Ce qu'ils croyoient & le se persuadoiēt à cause que l'Arcadie au milieu de la longueur du Peloponnese est plus haute de tous les autres pays de la Grece, & montueuse, à raison dequoy fut dit qu'au temps du Deluge les Arcadiens seuls se sauuerent, s'estans retirez aux sommetz des montaignes, iusques à ce que les eaues furent baissées. Alors sortans des cauernes, & voians la Lune, estimans que celle qui estoit deuant le deluge fust perie avec les autres choses ensemble, & ceste cy en fust vne autre, la creurent auoir esté faite ou nee alors seulemēt, & parainfi apres eux, qui estoient nez long temps au parauant: & delà ils prenoient argument d'estre les plus anciens, & les plus nobles de tous les autres Grecs, puis qu'ils auoient esté premier que la Lune. Mais les pauures gens estoient bien abusez, car comme chante Ronfard en vne Ode:

Les mesmes flambeaux des cieux,

Le Soleil & ceste Lune,

C'estoit la mesme commune

Qui luysoit à nos ayeulx:

Car rien ne se pert là haut;

Et le genre humain defaut.

Tellement que de cecy les Romains prindrent la mode & vsance de porter des petites Lunes ou croif sans ez souliers, pour enseigne & marque d'antiquité, & de noblesse de leur race, comme voulans infe-

rer qu'elle estoit egale à celle des Arcadiens naiz au parauant la Lune. Les Atheniens pareillement voulans monstrier qu'au parauant eux, n'y auoit point eu d'autres hommes, mais qu'eux estoient naiz de la terre, portoient aucunes cigales d'or à la teste, agencees en diuerſes sortes parmy les cheveux, comme racompte Suidas. Et Athenec escripuant des delices des Atheniens, met, que les ieunes qui se vouloient parer plus delicatement & lasciuement, mettoient quelques petites cigales d'or entour le front, & Aelian en escript de mesme.

I V P I T E R.

I V P I T E R acquist si grande reputatiō enuers les anciens, apres qu'il eust chassé son pere Saturne du royaume du ciel, comme racomptent les fables, que tous luy porterent grand honneur & reuerence, tellement qu'il fut creu & réputé le plus grand de tous les autres Dieux. A raison dequoy ils luy edifierent plusieurs temples, & en feirent diuers simulachres & statues, l'appellans Roy, & Seigneur de l'vniuers, comme que tout fust en sa puissance. Et le nommerent aussi B O N, & T R E S G R A N D, comme ainsi fut que par sa bonté il voulust ayder à tous, & leur faire du bien, & le peust aussi faire par sa grandeur, & maiesté en laquelle il surpassoit tous les autres. Et de ce qu'il ayde on dit quil fut appelé des Latins *Iouis*, Ioue, comme les Grecs luy donnerent vn nom, qui monstroir, que de luy vint la vie à tous

tes les choses. Et pource le meirent les Platonien
pour l'ame du monde, & quelques vns le creurent
aussi estre ce diuin esprit qui a produit, & gouuerne
l'vniuers, lequel cōmunement ils appellent DIE V.
De cestuy, Iamblic parlant des mysteres d'Egypte,
dit ainsi: Parce que DIE V va sur toutes les choses,
resplendit comme separé d'icelles, & tout seul en soy
mesme chemine par dessus l'vniuers, les Egyptiens
le feirent assis sur le Melilot, arbre aquatique appellé *Iupiter as-*
en Latin Lotus, qu'aucuns prennent pour le Mica- *sis sur le*
goulie ou Farigoulie: voulans par cela donner à *Melilot.*
entendre, que la nature du monde est subiecte à luy,
lequel la regit & gouuerne sans la toucher, d'autant
que son gouuernement est tout intellectuel, comme
signifie le Melilot, duquel les feuilles, & les fruiçts
sont ronds, parce que la diuine essence & intelligen-
ce se tourne en soy mesme & tousiours gouuerne.
D'ou vient ceste grande principauté & souueraineté,
laquelle regit tout, & separee de toutes les choses du
monde fait, que toutes se mouuent, luy, demeurant
tousiours en soy mesme coy, reposé, & immobile. Ce
que les Egyptiens vouloient denoter le faisans as-
seoir, comme i'ay dit. Et cecy entendirent les anciens
par ce grand Iupiter Roy du ciel, qui habitoit en la
plus haute partie de l'vniuers, lequel considéré en *Ioue est*
après selon les choses, lesquelles toutes procedent *tout.*
de luy, descent plus bas, & souuent preste son nom
aux causes inferieures, & aux choses semblables. Dōt
Seneque aux questions naturelles escrit, que les plus
sages anciens n'ont pas creu, que Ioue ou Iupiter fust

*Jupiter est
Destin,
Prouidence,
Nature,
Monde.*

tel qu'on le voit au Capitole, & ez autres tēples avec le fouldre à la main, mais que par luy ils entendirent vne intelligence & vn esprit gardien & recteur de l'vniuers, qui aye fait ceste grande machine du monde, & la gouuerne à sa volonté, & que pource tout nom luy estoit propre & conuenable, de maniere qu'on le pouuoit appeller Destin, comme que de luy dependissent toutes les choses, & l'ordre des causes, qui sont l'vne par dessus l'autre, tout procedast de luy. Il pouuoit estre nommé Prouidence, parce qu'il pouruoyoit à ce que le monde allast continuellemēt à son cours déterminé & ordonné. Ils le pouuoient dire Nature, pourautant que de luy naissoient toutes les choses, & par luy viuoit ce qui a vie. Et Monde pareillement le pouuoient ils appeller, d'autant que ce qu'on voit tout est luy, qui se soubstient de sa vertu propre, & ainsi on le croioit estre en tous lieux, & remplir de foy toute chose, comme dit Virgile:

Du souuerain Iuppin l'vniuers est remply.

Et Orphee disoit aussi que Ioue est le premier & dernier de toutes les choses, fut deuant tous les temps, qui ayent onques esté, & sera apres tous ceux qui viendront, qui tient la plus haute partie du monde, & touche aussi la plus basse, & est tout en tous les lieux. Et puis faisant de luy vne image & portrait, parce qu'il a desia dit qu'en luy sont toutes les choses, la Terre, l'Eaue, l'Air, & le Feu, le Iour & la Nuiet, il le depeinct en forme de tout le monde, faisant que la teste & la perruque doree soit le ciel clair, orné d'estoilles reluisantes, duquel on void

sortir

sortir deux cornes pareillement dorees, qui signifiēt, l'vn l'Orient, l'autre l'Occident, les yeux sont le Soleil, & la Lune, l'air la large poitrine, & les espaules spacieuses, lesquelles ont deux grandes ailes pour la legeretē & vifesse des vents, & pour ce que Dieu se rend tresprompt à toutes les choses, l'ample ventre & la grād terre ceinte des eaux de la mer, & les pieds sont la plus basse partie du monde, laquelle on faict estre au cētre de la terre. C'este image de Iupiter faite par Orphee en forme de l'vniuers m'attire & induict à mettre celle de Pan, pour la similitude qu'ils ont entre eux, & pource que les anciens sous la forme de ce Dieu signifient aussi l'vniuers. Outre ce que Iupiter Lyceen enuers eux fut le mesme que estoit Pan, comme le montre son simulachre lequel estoit tout nud, exceptē qu'il auoit entour luy vne peau de cheure: & eut icelluy, cōme escript Iustin, vn temple dans Rome au pied du mont Palatin. On lit donc de luy, qu'il fut vn de ces Dieux qui habitoient les montagnes, les forests, & les boys, car tous les Dieux des anciens ne pouuoient demeurer au ciel, mais falloir que plusieurs d'iceux demeurassent en la terre, & l'adoroient les pasteurs plus que les autres, comme estant leur Dieu particulier, qui eust sur tous en recommandation la garde des troupeaux, comme dit Virgile,

Pan a le soing des troupeaux & pasteurs.

Et pource que quelquesfois il semble que dans les boys les troupeaux de bestail prennent peur, & ne se puisse voir d'oū prouient la raison de tel espouuancement,

tement, les anciens dirent, qu'elle venoit de Pan, & appelloient Terreur Panique toute peur, qui venoit au despourueu, & sans y penser, & n'en sceurent dire l'occasion, sinon celle que i'en ay dit, ou bien pour ce que Pan fut estimé estre le premier qui inuentaſt de sonner la trompe & coquille tortue que les Tritons portent, avec laquelle il feit si grande rumeur en la guerre contre les Titans, qu'il les meit tous en fuyte, espouuantez de sorte qu'ils ne ſçauoient où ils s'en allaſſent: cōme on lit en Pausanias, qu'il aduint de meſmes aux François, en la guerre qu'ils eurent conduicts par Brenne leur capitaine à l'encontre des Grecs: pourautant qu'ayans eſté mis en route de iour furent aſſaillis la nuit de ceſte terreur Panique, eſtant aduis premierement à quelques vns en petit nombre, puyſ à tous ceux de l'armée qu'ils entendoient vn grand trac & bruiſt de cheuaux marchans en foule, & qu'ils voyoient les ennemis leur venir deſſus en grande furie, à raiſon de quoy ils prindrent tous les armes, ne ſe recognoiſſans point l'vn l'autre, tant les auoit raiſ hors de ſens ceſte folle peur & imagination, & ſemblant à chacun que tous les autres & d'habit & de langage fuſſent Grecs, commencerēt à ſ'entrebattre & à gagner au pied qui ça, qui là: de quoy aduertis les Grecs, leur coururent ſus, & en tuerent tant qu'ils voulurent. Polliene en ſes ſtratagemes le racompte autrement, & ſ'accorde neantmoins que ceſte manière de ſotte frayeur, qui ſemble eſtre ſans occasion, ſoit venue de Pan. Hygin racompte, que lors que Typhon occit Oſiris, les

autres

autres Dieux craignans la fureur de ce tyran, se trãformerent en diuerſes beſtes & figures, pour euites ſes mains, de ſorte que Mercure & Apollon firent faiçts oyſeaux, & Diane ſe changea en vne chatte (comme i'ay deſia dit) & Iupiter ſe voulant venger des Titans, les aſſaillit d'une frayeur que depuis on a appellé Terreur Panique, & de cecy fut l'occafion que cõme Ofiris euſt eſté tué par Typhon, & les autres cõſpirateurs, les Pans & Satyres qui ſe tenoient à Chemis, ville d'Egypte, aduertis du fait, le publierent, & feirent entẽdre au peuple, lequel s'eſtonnant de choſe tant inique, eſt aduenü q̃ les frayeurs inopinẽes & ſoudaines, ont eſté nommees Paniques (deſquelles fait mẽtion Syneſe au liure de la Prouidence, Nicetas, Choniata, Theon interprete du Poëte Arat, & Eurypide) à raiſon du Dieu Pan, que les Arcadiẽs eurẽt pour Dieu peculier, & fut adoré en Arcadie, & là tenu & reputé egal à tous les autres plus puyſſans Dieux: & fut gardé le feu perpetuel en ſon temple, où lon diſoit q̃ iadis eſtoit vn oracle, qui rendoit des reſpõſes par la bouche d'une Nymphe, nõmee Eraton, qu'Arcas fils de Calyſton print à femme. Les Atheniẽs ſemblablement cõmencerent de l'auoir en grand reſpect & honneur, depuis qu'il apparut à vn qu'ils auoient enuoyé demander ſecours aux Lacedemoniens, contre les Perſes, auquel il dit qu'il ſe trouueroit à leur beſoing aux champs de Marathon. Mais ie n'ay point leu ſi apres il tint promeſſe, ou non: bien lit on qu'en ceſte bataille fut veu vn homme reſſemblant de viſage & d'habit vn payſan, lequel apres

auoir occis avec vn soc de charrue grand nombre de Perſes, ſe diſparut, ſans onques puis eſtre veu. Et au lieu où Pan rencontra celui que i'ay dit, aſſauoir en la foreſt Parthenie, luy fut baſti vn temple, en laquelle foreſt on liēt qu'il y a de tortues fort bonnes à faire des Lyres, inſtrument muſical, que du nom de l'animal les Grecs appellēt *χελῖν* : mais que ceux du



pays ne les osent prendre, & moins les laissent emporter aux estrangers, pourautant qu'ils tiennent que soient toutes cōsacrees à Pan. Aussi fut il estimé Dieu de la musique, combien qu'on en attribue l'invention, & de la Lyre à Mercure. Et pource la Tortue a esté mise au pied de l'image de Pan, comme aussi la Coquille servant de trompe & cornet, en signe de la terreur Panique qu'il enuoia. Silie Italique le descript auoir deux petites cornes au front, les oreilles de cheure longues & roides, les temples entournees de feuilles de pin, la barbe mal peignée qui luy descend iusques à la poitrine, vne petite queue, laquelle il remue, porte vne houlette à la main, & est vestu de la peau d'une bēche toute tachetee: chemine par les rochers, tant soient ils inaccessibles, & est tres agile à courir, ainsi que le monde pareillement avec grande velocité se tourne, signifié par l'image de ce Dieu, la figure duquel estoit autant sottē & monstrueuse, que folle l'opinion de ceux qui l'adoroient: car on luy faisoit la face presque comme d'un bouc, & de couleur rouge, des cornes rudes & mal polies, ayant l'estomach rayonnāt d'estoilles, le bas du corps tout velu, & les pieds comme vne cheure: & tenoit ce simulachre d'une main vne fleuste, & de l'autre vne houlette. Quāt à son origine, on tenoit que Pan estoit fils de Iupiter & Oeneide Nymphē, d'autres du ciel, & de la terre, d'autres d'Ulyssē, & Penelope, & les plus fols de Mercure, & la susdite Penelope, laquelle s'enamourant de Mercure, qui s'estoit transformé en un bouc, & iouissant de son desir, conceut

& enfanta ce monstre Cheurepicd, duquel l'antiquité a tant fait de compte. Aussi Herodote racomptant l'origine des Dieux, dit que Pan estoit enregistré au roolle des huit premiers Dieux, lesquels estoient plus anciens que ceux de la Grece: & que pour ceste occasion les Egyptiens ne tuoient aucunement les boucs, ny les cheures, pource que les Pans, Egi-pans, Faunes & Satyres, estoient figurez en telle forme: & que Pan estoit appelé Bouc en Egypte, sous le nom de Mendés, qui a vne pareille signification. Mais laissant à part les folles & fabuleuses histoires de ces Pans, & autres Dieux forestiers, & gardes des troupeaux, voyons vn peu quelles contemplations les plus doctes ont forgé sur le simulachre de ces Dieux cheuretiers. Premièrement, à raison du nom, qui est Grec, & emporte vniuersalité, assauoir Pan, que les anciés ont entendu Iupiter, ou le mōde, & la nature de l'vniuers, & que pour ceste raison on luy paignoit les estoilles diuersifiées sur la poitrine, laquelle couuerte & les espaules de la peau tachetee, signifie la huitième Sphere, ou ciel tout semé de relaysantes estoilles, lequel pareillement couure tout ce qui appartient à la nature des choses: ou disoient qu'il estoit appelé Pan, comme estant le Dieu de l'vniuers, & que pour ce il auoit la face semblable aux hommes, d'autant que la force intellectuelle gist en la contemplation des choses celestes, & les pieds durs & solides, pour l'esgard de l'aspreté de la terre, comme commandant & sur l'vn & sur l'autre, & que le naturel seulement à Dieu approprié estoit en

cela

cela signifie, que Pan se tenoit d'ordinaire par les deserts & lieux solitaires, d'autant que le monde est vn, & de la main d'un seul fait & formé. Oyons quelle est l'opinion de Macrobe sur l'image de Pan. Ce Pan mesme qu'on appelle Inue, sous l'habit qu'on le voit effigié, se souffre estimer aux plus clair voyans n'estre autre cas que le Soleil: en tant que les Arcadiens l'adorans, & appellans *τὸν τῷ ὕλης κύριον*, non comme seigneur des bois & forests, (car ainsi pourroit on prendre l'interpretation de ces mots Grecs) ains signifians qu'il commandoit sur la substance materielle de l'univers. La vigueur & force de laquelle matiere, soit elle diuine ou terrestre, dresse & compose l'essence de tous les corps de l'univers. Ceste longue barbe donc donnée à Pan signifie le naturel de la lumiere, par laquelle le Soleil esclaire & au circuyt du ciel en haut, & aux parties plus basses, & inferieures. & aucuns dient qu'elle denote que les deux elemens superieurs, assauoir l'air & le feu, sont de nature & force masculine, & enuoyent leurs impressions aux autres deux de nature feminine. Ses pieds de cheure monstrent, que la matiere, laquelle par la force du Soleil s'espand par toutes les substances, finit en l'element de la terre. Et c'est pourquoy on a choisy la figure de la cheure, entant qu'encor que cest animal aye les pieds solides, si est ce que passant, il cherche tousiours les plus hauts lieux, tout ainsi que le Soleil, soit qu'il lance ses rayons d'en haut en terre, ou soit qu'il se retire & monstre sa clarté au soir sur les montaignes. Seruie, qui a interpreté Virgile, dit

sur ce propos, que Pan est effigié à la similitude de la nature, entant qu'il a des cornes, comme se rapportant à la semblance des rayons du Soleil, & des croissans de la Lune: la face duquel est coloree & rougeastre, pour l'esgard de l'imitation de la partie du ciel qui est etheree. Et Boccace veut que ces cornes qui luy sortent du front, & tendent vers le ciel, demonstrent les corps celestes, desquels nous auons connoissance en deux manieres: l'une est l'art, lequel avec les instrumens astronomiques, mesure le cours des estoilles, & leurs distances: l'autre, les effects que nous voyons qu'icelles produysent ez choses de çà bas: & que la face rouge & enflambee qu'on depeint à Pan, signifie ce feu pur, lequel par dessus tous les autres elemens est voyfin des spheres celestes. Quant à ce que ses iambes sont velues & herissees, c'est à cause des bois, plantes, & bestes qui sont sur la terre: & a les pieds comme d'une cheure pour l'esgard de la solidité de la terre. Il porte une fleuste à sept chalumeaux, à cause de l'harmonie celeste, laquelle à sept sons, & sept voix differentes, de mesme qu'il y a sept cieux qui les font: ou bien parce que Pan fut le premier qui inuenta la fluste faite de sept roseaux ou cannes assemblees, laquelle aussi il sonna le premier. Et porte la houlete, ou baston recourbé pour signifiante de l'an qui recourt en soy, & finissant, tout aussi tost il recommance. Les anciens ont fait ce Pan addonné à la paillardise, & fort lubrique, à cause de l'abondance des semences de la nature qu'il represente, & pour les fruiets qui sortent du meslan-

ge d'icelles. Platon en vn liure qu'il a fait de la vraye raison des noms, introduit Socrates parlant en ceste sorte: Il est conuenable que Pan soit le fils de Mercure, d'autant que tu sçais que la parole *παν*, c'est à dire, tout, vole tousiours, & circuyt par tout, & est double, assauoir la fausse, & veritable. Or ce qui en la parolle est vray, est aussi legier & diuin, & se tenant en haut avec les Dieux: au contraire, ce qui est faux, habite parmy les hommes, & est de naturel aspre, fascheux, & tragique. A bon droit donc celluy qui est Pan, c'est à dire, tout annonçant, tousiours allant & circuyant, & encor ayant deux formes, qu'il soit aussi fils de Mercure: comme estant doux & delicat ez parties d'enhaut: aspre, rude, & cheurier ez parties inferieures. Par ainsi Pan fera ou la mesme parole, ou le frere d'icelle, d'autant qu'il est le fils de Mercure. Euandre portant en Italie les ceremonies des Arcadiens, & apres eux des Lacedemoniens, fut cause que les Romains instituerēt la feste sale & desbordee des Lupercales, & en laquelle ceremonie on immoloit des chiens à Pan, Dieu d'Arcadie. On à estimé que ce Pan a esté amoureux de la Nymphe Echo, inuisible à tout œil, ce qui signifie l'harmonie du ciel, amye du Soleil, comme le maistre & gouuerneur de tous les corps celestes, desquels elle est composée. Mais Alexandre Aphrodysee dit que le vulgaire erre grandement, reuerant & adorāt Echo, comme quelque souveraine puissance, & croit follemēt que le Dieu Pan ait esté amoureux d'icelle. Car Pan, homme docte, a premier cerché la cause de telle resonnance, & au-

cunement

Echo.

cunement distrait par grand desir de la cognoistre, apres auoir long temps trauaillé à la chercher, estoit ennuyé, ainsi que ceux qui à la fin ne peuuent iouir de celle qu'ils ont tant desirée. Echo donc ne fut onques & n'est autre chose que ceste repercussion de l'air qui se fait ez lieux concaues, ou ayans rebat, esquels est causee ceste voix immortelle qu'on appelle Echo, de laquelle dit Ouide,

Car elle fait resonnante responce

Au dernier mot des choses qu'on prononce.

Et vn peu apres,

Mais en tous lieux, où son sejour s'estend,

Qui ne la void, pour le moins il l'entend.

Bien racomptent les fables qu'Echo fut vne Nymphe, laquelle estant esprise de l'amour de Narcysse, adolescent fort beau, & ne pouuant fleschir sa rigueur par douces & honnestes prieres, s'alla cacher de honte dedans les grottes & cauernes obscures, & là se consuma d'ennuy & de douleur, de maniere que le corps en fut conuertý en pierre, & par le vouloir des Dieux ne resta rien d'elle que la voix, encores manque & imparfaite, qui reste encores hostesse perpetuelle des forests, & laquelle Lucrece escrit d'auoir ouy respondre en certains lieux six & sept fois. Pline en son histoire naturelle fait mention d'un Echo qui estoit en Athenes, pres la porte Thracienne, lequel repetoit les parolles iusques à la septieme foys. Et Pausanie escrit qu'en Olympie au portique qui regardoit sur le lieu de l'exercice, il y auoit vne reuerberation de l'air, qu'on appelle en

Grec

Grec ἐχὼ, qu'il dit auoir esté heptaphone, c'est à dire, respondant à sept voix : à raison dequoy le portique portoit le nom de Heptaphone, comme le rapporte Plutarque, & le baille pour chose merueilleuse: ceste voix procedant du rebat de l'air enclos ez vagues des lieux profons, & enuironnez de quelques collines. On lit aussi de ceste Echo, qu'elle fut Deesse, fille de l'air, & de la langue, & partant inuisible. Dont le Poëte Ausone en vn Epigramme qu'il a fait, reprend celluy qui cherche la peindre & représenter en vn tableau, lequel Epigramme j'ay imité sans m'assubiettir à le tourner mot par mot.

*A quel propos, ô peintre temeraire,
T'efforces tu de me vouloir pourtraire,
Qu'onc ne me veid humaine creature,
Et n'ay ny corps, ny couleur, ny figure?
Fille ie suis de la langue & de l'air,
Et sans autruy ie ne scauroy parler,
Ny en tous lieux, mais me conuient attendre
La voix d'autruy, pour voix semblable rendre,
N'ayant pouuoir de dire ou inuenter
Aucun propos, mais bien de repeter
De mesme son la derniere parolle
Qui par le vent soudain en l'air s'enuole.
Si tu veux donc de ton subtil pinceau
Représenter en vn nayst tableau
Chose qui soit à moy toute pareille
(Qui fais seiour en l'une & l'autre oreille)
Pains ou le son, ou la voix: & ce traict
Te rendra peintre en l'art le plus parfaict.*

Ce que ie n'entreprendray ia de faire, estant chose impossible, bien mettray ie l'image qu'en fait iadis le Seigneur Barbare, eleu Patriarche d'Aquilee, en deux stances qu'il en a fait que ie laisseray en leur vulgaire:

*Echo figlia de i boschi, e delle valli,
 Ignudo spirto, e voce errante, e sciolta,
 Eterno effempio d'amorosi falli,
 Che tanto altrui ridice, quanto ascolta,
 S'amor ti torne à suoi allegri balli,
 E che ti renda la tua forma tolta,
 Fuor d'este valli abbandonate, e sole
 Sciogli i miei dubbi in semplici parole.*

<i>Echo, che cosa è il fin d'amore?</i>	<i>amore.</i>
<i>Chi fa sua strada men sicura?</i>	<i>cura.</i>
<i>Viue ella sempre, ò pur sen more?</i>	<i>more.</i>
<i>Debbo fuggir la sorte dura?</i>	<i>dura.</i>
<i>Chi darà fine al gran dolore?</i>	<i>l'hore.</i>
<i>Com'ho da vincer chi e spergiura?</i>	<i>giura.</i>
<i>Dunque l'inganno ad amor piace?</i>	<i>piace.</i>
<i>Che fin' è d'esso, guerra, ò pace?</i>	<i>pace.</i>

Les differentes terminaisons de cest Echo aux langues Françoisse & Italienne sont cause qu'impossible est d'en faire traduction, à tout le moins nayfue, chacune langue ayant sa propriété & dictions propres, en quoy la Françoisse n'est moins riche & copieuse que les autres vulgaires. Mais pour exemple de telle sorte d'echo, ie me contenteray de mettre icy quelques vers de Ioachim du Bellay, qui ont beaucoup meilleure

meilleure grace, & sont d'autre substance:

<i>Piteuse Echo, qui erres en ce bois,</i>	
<i>Respon au son de ma dolente voix.</i>	
<i>D'où ay-ie peu ce grand mal concevoir,</i>	
<i>Qui m'oste ainsi de raison le deuoir?</i>	<i>De voir.</i>
<i>Qui est l'autheur de ces maux aduenus?</i>	<i>Venus.</i>
<i>Comment en sont tous mes sens deuenus?</i>	<i>Nuds.</i>
<i>Qu'estoy-ie auant qu'entrer en ce passage?</i>	<i>Sage.</i>
<i>Et maintenant que sens-ie en mon courage?</i>	<i>Rage.</i>
<i>Qu'est-ce qu'aymer, & s'en plaindre souuēt?</i>	<i>Vent.</i>
<i>Que suis-ie doncq' lors que mō cœur en fend?</i>	<i>Enfant.</i>
<i>Qui est la fin de prison si obscure?</i>	<i>Cure.</i>
<i>Dy moy, quelle est celle pour qui i'endure?</i>	<i>Dure.</i>
<i>Sent elle bien la douleur qui me poingt?</i>	<i>Point.</i>
<i>O que cela me vient bien mal à point.</i>	
<i>Me faut il donc, (ô debile entreprise)</i>	
<i>Lâcher ma proye auant que l'auoir prise?</i>	
<i>Si vaut il mieux auoir cœur moins hautain,</i>	
<i>Qu'ainsi languir sous espoir incertain.</i>	

Or reuenons aux Faunes, Satyres & Syluains, faux Dieux, appelez forestiers & gardes des troupeaux, lesquels estans faicts de la forme de Pan, sembloient estre d'une mesme nature : ils ont tous vne petite & courte queue, & à tous donnerent les anciens ghir-lâdes & chapeaux faicts de lis & de roseaux, & lit on, que quelquesfois ils furent couronnez aussi de fueil les de peuplier, ou tremble, & de fenoil. Dont Virgile en la derniere Eclogue de ses Bucoliques, fait que Sylvain a la teste ceinte d'un chapeau rustique de ferules flories, & de grâds Lys. Et en vn autre en-

droit il luy baille à porter en la main vne tendre plâ-
te de Cyprez, parce que, comme sur ce passage le de-
clare Seruie, vn fort beau ieune homme appelé Cy-
parisse, qu'il aymoît extrêmement, fut mué en cest
arbre. Syluain fut des anciens estimé Dieu, non seu-
lement des forests, mais aussi des champs & terres,
& croyoient qu'il eust le soing de la cultiuation d'i-
celles, à laquelle ils le prouoquoient avec ne sçay
quelle ceremonie, quand les femmes estoient en ge-
fine, affin qu'estant occupé en ce labeur des terres, il
ne vinst la nuit fascher ces accouchees : pourautant
qu'il estoit reputé estre ceste chose grosse & pesante
qui semble aucunesfois oppresser celuy qui dort, &
monter dessus luy, comme l'empeschant d'auoir son
haleine. Varron escrit, & Saint Augustin le rapporte
en sa cité de Dieu, que les anciens auoyent de cou-
stume, bailler trois Dieux pour gardiens à vne fem-
me deliuree d'enfant, apres l'enfantement, de peur
que le Dieu Syluain n'entre de nuit, & luy donne
de l'ennuy : & que pour signifier ces gardiens, trois
hommes alloyēt la nuit à l'entour du fueil de l'huys
de la maison, & que premierement on frappoit le
fueil de l'huys, d'une coignee, & puis d'un pilon : en
apres on le balioit avec des balais, affin que ces si-
gnes de seruice & d'honneur luy ayans esté donnez,
lon empeschast le Dieu Syluain d'entrer. Ce qui
estoit fait en consideratiō que les arbres ne sont pas
coupez & taillez sans fer, ny le bled à manger ne se
fait pas sans pilon, ny les bleds ne s'amassent ensem-
ble sans balais. Que de ces trois choses, trois Dieux
furent

furent nommez, assauoir, Intercidone, de l'entre-couppement de la coignée, Pilumne, de pilon, Deuerre, des balais desquels on balye : par la garde desquels trois Dieux, la femme accouchée d'enfant estoit conseruee cōtre la force & violēce du Dieu Syluain. Quant aux Satyres, Lucian escrit, qu'ils ont les oreilles pointues, cōme celles des cheures, & sont chaulues, ayans deux petites cornes à la teste : & adiouste Philostrate qu'ils ont la face rougeastre d'effigie humaine, & les pieds de cheure, ce qui les cause tresprompts & legers, cōme recite Pline, & s'en trouuēt en montaignes de l'Indie : mais pour leur grāde agilité & vifesse à courir, il n'est possible de les prēdre, si non quād sont vieux, ou bien malades, ainsi q̄ Plutarque racōte qu'il en fut amené vn à Sylla, à son retour de la guerre qu'il auoit eue contre Mithridates. Pausanias escrit auoir ouy dire & asseurer pour vray à vn qui fut autresfois transporté par vent & tourmente en certaines Isles desertes de la mer Oceane, nommees Satyrides, qu'en ce lieu habitoient des hommes sauages & tous roux, ayans la queue vn peu moindre que celle d'vn cheual, lesquels couroyent sur le riuage de la mer soudain qu'ils voioyent quelque nauire, & s'il y auoit des femmes, se iettoient sur elles avec la plus grande furie du mōde, & en vsoyēt en toutes façons, ce qui se rapporte fort bien à ce qu'on lit de la nature des Satyres. Saint Hierosme en la vie de Paul hermite, racomp̄te qu'vn Hippocentaure du tout tel que les Poètes les ont descrit, les tenans pour demy cheuaux, & demy hommes, ap-

Satyre ven.

parut à Saint Antoine, comme il alloit voir & visiter Saint Paul premier hermite, & qu'il passoit par le milieu des grands & effroyables deserts de Thebaïde, lequel luy monstra le chemin qu'il demandoit plus par signe que par parole. Et cōme le Sainct personnage refusa sur ceste apparition, il arriua en vn vallon tout pierreux, où il veit encor vn homme petit de stature, fort camus, ayant des cornes au frōt, & des iambes & pieds de cheure, tous velus : & estoit sur l'heure de Midy, lors que Saint Antoine prenant le bouclier de la foy, & le corcelet d'esperance, comme vn vaillant soldat, ne s'espouuanta point, & ce monstre s'approchāt de luy, pour signe de bonne rencontre, luy presenta des dattes de palme pour manger. Estant enquis du bon Abbé qui il estoit, respondit, estre vn mortel, & l'vn des habitans du desert, que les pauvres payens aueuglez de folie & d'erreur auoyent honoré sous le nom de Pans, Faunes, Satyres & Incubes, & lesquels ils adoroïēt. Dist en outre qu'il venoit comme ambassadeur enuoié de la part de ses compaignons pour le supplier qu'il priaist pour eux le Dieu commun de tous, lequel ils auoyent entendu estre venu pour sauuer le monde, affin qu'il eust pitié d'eux, & leur feist misericorde. Or tenoyent les anciens que ces Faunes, Satyres & Syluains, n'alloyēt iamais au ciel, mais demeuroyent tousiours en la terre ensemble avec les Nymphes, & autres Dieux boscagers, comme Iupiter, en Ouide, quand il declare à l'assemblée des Dieux qu'il veut ruiner le monde par le deluge, le dit fort bien ainsi.

*Au monde i'ay mes Demi-dieux antiques,
 Nymphes, aussi, & Faunes Dieux rustiques,
 Pareillement les Satyres connus,
 Et les Syluains hostes des monts cornus,
 Et pourautant qu'encor ne les sentons
 Dignes du ciel, pour le moins consentons
 Que par eux soient les terres habitees,
 Que leur auons pour leur sejour prestees.*

Ils estoient appelez Demy-dieux : pourautât que si bien on les croyoit pouuoir ayder, & nuyre, & sçauoir aussi maintes choses à aduenir, ils mouroyent neâtmoins. Mais reuenans à Pan, disons les mesmes parolles qu'Herodote en escrit, dont iay fait mentiõ cy deuant. Les Egyptiens que nous appellons Mendes (dit il) ne sacrifiet point les cheures ny les boucs : à cause qu'ils tiennent Pan pour l'un des huit Dieux anciens, & dyent que ces huit Dieux sont deuant les douze : pource les peintres & sculpteurs paignent & taillent iceluy Pan, comme font les Grecs, en forme de cheure, & luy baillent cuysses de bouc, non qu'ils l'estimēt tel, mais semblable aux autres Dieux. De dire la cause pourquoy ils le paignent ainsi, de ma part ie n'y sçauroy prédre plaisir. Quoy que soit, tous les Mendesiens font grand cas de ceste espece d'animaux, & plus des masles que des femelles, de maniere qu'ils portent grand honneur à leurs bergers & cheuriers, & singulierement à vn sur tous, lequel venant à mourir, tous ceux du pays en portent le dueil, & ce par ordonnāce & loy qu'ils ont. Voyez comme Herodote, voulant plustost taire la signification

*Passeurs
 Cheuriers,
 grandemēt
 estimez.*

*Myſteres
tenus ſe-
crets.*

*Cheure hon-
noree.*

cation de telle effigie du Dieu Pan, que la dire, de-
monſtre de combien les anciens ſ'abſtenoient lors
de reueler les myſteres de leur religion, ſoit ou qu'ils
le feiſſent pour ne les profaner, & les tenir en plus
grande reputation, ou bien pour entretenir le ſimple
peuple à la croyance de telles vaines & ridicules ce-
remories & ſuperſtitions. Mais en Grece on faiſoit
honneur à la Cheure pour autre occaſion, comme
racompte Pauſanias, diſant, qu'à l'apparition du ſi-
gne celeſte, qu'on repreſente comme la Cheure, qui
ſont aucunes eſtoilles, lesquelles (comme dit Ouide)
commençans à ſe monſtrer aux Calendes du mois
de May, quelque grand mal ſouloit preſque touſ-
iours tomber ſur les vignes, ce qui meut quelques
vns des Corinthiens à faire vne belle Cheure de
bronze, laquelle ils eſleuerent en place publique, luy
faiſans de grands honneurs, & l'adoroyent à certains
temps, afin que celle du ciel, ne feiſt aucun domma-
ge à leurs vignes. Euſebe eſcriuant des animaux, qui
eſtoient adorez en Egypte, apres qu'il à parlé des
membres genitaux, que pareillement on y adoroit, à
cauſe que par iceux l'humaine generation eſt conſer-
uee, adiouſte que pour ce les Pans & les Satyres
eſtoient tenus en grande reuerence, comme qu'i-
ceux aydaſſent aſſez à l'accroïſſement du genre hu-
main, comme appert par les ſimulachres poſez aux
temples en forme de Bouc, ayant le membre droit
& roide, car ils dyent que ceſt animal eſt touſiours
preſt à ſ'aſſembler & ioindre avec la femelle: &
eſtoient les Boucs eſtimez paillards outre meſure,
dont

dont ils furent donnez pour compaignons à Bacchus, d'autant que le vin eschauffe la vertu naturelle, & enflamme l'homme à la luxure. Pour ce voulant iadis Philoxene Erethrien depeindre la lasciueté (comme escrit Pline) feit trois Satyres, lesquels chacun ayant la tasse en main, beuuoient à plain fonds, & sembloient s'inuiter à boire l'un l'autre. A quoy me semble estre semblable ce que Pausanias escrit de Silene, (lequel estoit pareillement du nombre des Dieux champestres & forestiers) qu'à sa statue qui estoit au tēple que les Eleens en Grece luy auoient dedié, l'yurōgnerie, qui estoit là pres representee luy donnoit vn vase plein de vin. Porphyre veut, que les Grecs imitans les Egyptiens, n'ayent adoré les bestes, comme ils faisoient, mais bien fait & composé les simulachres des Dieux de beste, & d'homme, & qu'à ceste cause Iupiter eust quelquesfois les cornes de Belier, & Bacchus de Taureau, & que Pan fust fait en homme & en cheure. Et à cestuy les anciens ont donné le Pin, luy en mettans aucunesfois à la main, & aucunesfois luy en faisans ghirlandes & chapeaux. La raison est (dient les fables) qu'en cest arbre fut muee vne ieune fille appelée Piti, qu'il aymoît grandement. Comme on dit aussi de Syringue, laquelle deuint cāne, & Pan, qui l'auoit premieremēt aymee, en feit apres sa fleuste de sept chalumeaux, & pour amour d'elle, la porta tousiours. Maintenant ie reuien à Iupiter, réputé (comme i'ay dit) le plus grand de tous les Dieux des anciens, & que pour ce il auoit le gouuernemēt de l'vniuers: l'image duquel, selon que

Satyres compaignons de Bacchus.

Lasciueté.

Silene.

Le Pin donné à Pan.

l'ont descripte Porphyre, Eusebe, Suydas, & autres, fut faite alsise, pour demonstrier que ceste vertu, laquelle regit le monde, & le conserue, est ferme & stable, sans iamais se changer. Les parties de dessus estoient nues, & ouuertes, pour nous donner à entendre, que Dieu se manifeste aux diuines intelligences: celles de dessous estoient couuertes, & vestues, pourautant que nous autres ne le pouuons pas voir, pendant qu'habitons en ce bas monde. Il tenoit vn sceptre en la main gauche, à cause qu'on dit qu'en ceste partie du corps se tient le principal membre, assauoir le cœur, duquel viennēt les esprits, qui puis s'espandent par tout le corps. Et ainsi le monde tient la vie de Dieu, lequel comme Roy la dispense, & gouuerne à sa volonté. Il tenoit aussi de la main droite, tantost vne Aigle, & tātost vne petite & courte image de la Victoire, qu'il sembloit presenter, tenant le bras estendu. Demonstrant par cela, qu'ainsi Iupiter est superieur à tous les habitans des cieux, comme l'Aigle l'est à tous les oyseaux, & que toutes les choses luy sont subiettes, tout aussi bien que si par victoire il les s'estoit acquises, & gouuérnees à son plaisir. D'où vient que les hommes pour la pluspart ne scauent entendre la cause des mutations d'icelles, ny du bien & du mal, qui se change tant souuent entre les hommes. Pour laquelle chose Homere a feinct que Iupiter auoit deuant luy deux vases grands comme tonneaux, plains l'vn de bien, l'autre de mal, lesquels il viroit & reuiroit à son plaisir: puis tiroit maintenant de l'vn, maintenant de l'autre ce qu'il luy sembloit



bloit deuoir estre enuoyé au mōde. Et vn autre Poete fort ancien à dit que Iupiter fait descendre la balance ores d'une, ores d'autre part, selon qu'à ceux cy, ou à ceux là il luy plait faire du bien. Ce qui pourtant fut aussi fiction d'Homere, lequel fait, que Iupiter tenant la balance d'or à la main, pese les faicts des Grecs & des Troyens, pour voir ausquels il deuoit

donner la victoire. Semblablement à Pyree, port des Atheniens, fut consacré vn simulachre à Iupiter, qui tenoit en main le sceptre & la Victoire. Et les Egyptiens, lesquels auoient leurs choses sacrees toutes plaines de merueilleux mysteres, les tenâs secretes le plus qu'ils pouuoient, avec aucunes ceremonies, & avec diuerses statues meirent pareillement le sceptre à la main de ce Dieu, qu'ils appellerent Createur, lequel pour ce me semble cōuenir assez, & auoir quelque similitude avec le Iupiter des Grecs. Dont ne sera trouué estrange si ie mets leurs Images ensemble, pourautant que si bien ils furent de noms diuers, & non faiçts d'vne mesme sorte, ie croy neantmoins qu'on puisse dire, qu'ils signifiaissent vne mesme chose, ou peu differente l'vne de l'autre. Le createur des Egyptiens estoit donc fait en forme d'hōme, de couleur azuree, qui tenoit vn cercle en vne main, & en l'autre vn baston royal, & à la cime de la teste auoit vne plume, laquelle monstroït que difficilement se peut trouuer le createur des choses, qui est Roy, comme le signifie le sceptre, qu'il tient à la main. Il luy sort en apres hors la bouche vn œuf, duquel naist ce Dieu qu'on appelle Vulcan. L'œuf signifie le mode, & Vulcan ceste chaleur naturelle, qui en icel luy donne vie aux choses: combien qu'en Egypte le monde estoit aussi signifié par vn autre simulachre, lequel estoit d'homme ayant les pieds tortus & entrelassez. Il auoit entour luy vne robe qui le couuroit iusques aux pieds, faite de diuerses couleurs, & soustenoit de la teste vne grande boule doree. Lesquel-

les

les choses signifioient que le mōde est rond, ne change iamais de lieu, & que diuerse est la nature des estoilles. Tout cecy dit Porphyre, selon q̄ le rapporte Eusebe, lequel escrit aussi que l'vniuers fut depeint par les Egyptiens en ceste sorte. Ils faisoient deux cercles l'un sur l'autre, & mettoient à trauers d'iceux vn serpent. Les cercles demonstroient la grandeur & la forme du monde, & le serpent le bon Demon conserveur de tout, & que l'vniuers comprend par sa vertu, assauoir cest esprit, qui le viuifie, & nourrit, d'autant que les Pheniciens & les Egyptiens mesmes tin drēt que les Serpens fussent de nature diuine, voyās qu'iceux, se mouuans non de l'ayde des membres extérieurs, comme font les autres animaux, mais seulement de leur esprit & viuacité, vont treslegerement, & avec promptitude admirable tordent & retordent le corps en diuerses façons, outre ce qu'ils viuēt fort long temps: car ils laissent la vieillesse quant & la despouille & vieille peau qu'ils changent, & ainsi faicts ieunes de nouueau, semblēt qu'ils ne puissent iamais mourir d'eux mesmes, si d'aventure ils ne sont occis. Et y adiousterent la teste de l'esperuier, à cause aussi de sa promptitude & agilité grande. Martian Capelle quand és nopces de Mercure & de Philologic, il seinct que Iupiter appelle à conseil tous les autres Dieux, le descript ainsi. Il a sur la teste vne couronne royalle toute flamboyante, avec vn crespé clair & reluyfant, qui luy vient iusques sur le col, & que Pal las auoit autresfois tyssu: est tout vestu de blanc, sinon que par dessus il a vn manteau, qui paroist estre

*L'vniuers
depeint.*

*Serpens esti
mez de na-
ture diuine.*

*Image de
Iupiter.*



de verre, de peint à estoillés brillâtes: tient en la main droite deux boules rondes, l'une est d'or, l'autre d'or & d'argët, & en la main gauche vne Lyre à sept chordes: ses souliers sont de verde esmeraude: se sied sur vn drap faict & tissu de plumes de Paon: & foule des pieds vn trident. Il y eut d'abondant des statues faites à Iupiter en telle façon, que non seulement elles signifioient

gnifioient quel il estoit, & ce qu'il pouuoit, mais donnoient aussi à cognoistre ce que les hōmes doibuent faire entr'eux, principalement les Roys, & les Princes enuers leurs subiects: parce qu'iceux (comme ie me souuiē de l'auoir dit vne autrefois) sont en terre cōme Image de Dieu, & pource doibuēt le plus qu'il leur est possible représenter en eux pareillement la prouidence, la iustice, & la bonté diuine. Plutarque escrit qu'en Crete (à present Candie) fut iadis vn simulachre de Iupiter, lequel n'auoit point d'oreilles, signifiant que quiconque commande sur les autres, & les a en son gouuernement, & charge, ne doit prester l'oreille à tout ce qu'on luy vient dire, pour le croire, & ne vouloir mieux ouir cestuy cy que cestuy la, ny cestuy la que cestuy cy : mais demeurer si ferme & constant, qu'il ne se desparte iamais du droit pour les parolles & rapport d'autrui. Et au contraire les Lacedemoniens le feirent ayant quatre oreilles, comme que Iupiter escoute & entend tout : ce que semblablement se rapporte à la prudence du Roy & du Prince, lequel est tenu d'ouir & entendre tout ce que ses peuples font. Et possible que celuy qui feist iadis Iupiter avec trois yeux, voulut denoter de mesme, comme qu'il voye toute chose, & ne luy soit rien de caché : comme aussi ne doit estre à qui a le soing & administration des Citez. De là vint que les anciens dirent, que la Iustice voit tout, comme appert en son image. Mais Pausanias en rend autre raison, escriuant, que les Argiens au temple de Minerue en Argos, eurent vn simulachre de Iupiter qui

auoit

*Iupiter sans
oreilles.*

*Iupiter a
nec quatre
oreilles.*

auoit deux yeux, comme on voit que les hommes ont, & vn autre apres en auoit au milieu du front, & dit qu'il se peut penser que cela signifie Iupiter auoir trois royaumes à garder: l'vn du Ciel, par ce que communement chacun l'en tenoit Roy: l'autre de l'Enfer, assauoir de la terre, car la terre, à l'esgard du Ciel, est Enfer, & pource l'appelle Homere Iupiter Infernal: le troisieme est de la mer, d'autant qu'Eschyle le nomme Roy de la mer, & Martian (comme j'ay dit deuant) luy met le trident sous les pieds, & Orphee en certain hymne prie la Iustice que vueille auoir soing & cure de tous les viuans, qui sont nourris de la mere Terre, & de Iupiter Marin. Les trois yeux donc en Iupiter montrent (selon Pausanias) que ces trois royaumes de l'vniuers luy sont soubsmis, lesquels les fables dient que furent partagez entre ses autres deux freres & luy, celui de la mer estant venu à la part de Neptune, & celui de l'enfer à Pluton. Qu'ez statues des Dieux les anciens montrasent quel estoit l'office d'un Roy, Prince, ou Seigneur, se void (dit Plutarque) de ce que faisoient les Egyptiens, lesquels entre leurs sacrees peintures, quand ils vouloient représenter le Roy, paignoient un sceptre avec un œil à la cime, comme j'ay desia dict qu'ils peignoient aussi le Soleil, & faisoient pareillement Iupiter en la mesme figure, voulans par cela entendre, que comme le Roy peut beaucoup, (car le Sceptre est signe & marque de la souueraineté & de la puissance, qu'il a sur les autres) tant doit il estre vigilant au gouvernement des peuples, se mon

monstrant tousiours iuste en toutes ses actions. Et lit on aussi qu'à costé de la statue de Iupiter ils souloient iadis mettre celle de la Iustice, pour signifier que le Roy ne feist ou ne deubst iamaiz faire chose, qui ne fust accompagnée de la Iustice. A raison dequoy les anciens, comme recite Suidas, souloient mettre à la cime des sceptres vne Cigoigne, & au bout l'Hippopotame, cheual aquatique, voulans en ceste maniere monstrier, que le Roy doit estre bon, piteux, & iuste, & doit exterminer ceux qui par violence & iniustement offensent autrui. Car on lit, & Aristote le confirme, que la Cigoigne nourrit le pere & la mere lors qu'ils sont deuenus vieux, en la mesme sorte quelle a esté autresfois nourrie & esleuee par iceux, ceuvre certainement de grande pieté & iustice : & l'Hippopotame est tant plain d'impiété & iniustice, comme escrit Plutarque, qu'il fait violence au pere, & le tue, pour pouoir apres faillir & couvrir sa mere. Outre ce, le mesme Plutarque dit qu'en la ville de Thebes y auoit des images de iuges, qui n'auoient point de mains, pour donner à entendre que les iuges & ministres de Iustice doibuent estre sans mains, c'est à dire, n'estre point concussionnaires, & ne prendre point d'argent, ny autres presens, affin que cela ne leur face apres faire tort à aucun : & bailler gain de cause & droit à qui n'en a point. Et entre autres de ces images y en auoit vne du president d'iceux iuges, qui n'auoit point d'yeux, ou bien les auoit bandez. Laquelle representoit que tout President, ou bien le Prince, qui est par dessus les iuges, doit estre deliure de toute

passion, & de hayne, & d'amour, n'auoir acception de personnes, & ne faire rien plus ne moins par faueur, ains auoir esgard seulement à ce qui est iuste & equitable. A quoy sont obligez tant les Rois & Princes, que leurs officiers & magistrats, & y sont adstraincts non seulement par la loy de nature, mais par leur propre serment. Et faisant autrement, les vns & les autres ne doibuent rien moins attendre que d'en estre vn iour rigoureusement chastiez de Iupiter, punisseur du pariure, comme par ses statues monstrent aussi les anciens: & entre autres les Eleens, gent de la Grece, en eurent vne fort espouuantable & redoutee des hommes perfides & pariures. Icelle tenoit le fouldre des deux mains, comme se tenant preste à punir le faux serment. Mesmes Aristote escriuant des choses miraculeuses du monde, racompte, qu'en Cappadoce, pres de Tyane, ville metropolitaine dudit pays, y auoit vne eau, laquelle en sa fontaine, dicte Asbamee, estoit extremement froide, mais en ce lieu paroissoit bouillir: & si quelcun qu'on doubtaist auoir iuré faulxement y estoit mené, s'il auoit dit la verité, l'eau se monstroist paisible, & couroit lentement & plaisamment: mais s'il auoit premierement iuré, & affirmé la mensonge, elle monstroist tellement estre courroucée contre luy, que deuenant enflée luy sautoit aux pieds, aux mains & à la face, comme si l'eust voulu punir d'auoir faulcé son serment, & ne desistoit iamais de luy liurer tel assault, iusques à ce qu'il eust confessé ouuertement son péché, & avec gemissemens demandé pardon d'icelluy. Que si pourtant il estoit obstiné,

obstiné, il ne partoît de là qu'il ne deuinſt hydropique, & qu'il ne iettaſt par la bouche grande quantité de ſang tout corrompu & gaſté. A ceſte cauſe les Grecs appelloient ceſt eue, l'Eue de Iupiter le pariure. Philoſtrate en la vie d'Apollonie le Tyaneen recite que ceux qui alloient faire ſerment en ceſte fontaine (que ceux du pays nommoient inextinguible) s'ils diſoient la verité en gouſtant de l'eue (car il en falloir boire) ils la trouuoient douce & plaiſante au gouſt: mais ſe pariurants, elle leur eſtoit amere & de mauuiſe ſauueur. Et Pauſanias eſcript qu'à Corinthe au temple de Neptune y auoit vne chambre ſecrete ſouſterraine, où l'on diſoit que Portunne demouroit, & quiconque euſt iuré fauſſement, ne pouuoit faillir d'y eſtre ſoudain puny. Les Eleens pareillement alloient iurer à l'autel de Soſipolis leur Dieu, avec grande reuerence: ne racompte toutesſois Pauſanias la ceremonie dont ils y uſoyent: bien dit en vn autre endroit, celle qu'ils faiſoyent aux tant renommez ieux Olympiques, où ſ'asſembloient gens de toutes parts, les vns à courir à pied, les autres à piquer & faire courir cheuaux, qui à la luyte, qui à autres exercices: parce que qui en rapportoit la victoire, eſtoit beaucoup eſtimé & loué: dont falloir bien ſe garder d'y faire aucune tromperie. Et pour ce non ſeulement ceux qui y venoient pour eſtre du ieu, mais leurs peres auſſi, leurs freres, & les maiſtres qui les auoient exercitez, tous leſquels les y alloient accompagner, iuroient avec certaines paroles ſolemnelles ſur les genitoires d'un pourcean (qu'on luy auoit lors coup-

*Ceremonie
de iurer.*

pésolempnellement à cest effect) de ne faire fraude aucune. Et les ioueurs iuroient en outre de s'estre exercitez six moys continuels en ceste sorte de ieu auquel ils estoient là venus. Et ceux qui auoient à iuger de la victoire, faisoient aussi serment de ne prendre aucun don des ioueurs, ny des leurs fauoriser l'vn plus que l'autre en aucune maniere, & de ne reueler & publier la cause pourquoy ils approuueroient, ou reprouueroient plus cestui cy que cest autre. Et pourautant que c'estoit comme par forme de sacrifice, & ez sacrifices la coustume estoit de manger les chairs sacrifiees, Pausanias adiousté, qu'il ne scait qu'ils faisoient du pourceau, sur les genitoires duquel ils auoient fait le serment solempnel, mais qu'il scait bien, que la religion ancienne d'efendoit de manger la chair de celle victime sur laquelle auoit esté iuré solempnellement: comme on peut voir dans Homere, quand il dit, que le Prestre ietta dans la mer le porc sanglier, sur lequel Agamēnon auoit fait le serment de n'auoir touché la pucelle Briseïs, comme il décrit ainsi que s'ensuyt,

*Là debout se voyoit le Prince d'Achaie,
Aupres de ce Monarque approchoit Talthibie,
Ayant la voix diuine, & tenoit le Sanglier,
Qui tost deuoit sentir le glaïue en son gosier.
Doncques pour mettre fin à la maudite haine,
Agamemnon tira d'aupres de la grand' gaine,
Où estoit son espee, vn couteau qui pendoit.
Au pere Iupiter les mains il estendoit,
Regardant vers le ciel, il faisoit sa requeste,*

Puis

Puis coupoit de la soye & du poil de la beste.
Tous les Achayens fort bien se tenoient coy
Pour oïr la priere & iurement du Roy,
Il dit en suppliant: Le grand pere celeste,
Auquel rien ne se cache, & tout est manifeste:
La Terre, le Soleil, les Furies qui sont
Sous terre, pour punir les malheurs qui se font,
Et le meschant pariure: & bref toute puissance
Prengne de mon serment ores la cognoissance:
Qu'ils scachent que iamais ie n'ay posé la main
Sur Briséis la fille, ou pour auoir dessein
De coucher avec elle, ou pour quelque aultre chose:
Mais que dedans ma tente elle a esté enclosé,
Sans estre violee, & sans attouchement.
Si cela que ie dis est vn pariurement,
Que les Dieux immortels me donnent les trauerses,
Les troubles infinis, & miseres diuerses
Qu'ils donnent à ceux la qui se sont pariurez,
Dignes que d'avec eux les Dieux soient separez.
Ce dit, il enfonça de sa dague pointue
La gorge du Sanglier que pour victime il tue.
Talthibie empongnant le corps de ce pourceau,
Le rouant le ietta dans les vagues de l'eau,
Affin que dans la mer, l'escumeuse teinture,
Aux troupes des poissons il seruist de pasture.
Et estoit presque semblable la ceremonie dõt vsoyēt
les Romains à faire les treues, d'autant qu'ils iuroiēt,
& faisoient certaines imprecations, ou maudissons,
sur vn pourceau qu'ils auoient là, en presence des
Prebstrs à ce deputez. Mais laissant les ceremonies,

retournons au Dieu gardien du serment, appelé des Grecs Horcie, la statue duquel en Olympe, ville d'Elide, le figuroit d'une contenance fiere & seuer, tenant le foudre en chacune main, comme estant appareillé pour punir les pariures: combien qu'aucuns ont voulu dire que le plus hault des Elemens d'où prouient la chaleur, ayant esté attribué à Iupiter, l'antiquité pour ceste consideration a fainct qu'il darde les fouldres & esclairs, & que pour ce son image a esté souuent faicte avec vn foudre seul: mais quelquesfois avecques deux, comme au pourtrait de Iupiter Horcie cy dessus mentionné, que les Romains feirent d'une autre sorte, & le nommerent autremét, assauoir Pistie, & lequel aucuns ont opinion que fust le mesme Dieu que Fidio. car comme *πίστις* en Grec veut à dire *fides* en Latin, ainsi *πίστιος*, & *πίστος*, peut estre interpreté conuenablement *Fidius*. Or *Fidius* estoit le Dieu des Sabins, sur lequel les Romains iuroient *per Deum Fidium*, comme aussi ils faisoient leurs sermens sur plusieurs autres choses. Aucuns l'ont dit estre Hercules, fils de Iupiter, & autres *θεὸν πίστων*: c'est à dire, Dieu, maistre & surintendant de la foy. Et comme le peculier office de Iupiter Horcie estoit de se prendre garde que les sermens fussent veritables & iustes, ainsi ce *Fidius* estoit le protecteur de la foy, pour la faire garder & tenir, à ceste cause estoit il adoré: & en fut fait vn simulachre qui se void à Rome au quartier appellé Harenule, en la maison des seigneurs de Sainte croix, ainsi que Iaqués Mazzochius le depeint au liure qu'il a fait des inscriptions antiques

antiques de la ville de Rome. C'est vn marbre faict en moded'vne fenestre, auquel sont insculpees trois images, de la ceinture en haut. Celle du costé droict, qui est d'hōme sans barbe, toutesfois d'aage meur, represente Honneur, dont le nom est escript à costé, H O N O R. Celle du costé gauche, qui est en forme & habit de femme couronnée d'vn chapeau de Laurier,



est reconue pour Verité par ces lettres, VERITAS, laquelle baille la main dextre à Honneur, qui luy baille la sienne de mesme, & les se tiennent l'un l'autre. Au milieu de ces deux est AMOUR, de l'aage d'un enfant: & au dessus sa teste y a ceste inscription de deux mots, FIDELI SIMVLACHRVM. Il est appellé en Grec *ἀντιστοιχος*, c'est à dire Amour honneste: & est là comme moyenneur de l'accointance & vnion de ces deux. Et signifie ce simulachre que la foy est appuyee & conseruee inuiolablement par trois choses, qui sont, le desir d'honneur, la verité des promesses, & l'amour: car l'honneur soubstiét la foy, la verité l'engendre, & l'amour la nourrit. Ainsi l'a exposé André Alciat en vn Embleme qu'il en a fait, dont la conclusion est telle:

*Constituunt hæc signa fidem, reuerentia Honoris,
Quam fouet, alit Amor, parturitq; Veritas.*

Ouide en ses Fastes fainct que du mariage d'Honneur avec Reuerence naisse Maïesté, ce que Burchardus Pylades confirme en sa Theogonie. Et ont les anciés adoré Honneur comme vn Dieu, auquel ils dedierēt vn temple, comme aussi ils feirent Deesses Vertu & Foy, desquelles pourtant Saint Augustin parle ainsi: Maintenant pource que Vertu n'est pas deesse, mais vn don de Dieu, il la faut impetrer de celluy qui la donne. Mais pourquoy a on creu que Foy fust aussi Deesse, & luy a on dedié vn temple & vn autel, lequel le quiconques la recognoit prudemment, il se fait soy mesmes son habitacle? C'est grande folie (dit Plinie) de croire qu'il y ait plusieurs Dieux, & d'establi

des Dieux selõ les vertus & vices des hommes, comme Chasteté, Concorde, Entendement, Esperance, Honneur, Clemence, & Foy: ou bien selon Democrite, n'en mettre que deux, Remuneration, & Peine. Mais tout cela vient de ce que les hommes fragiles & oppressez de trauaux, voyans leurs miseres & infirmittez, adoroient respectiuellement les choses dont ils auoient le plus de faute. D'où vint qu'on commença de changer de noms aux Dieux, & qu'au nombre d'iceux on mettoit les Dieux infernaux, les maladies, & toutes sortes de pestes, de peur & crainte qu'on en auoit. Marcus Marcellus estant en la Gaule au temps de son premier consulat, voua vn temple à Vertu, son fils la dedia à la porte Capene. C. Marius en bastit vn autre de Vertu & d'Honneur. Le temple & simulachre de la Foy estoit au Capitole, tesmoin Cicerõ aux Offices, disant, Celuy qui viole & fausse son sermēt, il denye & viole la Foy, laquelle noz ancestres ont tousiours voulu qu'ait esté au Capitole prochaine du tresbon & tresgrand Iupiter. Le mesme Ciceron dit au liure de la nature des Dieux, qu'Attilius Calatinus consacra la Foy. Denys de Halicarnas, & Plutarque, recitent que Numa Pompilius auoit consacré le temple de la Foy, & ordonné vn grand serment par icelle. Quant à la Verité, Alciat en l'Embleme sus mentionné, la peinct nue, pour demonstrier que ceux qui l'ensuiuent, sont ouuerts, & à la bonne foy, sans estre aucunement trompeurs & calomniateurs: ou bien que toute parolle de verité doibt estre simple, sans fard, & fault que soit connue & veue de tout

le monde. C'est pourquoy Philostrate en l'image d'Amphiaræ, l'auoit depainte vestue d'une robe blanche. Par les mains dextres d'Honneur & Verité, jointes ensemble, est entendue la foy donnee: car c'estoit la coustume des anciens de se bailler l'un l'autre les deux mains droictes, lors qu'ils se promettoient la foy, comme on peut voir en Alexandre d'Alexandre, Coëlie Rhodigin, & Lil. Greg. Gyrald. lesquelles estoient Symbole de la foy. Virgile, *nec veriti dominorum fallere dextras*. Encores pour le iourd'huy porte on insculpee ez anneaux deux mains coniointes, & est telle deuise appelee Vne foy. Mais laissant telles interpretations, ie diray que le simulachre de Fidius se peut mieux rapporter à ceste antique figure de la tressainte Triade, dont les anciës Sabins long temps deuant l'aduenement de nostre Sauueur I E S V S C H R I S T, auoient vn Simulachre à trois faces, ayât aussi triple nom, assauoir, *Sanctus, Fidius, & Semipater*, representant le principal mystere de nostre foy, assauoir la sainte Trinité, comme Pierre Crinit l'expose, ensemble Iean Annie de Viterbe, en son commentaire sur Sempronius, de la diuision d'Italie. Le reuien à Iupiter, lequel ne fut tousiours adoré des anciens Romains soubz espoir d'en tirer ayde, mais aussi quelquesfois affin qu'il ne leur portast nuyssance & dommage. Et à ceste occasion lors ils l'appelloient VeIoue, comme pouuant nuyre seulement: ce qu'ils voulurent donner à entendre par sa statue, laquelle ils feirent (ainsi que racompte Aule Gelle, & apres luy Alexandre d'Alexandre) en forme d'un enfant, qui

qui tenoit des fagettes aux mains, comme s'il en vouloit lancer vne, & auoit aupres de luy vne Cheure. Pourautāt que, selō les fables, sa mere le voulāt faire eschapper de la deuorante gueule de Saturne, le bail la en garde à deux Nymphes en Crete, nommees l'vne Amalthee, l'autre Melisse, autrement Hega, & Helice, lesquelles le nourrirent de miel, & du laiēt d'vne leur cheure, qu'elles aymoient fort. Aduint vn iour par mesaduenture, que ceste cheure se rōpit vne corne à vn arbre, au grād regret & desplaisir des Nymphes, qui en furent dolentes outre mesure, & n'y sc̄achans faire autre chose, ny autrement y remedier, l'emplirent de diuerses fleurs & fruiets, & l'ayant toute reuestue & ornee de belles fueilles, la presenterent à Iupiter, lequel l'eut moult agreable, & voulut qu'en honneur de sa nourrice, elle fust à tousiours le Symbole & enseigne d'abondance, dont nous l'appellons encores, Corne de richesse, ou d'abondance, & quelquesfois aussi Corne d'Amalthee, de laquelle Pherecydes disoit (cōme rapporte Apollodore) qu'elle produysoit & donnoit abondammēt tout ce que l'homme eust sceu desirer à manger & à boire. On lit d'auantage que ceste corne ne fut pas de cheure, ains de bœuf, & de celuy auquel Acheloe se transmua, quand iadis il combattit contre Hercule pour Deianire, laquelle auoit esté promise par Oence son pere à tous deux: car Hercule (comme racomptent les fables) la luy rompit, & arracha, & ietta par terre: mais les Nayades Nymphes des eāues furuindrent là, & prindrent ceste corne qui estoit la dextre, & l'ayant

Corne d'abondance.

emplie de pommes, & de fleurs de souefue odeur, & diuerfes couleurs, la consacrerent à la Copie, qu'on entend pour la Deesse d'abondance & fertilité, & pour ce fut apres appellee Corne de Copie & de richesse. Quelques vns de ces inuenteurs de bourdes ont dit que Hercule portoit avec soy ordinairement par tout où il alloit la Corne d'Amalthee, par la vertu & largesse de laquelle tout ce qu'il demandoit luy reussissoit selonc ses souhaits, pour grâde que la chose fust: mais ce sont fictions & déguisemēs de l'histoire, qui porte bien autrement, & est telle: Hercules voyageant par le monde, pour y laisser la memoire de ses hauts faicts, tāt contre les plus puyssans & forts, que son bras fort & inuincible ruoit bas, que contre les monstres plus pernicioeux & redoubtez, qu'il faisoit mourir, passa par fortune en Boeotie, & feit seiour durāt quelques iours. en vn riche logis d'vne femme belle en perfection, & fort hōneste, nommee Amalthee. Et combien qu'il restast tousiours vainqueur en tous les combats, si est ce que ceste fois il se trouua vaincu: car l'excellente beauté d'Amalthee fut par les yeux si bien engracee dans son cueur, qu'il en deuint ardemment amoureux, de maniere que quittant le soucy de conquerir autre chose, tascha par tous moyens d'acquerir la grace de son hostesse, laquelle d'autre costé aduertie des grandes prouesses & vertus que la renommee attribuoit à ce sien nouuel hōste, oultre ce que la presence luy en rendoit suffisant tesmoignage, fut soudain esprise de mesme passion. Bref les approchés se feirēt, les amours reciproques se

se

se descouurirent entr'eux, tellement qu'en fin Hercule auparauant vaincu entra victorieux dans la forteresse d'Amalthee, iouyssant du fruit de son amour, aueq vn contentement indicible, laissant cependant enrouiller sa vaillāce de lasciueté & paresse, qui est le plus pernicieux detrimēt qu'vn cueur noble & genereux scauroit recepuoir. Or Amalthee auoit vne grande Corne plainē de financē d'or, dont elle achetoit les plus precieuses, rares & cheres choses qu'elle estimoit pouuoir estre agreables à son amy, & luy en faisoit present. En ce temps la Hercule auoit à son seruice Iolae son nepueu, lequel marry au possible de voir son oncle deuenu si fayneant, & effeminé, & s'amuser (comme on dit communement) à la charoigne, s'aduifa de faire vn traict à la dame, & ayant pensé & repensé à son entreprinse, vn iour voyant son point, il meit la main sur la riche Corne, & la desroba si subtilement & secretement que personne ne s'en print garde. Ce fait s'en va sans dire Adieu. Quelques iours apres Hercule ne voyant en la maison, comme il auoit accoustumé, son nepueu Iolae, le demande. On l'appelle, on le cherche, mais en vain: car il estoit desia bien loing. En fin Amalthee s'aduissant de sa Corne, qui luy auoit esté desrobee, & ne la trouuāt point, se meit à plorer, à gemir, & à faire mille exclamatiōs, pour auoir perdu le plus riche ioyau qu'elle eust, & le plus beau de ses biens. Toutesfois ceste douleur vehemente vn peu appaisée & moderee, Hercule auecq beau langage la consola fort doucement, luy remonstrant le desplaisir que luy mesme

recepuoit de ceste perte & inconuenient, qu'il eust voulu estre du tout tombé sur luy. Dont puy que c'estoit vne chose faite, il ne falloit qu'elle s'en contristast d'auantage. Luy disoit aussi que les richesses de ce monde sont perissables & fuiettes à la pince, mais telle perte ne consistant qu'en or, elle ne s'en deuoit donner tant d'esmoy: car il auoit le moyen de la recompenser en plus grands biens qu'elle eust oncques eu & possédé. Somme il la sceut tant bien gagner qu'elle le creut. bien pensa il toutesfois que son nepueu luy auoit ioué ce tour, de despit qu'il auoit pris de son seiour en ce lieu tant long & oysif: parquoy il reuint à soy, & ayant repris les forces premières de son heroique courage, se resolut d'abandonner ce lieu, & poursuivre sa poincte, si qu'en peu de iours il sollicita tant importunement son congé, que Madame Amalthee, quelques prieres qu'elle luy feist de demeurer, ne le pouuant plus retenir, le luy octroya, non sans grand desplaisir & larmes espandues pour le dernier A Dieu. Hercule s'estant mis en chemin, s'enqueroit de tous en quelle part tiroit Iolaë, & tant fait de diligēce, qu'en peu de iours il l'eut attrapé, & le trouua faisi de la Corne d'Amalthee. Il est aisé à penser & à croire qu'au premier rencontre, Hercule ne peust tant commander à sa passion qu'il ne se choleraist fort cōtre son nepueu, à cause du larcin qu'il auoit cōmis. Mais aussi croy-ie que le premier mouuement & cholere (qui volontiers ne se peut retenir) estant passé, il se modera, & furent d'accord: demeurant neantmoins ceste Corne d'abondan

bondance au pouuoir d'Hercule, lequel garda tousiours despuis soigneusement ce riche thresor & precieux ioyau, sans iamais le lascher:& dit l'histoire qu'en quelque region qu'il luy conuinft aller, il la tenoit tousiours pres de soy. A ceste cause est aduenue que tant pour les presens d'Amalthee prouenans de l'abondance de ceste Corne, que pource qu'Hercule la portoit ordinairement, les anciens ont inuenté la fable cy deuant mentionnee: disans, que Hercule portant par tout la Corné d'Amalthee, a toutes choses qu'il souhaite. Or laissant à part les autres histoires cachees & cōtenues sous ceste fable, aucuns diēt que la Corne d'abondāce signifie la force de la Fortune, pourautant que plusieurs animaux ont toute leur force aux cornes, & avec icelles offensent souuēt: & la Fortune a l'abondāce pour sa chābriere, pource qu'elle est tresriche, & est à sa main puissāce de dōner & oster les richesses & les biens tēporels. L'abondance donc des fleurs & des fruičts est en la corne de richesse, de la Chieure, ou du Bœuf (de qui qu'elle fust) d'autant que les richesses & les autres biens mondains semblent estre au pouuoir de la fortune, qu'ainsi s'en allent & reuiennent, comme il plait à elle. On pourroit dire aussi, que la Corne de richesse vint de la Chieure, qui donna le lait à Iupiter, parce qu'on croioit tous les biens venir de luy, comme i'ay desia dit. Dont il luy fut donné le mesme pouuoir aussi, que le Soleil a, & pource les anciens luy meirent les faiettes à la main en la statue que ie sors de dessigner. Et aucuns luy donnerent pareillement la diuinité

Corne d'abondāce, & son exposition.

*Iupiter avec
les ornemens
de Bacchus.*

nit  de Bacchus, en ayant fait vn simulachre avec les ornemens de Bacchus, comme racompte Pausanias, que Polycl te en fait vn en Arcadie, qui auoit des brodequins, ou botines, aux pieds, & d'une main tenoit vne tasse   boire, & de l'autre vn Thyrs  (c'est vn baston tout garny & enuironn  de fleurs, ou de lyerre)   la cime duquel y auoit vne Aigle. Et estoit icelluy ieune, comme lon fait Bacchus, & comme fut le Iupiter qu'on adoroit   Terracine, auquel ils donnerent vn surnom, qui signifie sans rasouer, d'autant qu'il estoit sans barbe, & n'auoit besoin de semblable couteau. D'auantage, il y a peu de statues de Iupiter ou l'aigle ne soit en quelque sorte, comme oyseau qui luy est propre & peculier. Et pour ce le chariot de Iupiter est tousiours tir  par les aigles, soit pourautant, selon qu'escrit Lactance, quil print bon augure de victoire, par l'aigle, qui luy apparut vne fois qu'il alloit en certaine guerre, qu'aucuns dient que fut contre Saturne, de laquelle il reuint victorieux: dont a est  fait par apres qu'en la guerre contre les Geans, l'Aigle porte & baille les armes   Iupiter: & pour ce, souuent on paint aupr s de Iupiter l'Aigle lequel porte le foudre avec les ongles: ou bien d'autant qu'on lit que de tous les oyseaux l'Aigle seul est assure  de n'estre atteint de foudre, & exempt d'en recepuoir dommage, & qu'icelluy aussi regarde   droicts yeux & tendus, sans les siller, le Soleil. Il combat aussi le cerf, & mesmes le Dragon,  

*Aigle de Iu
piter.*

*Aigle Roy
des oyseaux.*

raison dequoy il est dit le Roy des oyseaux, & donn    Iupiter pareillement Roy des Dieux, lequel en forme

mè d'aigle rait Ganimedes , qui est fiction & couleur poëtique : car selon l'histoire , Iupiter accompagné d'une legion d'hommes , ayant pour enseigne une aigle, rait Ganimedes , ou bien la navire ou il fut mis avoit sa deffence en forme d'aigle, ainsi que la navire ou fut passée Europe , apres qu'il l'eut rai, avoit sa face ou figure de Taureau. On trouve d'abondant Iupiter comme le fait Phidias aux Eleës, assis d'or & d'ivoire, assis en une belle chaire royale , ayant sur la teste une couronne faite de feuilles d'olivier, tient en la main dextre une Victoire aussi couronnée, & en la gauche un sceptre fait de divers metaux, au dessus duquel y a un Aigle: le manteau qu'il a entour luy, est doré, façonné à bestes diverses , & à fleurs de toutes les sortes , mais il y a plus de liz que d'autres: les soubliers pareillement sont dorez. En la chaire toute reluisante de l'or & des pierres precieuses, dont elle est enrichie, & qui est faite d'ivoire & d'ebene, y a plusieurs animaux insculpez, outre trois Graces, qui sont d'un costé sur la teste du simulachre, & trois Heures de l'autre costé, & quatre images de la Victoire la soubstiennent en lieu & place de pieds. A Megare y avoit aussi une Idole de Iupiter, auquel on avoit mis les Heures & les Parques , à cause que la fatale destinée obéit, (comme ils disoient) à ce seul Dieu, & que c'est luy qui dispose & conduit les heures , tout ainsi qu'il est nécessaire. Se void semblablement assis Iupiter en un siege haut eslevé en une medaille antique de Neron, & porte en la main droite le foudre, & en la gauche une lance ou pique, avec lettres qui dient,

Iupiter assis.

*Iupiter le
gardien.*

*Iupiter Sta-
teur.*

IUPITER CVSTOS: c'est à dire, Iupiter le gardien. Lucian escriuant de la Deesse Syrienne, dit qu'au temple d'icelle estoit le simulachre de Iupiter assis sur deux taureaux. Au contraire en outre Iupiter se tient debout & tout nud en aucunes medalles antiques d'Antonien Pie, & de Gordian, & à vne iaveline, ou demy pique, que les anciens Romains appelloient *hasta*, en la main dextre, & le fouldre en la fenestre, avec ceste inscription, IUPITER STATOR, pource que les soldats Romains s'estans mis en fuite vne fois qu'ils combattoient contre les Sabins, Romule pria Iupiter qu'ils s'arrestassent, & à ceste occasiō estant exaucé, il luy donna nom, le Stateur, & voua de bastir vn temple à Iupiter Stateur, ce qu'il feit. Saint Hierosme escrit que Iupiter est appelé Stateur, non pas pource qu'il soit debout, mais comme Iupiter Tonnant: comme aux anciennes monnoyes & effigies on l'a feint estre assis. Mais le Stateur estoit peint se tenant sur pieds, comme estat debout pour donner secours & ayde. Seneque en l'opuscule des bienfaits. amene vne raison plus notable, pourquoy on l'appelle Stateur: ce n'est pas, dit il, de ce qu'apres le vœu fait l'armee des Romains, qui s'en fuioit, s'arresta: ains à cause que toutes choses se tiennent fermes & stables par son benefice, desquelles il est l'establisqueur. Séblable opinion tient Ciceron au 3. liure des fins, disant, Pareillement quand nous appellons Iupiter Salulaire, Hospitalier, Stateur: par cecy nous voulons faire entendre que le salut de tous est en sa protection & sauuegarde. De cestuy

cestuy cy n'est pas beaucoup differēt Iupiter le conseruateur, qu'on yoid aux reuers des antiques medalles de Diocletian, lequel est pareillement debout, & tient en la main droite deux sagettes, faites en sorte qu'on les peut prendre pour deux fouldres, & vne haste, ou iauelot, à la gauche. Et en vne autre medalle du mesme Diocletian, Iupiter est appellé conseruateur de l'vniuers, tient de la main gauche la iaueline, & porte de la droicte vne petite image de la Victoire. N'a Iupiter autre enseigne qui luy soit plus propre & peculiere que le foudre, assauoir celluy de iour : car le foudre de nuict estoit attribué au Dieu Summan, qui est Pluton, combien que les fouldres de nuict sont fort rares, à cause de la froideur de l'air. Mais les Philosophes Hetrusques, ou Toscons, anciens obseruateurs de ces choses, tenoient que Vulcan aussi & Minerue enuoioient le foudre ça bas, par lequel on lit qu'elle brula l'armée des Grecs. Dont Virgilé descriuant comme Iunon estoit indignee en soy mesme pour ne pouuoir faire les maux qu'elle eust bien voulu à Enee, & aux autres Troyens, quād apres la ruine de Troye ils s'en alloient en Italie, luy fait dire ainsi :

*Iupiter le
conserua-
teur.*

*Foudre de
Summan.*

*Minerue
iette le fon-
dre.*

N'a eu Pallas puissance es flots profonds
Les Grecques nefs bruler, & mettre à fons
D'iceux Gregeois l'armée en mer perie,
Pour la raison de la faute & furie
Au seul Ajax Oilee aduenue?
Pallas alors du milieu de la nue
Ietta le foudre, & l'esclair rauissant

De Iupiter eternel & puissant:
 Les nefz rompit d'un irrité courage,
 Et par forts vents & merueilleux orage
 De comble en fonds les ondes renuerfa.
 Si print Ajax, qu'un éclair renuerfa,
 Et qui du cueur souffloit ardente flamme,
 D'un tourbillon le raut, rendant l'ame,
 Et le fichta contre un aigu rocher.
 Mais moy, &c.

*Foudres
de trois cou-
leurs.*

*Foudres
de trois sor-
tes.*

*Miracles
du Foudre.*

Et disoient ces anciens Hetrusques, que les foudres que les autres Dieux enuoioyent, estoient blancs ou noirs, mais celluy qui venoit de la main de Iupiter estoit rouge, comme escrit Acron au commentaire qu'il a fait sur Horace, où il dit que le souuerain pere de sa dextre ardente a frappé les sacrees tours, ou saints temples, & a esté le foudre appellé Manubiæ, dont Seneque au second liure des questions naturelles dit que les Hetrusques en attribuoient à Iupiter de trois sortes. Aristote pareillement dit qu'il y a trois sortes de foudre, l'un est si clair & penetrant qu'il fait des choses trop grandes & comme miraculeuses, assauoir, passant sur vn tonneau il esgoute entierement le vin qui est dedans, sans laisser marque d'auoir aucunement touché le fust, fond l'argent dans la bourse, & tous autres metaux dans les coffres, sans nuyre ny aux bourses ny aux coffres: mesmes estouffa l'enfant que Martie, dame Romaine, auoit dans le ventre, sans endommager la mere en façon quelconque: & a lon veu & ouy dire des hommes vestus frappez de foudre, estre morts, sans que

que leur robe en aye esté brulée, ny endommagée. Et plusieurs autres effects qu'on en pourroit raconter. Et que ceste sorte de foudre vient de Minerve, qui nacquit du cerueau de Iupiter, à raison dequoy il est le mieux purgé, & plus subtile partie du feu, & sera cestuy cy le foudre blanc. L'autre brule ce qu'il trouue, & est le rouge enuoié de la main de Iupiter: le troisieme, qui a plus d'humidité, & est plus gros, ne brule point, mais colore seulement, & pour ce ils le dirent noir, & à ceste cause le donnerent à Vulcan, ministre de cestuy nostre feu tout fumeux. Pour lesquelles choses les Poëtes ont appellé le foudre Trifulque, c'est à dire, ayant trois pointes ou aiguillons, comme frappant en trois manieres, & trois furent les Cyclopes, qui le forgerent, comme sera dit en l'image de Vulcan: auquel ie ne trouue pourtant qu'onques le foudre luy aye esté baillé en statue ny peinture, & moins à Minerve: mais seulement à Iupiter, auquel ils l'ont mis quelquefois à la main, & quelque autre fois à ses pieds, tâtost ils font que l'Aigle le luy porte avec le bec, & tantost avec les ongles, comme aussi en plusieurs autres façons il a esté insculpé & depeint. Seneque dit que les anciens ont fait Iupiter porter le foudre, avec lequel il espouuante souuent les gens, affin de tenir en bride la temerité des superbes ignorans, lesquels se seroient licencieusement addonnez à toute sorte de meschanceté, s'ils n'eussent eu crainte de quelqu'un qui surpassast toute force humaine. Pour donques donner terreur & peur à ceux lesquels ne sçauoient faire bien,

& viure vertueusement, sinon par crainte, il fut dict que Iupiter souuerain iuge des actions humaines, se tenoit dessus eux, ayant la main armee de foudre, & preste à les en frapper, il ne le dardoit pourtant tousiours de son seul vouloir : mais souuent du conseil & aduis des autres Dieux : & lors ce foudre estoit trefgrief, & porteur de beaucoup de maux, tout ainsi qu'au contraire il estoit leger, & monstroit que l'ire de Iupiter se pouuoit appaiser facilement, quand le conseil celeste ny interuenoit. De cestuy Seneque forme vn document moral fort beau, disant que cōme Iupiter, souuerain Roy des Dieux, ayde & enuioie du bien aux mortels, sans demander l'aduis d'autrui, mais ne veut leur faire mal, que premiere-ment il n'en aye pris le conseil des autres Dieux : ainsi entre nous les Rois, & les autres Seigneurs, deuāt que faire mal à leurs subiects, soit pour les chastier & punir, soit pour quelconque autre occasion, debu-uroient y bien penser, & en auoir bon conseil, tenans en memoire que Iupiter ne se fie de son iugement seul, quand il veut enuoyer quelques grāds maux au monde, & que non pour autre raison fut dit que des foudres que Iupiter darde, aucuns estoient griefs, & pernicioeux, & aucuns legers & de peu de mal, sinon pour donner à entendre que celuy à qui appartient chastier les fautes humaines, ne doit foudroyer contre tous en vne mesme maniere, ny se monstrier également terrible à chacun. On lit aussi, que Iupiter portoit sur le bras gauche la peau de la Cheure qui le nourrit quand il estoit enfant, appelée Egide : &

*Egide por-
tee par Iu-
piter.*

que

que d'icelle en la secouant, il faisoit les pluyes, tout ainsi que de la dextre il faisoit partir le foudre, selon que note Seruie sur Virgile, là où il dit que les Arcadiens creurent d'auoir veu iadis du commencement à l'entour du mont Tarpeien le mesme Iupiter:

*Ceux d'Arcadie ont opinion seure
D'y auoir veu Iupiter mesme, à l'heure
Que son Egide à la dextre souuent
Il secouoit, esmouuant pluye & vent.*

Et qu'en la mesme peau, appellee aussi Diphtere, il escriuoit tout ce qui se faisoit par l'vniuers, affin de n'oublier rien, quād il vouloit reuoir le côte des humaines actions. C'est pourquoy les anciēs lors qu'ils voioyent quelque meschant & mauuais garnement, apres auoir esté heureux vn temps, estre à la fin chastié & puny de ses vicieuses operations, disoient en commun prouerbe que Iupiter auoit regardé ceste fois en la Diphtere. Outre cecy, Iupiter fut aussi fait sans foudre, comme on lit qu'il y en auoit vne image en Carie, regiō de la moindre ou petite Asie, laquelle n'auoit foudre, ny sceptre, ny autre chose de celles qui ont esté dites iusques icy, mais vne hache ou coignee seulement, dont Plutarque rendant la raison, dit que c'estoit pource que Hercule ayant tué Hippolyte, Roine des Amazones, & entre ses autres armes aiant gagné sa coignee, en feit vn present à Omphale la Lydienne, qu'il aymoît vniquemēt, laquelle tous les Roys de Lydie qui vindrent apres Omphale, porterēt, comme chose sainte & sacree, qu'ils auroient eue par successiō de main en main de leurs peres,

*Diphtere
liure de Iu-
piter.*



peres,iufques à ce que Candaule defdaignant de la porter, la feit porter à vn qui estoit toufiours avec luy, lequel fut mis à mort avec Candaule, par Gygès, vainqueur en la guerre qu'il auoit meü contre le Roy Lydië, & entre autres despouilles qu'il print, il emporta la coignee en la Carie, où ayant fait faire vne ftatue de Iupiter, il luy meit en main celle coignee

gnee hauffee : pour laquelle il le feit surnommer Labradeen, d'autant que les Cariens appellent vne coignee Lebran. Ceste image portoit aussi vn grand glayue ou coustelas pendant en escharpe, appellé Carien, car ceux de Carie furēt les premiers qui firent les harnois de guerre, qui combattirent pour faire, accommoderent les escus ou pauois en sorte qu'on les peut mettre dans le bras, & qui mirent la creste aux heaumes & aux cabassetz. Et pource que les peintres monstrent souuent les fables, les peignant si bien cōme les Poètes les mettans par escrit les ont fainctes, vn disciple d'Apelles ayant ouy dire, ou, possible, leu, que Iupiter enfanta Bacchus, le depaignit avec certaine coëffure que portoient en teste les dames de Lydie, au milieu des Deesses, qui luy seruoient de saiges femmes, & luy aydoient à se desliurer d'enfant, & luy en mode de femmelette qui sent grande douleur en l'enfantement, sembloit plaindre & gemir, & là estoient plusieurs Deesses, lesquelles menoient vn grand bruit. Je ne racompterois comme Iupiter porta vn temps Bacchus attaché en son flanc & cuyssé, iusques à ce q̃ l'heure du meur enfantement fust venue, d'autant que ces fables par les transformations d'Ouide, sont desia si vulgaires que chacun les sçait. Les sculpteurs antiques pareillement ont pris maintesfois des Poètes l'exemple & patron des statues qu'ils ont fait : dont Pausanias escrit qu'aucuns Leontins, gent de la Grece, firent à leurs propres despens vn Iupiter haut de sept coudées, lequel auoit vn Aigle en la main gauche, &

Iupiter Labradeen.

Inuenteurs des armes.

Iupiter enfantant Bacchus.

portoit vn dard en la droite, d'autant qu'ils l'auoient autresfois veu ainſi deſcrit par aucuns Poëtes. Strabon en vn endroit de ſa Geographie, où il fait mention du temple de Iupiter Olympien (lequel pour l'oracle qui eſtoit là, fut tant celebré & renommé, que de toutes parts de la Grece y accouroit infinité de perſonnes porter maints beaux & riches dons, comme fait Ciplſe Tyran de Corinthe, qui offrit vne ſtatue de Iupiter toute d'or maſſif) dit qu'au meſme temple y auoit vne ſtatue de Iupiter faite d'y-uoire, de la main de Phidias Athenien, laquelle eſtoit ſi grande, que iaçoit que le temple fuſt fort grand, ſi eſt ce qu'il ſe monſtroit petit en comparaifon de la grandeur de la ſtatue, & pour ce il ſembla que l'ouurier auoit mal obſerué la proportion du lieu, ayant fait la ſtatue en telle ſorte qu'aſſiſe elle touchoit le haut toict du temple, tellement que ſi elle ſe fuſt leuee, il euſt fallu rompre le couuert, comme ainſi ſoit qu'elle venoit à eſtre de beaucoup plus haute que l'edifice : mais nō pourtāt fut elle moins louee q̄ meritoit ſa beauté : car Quintilian eſcrit, qu'icelle ſembla adiouſter ne ſçay quoy à la religion, & à la reuerence qui eſtoit portee à Iupiter, tant bien elle repreſentoit la maieſté diuine, de laquelle Phidias print le patron en certains vers d'Homere, qu'il allegua par la reſponſe de Pandene ſon neueu, qui luy demandoit comment il pouuoit auoir fait vne telle ſtatue d'y-uoire, que s'il euſt eſté au ciel à contempler les geſtes de Iupiter, il ne l'eufſt pas mieux repreſenté. Et ont les paintres quelquesfois auſſi fait aucune
cho

chose de leur fait, & qui leur touchoit, comme Appelles en vn tableau de la Calomnie, quand il fut accusé de conspiration. Et Pline escrit que Nealcés, peintre de grand esprit, & fort inuentif en son art, voulant représenter le rencontre des deux armées de mer, assauior des Egyptiens & des Perses, qui fut fait sur la riuere du Nil, & ne pouuant contrefaire l'eau du Nil, pourautant qu'elle est semblable à l'eau de la mer, il peignit vn asne beuuant à bord de riuere, & vn crocodile qui le guettoit, pour môstrer que ceste bataille auoit esté donnée sur le Nil, à cause que l'Egypte est la droite traicte & nourriture des Crocodiles, & que la Perse foisonne en Asnes. Les peintres & sculpteurs aussi feirent quelquesfois les images des Dieux sans aucune semblance d'homme, ou d'autre animal, comme on lit d'une de Venus en Paphos, ville de Cypre: le Soleil fut pareillement ainsi fait par les Phoeniciens: & les Sicyoniens, peuples de la Moree, eurent Iupiter fait en forme de pyramide, comme escrit Pausanias: ce qu'ils creurent vouloir signifier ce que mesmes signifie la statue aussi de Iupiter, de laquelle j'ay ia fait mention, nue du nombril en haut, & vestue & couuerte en tout le reste: pourautant que la base de ces images represente l'obscurité des tenebres, par lesquelles nous chemions en ce monde, si qu'ayans l'entendement appliqué aux choses humaines, ne pouuons auoir cognoissance aucune des diuines, comme ainsi soit qu'en icelles on contemple avec la subtilité de l'esprit, monstree par la cime pointue de la pyramide. Et est

*Iupiter Ha-
mon.*

*Fontaine
du Soleil.*

*Image en
forme de
Nombri.*

habile nostre ame à telle contemplation, quand elle donne congé & chasse hors toutes les affections du corps, & se subtilise, de maniere qu'elle penetre les cieux, ou bié quâd elle despouille & laisse la pesante masse corporelle, & toute deschargee & legere, s'en reuole à iouyr de la tresheureuse theorie & vision de Dieu, & des choses eternelles. Quinte Curce escrit qu'en Egypte aux confins des Troglodytes, y auoit vn lieu plaissant & delieueux, couuert d'vmbre espaisse par les branches des arbres qui fermoient le temple du Dieu Iupiter Hamon tout autour: car plusieurs fontaines d'eau douce qui sourdoient de tous costez y nourrissoient les arbres & boccages. Et y auoit encores vn autre bois dedié aussi au mesme Iupiter Hamon, au milieu duquel estoit vne fontaine appelée l'eau du Soleil, laquelle, comme raconte Pomponius Mela, sur le point du iour & au Soleil leué estoit tiede, mais à l'heure de midy, que le Soleil est plus vehement, elle couroit toute froide, & sur le vespre se recommençoit à eschauffer, puis à mynuict estoit si chaude qu'elle bouilloit: & comme que la nuict tendoit plus pres de l'aube du iour, ainsi sa chaleur diminueoit fort, iusques à tant que le point du iour reuenu, estant cessée & alentie, elle deuenoit tiede comme au parauant en mesme temps. Et en ce lieu on adoroit certaine image, qui n'auoit point telle figure que les peintres font aux Dieux, mais estoit faicte en forme de nombri garny d'esmeraudes, & autres pierres precieuses, large au bas, & pointue en haut. Et quand on la vouloit consulter pour

en



en tirer responce, les prestres la portoient en procession dedans vne petite nef doree, à l'entour de laquelle estoient attachees aux deux costez plusieurs tasses d'argent. Plusieurs femmes & filles, dames & damoiselles suyuoient apres, & venoient derriere chantans des vers sans mesure & sans ordre, par lesquels elles pësoient que Iupiter leur dōneroit respō-

*Iupiter en
forme de
Mouton.*

se affleuree de ce qu'elles desiroiēt sçauoir. Mais ce Iupiter Hamon fut adoré aussi sous la figure & image d'un Mouton, & dyent aucuns l'occasion en auoir esté que Bacchus marchât autresfois par les deserts de Lybie, estoit pour perir de soif, & son armee, si apres auoir prié deuotement son pere, un Mouton ne fust venu, lequel allant tousiours deuant, le conduisit en lieu où il trouua de quoy faire boire toute son armee, & croyant qu'en forme de cest animal Iupiter fust venu luy monstrier les desirées eues, il luy dressa là un autel, & fit son simulachre en forme de Mouton. Ouide ensuiuant les fables, veut que cela fut pour autant. q̄ quād les Dieux du ciel euerēt la furie des Geans en Egypte, Iupiter pour sa plus grande seurté se changea en Mouton: disant ainsi en sa Metamorphose,

*Que Iupiter le plus haut Dieu tenu
S'estoit mué en un mouton cornu,
Que sa puissance en Lybie honnoree
Sous telle forme en estoit adoree.*

Et Herodote rendant la raison pourquoy il estoit deffendu aux Thebains en Egypte de sacrifier le Mouton, dit ainsi, Hercule desirant voir Iupiter, & au contraire Iupiter ne voulant estre veu de luy, en fin voiant qu'Hercule ne cessoit de l'en importuner par infinité de prieres, luy bailla ceste trouffe: ayant escorché un mouton, couppé & ietté la teste, il se vestit de la peau, & se monstra ainsi à Hercule: depuis, les Egyptiens ont fait la statue de Iupiter en forme de Mouton: en quoy ils ont esté suiuis des Hammoniens,

niens , qui sont issus d'eux , & des Ethiopiens qui tiennent du langage des deux: combien que l'estime les Hammoniens s'estre imposez ce nom , pourautât que les Egyptiens appellent Iupiter Hammon. Tant y a que les Thebains ne sacrifient point les Moutons , & les reputent sacrez pour ceste raison , excepté, que le iour qu'ils celebrent la feste de Iupiter, ils



coupent la gorge à vn Mouton, & apres l'auoir es-
corché, vestent la peau à la statue de Iupiter, & en
approchèt celle d'Hercule. Ce fait tous les prebstres
& ministres du temple battent & frappent le Mou-
ton, puy's l'ayans mis dans vne vrne sacree, l'ensepue-
lissent avec grand honneur. Or ce Iupiter Hamon
ne fut seulement en Egypte, mais aussi en Grece, &
les Arcadiens, comme recite Pausanias, le feirent en
forme quarree, à la mode des Hermes statues de
Mercure, & auoit à la teste les cornes de Mouton.
Outre ce les Celtes, nation de la France (comme ra-
compte Alexandre le Napolitain) mettoient pour
l'image & statue de Iupiter, vn chesne fort haut : &
l'adoroient pour luy, pource que peut estre ils sça-
uoient que d'entre les arbres le chesne estoit con-
sacré à Iupiter, comme celuy, du fruiet duquel les
hommes iadis aux premiers temps viuoient, & tou-
choit à Iupiter de repaistre & nourrir ceux, lesquels
on croioit qu'il auoit mis au monde, & qu'il en auoit
le gouuernement vniuersel. A raison dequoy les an-
ciens couronnoient de chesne presque toutes les
statues de Iupiter, comme que cest arbre fust signe
& enseigne de vie, laquelle on croioit estre donnée
par Iupiter aux mortels. Dont les Romains souloient
donner la couronne du chesne à celuy qui en guer-
re auoit defendu & garâtý de mort vn Citadin Ro-
main, voulans donner l'enseigne de la vie, à celuy
qui l'ayant sauuee à autrui, luy auoit esté occasion
de viure plus longs iours. Semblablement ils feirent
quelquesfois des courônes d'oliuier à Iupiter, pour-
autant :

autant que cest arbre est tousiours verd , & de grande vtilité aux mortels , & paroissent ses fueilles estre presque de la couleur du ciel , combien qu'il semble estre plustost arbre de Pallas, ou de Minerue, qui est la mesme Deesse, comme sera veu en son image. Pausanias escrit qu'en certaine partie de la Grece, y auoit vne idole de Iupiter , qui tenoit vn oiseau en l'vne des deux mains, & le foudre en l'autre, & auoit la teste ceinte d'un beau chapeau de diuerses fleurs du printemps. Iupiter eut aussi souuent la couronne de Roy, ainsi que le descript Martian Capelle, veu que Pallas en Ouide lors qu'elle contend avec Arachné, depeint l'image de Iupiter en maiesté royale , comme ainsi soit qu'il estoit réputé le Dieu des Dieux, des hommes , & de l'vniuers. Seruie sur la dixiesme Eclogue de Virgile, dit que les propres enseignes de Iupiter , lesquelles souloient porter ceux qui triomphoiēt de quelque victoire par eux obtenue, estoient le sceptre , & la toge palmee , qui estoit vne robe de pourpre, grande & ample, en laquelle aucuns ont dit que la palme estoit tissue par dedans, & estoit peinte à grandes boules d'or , comme aussi son image auoit la face peinte de rouge. Car, comme escrit pareillement Pline, anciennement on peignoit de vermillon le visage de Iupiter , es festes solennelles: & ceux qui entroient en triomphe à Rome , auoient le corps teinct de vermillon, mesmes Camille entra en triomphe en cest equippage. Suyuant laquelle coustume ancienne , Pline dit que de son temps on donnoit la couleur de vermillon à tous les mets des festins

des entrees triomphantes. d'où ie croy que les femmes prindrent la coustume, qu'encores pour le iour d'huy quelques vnes mettent en vsage, de se farder, & taindre les iouës de vermillon, cuydans en deuenir plus belles, mais tant s'en faut: car outre que c'est desplaissant à Dieu d'ainfi se contrefaire, elles en deuiennent plustost ridees, & lors que leur peau est tendue & ondoyante à plis & replis, elles sont laydes, & semblent des vrays singes de Barbarie. Les Ethiopiens pareillement faisoient grand estat de ceste couleur, car les Princes & grands Seigneurs dudit pais s'en faisoient rouges par tout le corps: & en paignoient les images de leurs Dieux. Or en diuers temps, & sous diuers surnoms, & pour diuerses occasions, la cheure, vn agneau femelle de deux ans, & vn taureau blanc ayant les cornes dorees, furent victimes sacrifiees à Iupiter par les Romains, lesquels sacrifioient aussi quelquesfois sans victime avec du bled rouge & barbu, ou soigle, avec du sel, & avec de l'encens. Les Atheniens luy faisoient sacrifice d'un bœuf avec ceremonie fort ridicule, qui estoit telle, comme raconte Pausanias: Ils mettoient vn peu de soigle & de froment meslez ensemble sur l'autel de Iupiter, & le bœuf destiné au sacrifice s'en aprochant l'alloit manger: lors venoit l'vn des prestres, appelle des Grecs pour raisõ de l'office qu'il auoit, *Βουφόνος* qui vaut autant à dire que frappeur de bœuf, & frappoit d'une coignée sur la teste à ceste beste, puis s'en fuyoit vistemēt, laissant en ce lieu la coignée, laquelle estoit appelee apres en iugement par ceux qui estoien

*Victimes de
Iupiter.*

*Sotte cere-
monie.*

estoitent là à l'entour, cōme s'ils n'auoient veu qu'autre que la coignee eust frappé le sacré bœuf. Ceste coustume, comme escript Suidas, vint de ce que succeda iadis en vne feste de Iupiter, en laquelle vn bœuf mangea les fouaces & gasteaux qui estoient apprestez pour le sacrifice: dequoy l'vn des asistans indigné, & luy semblant ceste beste auoir esté trop presumptueuse, print vne coignee, & d'icelle tua le bœuf, puy s'enfuit hors de là. la coignee, qui demoura sur le lieu, fut appelée en iugement, & ayans les iuges entendu les raisons des parties, l'absolurent, & depuis fut obserué de faire le mesme par chacun an. Et n'est pas de merueille qu'une coignee fust appelée en iugement par les Atheniens, pourautāt qu'entre les premieres loix que le legiflateur Dracon leur dōna, y en auoit vne, que les choses aussi inanimees, ou sans ame, fussent condamnées en iugement, bannies & iectees hors de la cité, selon leurs demerites, quand la personne qui auoit fait le mal, ne se trouuoit: ce que racontent Pausanias & Suidas, lesquels aussi ont escript vn mesme compte, combien que les noms soient diuers: car Pausanias dit de Theagenes, & Suidas de Nikon. Cestui cy, quel nom qu'il eust, fut homme si vaillant, que des victoires par luy obtenues en diuers lieux, il auoit rapporté plus de quatre cens courōnes, & pour ce luy fut aussi dressé vne belle statue, à laquelle, apres qu'il fut mort, vn qui auoit tousiours esté enuieux de ses honneurs, venoit la nuit, & avec vn fouët la battoit fort & ferme, dequoy il estoit si contant, comme s'il eust offensé le

Coignee appelée en iugement.

mesme Theagenes, ou Nicon viuant. Aduint que la statue cheut à l'impourueu sur celuy qui la battoit, & l'accablant le tua, dont ses enfans l'appellerent en iugement, & si bien sceurent playder contre elle, qu'ils la feirent condamner comme coupable de la mort de leur pere, & à ceste occasiõ fut iectee dans la mer. Pour laquelle chose de là à peu de temps vint vne grande sterilité, qui gasta tout le pays: à quoy fut remedié par conseil de l'oracle, la statue qui auoit esté iectee en la mer estant remise en son lieu, puis trouuee par aucuns pescheurs, luy furent apres attribuez honneurs diuins, & fut adoree comme Deité salutaire. Plusieurs fables aussi qu'on lit de Iupiter, donnent argument de le faire en plusieurs sortes: d'autant qu'elles racontent qu'il se changeoit souuent en diuerses formes, pour iouir de ses amours: comme quand il se mua en Taureau blanc pour raur & emporter en croupe Europe: en Aigle, pour enleuer Ganimedez, & pour auoir aussi Asterie: en pluie d'or, pour venir vers Danae: en Cygne, pour demeurer avec Leda: en feu, pour tromper Egeine: en Amphitryon, pour coucher avec Alcmene: en Diane, pour iouir de Caliston: & en maintes autres figures tant bestiales que humaines, desquelles ie ne diray autre chose, d'autant que ie ne trouue que d'icelles les anciens ayent onques pris exemple & modele d'en faire aucune image de Iupiter. Si ie vouloy raconter toutes les statues qui ont esté dressees à Iupiter, & les diuers surnoms qu'on luy a donné, ensemble l'origine & occasion d'iceux, ce ne seroit iamais fait,

fait, tant estoit grande la vanité & superstition des anciens idolatres : suffira d'en declarer icy quelques vns le plus succinctement qu'il me sera possible. En la region de Pont, entour Heraclee, y auoit vn temple dedié à Iupiter Stratien, c'est à dire, presidēt des guerres. Les Megareēs adoroient Iupiter le poudreux. A Rome autresfois diuisee par quartiers ; y auoit le quartier de Iupiter Fagutalus, qui anciēnemēt estoit vne forest de faux. Pres Ostie estoit le bois sacré de Iupiter Patriote. Iupiter le pluuieux estoit adoré au mont d'Helicon. Agrippa fait bastir le Pantheon à Rome pour Iupiter vendicatif. Le temple de Iupiter Messapien se voioit en la region de Misistrat, ou Lacedemone. En la cité de Platee en Boëtie estoit l'image de Iupiter Eleutherie, c'est à dire libérateur. A Egye l'idole de Iupiter surnommé Homagyrie. Au mont Parnasse le temple de Iupiter Phixie, c'est à dire fugitif, ainsi appellé à cause qu'il donnoit secours à ceux qui s'enfuyoient. En la mesme mōtagne estoit adoré Iupiter Lycoree. A Tegee Iupiter Clarie. A Lacedemone, Iupiter le courtisan. En Argos, l'autel de Iupiter Pluie ; & ailleurs en diuers lieux de Iupiter le doux & blādiſſant, le Lucteur, Ascreiēs, Capitolin, Possessoire, Cytheronien, Syllanien, Arresté, Altitonant, Feretreen, Ideen, Panhellenie, Ambulie, Elien, qui ne seruoit qu'à coniurer les foudres & tempestes : Cassiopien, Ctesien ; signifiant donneur de possessions : Epicarpien ; surintendant des fructs : Charidotes, donneur de ioye ; Xenius, ou hospitalier, vint de la main de Pamphile, apprenty iadis de Pra-

au ventre de la femme, la fait concevoir ce que par apres elle enfante en son temps. A raison dequoy Virgile chante en ses Georgiques,

Le beau printemps certes apporte grace

Aux hauts ramedaux, & au bois est utile

Au doux Printemps à s'enfler est habile

La terre adonc, à ce doux temps attente,

Et la semence à recevoir contente.

Lors Jupiter le pere de ce monde,

Vn air puissant avecques l'eau feconde,

Ioyeux descend au gyron de sa femme.

Là où Seruie interpretant ces vers, dit que Jupiter se prend pour l'air, & Iunon pour la terre. Le sens est donc, que l'air, comme espris d'une ardente amour de la Terre, luy verse dans le sein une pluye qui est apte à la generation. Et aucuns voulans mettre ceste Deesse plus haut, l'ont dit estre la mesme que la Lune, & luy ont donné aucuns surnoms d'icelle, mesmes l'appellerent Lucine, comme qu'aydant aux femmes en leur enfantement, elle donna la lumiere aux enfans venans à naistre. D'où vint que les anciens mespartans le corps humain, & en donnans à chacun Dieu sa part, pour d'icelle auoir le soing, mirent les sourcils sous la garde de Iunon, d'autant qu'ils sont sur les yeux, par lesquels nous iouissons de la lumiere qui par elle nous est donnee, & les deffendent de ce qui par une cheute & coup les pourroit endommager. Combien qu'on lit aussi que les bras pareillement luy furent consacrez. Dont Homere, lequel à chascun Dieu donne un membre le plus beau des

*Sourcils en
la protectio
de Iunon.*

autres,

autres, fait que Iunon ayé les bras beaux & blans. Et de là vint qu'aucuns des anciens la feirent de corps net & pur, ayans peut estre esgard au corps de la Lune. Lucian escrit que iacoit que la Deesse Syrienne, tant reuerée en Hieropolis, fut Iunon, neantmoins sa statue, qui estoit là en son temple, la mōstroit estre non vne seule, mais plusieurs, cōme ainsi fust qu'on



veist en icelle quelque chose de Pallas, quelcune de Venus, de Diane, de Nemesis, des Parques, & d'autres Deesses, pourautant qu'elle estoit assise sur deux Lyons, & en vne main tenoit vn sceptre, & en l'autre vn fuseau, & auoit à la teste aucuns rayons, & quelques autres choses qui sont appropriees à diuerses images. Par où Lucian vient à môstrer que la Deesse Syrienne, assauior Iunon, fut vne Deité diuersément adoree sous diuers noms. Et pour ce n'est merueille si on la creut estre aussi Lucine: car les femmes l'inuoquoient en leur enfantement, implorans son ayde, côme fait Glycerie en Terèce, quand elle crie, Iunon Lucine ayde moy, garde moy de mort, ie te prie. Et les anciës en voulans faire statues ou la depaindre, la feirent (côme on void ez antiques medalles de Faustine) en forme de femme de meur aage, vestue en mode de matrone, laquelle en la main dextre tient vne tasse, & vne haste ou pique en la gauche. Et ya fort peu d'images des Dieux, auxquelles les anciens n'ayent baillé les piques ou iauelots, comme se void en celles que i'ay ia dit, & se verra aussi ez autres qui demeurent à declarer: & pour ce me semble que ie ne doibs plus differer d'en dire la raison. Car combien que peut estre il eust esté meilleur en vn autre lieu, si ne sera il impertinent de la mettre icy, là où facilement quelcun se pourroit esmerueiller que la pique aye esté donnee à Iunon Deesse pacifique & de repos. Iagoit qu'elle ne fut pourtant tousiours telle: mais quelquesfois s'est monstree fort terrible & feroce, comme quand à toutes ses forces elle vouloit

*Deesse Sy-
rienne.*

fauoriser les Grecs contre les Troyens, auxquels elle estoit entierement aduersaire, & eut bien la hardiesse d'aller à la bataille ensemble avec Minerve, comme raconte Homere, lequel décrit son chariot ainsi:

Iunon s'en va ses chevaux mettre en point,

Et les attelle: Hebé ne faillit point

D'autre costé le grand char apprestier,

Auquel debuoit la Deesse monter.

Lors affusta les roues bien forgees

Faiçtes d'or fin: liees & reueues

A cloux de fer, & d'airain reluisant,

Et huit roullons, de mesme airain dursant:

Dont les moyeux entaillez par art gent

Estoient aussi massifs de fin argent:

L'esieu d'acier, le timon de metal

Clair, argentin, aussi beau que crystal:

Et quant au siege, il fut environné

D'orfeurerie, & si bien atourné,

Qu'on ne scauroit donner raison entiere,

Qui valoit mieux, l'ouurage, ou la matiere.

Faut presupposer qu'en ce temps les Capitaines & personnes plus signalees combattoient en chariot. Et si bien autresfois Iunon faisoit tirer son chariot par des oyseaux, elle auoit besoing à ceste heure la de chevaux. Virgile mesmement luy donne le chariot & les armes, quand il dit qu'elle vouloit tant de bien à Carthage, qu'elle y tenoit son chariot, & ses armes. Ce n'a esté donc mal à propos que les anciẽs ayent aussi baillé la pique ou lance à Iunon, ny que moy tenant propos d'elle, dye pourquoy les piques fu

furent baillees anciennemēt par les anciens aux statues des Dieux, selon que Iustin en rend la raison, lequel dit, que iadis aux premiers temps les Rois portoiēt vne lance en lieu du Diademe & de l'enseigne royale, & qu'alors au commencement du monde les hommes n'auoient autres statues des Dieux, que les piques ou lances, & pour ce se mettoient à genoux au deuant d'icelles, & les adoroient avec grand honneur & reuerence. Mais despuis qu'ils commencerent à faire les Dieux en forme humaine, ils n'adorent plus les piques, mais les statues: toutesfois pour conseruer aussi la memoire de la religion ancienne, ils adioustèrent par apres les piques aux simulachres des Dieux. Quand Anchise en Virgile montre à son pere Enee sa race qui doit venir, il commence à vn ieune homme, qui est appuyé sur vne pique: & là Seruie note que la haste ou pique enuers les anciens fut l'honorable guerdon & loyer de ces ieunes, lesquels vainquans l'ennemy en bataille, auoient commencé à faire preuue de leur valeur. Et le mesme exposeur, dit que les anciens estimerent la pique plus que toutes les autres armes, laquelle fut symbole & enseigne de grâdeur, & de souueraineté, & que pour ce elle estoit donnée aux vaillans hommes, que les choses exposees à vëdre en public estoient vendues à la pique, & que les Carthageois voulans denoncer la guerre aux Romains, leur enuoierent vne pique. Suidas rapporte vne coustume auoir esté en Athenes, que quand quelcun qui auoit esté occis, estoit porté en sepulture, les parens qui l'accompagnoïēt,

*Deesse des
richesses.*

faisoient aller avec luy vne pique, ou bien la fichoïent & plantoient au plus haut du sepulcre, voulans donner entendre en ceste maniere, & faire certain celluy qui auoit fait le meurtre, qu'il ne seroit exempt de punition. Tellement que la haste ou picque fut tenue en grande estimation par les anciens, vers lesquels elle fut enseigne fort notable. Dont ne se faut esbahir s'ils la donnoiēt souuent aux sacrees statues. On pourroit dire du chariot de Iunon descrit par Homere, qu'il signifie les diuerses couleurs qui apparoissent en l'air aucunesfois: mais Boccace est d'autre opinion, disant qu'il est si richemēt & somptueusement estoffé, à cause qu'on la tient estre la Deesse des richesses, & que les armes à elle attribuees, signifient que par les richesses les hommes combattent ensemble le plussouuent. C'est pourquoy ils la paignirent avec le sceptre à la main, comme qu'en son pouuoir fust de dōner les richesses, & les royaumes, ainsi cōme elle promet faire à Paris, lors qu'elle vouloit qu'il la iugeast la plus belle des autres Deesses qui contēdoient pour la pomme d'or. Ce que quelques autres dient aussi estre trop vray, si par icelle nous entendons la terre, comme escrit Fulgence, lequel depeint Iunon, ayant la teste enuelōpee d'un linge, & tenant le sceptre à la main, monstrant par icelluy les Royaumes, qui ne sont autre chose que posseder en souueraineté beaucoup de pays, & par la teste couuerte, q̄ les richesses demeurent cachees en la terre, veu qu'elle a en soy les veines de tous les metaux, & en icelle se trouuent les pierres precieuses.

ses. Le Paon fut baillé à ceste Deesse, comme oyseau sien, propre, & à elle dedié. Dont Pausanias descriuant les choses qui estoient au temple de Iunon en certain endroit de la Grece, dit qu'il y auoit vn Paon fait tout d'or, & de pierres précieuses tresreluyfantes, que l'Empereur Adrian auoit offert & dedié à la Deesse, d'autant que cest oyseau est dedié à Iunon, la raison dequoy, (outre la fable qu'on racompte d'Argus) on dit estre que les richesses tirent ainsi à elles noz cœurs, comme le Paon par sa beauté tire à soy les yeux des regardans. Et Boccace au liure de la Genealogie des Dieux, fait vne longue narration, voulant monstrier que les riches, & puissans, presque en toutes leurs actions ressemblent au Paon, comme en ce, qu'ils parlent superbement, sont arrogans, & veulent estre tousiours par dessus les autres, se plaisent à estre louez & prizez, biē que faussemēt & sans merite, & autres choses semblables, lesquelles, comme au temps de Boccace, se trouuent encores pour le iourd'huy en plusieurs. Ne fut donné seulement le Paon à Iunon, mais les anciens luy dedierent aussi autres oyseaux, entre lesquels fut certaine sorte d'Esperuier, & le Vautour pareillement, cōme dit Elian, selon ceux d'Egypte, lesquels pour ce couronnoient la statue d'Isis de plumes de cest oyseau, lesquelles estoient aussi mises aux portes des maisons: & recite Alexandre le Napolitain, qu'ils faisoient cela en Egypte en signe de noblesse, & de l'antiquité de la famille. L'oye pareillement fut consacree à Iunon, & en tenoient les Romains aucunes en son temple, qui sei-

*Paon baillé
à Iunon.*

Signe de noblesse.

rent fort bonne garde du Capitole, quand les François l'assiégeoient : & fussent entrez dedans secretement par vne nuit, si ces oyés n'eussent crié : à raison dequoy elles furent apres nourries aux despens du public, & les Censeurs principalement en auoient le soing, & en fut faite vne d'argent, qui pour memoire fut mise au mesme temple de Iunon. Et les Romains pour se monstrier auoir grandemēt à gré ceste beste, qui leur auoit fait vn tant signalé seruice, ordonnerent que par chacun an à certain temps vne oye fust portee en procesion avec grande ceremonie sur vn beau & bien agencé petit liēt, & au mesme temps ils auoient de coustume de pendre tous les ans vn chien à vne potence de sureau entre le temple de Jeunesse, & celui du Dieu Summan, pource que les chiens, commis à la garde du Capitole, n'auoient point iappé, à la scalade que les François y dresserēt de nuit, où les oyés au contraire les ayans descouuers, par leur cry sauuerent la forteresse d'estre prise, comme i'ay dit. Outre ce les Poëtés dirent que Iris fut messagere de Iunon, & est entendu l'arc celeste par icelle, laquelle fut fille de Thaumante, qui signifie admiration, d'autant qu'à le voir quand il se monstre ainsi bigarré de couleurs, il semble admirable, tout ainsi que les richesses font esmerueiller les sages môdains, qui à mieux dire sont vrayz fols, lesquels s'en vont apres aussi tost, comme nous voyons tost esuanouir l'Iris. Icelle fut pareillement reputeée Deesse par les anciens, & vestue d'une robe de diuerses couleurs, & quelquesfois iaune & toute retrouf-

fee, affin d'estre plus prompte & preste d'aller toutes
& quantesfois iluy seroit commandé de Iunon la
Deesse & maistresse. Elle auoit aussi des aïsses de di-
uerses couleurs, comme dit Virgile, quand il fait que
Iunon l'enuoye couper le cheueu fatal à Didon. Iu-
non auoit aussi quatorze Nymphes à son seruice,
comme le mesme Virgile luy fait dire à AEole Roy
des vents, luy promettant donner la plus belle en
mariage, s'il trouble la mer, tellement qu'Enee ne
puisse ioindre & aborder l'Italie:

*Aueques moy i'ay des Nymphes gentilles
Quatorze, en tout, qui sont bien belles filles,
Dont en beauté vne surpasse toutes,
C'est Deiopee, & sans que tu en doutes,
Tienne sera: car d'elle (pour guerdon)
Je te feray de tresbon cueur vn don,
A celle fin que iointe en mariage
Aueques toy, elle passe son aage,
Et que de race en fin belle & prospere
Heureusement elle te face pere.*

Ces Nymphes (selon l'opinion d'aucuns) signifient
les mutations de l'air, qui est entendu par Iunon, &
les diuers accidens, qui apparoissent en icelluy, com-
me, serain, impetuosité de vents, nuees, obscurité,
pluye, neige, lampes & esclairs, tonnerres, & autres
semblables. Lesquelles choses monstre pareillement
Martian Capelle, quand il fait, que Iunon se tient
assise au deffoubs de Iupiter, & la décrit en la sorte
que s'ensuit. Elle a (dit il) la teste couuerte d'vn cer-
tain voile, ou crespé, reluyfant & blanc, au dessus du-
quel

*Image de
Iunon.*

quel est vne couronne enrichie de pierres precieuses, comme est la verde Scythide, l'enflambee Ceraunie, & la blancheastre Hyacinthe (car il y a des Hyacinthes, dictes citrines, qui tirent sur couleur de bas or, & ont leur lustre plus beau du matin qu'en tout le reste du iour) laquelle couronne Iris luy auoit mis. l'Iris est aussi vne pierre, qui tient pour le plus du crystal, & tel nom ne luy a esté imposé sans occasion: car estant opposee aux rayons du Soleil, à couuert ou en vne chambre, elle iette contre les murailles vn lustre de diuerses couleurs, qui de moment en moment change, se rendant par ce moien fort admirable. Et quant à la diuersité des couleurs qu'elle réd, cela se fait tousiours à couuert, & en lieu ombrageux: tellement que par cela on peut cognoistre ceste varieté de couleurs n'estre en l'Iris: ains que cela vient de la reuerberation des murailles, ou l'essay de l'Iris se fait. Mais affin de ne nous esgarer de nostre propos, retournons à Iunon, & paracheuons le dessain qu'en fait Capelle. Sa face est tousiours resplédisante, & ne ressemble aucunemēt à son frere, sinon qu'il est tousiours alaigre, & ne se trouble iamais. Mais Iunon se change en son visage, & monstre aucunesfois la face nubileuse. La robe en apres qui est deffoubs, semble estre de verre claire & luyfante: mais le manteau de dessus, est obscur & tenebreux, toutesfois en sorte qu'estant frappé de quelque lumiere il resplendit, & vne bande de couleurs diuerses luy ceint les genoux, laquelle reluyt quelquesfois avec grace admirable, & quelquesfois aussi la varieté des couleurs



appétisse, & tellement diminue, que plus n'apparoit. Les souliers sont de couleur obscure, & ont les semelles si noires, qu'elles representent les tenebres de la nuit, combiën qu'Hesiodé les fait estre dorees, comme sont aussi les autres Poëtes. Ceste Deesse tient en outre en la main dextre le foudre, & vn retonnant tabour en la fenestre. Ceste image denote si

apertement les qualitez de l'air, & ce qui vient de luy, qu'il n'est besoing d'en dire autre chose. Ceux qui ont touché les choses naturelles, ont dit que Iunon signifioit l'air, qui est entre le ciel & la mer: & que pour ceste cause on a fait Iupiter l'auoir liee avec des chaines d'or, & sousmise sous le fardeau pesant d'enclumes de fer, voulans par cela monstrier l'air estre le plus conioint & voisin du feu celeste, entendu par Iupiter, est meslé à deux elemēs inferieurs, assauoir à la mer & à la terre, qui sont plus pesans que les superieurs. Si vous en voulez sçauoir d'auantage, lisez Platon & Apuleie, qui interpretēt asses subtilement ceste fable, mais sur tout le deduissent Arnobie & Tertullian, se moquās de l'erreur & folie des Gentils, & idolatres. maintenant ie vien à metre vne grande statue de Iunon, laquelle Pausanias escrit que fut au païs de Corinthe, faite d'or & d'yuoire de la main de Polyclet, & auoit vne couronne à la teste, en laquelle par artifice admirable estoient entaillees les Heures, & les Graces, & en vne main tenoit vne pōme grenade, & en l'autre vn sceptre, ayant au dessus vn cocou, pourautant que les fables dient que Iupiter amoureux iadis de Iunon, se changea en cest oiseau, & elle par ieu, comme font les ieunes filles, le print, dont il eut apres la cōmodité de coucher avec elle. Et à cecy Pausanias adioust, que iāçoit qu'il ne croye ces choses, ny autres semblables, qu'on raconte des Dieux, il ne pense pourtant qu'elles soyent à mespriser, comme voulant dire, qu'il y a du mystere par dedans, & signifient bien autre chose que ce que sou

sonnent les paroles : toutesfois il ne le dit, & ie m'en tairay pareillement, à cause que i'ay desia protesté par plusieurs fois de ne mettre icy aucun fait, & n'amener raison que les anciens n'ayent escrit, & combien qu'il puisse estre que quelcun ayeia escrit de cecy, neâtmoins ie n'en ay rien encores trouué. Bien est il qu'Apuleie quand il fait representer en scene le iugemēt de Paris, dit que sortit hors vne ieune Deesse, laquelle ressembloit Iunon, & estoit d'aspect honneste, auoit la teste entournee d'un blanc diademe, tenoit le sceptre en main, & estoit accompagnée de Castor & de Pollux, ayans en teste vn heaume avec vne estoille à la fime, & ainsi les voit on en quelques medalles antiques, & lit on qu'ils furent freres jumeaux, enfans de Iupiter, & si fort s'entraymerent, que les Poëtes ont fait que mespartans la vie entr'eux, alternatiuement ils mouroient & viuoient, dont ils meriterent d'estre mis au ciel, là où lon en fait le signe des Gemeaux, lesquels encores pour le iourd'huy sont ainsi figurez par ceux qui desseignēt les corps celestes. Et les Lacedemoniens appelloient adis les anciens simulachres dediez à l'honneur de Castor & Pollux, Docana, qui vaut autant à dire que les poultes des Rois. C'estoiēt deux pieces de bois, distantes egaleement l'une de l'autre, coniointes par autres deux equidistantes aussi en trauers: & semble à Plutarque que ce fust vne deuise bien conuenable & propre à l'amitié fraternelle de ces deux Dieux, pour monstrier l'union indiuisible qui estoit entr'eux: dont l'un fut trefagile & adroit à la luite, l'autre à

*Castor &
Pollux.*

monter & piquer vn cheual : à raison dequoy on les
 fait quelquesfois monter sur deux cheuaux blans:&
 estoient peut estre ceux la, lesquels on dit que Iunon
 leur donna, qui les auoit eu premieremēt de Neptu-
 ne, nômez l'vn Xanthe, l'autre Cillare. Et ainsi estoient
 ils figurez, à cheual par les Athéniens, en vn certain
 temple leur fort antique. En ceste maniere aussi ils
 apparurēt à Vatinius (comme escrit Cicéron au 2. li-
 ure de la nature des Dieux) quand il reuenoit de son
 gouuernement de Riete en l'Abruzze region à Ro-
 me, auquel ils annôcerent q̄ ce iour la le Roy Persez
 auoit esté fait prisonnier, ce qu'apres il annôça au Se-
 nat. On lit en outre, & Iustin l'escript, qu'en certaine
 bataille, en laquelle 15. mille Locriens vainquirent
 cent vingt mille Crotoniens, apparurēt deux ieunes
 hommes grands & beaux, monter sur deux cheuaux
 blancs, armez d'autre sorte que les autres, avec des
 mantelots de pourpre, lesquels combattirent vaillam-
 ment deuant tous les autres pour les Locriens, & di-
 sparurent soudain apres leur victoire. Ceux cy furent
 estimez estre Castor & Pollux, pourautant que les
 Locriens n'ayans peu estre secourus des Lacedemo-
 niens, auoient demandé ayde & secours à ces deux
 freres. Pausanias escrit que deux ieunes Messeniens
 se faignans estre Castor & Pollux, voulurent trom-
 per les Lacedemoniens, vn iour qu'ils celebrient
 leur feste au camp solennellement: d'autant qu'estās
 vestus de deux robes blanches avec manteaux de
 pourpre par dessus, & avec les piques à la main, mon-
 tez sur deux fort beaux cheuaux, se firent voir à l'im-
 pro

prouiſte. Les Lacedemoniens penſerent que ce fuſſent Caſtor & Pollux, venus à la feſte celebree pour eux, & luy venoient au deuât tous deſarmez, les adorans, & les prians qu'ils vouluſſent ſ'arreſter entre eux avec deité fauorable. Lors les deux iouuenceaux frapans de leurs piques ores ceux ci, ores ceux la, en tuerent pluſieurs, & aians fait grande occiſion d'en-nemis, s'en retournerent ſans eſtre nullement offenſez d'iceux. Outre ce Caſtor & Pollux auoient les chapeaux à la teſte, cōme eſcrit Feſte Pompee, d'autant qu'ils eſtoient de Laconie, où lon ſouloit aller en bataille, le chapeau en teſte. Et pour ce Catulle en vn ſien Epigrāme les appelle *Fratres Pileatos*, pour ce que *Pileus*, qui eſt diſtion Latine, vaut autāt à dire qu'un bonnet, ou chapeau en langue vulgaire. Pauſanias eſcrit pareillement qu'en certain lieu de la Laconie y auoit des petites images couuertes d'un chapeau, leſquelles il dit ne ſçauoir bonnement ſi auoient eſté faiſtes pour les Caſtors, (car ſoubs le nom de l'un les anciens entendirent tous les deux freres) mais bien le penſe. Toutesſois vn autre auteur dit qu'à Praſie ville de Laconie on adoroit les deux iumeaux Caſtor & Pollux, les ſtatues deſquels eſtoient faiſtes d'airain, ayans des chapeaux ſur la teſte. Je ne laiſſeray maintenant de dire que le bonnet ou chapeau fut enuers les Romains l'enſeigne de la liberté, pourautant qu'ils auoient de couſtume, quand ils vouloient donner la liberté à vn ſerf, de luy raire la teſte, & luy bailler à porter vn chapeau. Laquelle ceremonie eſtoit faite au temple de Ferō-

Signe de Liberté. nie Deesse de ceux auxquels estoit donnee la Liberté, appelez Libertins. A raison dequoy Plaute en la comedie Amphitruo, fait ainsi dire à vn serf desireux de la liberté : Que plaise aux Dieux que ie puyffe aujourdhuy avec la teste rase prendre le chapeau. Et lit on en Appian Alexandrin qu'à Rome, apres que Iules Cesar fut massacré, l'vn des conspirateurs leua sur le bout d'vn long bois vn chapeau, & planta par les places publiques des piques, ayans chacune vn chapeau à la cime, par lequel il vouloit appeller le peuple, & toute la ville à la liberté, qu'ils auoient eue au parauant. Quand les mesmes Romains auoient besoing de soldats, ou que quelcun vouloit se rebeller & faire sedition, ils appelloient les serfs au chapeau, entendans par cela qu'à tous ils donnoient liberté, & de serfs les rendoient affranchis, affin que par cest octroy de liberté, ils combattissent courageusement. De là vient qu'en certaines medalles de Decimus Brutus, preteur à Rome, qui fut l'vn des principaux & premiers coniarateurs de la mort de Cæsar, on voit au reuers, deux poignards, & vn chapeau au milieu. les poignards signifiâns la vengeance prise du tyran : lequel fut assassiné au Senat, & tué de 23. coups de poignards, qu'il receut en son corps : & le chapeau estant entre les deux poignards, designant la liberté Romaine, que Brutus & Cassius auoient par ce moyen recouré. En vne medalle de Sergius Galba, au reuers y a vne figure tenant vne pique, & vn bonnet à la cime, avec ces mots, **LIBERTAS P V B L I C A**. Et quand Neron fut mort, les

les Romains pour monſtrer qu'ils auoient recouuré la liberté, portoient tous de bonnets : car ils auoient de couſtume quand ils affranchiſſoient vn ſerf, de luy faire raire la teſte : puis luy donnoient puiſſance de porter bonnet, qui leur eſtoit ſigne de liberté. Dont eſt venu (croy ie) que quand nous nous voulons rendre humbles deuât quelcun en ſigne de ſeruiſſe, nous oſtons le bonnet. On lit auſſi en Plutarque, que Lucius Terentius, noble Romain, marcha dernier au triomphe de Scipion, avec le bonnet en teſte, comme s'il euſt eſté ſon affranchi, pourautant qu'il le deliura des Carthageois, qui l'auoiēt fait priſonnier. Le meſme feirent aucuns Romains au triomphe de Titus Quintus Flaminius racheptez par luy, après qu'il eut aſſubietty la Macedoine. Car ayans fait raire leurs teſtes, & portans des petits chapeaux deſſus à la mode des eſclaues le iour qu'on leur dōne liberté, ils ſuyuient en ceſt eſtat le chariot triomphal dudit capitaine le iour qu'il feit ſon entree en triomphe dedans la ville de Rome. Outre cecy le bonnet ou chapeau fut ſymbole de vertu, & de grand ſçauoir, & pour cele dōne on encores pour le iourd'huy, enſemble avec le tiltre de Docteur & de Maître. Les anciens mettoient auſſi quelquesfois les ſerfs en vente, ayans le chapeau à la teſte, comme eſcrit A. Gelle, mais c'eſtoient ceux ſeulement qui n'auoient aucune imperfection: dont le chapeau vouloit deſigner, que l'acheteur ne pouuoit eſtre trōpé, & qu'à ceſte cauſe le vendeur n'eſtoit tenu par après à choſe aucune, comme que cela fut certaine marque de

de l'integrité & bonté du serf vendu. Mais ie retourne aux Castors , d'autant (comme i'ay dit) que sous ce nom est aussi entédu Pollux , à raison dequoy Bibule (qui fut consul ensemble avec Cæsar) en feit le mot, quand il veid que son collegue & compaignon auoit tellement vsurpé à soy toute l'autorité du Consulat, que ce que faisoient les consuls, on disoit auoir



esté fait par Cæsar seulement, disant qu'il luy estoit aduenü comme à Pollux, lequel au temple dedié à luy & son frere n'estoit point nommé, d'autant qu'on l'appelloit le temple de Castor seulement, ou des Castors. Ceux cy donc estoient faits (comme dient Aelian & Suydas) ieunes, grands, sans barbe, se ressemblans fort l'un l'autre, vestus de la robe militaire, ayans les espees au costé, les piques à la main, & en lieu des estoiles, que j'ay cy deuant dit, on leur faisoit aussi quelques fois aucunes petites flammes à la teste: pourautant qu'on lit que les Argenochers estans iadis estrangement trauaillez d'une griesue fortune de mer, de manière qu'ils craignoient tous de perir, & ayant Orphee fait des vœus pour le salut de tous, apparurent deux estoiles, ou bien flammes sur la teste des Castors, qui leur furent signe de sauueté, d'où vint en apres que les Castors furent inuocquez des nochers en leurs perils. Dont Pausanias escriuant de certaine statue de Néptune qu'auoient les Corinthiens, dit qu'en la base d'icelle estoient insculpez les Castors, comme ceux qu'on croioit estre Deitez salutaires aux nauires, & aux nochers, & creut on aussi y auoir deux certaines estoiles, feux, ou lumieres, lesquelles (comme escriuent Seneque & Plin) apparoißans en mer lors de la tourmente, & grand peril, sont meffageres de toute bonne fortune, donnent signe de bonnasse, & presagent que la nauire fera bon voyage. Les mariniers aussi les ont en grand honneur, & les reuerent sous le nom de Castor & Pollux, qu'ils tiennét pour Dieux marins.

*Les Castors pour-
quoy inuo-
quez des
Nochers.*

Et pource que ces deux clartez se mōstrent en l'air, & que l'air est designé par Iunon, à bon droit furent les deux freres Castor & Pollux mis en compagnie de ceste Deesse. A laquelle les fables faignent (comme racomptent Theopompe & Hellanique) que Iupiter vne fois lya avec chaines d'or, & attacha à ses pieds deux enclumes de fer, dont elle estoit pendue en l'air. Laquelle chose signifie, que ceste partie desous de l'air, qui plus est loingtaine de l'element du feu, & pource est plus espeffe, là où se font les nuees, & les autres semblables choses, s'vnit facilement à l'eaue & à la terre, qui sont elemens pesants, & qui descendent tousiours. On lit en Pausanias qu'en certaine partie de Bœotie estoit vn temple dedié à Iunon, auquel y auoit vn simulachre fort grand, qui se tenoit debout, & là elle estoit appelée Espousee. Mais il me semble qu'à meilleure raison elle eust ce nom en l'isle de Samos, pourautāt que Varron escrit, & Luctace Firmian le rapporte, que Iunon luy auoit premierement donné nom Parthenie, y ayant demeuré pendant qu'elle estoit ieune fille & vierge, & là se maria aussi à Iupiter. Dōt en sō tēple fut vne belle statue faite en forme d'espousee, qui deuoit auoir ce voile coloré, duquel les nouuelles mariees se couuroient la face, & estoit appelé Flammee, de la couleur de la flamme. car il estoit rouge, & signifioit que la ieune fille qui auoit à se conioindre en mariage avec l'homme, rougissoit de honte honneste: & ainsi ont dit quelques vns de ce voile: combien qu'autres ayent escrit qu'il s'entend autrement, comme ie di-

Voile Flammee des espousees.

ray en apres en la descriptiō d'Hymenee. A cete cause Varron escript que les anciēs obseruerent de n'accompagner ensemble les nouueaux mariez, assauoir l'espoux & l'espouse, sinon de nuit, cōme q̄ lors les ieunes honnestes filles deussent estre moins honteuses. Et alloient les espousees en la maison du mary la nuit, portees en lictiere par muletz, ou bien par bœufs, comme racompté Suidas: laquelle lictiere estoit faicte en sorte, que l'espouse s'aseoit au milieu, l'espoux en l'un des costez, & en l'autre le plus honorable & plus cher amy ou parent qu'il eust. Et Plutarque en ses problemes escrit que cinq petits garçons alloient deuant portans chacun vn flambeau allumé fait de la plante appelée *Alba Spina*, lesquelles torches oultre le seruice qu'elles faisoient, chassans l'obscurité de la nuit, donnoient aussi par leur lumiere signification & bon augure de la generation qu'on esperoit deuoir aduenir de ce mariage, comme ainsi soit que la generation n'est autre chose que produire en lumiere. Ne pouuoient estre plus de cinq, d'autant que selon le dire d'aucuns, on creut que la femme peult faire d'une portee iusques à cinq enfans, & non dauantage. Mais quelques autres considerans la chose plus subtilement, ont dit que les anciens en leurs nopces vsoient du nombre impair, comme demonstrateur de paix, & d'union, pourauant qu'il ne se peut diuiser en deux parties egales, qu'il n'y reste tousiours vn du milieu, qui les peut aussi apres rassembler & ioindre ensemble, comme conuient à tous les deux, à raison dequoy le nombre

impair fut creu estre agreable aux Dieux du ciel, auteurs de paix & de repos, & le pair aux Dieux de l'enfer, desquels vient discorde & dissension, tout ainsi que le nombre pair peut estre desvni, faisant d'icelluy deux parties egales, s'il ny demeure quelque chose entredeux, qui ayt à les reunir. Ils prindrent le cinq, parce que c'est le premier nombre, qui naist & prouient de l'vnion des deux premiers nombres pair & non pair, qui sont, trois, & deux, car l'un n'est pas nombre, mais commencement, par lequel on commence de conter. C'est pourquoy ils inuoquoient pareillement cinq Dieux, & les adoroient avec deuotes prieres. Ceux cy estoient Iupiter & Iunō adultes, c'est à dire non plus enfans: Venus, Suadele, & Diane. Outre ce les anciens presentoient à la nouvelle espousee le feu & l'eau, peut estre pour signifier que comme le feu ne peut de soy produire aucune chose, ny la nourrir, n'ayant point d'humidité, & moins l'eau, pour estre toute froide, mais est de besoing à la generation des animaux, & de toutes les autres choses produites par la nature, que la chaleur & l'humidité se ioignent ensemble: ainsi est necessaire, que pour conseruer la generation humaine, l'homme & la femme s'assemblent & conioignent: ou bien pour donner à entendre par le feu, qui purge, & separe le pur du non pur, & par l'eau, qui laue & efface les taches, & nettoye & oste les ordures, que l'espousee & toute femme mariée se doit conseruer pudique, pure & nette, & se preseruer de tout ce qui peut souiller les loix du mariage. Ils luy faisoient

*Feu &
eau presen
tez à l'espou
see.*

faisoient aussi porter le fuscau & la quenouille, & passer par dessus la peau d'une brebis à tout la laine la première fois qu'elle entroit en la maison de l'espoux, & ysoient de maintes autres ceremonies: mais fuffise pour le present ce peu que j'en ay dit, pour faire voir comme on doibue faire Iunon en forme d'espousee, puis que Varron s'en teut, quand il dist qu'en l'isle de Samos y auoit vn simulachre de Iunon ainsi fait. Mais retournant à ce que nous auons dit par la relation de Pausanias, qu'en Bœotie Iunon fut appelee l'Espousee, voions en l'occasion, selon qu'il la met, en escriuant ainsi: Iunon s'estant vne fois courroucée à Iupiter, se partit d'avec luy & s'en alla en Euboee: ce neantmoins il la vouloit appaiser, & la faire retourner, mais ne scauoit en quelle maniere. Il en demanda conseil à Cythéron, qui estoit pour lors le Seigneur de ce pays, lequel luy dist qu'il feist faire vne statue de chesne, & la portast en procession couuerte, de sorte que ne fust veüe, la faignant estre vne ieune fille nouuellement mariee. Ainsi feit Iupiter, & faignit de mettre en ordre les nouuelles nocces, à raison dequoy Iunon qui entendit cecy, retourna soudain, & s'estant approchée du chariot, où elle croioit que la nouuelle espousee fust cachée, toute plaine de ialousie, & de desdain, rompit & deschira les draps ou linges qui la couuroient, & trouuant que c'estoit vne statue de bois, en fut assez ioyeuse, & se rappaisa & reconcilia avec Iupiter, avec laquelle demeura comme nouuelle espousee. A raison dequoy furent en apres celebrez par les anciens au-

Iunon espousee.

cuns iours de feste en memoire de ceste fable, laquelle, comme Eusebe raporte, Plutarque interprete en ceste maniere: la discorde & debat d'entre Iunon & Iupiter, n'est autre chose, que l'intemperature des Elemens, de laquelle prouient la destruction des choses, s'ils ne sont temperez avec certaines proportions: tout ainsi comme par la temperature ou par certaine proportion que soit entre eux les choses naissent & se conseruent. Si donc Iupiter, c'est à dire, la vertu chaulde & de feu, deuiant par trop seiche, toutes les choses se meurent. Et si Iunō, assauoir la nature humide, & venteuse surmonte Iupiter, ne fait conte de luy, & le mesprise, il y aura tāt de pluyes, qu'il s'en fera vn deluge qui inondera la terre, comme aduint iadis vne fois en Bœotie, qui estoit couuerte de l'abondance des eaues, lesquelles apres auoir esté escoulees, & la terre demeurant decouuerte, les fables faignirent que fut faite la reconciliation de Iupiter & Iunon, laquelle mettant en pieces les draps ou linges, feit que la statue du chesne fut veue, pourautant qu'on dit, que le premier arbre qui sortit hors de la terre, fut le chesne, lequel comme dit Hesiodé, fut aux mortels de double utilité & ayde, comme ainsi soit que des rameaulx d'icelluy ils recueillirent les glands, dont ils viuoiēt premierement, & du tronc s'en feirent des toits & loges pour estre à couuert, & se garentir de l'iniure du temps. A Iunon les anciens feirent ghirlandes de blancs lys, lesquels ils appelloient les roses de Iunō, dautant que taints de son lait ils deuindrent blans,

*Chesne grā
dement v-
tile.*

*Roses de
Iunon.*

comme

comme racontent les fables, difans, que Iupiter pendant qu'elle dormoit luy ioignit Hercule encores petit enfant aux mammelles, affin que le nourriffant de son laiët, elle ne l'eut onques par apres en hayne. Mais icelluy tettant trop auidement & goulument, feit que la Deesse s'esueilla, & l'ayant reconnu, le repouffa soudain loing d'elle, de sorte que le laiët se respendit par le ciel, & là feit ceste liste & trace blanche qui s'y void encores, laquelle les Astrologues appellēt *γαλαξία*, voye lactee, ou chemin de laiët: & partie aussi en tomba ça bas en la terre, dont les lys en demeurerent ainsi taints de blanc, lesquels naiz & produïts par apres, sont tousiours blancs. Tertulian escrit qu'en Arges cité de la Grece, y auoit vn simulacre de Iunon ceinët de rameaux de vigne, & qui auoit sous les piedz vne peau de Lion, comme si elle voulust auoir ceux là en mespris, & en despit de Bacchus, & ceste cy en desdain & deshonneur d'Hercule, car l'un & l'autre, assauoir & Bacchus & Hercule, luy estoient grandement odieux, comme marastre qu'elle estoit d'iceux, selon les fables. En Lanuuium, cité de Latium, estoit adoree Iunon Sopite, que nous pouuôs appeller saulueresse, comme principale Deité de ce lieu là, ainsi que recite Tite Liue: & comme escrit Ciceron, sa statue auoit là vne peau de cheure à l'entour, & portoit la pique & vn petit bouclier. Et Feste Pompee parlant de Iunon Februale, pourquoy elle auoit ce nom, dit que les Romains luy sacrifioïent au mois de Feburier, & que les festes des Lupercales celebrees en ce mois luy estoient

*Voye La-
ctee.*

estoyent consacrees, ausquelles les Luperques alloiēt courans par la ville, & purgeoient les femmes, asçavoir celles lesquelles n'ayans encores eu enfans, craignoient d'estre steriles, & qui pour ceste occasion leur bailloient la main, & leur presentans les espaulles, iceux les battoient avec ce dont lon fait le fouët ou verges de Iunon, qui est du cuyr de peau de cheure. Outre ceci on trouue que les anciēns feirēt la statue de Iunon quelquesfois aussi tenant des cizeaux ou forces à la main, comme raconte Suidas, & en rend la raison, disant, que l'air entendu par Iunon purge & nettoie, comme les forces coupant les cheueux & le poil font les corps polis, & nets. Et en vne antique medalle de l'Empereur Nerua se voit vne matrone couronnee de rayons, laquelle est assise en vn hault esleuē siege, & tient de la main gauche vn sceptre, & de la droiēte des cizeaux. Plusieurs ont estimē ceste cy estre Iunon: toutesfois les lettres, qui sont en la mesme medalle, la dient la Fortune du Peuple Romain. Il ne me souuient pas d'auoir veu ou leu d'autre image, ou statue de Iunon, sinon qu'aucuns, sçachans que les anciens la dirent auoir esté l'inuentrice du mariage, & qu'elle auoit le soin des nopces (dont Didon en Virgile, apres qu'elle a desseigné de faire Aenee son mary, sacrifie à aucuns Dieux, mais deuant tous à Iunon, qui tient le soin du nœud marital) l'ont faite debout vestue, tenant des testes de pautot à la main, & ayant vn ioug à ses pieds, voulans par iceluy signifier comment le mary & la femme doibuent demeurer ioints ensemble, &

par les testes de pauot, la grâde lignee qui par-apres vient à succeder & s'estendre en grand nombre. A cete occasion à Rome y auoit anciennement vn lieu appellé chemin Iugaire, pourautant aussi que Iunō est dite Iugale, comme que par la faueur de sa diuinité l'hōme & la femme s'accouplassēt ensemble. Elle eut là vn autel auquel alloiēt les nouveaux espou-

*Chemin Iu-
gair.
Iunon Iu-
gale.*



Le Mariage.

Fiel ietté.

lés qui estoient liés ensemble, par le sacrificateur avec certains neuds, leur dōnant entendre par cela, que leurs volontés deuoient estre tousiours vnies & conformes ensemble, comme les corps estoient pour lors liés avec ces neuds. D'où il est aduenü, qu'aucuns en apres prenans l'exemple de ceci, & de ce qui se peut voir par l'image de Venus faicte avec des ceps, ont peint le Mariage ayant vn ioug sus le col, & les fers aux pieds. Aucuns ont voulu que ceci fut premierement introduyt par Iunon, comme i'ay dit, autres par Venus, & autres par Hymenee, lequel fut à cause de ceci adoré comme Dieu des nopces, lequel ilz inuoquoient avec certaynes prieres solennelles, afin qu'à icelles il fust fauorable, & les fist bien prosperer par sa puissance. Mais on lit aussi que les anciens pour monstrier par plusieurs ceremonies la paix & vnion, qui deuoit estre entre le mari & la femme, & leur souhaitans aussi tout bien & consolation, ne parloient point en celebrant les nopces, sinon des choses qui leur pouuoient porter bon augure, & signe de felicité. A cause de quoy ilz appelloient aussi souuent la Corneille, comme lon voyt en l'image de la Concorde: car aussi en sacrifiant à Iunon Iugale, ils ostoient le fiel à la beste du sacrifice, & le iettoient derriere l'autel, pour monstrier qu'entre le mari & la femme ne doit estre amertume ny hayne, ny desdain aucun. Pour ceste cause aussi aucuns veulent que Hymenee fut appellé semblablement & inuoqué, non pas pour auoir ordonné le mariage, mais bien pource que apres auoir eu beaucoup de pei-

nes

nes & grands dangiers, il obtint les nopces qu'il sou-
haitoit avec grande felicité. & la fable est telle : Hy-
menee fut vn ieune homme, de la ville d'Athenes,
si beau, & de visage tant mignard & delicat, que plu-
sieurs pensoient que ce fut vne femme : cestuy ci s'en-
amoura d'une fort belle ieune damoiselle, & sans
esperer de iamais pouuoir iouyr de l'amour d'icelle,
par ce qu'il estoit de richesses & de race par trop in-
ferieur à la fille. Il se nourrissoit le mieux qu'il pou-
uoit de la veüe d'icelle, & la suyuoit tousiours là où
luy estoit loisible d'aller: en quoy l'aydoit beaucoup
ce qu'il estoit beau, & acoustré parmi les autres ieu-
nes filles, de sorte que lon eust estimé aysement qu'il
fust vne d'icelles. Mais cependant que le miserable
trompe les autres, & plus soy-mesmes, il aduint qu'il
fut desrobé, avec sa bien aymee, & avec plusieurs au-
tres fort belles damoiselles de la ville d'Athenes, qui
estoient allees hors la ville, aux sacrifices de Ceres
Eleusine. ce qui fut fait par des coursaies de mer,
qui arriuerent là à l'impourueu : lesquels puis apres
s'estans elloignez d'Athenes, beaucoup de lieuës,
fort ioyeux de la proye, se mirent en terre, & s'estans
retirez en quelque lieu, là où ils pensoient estre bien
asseurez, estans las à cause de la lōgue nauigation, ils
s'endormirent. Lors Hymenee, prinse l'occasion de
se deliurer avec les ieunes filles rauies, les tua tre-
stous deuant que aucun d'eux fust esueillé: & apres
les auoir remises en lieu de seurté, il s'en retourna à
la ville, & promit aux Atheniens, de leur restituer
leurs filles qu'ils auoyent perdu, moyennant qu'on

luy donnaſt pour femme celle qu'il aymoit vniquement. Ce que luy fut accordé volontiers : car chaſcun eſtimoit qu'il l'auoit bien merité. Et en ceſte ſorte Hymenee eut la belle ieune damoiſelle, qu'il auoit tant ſouhaité, & apres auoir fait les nopces ſolennelles & ioieuſes, il veſquit apres avec elle heureuſement toute ſa vie. A l'occaſion donques que par ceſtuy ci furent deliurees ces vierges, & que le mariage qu'il deſiroit tant, eut heureuſe iſſue, pour ceſte cauſe les anciens repliquoient ſi ſouuent le nom d'Hymenee aux nopces pour bon augure : comme ceux qui ſouhaitoient à ceux qui ſe marioyent la felicité d'Hymenee. Mais ce fut couſtume des Grecs, comme auſſi des Romains, d'appeller Thalaffe pour bon augure des nopces. Car comme Tite Liue eſcrit, quand les Romains rauirent les Sabines, vint entre les mains d'un pauvre ſoldat, vne fort belle ieune fille, laquelle il dit à qui luy en demandoit la cauſe, qu'il la conduyſoit à Thalaffe : car il s'eſtoit deſia aperceu qu'on luy auoit par pluſieurs fois ietté l'œil deſſus, pour la luy oſter : & pour lors Thalaffe eſtoit un capitaine de grāde valeur, qui eſtoit auſſi pour ceſte cauſe fort reſpecté, à cauſe de quoy entédant parler de luy, perſonne n'oſa toucher à la ieune damoyſelle, ayns feirent bonne compagnie à celui qui l'auoit, & aloiēt criāt tous enſemble, à Thalaffe, à Thalaffe, auquel fut tant agreable la damoyſelle, qu'il la print à femme en ioyeuſes nopces, & veſquirent apres touſiours fort heureuſement enſemble. Ilz appelloient donques Thalaffe, en ſouhaitant aux

nouveaux espousés, le bon heur que pour le nom d'iceluy eut la damoiselle rauie. Ou autrement ceci estoit, pource que Thalasse signifie certain panier, ou corbeille, en laquelle les femmes tenoient leur layne & les autres choses pour filer, & les anciens vouloient, selon le dire de Varron en repliquant souuent ce mot aux nopces, faire souuenir à l'espousee quel deuoit estre son office, puy qu'elle estoit mariee, comme ie, Du Verdier, ay deduit en mes diuerses leçons. Ce que conserme aussi Plutarque, en ses problemes, recitant aussi ce que i'ay dit vn peu au parauant, que l'espousee entrât en la maison du mary la premiere fois portoit avec soy la quenouille, & le fuseau, & passoit par dessus la peau d'une brebis, ou s'asioit dessus, comme Feste Pompee escript. Car de la brebis se tire la layne, qui s'acoustre apres pour filer: & disoit puy apres ces parolles, *Là ou tu es Caius, ie suys Caia.* ce qui signifioit, que tout deuoit estre commun entre le mary & la femme, & qu'en la maison tous deux deuoient estre egaleement les maistres. Et quelques vns ont voulu qu'en telle ceremonie, fut coustume d'vser de ce nom de Caia, pource que Caia Cecilia, autrement Tanaquil femme de Tarquin le prisque, fut femme sage & vertueuse qui gouuerna fort bien sa mayson. A cause dequoy Varron escript, & Pline le recite, qu'en quelque temple fut gardé, comme chose digne de grande reuerence, le fuseau & la quenouille de ceste femme, & aucuns adioustant aussi les pantouffles. D'où ils dient aussi que vint la coustume que l'espousee porte avec soy, la

*Thalasse in-
uoqué aux
nopces.*

quenouille, avec la layne & le fuseau, pour souuer-
 nance d'ensuyure la vertu de ceste grande dame, le-
 quelle fila & fit vn fort beau habit Royal, à Seruius
 Tullius son gendre, qui fut puy apres mis au tem-
 ple de la Fortune. La nouvelle espousee estoit aussi
 ceinte de certaine bande de layne, estroite sur la che-
 mise, avec le nœud d'Hercule, lequel estoit desnoué
 par l'espoux la premiere nuyt qu'il estoit avec elle,
 en prenant augure d'estre aussi heureuse de auoir
 enfans, comme fut Hercule, qui en laissa plus de se-
 ptante. & pour ce faire il appelloit pour son ayde la
 Deesse Virginese, d'autant que l'on estimoit qu'elle
 auoit la charge de faire que la bande que les vierges
 portoient tout le temps qu'elles demeuroient vier-
 ges, fust desnouee heureusement soudain qu'elles se-
 roient mariees. & les anciens, comme recite S. Au-
 gustin avec l'auctorité de Varron, auoient coustume
 de porter ceste Deesse, avec quelques autres en la
 chambre, où deuoient estre ensemble la premiere
 nuyt les nouueaux mariés, afin qu'avec l'ayde de
 ceux cy, l'espoux eut plus aysemēt le fruct de la fleur
 qu'il desiroit, & à fin aussi que l'espouse ne l'empes-
 chast point, mesmes se voyant à l'entour d'elle si
 grand nombre de Dieux, qui l'exhortoient à cela, &
 aussi vn chascun selon son deuoir. Car les offices
 estoient compartis entr'eux en cest affaire, & semble
 que les presidents & principaux en cest affaire
 estoient Venus & Priape, auquel fut aussi donné vn
 office en particulier, & l'appellerent pour lors le
 Dieu mutin: & l'office estoit de dōner force à l'espoux
 de tra

de trauailler puyſſamment, & de mettre au cœur à l'eſpouſee de ne faire aucune reſiſtence. Il y auoit puyſ apres le Dieu Iugatin, qui eſtoit pour ioindre enſemble l'homme & la femme, & auſſi le Dieu qui s'appelle Subige, qui procuroit que l'vne partie ſe meit deſſous, & que l'autre ſe laiſſaſt ſoubsmettre ayſement. Il y auoit auſſi la Deeſſe Preme, laquelle induiſoit l'eſpouſee à ſe layſſer bien preſſer, & auſſi la Deeſſe Partunde, qui ne laiſſoit point craindre, pour cauſe d'enfantement qui deuſt aduenir. Je penſe auſſi qu'il y en auoit des autres. Car comme j'ay dit du commencement, les anciens feirent des Dieux particuliers pour tout ce qu'ils faiſoyent, ou autrement ils donnoient la charge par diuers noms, à vn ſeul de choſes diuerſes: comme à ce propos Martian Capelle parlant à Iunon luy baille & exprime les quatre noms, *Iterduca, Domiduca, Vnxia, & Cinthia*. leſquels luy furent baillez aux ceremonies des mariages, & dit: A bon droit les ieunes eſpouſees, ont occaſion de te prier de bon cœur, à fin que tu ayes ſoin d'elles en cheminant, & que tu les conduyſes aſſeurement aux maiſons de leurs eſpoux qu'elles deſirent, & que tu faces que l'onction des portes ſoit avec bon augure, & que tu ne les abandonnes point, quand elles laiſſent ou poſent la ceinture virginale. Et ceci fait que Iunon eſtoit la Deeſſe Virginèſe. Mais laiſſant à part ces Dieux, deſquels ie n'ay onques encor trouué aucun ſimulachre: ie retourne à quelque ceremonie, de celles qui peuuent ſeruir à l'image de Hymenee. Les anciens auoiēt de couſtume d'enuirōner les

portes

portes tout à l'entour de bandes, ou fil de layne, en engraiſſant les gons d'icelles avec graiſſe de pourceau, & de bouc, pour remede contre tous enchanemens, lesquelz eſtoiēt faits ſouuent aux nouueaux eſpouſés quand le bruit des gons eſtoit ouy en ouurant ou fermant les portes: pour ceſte cauſe, comme aucuns dient, l'eſpoux reſpandoit auſſi des noix, afin que lon n'ouyſt point d'autre bruit, horſmis celui qu'elles faiſoient en tumbant par terre, comme auſſi celui que faiſoient les enfans en les cueillant, ou autrement, pource que quelcune par fois crioit ſi fort, & ſe playgnoit ſi grandement, en denouant la bende que j'ay dit, qu'elle faiſoit grande compaſſion à qui l'entendoit. Autres ont dit que le repandre les noix, ſignifioit que l'homme en ſe mariant laiſſoit toute choſe puerile, pour ce que les enfans ont couſtume de iouer ſouuent aux noix. Varrō vouloit que ceci ſe fiſt pour auoir bon augure de Iupiter, à qui les noix ſont conſacrees. Plinē auſſi l'expoſe d'une autre ſorte, mais & de ceci & des autres ceremonies dont lon uſoit aux nopces, ſuffit ce que j'en ay touché pour peindre le Dieu d'icelles, qui fut

(cōme j'ay dit) Hymenee. Ceſtuy ci fut fait en forme d'un beau ieune hōme, couronné de diuerſes fleurs, & de plāte verde appellee Perſa, qui eſt la marioleyne, qui tenoit un flābeau allumé en la main droite. Et en la gauche auoit le voile rouge, ou iaune, avec lequel ſe couuroient la teſte & le viſage les nouuelles eſpouſees, la premiere fois qu'elles ſe marioyent, & la raiſon que deſia j'ay promis dire de ceci, fut telle

*Image
d'Hymenee*

telle, à ſçauoir que les femmes des ſacrificateurs des anciens Romains, auoient couſtume de porter quaſi touſiours vn ſemblable voile, & pource qu'à ceux ci n'eſtoit point permis de faire iamais diuorce, quãd l'eſpouſee ſe couuroit de ce voile, elle ſignifioit qu'elle ſouhaittoit que ce mariage ne fut iamais deſſait, rompu ny ſeparé. Mais ceci n'empêche pas, que la meſme choſe ne ſignifie l'honneſteté de l'eſpouſee, qui eſt honneſtement honteuſe, comme i'ay deia dit: ce que nous pouuons dire, eſtre vne meſme choſe avec ce que les Latins appellent *Pudor*, c'eſt à dire, honte honneſte: ce qui fut en ſi grande recommandation entre les anciens, que meſmes elle fut adoree comme vn Dieu. A l'occafion dequoy les Atheniens luy dedierent vn autel, & les Lacedemoniens luy firent vn ſimulacre, pour la raiſon recitee par Pauſanias. Icare auoit marié ſa fille Penelope à Vlyſſes, avec deliberation, qu'il ne la luy oſteroit iamais hors de la maiſon, & qu'ils habiteroient touſiours tous enſemble, cõme pluſieurs fois il l'en pria puy apres: mais en vain: car Vlyſſes auoit deliberé de ſe retirer avec ſa femme en ſa maiſon. pour ceſté cauſe le bon vieillart ſe mit à prier la fille, qu'elle ne l'abandonnaſt point, & combien qu'elle fuſt deſia en chemin, pour s'en aller avec le mari, luy neantmoins ne ceſſoit en l'accompagnant de la prier de demeurer avec luy. A la fin Vlyſſes vaincu de l'importunité de ſon beau pere, ſe retourne vers ſa femme, & luy donne congé de faire ce qu'elle vouloit, à ſçauoir d'aller avec luy, ou de demeurer avec ſon pere, & elle ne



respondit autre chose sinon qu'en se tirant le voile
 sus la teste, elle se couurit le visage avec icelluy: & lor
 le pere entendit fort bien, que la volonté de la fill
 estoit d'aller avec son mari. pour ceste cause sans dir
 autre chose il la laissa aller, & là où elle se couurit l
 visage, il fit vn simulacre au Dieu appelé Pudor
 c'est à dire l'honneste, & sainte honte, que monstr
 Penelop

Pénélope, de contredire à son pere, pour ne laisser son mari, & ce Dieu deuoit estre fait semblablement avec le visage couuert, en sorte que si la hôte se monstre en ceste sorte, lon peut bien dire, que pour ceste cause l'espousee nouuelle se couuroit avec le voile, lequel i'ay dit que Hymenee portoit en sa main gauche. Mais pour dire ce qui reste de luy, il auoit aux pieds certaine sorte de souliers accoustumez aux comedies, & les femmes aussi les portoient, & tout le pourtrait & dessain que i'ay fait de cestuy ci, est escrit par Catulle en l'Epithalame de Manlius & de Iulie, en ceste sorte.

Hymenee ô Hymen, qui as pour ta maison

Le saint mont d'Helicon:

Enfant d'Vrania, qui conduits la pucelle

A son mary fidele:

Enuironne ton chef d'un chapeau fait de fleurs

Rendant souesues odeurs.

Prends le voile vermeil, & en reiouissance,

Vers nous ton pas auance:

Viens icy, viens icy, ayant le pied paré

Du brodequin doré.

Et puis estant induit par la gaye iournée,

O celeste Hymenee,

Chantant les vers nopciers entre nous cete fois

De resonnante voix.

Que ton pied trepignant au milieu de la dance

Accorde à la cadance:

Esbranle de ta main le resineux flambeau,

En un acte tant beau.

Et par vn Poëte François à l'imitation du mesme Catulle ainsi que s'ensuyt.

O Hymenec, Dieu qui au roc Thespien
 Apres ta mere ensuis l'Aonienne bande,
 A ce coup, à ce coup, il fault que lon descende.
 Ce n'est pas maintenant que te doiuent tenir
 Les antres d'Helicon, c'est or' qu'il faut venir
 En ton habit pourpre, car ta mere Vranie
 Mesme n'y faudra pas, avec sa compagnie.
 Pren ta torche en ton poing, mais mets premierement
 Tes souliers écoltés, ayant gaillardement
 De beaux rians bouquets les molles ioues ceintes:
 Et fay flamber ce soir tes belles torches peintes.
 Ne tarde plus, vien t'en, d'un gay gosier chantant
 Un hymne de la feste, & balant & sautant,
 Ores cà, ores là en ta libre cadance,
 Retrepignant des piedz vien commencer la dance,
 Ainsi sois tu tousiours un Dieu gay, & gaillard,
 Sans te monstrier iamais ni lasche, ni vieillard:
 Tousiours un cotton d'or sur ton menton se frise,
 Et la bonne Iunon tousiours te fauorize.
 La deesse des bleds te poursuiue, & aussi
 Le bon pere Bacchus, qui chasse le souci.
 Le long ris, & les ieux, & la douce lieffe,
 Le petit Cupidon, & sa mere deesse
 Soient tousiours à ta dextre: & tousiours te querant
 Tout le monde amoureux humble t'aille adorant.

O Hymen, bon Hymen, que tu es admirable,
 Sans toy un triste amant languiroit miserable,
 Et de son long espoir ne gousteroit le fruit.

Par toy seul il reçoit la desirée nuit,
Ministre de tes dons, tu rallentes sa flamme,
Et la fille en un soir tu fais devenir femme.
Mais quel Dieu oseroit à toy s'accomparer?
Le grand Jupiter mesme à voulu t'honorer,
Et recepuoir tes loix: toute l'humaine race
Periroit sans avoir le secours de ta grace,
Et sans toy longuement rien ne pourroit durer.
Mais quel Dieu oseroit à toy s'accomparer?

LA GRAND MERE.

Les anciens estimoient que la terre fut la première de tous les Dieux: & pour ceste cause ils l'appelloient la mere grand, & la mere des Dieux. Et d'autant qu'ilz confideroient la nature d'icelle estre diuerse, & plusieurs estre ses propriétés, semblablement luy donnerent plusieurs & diuers noms, & l'adorerent en plusieurs sortes, & luy dresserent des statues. Parquoy d'autant que j'ay deia dit que quelque fois ils ont parlé d'icelle sous le nom de Iunon, & luy ont dressé des images, maintenant ie diray, les autres, qui furent Deesses des anciens, & signioient la terre. A ceste ci seulement entre toutes les parties du monde Plin^e escript qu'à bon droit fut donné le furnō de la reuerēce & honneur maternel. Car apres que les hommes sont naiz, elle les reçoit selon la coustume des anciē, laquelle estoit de mettre les enfans soudain apres estre sortis du ventre de la mere, en terre, comme entre les bras de la mere ge-

Pourquoy
la terre soit
honorée du
nom de me-
re.

nerale de tous , de laquelle ils l'ostioient puis apres soudainement. Pour ceste cause ils eurent vne Deesse appelée Lenona , laquelle ils estimoient que c'estoit à elle de faire bien heureux le petit enfant qui estoit né en ceste heure là, comme aussi ils en eurent vne autre qui auoit la charge de garder les berceaux des petits enfans , laquelle ilz nommoient en Latin *Dea Curina*. Vatican aussi fut le Dieu des pleurs des petits enfans. Car *Vagire* c'est à dire pleurer. Il y auoit aussi vne autre Deesse appelée *Dea Pauentia*, laquelle estoit par dessus la crainte & espouuëtemēt desdits petits enfans. Il y eut aussi *Potina* , qui fut la Deesse de leur boire, comme *Educa*, du manger. D'autant donques que la terre a receu les hommes soudain qu'ils sont nez , elle les nourrit puis apres & sustente comme mere amiable, & les reçoit aussi à la fin quand ils sont abandonnez de tous, en son ample sein, & les serre en soimesme , ce qu'elle fait non seulement aux hommes & autres animaux , mais aussi à toutes les autres choses, car non seulement il semble qu'elles ayent la vie d'elle ici entre nous , mais aussi elles sont par icelle soutenues , nourries & conseruees. Pour ceste cause donques à bon droit, la terre fut appelée la grand mere , semblablement aussi la mere des Dieux. Car les Dieux des anciens auoient esté hommes mortels , & pour vn temps ils auoient vescu de ce que la terre produyt , comme aussi en vivent tous les autres hommes. Ceste grand mere fust aussi celle qui fut appelée Ops , Cibelé, Rhea, Vesta, Ceres: & eut d'autres noms, tous signifiās les diuer

diuerſes vertus de la terre, deſquelles ie declareray
 e nom,quãd ie monſtreray leurs images, ſelon qu'il
 ne viendra à propos. Car tout ainſi que les peintres
 veulent orner & enrichir tous leurs tableaux, avec
 tous les ornemens plus grands qu'ils ſçauent,à celle
 fin qu'ils reſemblent plus beaux & plus plaiſants à
 ceux qui les regardent, i'ay cherché de faire le ſem-
 blable, cependant que ie pretens de faire le deſſain
 de ces images, avec ma plume. Car par fois ie declare
 quelques nōs, quelq̃fois ie baille l'expoſitiō de quel
 que fable, & aucune autre fois recite ſimplement, &
 par fois auſſi ie touche quelque hiſtoire, ſelon qu'il
 me ſemble eſtre conuenable à ce que i'auray deia
 dit, ou qui reſtera à dire. Car il me ſemble, qu'en ceſte
 ſorte, ſi ie ne ſuis plaiſant à celuy que me lira, pour
 le moins, ie ne ſeray pas par trop ennuyeux, attendu
 que la variété des choſes, couſtumièrement oſte la
 facherie du lecteur. Venant donques à parler de la
 grand mere, elle fut appelee Ops, par les anciens, *Ops.*
 car ce nom ſignifie ayde, & n'y a choſe, qui aide plus
 à la vie des hommes, que la terre: pour ceſte cauſe
 Homere l'appelle, donnant la vie. Car elle nous don-
 ne là où nous pouuons commodement habiter, elle
 nous preſente dequoy nous nourrir, & par pluſieurs
 autres moyens, elle nous ayde, comme bonne & pi-
 teuſe mere. Pour ceſte cauſe, quand Martian la deſ-
 crit, il dit qu'elle eſt fort aagee & a vn grand corps.
 Et ceci eſt conforme à ce que dit Pauſanias, c'eſt aſça-
 uoir qu'en quelque part de la Grece, pres de la ri-
 uiere Craſide, fut vn petit temple de la Terre, la où
 elle

elle estoit appelée la Deesse de la large poitrine : & que combien qu'elle enfante souuent, & qu'elle aye à l'entour de soy beaucoup d'enfants, neâtmoins elle a aussi vne belle robe, toute peinte à fleurs, de diuerses couleurs, & vn manteau tiffu d'herbe verde, auquel semble que soyent toutes les choses qui plus sont prisees entre les hommes, comme sont les pierres pretieuses, & tous métaux, & mesmes là se voioit aussi grande abondance de fruiets, & vn nombre merueilleux de toutes choses. Qui est donques celui qu'en ce pourtrait, ne recognoisse la Terre, laquelle Varron, selon ce que recite S. Augustin, au liure de la cité de Dieu, veut qu'elle ait esté appelée Ops, d'autant que par l'œuure de l'homme elle se fait meilleure, & tant plus qu'elle est labouree, tant plus elle est fertile. Elle est aussi nommée Proserpine, pour ce que quand les bleds sortent d'icelle, ils sortent comme rempans, que les Latins appellent *Serpere*. Elle est aussi appelée Vesta, d'autant qu'elle se vestit d'herbe verde. Dauantage il la depeint, & declare aussi toute sa peinture, comme pareillement nous pouuons recueillir de Boccace, quand il escrip de la generation & race des Dieux, & dit qu'elle sur la teste, vne couronne faite à tourrions, d'autant que tout le circuit de la terre, est comme vne couronne, tout rempli de villes, villages, & de chasteaux & d'autres edifices. Le manteau est tout tiffu d'herbe verde, & aussi enuironné de rameaux feuillus, & qui se voit par les arbres, plantes, & herbes qui couurent la terre. Elle a le sceptre en la main, qui signifie qu'elle

*Exposition
de l'image
de la Deesse
se appelée
Ops.*

qu'en la terre sont tous les roiaumes, & toutes les richesses des hommes, & aussi la puissance des Seigneurs de la terre. Par les tabours qu'elle a, semblablement est entendue la rondeur de la terre, partie en deux Hemispheres, desquelles l'une est appelée l'Hemisphere superieure, qui est celle que nous habitons, & l'autre est l'inferieure, où sont les Antipodes. Elle a en apres vn chariot à quatre rouës: car combië qu'elle demeure ferme & immobile, neantmoins les œuures qui se font en icelle se diuersifient avec tel ordre par les quatre saisons de l'annee, & s'entresuiuent l'une l'autre, & ce chariot est tiré par les Lions, ce qui est fait pour monstrier ce que font les laboureurs en semât le blé: car soudain ils le couurent afin que les oiseaux ne le desrobent, comme font les Lions quand ils cheminent par lieux remplis de poussiere, lesquels comme escript Solin, effacent & ostent leur trace avec la queue afin que par icelles les veneurs ne puissēt espier la part où ils vont. Ou autrement pour cause qu'il n'y a aucun terroir, pour aspre & dur qu'il soit, qui ne vienne mol, & fertile à produire fruiçts en le cultiuant. Ce qui est aussi pour signifier, qu'en mettant sous le ioug & obeissance de la Deesse Ops, le Lion, qui est le roy de tous les autres animaux, les Rois & les Seigneurs du monde sont semblablement suiets aux loix de nature, & ont aussi faute de l'ayde de la terre, comme les autres. Les fables dient qu'estant indignee, & fachee la mere des Dieux, cōtre Hippomanes & Atalante, d'autant que sans auoir aucun respect ni reueren-

*Naturel
des Lyons.*

ce à la deité d'icelle, ils coucherent ensemble, en vne forest qui luy estoit consacree, elle les conuertit en Lions, & pource elle voulut que depuis ils tirassent tousiours son chariot. Les sieges qui sont vuides à l'entour de ceste Deesse, monstrent que combien que toutes les autres choses se meurent, elle demeure tousiours ferme: ou autrement, ce qu'elles sont vuides, nous signifie que non seulement les maisons, mais bien aussi les villes, & pour occasion de guerre, & pour occasion de peste, & autres inconueniens, sont vuydes souuent: ou autrement, qu'en la terre, sont plusieurs lieux deserts, vuides & non habités. Les sacrificateurs, appelez Coribantes, qui sont là armés & tous debout, signifient que non seulement ceux qui labourent la terre, mais bien aussi ceux qui commandent & ont la seigneurie des villes & des royaumes, ne doiuent pas estre assis ni demeurer oisifs, ains qu'un chascun doit prendre ses armes, les vns pour cultiuer la terre, les autres pour defendre la patrie. Or voici toute l'image, que Varron fait, de la Deesse Ops, lon met sur un chariot, qui est tiré par des Lions, vne femme, qui a la teste enuironnee de tours, comme vne couronne, & qui tient le sceptre en la main, estant vestue d'un manteau tout chargé de rameaux, d'herbes, & de fleurs: & à l'entour sont aucuns sieges vuides, & y sont aussi des tabours qui sonnent, & mesmes elle est accompagnée par certains sacrificateurs, qui ont le morion en teste, l'orodache au bras, & la pique à la main. Isidore escrip qu'il fut baillé autresfois à l'image de la grand mere



ne clef pour signifier que la terre, en temps d'hyuer
 e ferre, & cache en soy la semence, qui a esté respan-
 lue sur elle, laq̃lle venant à germer, sort dehors puis
 pres au printemps, & pour lors dit on que la terre
 ouure, comme tesmoigne Alexandre Napolitain.
 Les anciens faisoient aussi à ceste Deesse, des chap-
 pelets & couronnes de chesne, pource que iadis les

*Vne clef
 baillee à l'i-
 mage de la
 grand mere
 & pour-
 quoy.*

hommes viuoient de la gland qu'elle produit, comme auioird'huy ils se nourrissent du bled, & des autres fruits qu'elle mesme apporte. Lō faisoit aussi les ghirlandes, & chapelets des rameaux du pin, pource que cest arbre estoit consacré à icelle, ou soit pour le grand nombre des pins qui estoit au pays de Phrygie, auquel elle fut premierement adoree: à cause de-

*Deesse Phry-
gienne.*

quoy elle fut aussi appelée la Deesse Phrygienne, comme si ce pays là fust sa propre patrie, là où furent premieremēt celebrees ses ceremonies sacrees, & où à cause de Berecinthe, montaigne de ce pays, elle fut aussi appelée Berecinthe, comme l'appelle Virgile quand il compare Rome à elle, & la descript aussi pour la plus part, disant,

Berecinthe.

*Comme se fait Berecinthe conduire
Par les citez de Phrygie, au charroy,
Mere, de tous ornee en bel arroy,
Ioyeuse en soy d'auoir porté la race
Des puissans Dieux, dont cent nepueux embrasse,
Tous habitans aux cieux clairs & serains.*

*L'arbre du
Pin donné
à la grand
mere.*

Ou autrement le pin fut donné à ceste Deesse, pour ce que Atys, qui estoit tresbeau ieune homme, & grandement aymé d'icelle, en mourant fut changé en cest arbre, & la fable dit qu'estant ceste Deesse amoureuse de ce ieune hōme, d'amour pure, sainte & chaste, le print à soy, & luy bailla la charge de ses choses sacrees, avec condition qu'il demeureroit vierge & pudique tousiours, comme aussi il luy promit de faire, & s'en obligea par serment. Mais le miserable ne le garda point. car deuenu amoureux d'une belle

*Atys & sa
femme.*

Nym

Nymphes, fille de Sagaris, qui est vne belle riuere de ce pays, il oubliâ sa promesse, & iouyt souuent de l'amour d'elle. A cause dequoy la Deesse estant grâdemment courroucée, fit mourir soudainement la Nymphes, & chassa le ieune homme hors de son seruice: lequel se repentant de son péché, vint en si grande rage & fureur qu'il alloit comme fol, courant par les hautes montaignes, en criant & yrlant tousiours, frappant & heurtant de la teste ça & la, mesmes se bleffoit avec pierres dures & caillous pointus & tranchans son corps delicat en plusieurs endroits, & qui plus est, apres s'estre coupé le membre, qui auoit si grandement offensé la Deesse, il le ietta bien loin de soy, & estoit pour se tuer du tout, si ne fust qu'icelle en fin esmeüe à pitié de luy, le fit changer en vn pin, ainsi qu'elegamment descript Ouide, disant,

*Et le haut Pin dont le seul sommet porte
Les verds rameaux qu'il produit & apporte:
Arbre qui plaist à la mere des Dieux,
Pource qu'Atys iadis fort gracieux,
Pour le regard de sa figure belle,
Et qui seruoit la Deesse Cybele,
Fut transformé en Pin.*

Or pour monstrier qu'elle auoit encores quelque memoire de ce iouuenceau qu'elle auoit aymé, elle voulut estre couronnée des rameaux du Pin, & commanda qu'à l'auenir les sacrificateurs fussent chastrés, avec vn caillou bien tranchant, tout ainsi que ce miserable ieune homme se chastra soy mesmes, & qu'ils allassent aussi le iour de sa feste, ainsi tournant & re-

Sacrificateurs chastrés.

muant la teste, & se frapant les bras & les espaules, & qu'ils respendissent leur sang comme fit ce ieune homme, quand iadis il couroit forcené par les montagnes. Ces sacrificateurs entre autres noms furent aussi appelez Galli, à cause d'une riuere de Phrygie qui porte le nom : & celluy qui beuuoit de l'eau de ceste riuere, deuenoit fol tout soudain, & estoit propre pour seruir à ceste Deesse, car il faisoit hardiment toutes les folies que j'ay dit. Pausanias escript, qu'en certain pays de la Grece, fut dédié vn temple à ceste Deesse, & aussi à Atys, lequel aucuns diét auoir esté tué par vn sanglier, qui fut enuoyé pour ce faire, par le commandement de Iupiter, lequel fut ialoux qu'il fust si familier de ceste Deesse, & tant bien aimé d'elle : & raconte par apres vne autre fable du mesme Atys, laquelle mesmes est si fort fabuleuse, qu'elle me semble meriter d'estre recitee. Il dit donques que de la semence de Iupiter ietee en terre, lequel parauenture songeoit d'estre avec quelque belle fille, naquist vn genie (ou plustost vn diable en forme d'homme) lequel neantmoins auoit l'un & l'autre sexe, & fut appelé Agdiste : duquel estant les autres Dieux espouuantés, comme de voir vne chose monstrueuse, luy furent soudain à l'entour, & luy couperent la partie masculine, & la ietterent loin, de laquelle peu de temps apres naquit vn beau fruit, duquel la fille de la riuere de Sagare passant par là en remplit son sein, pour le manger. mais ceux ci furent esuanouis bien tost, & elle demeura enceinte, & en son temps elle enfanta vn beau fils, lequel pour cause de honte elle

*Fable du
Dieu Atys.*

Agdiste.

elle cacha en vne forest, là où vne cheure le nourrit tousiours, & luy bailla la mammelle, en sorte qu'il ne mourut point : ains estant deuenu grand, fut appellé Atys, lequel estoit tant beau, qu'il sembloit plustost estre vn Dieu, que non pas creature humaine : pour ceste cause Agdiste le Genie, ou plustost diable, en fut grandement amoureux. Il aduint donques que ce beau ieune homme, estant enuoïé par ses parents, vint en la ville principale de Phrygie appelée Pessinunte, là où le Roy du pays le fit son gendre, luy baillant à femme sa fille : & estant les nopces toutes prestes pour estre celebrees, aduint qu'Agdiste, qui couroit apres au ieune homme qu'il aymoit ardemment, arriua là, & tout rempli de courroux & de rage, de voir qu'un autre estoit pour iouïr de ce qu'il aimoit tant, eut recours soudain à ses enchantemēs, & comme qu'il fist, mit telle frenesie en la teste d'Atys & de son beaupere, que furieusement tous deux se couperent de leur propre main le membre genital. Mais puis apres Agdiste s'estant repenti de ce qu'il auoit fait, d'autant que l'amour qu'il portoit à Atys, n'estoit pas du tout esteinte, il pria Iupiter, & obtint que les autres parties du corps du ieune homme, qu'il aimoit ne vinssent iamais plus à se gaster ny corrompre. Et autre chose n'ay ie leu de cest Atys, hormis que les anciens vouloient entendre par luy les fleurs, ausquelles ne vient iamais fruct ny semence, comme dit Eusebe. Et pour ceste cause, la fiction de la fable porte, qu'il se chastra comme i'ay dit. Mais retournons à la grand mere, laquelle en grande & solen

*Atys &
sa significa-
tion.*

solennelle ceremonie fut portee de Phrygie à Rome, par gens qui furent là enuoyez expressement, selon que les Romains auoient entendu, par les vers de la Sybille, que cela se deuoit faire, & qu'il falloit qu'elle fut receuë par main de vierge. Parquoy la naui-
 re qui la portoit, s'arresta à l'éboucheure du Tibre, là où tous ceux de Rome estoient allés pour la ren-
 contrer, & n'estoit aucunement possible de la bou-
 ger de là, combien que plusieurs s'efforçassent de la
 tirer, en montant l'eau de la riuere. Et pour lors

*Claudie
 Vestale.*

Claudie, qui estoit vierge Vestale, de l'honneur de la-
 quelle plusieurs estoient en doubte, d'autant qu'elle
 alloit vestue & parée plus brauement que les autres,
 & d'autant aussi qu'elle conuersoit & parloit plus li-
 brement que parauenture ne luy conuenoit, s'estant
 mise à genoux deuant la Deesse, dit, Vous n'ignorez
 point alme Deesse, que lon m'estime peu chaste: mais
 s'il est ainsi, ie vous prie faites en signe. Car estant
 par vous condamnee, ie me reputeray veritablement
 & confesseray estre digne de mort. Mais aussi s'il est
 autrement, ie vous prie qu'attendu que vous estes
 chaste & pure, en faisant foy de mō integrité, il vous
 plaise suyure ma main pudique & chaste. Et apres
 auoir dit ceci, print vne petite chorde (aucuns dient
 sa ceinture) & avec icelle tira la naui-
 re à son plaisir. Et la Deesse mōstra qu'elle la suyuoit volontiers, ne
 toutesfois sans grande merueille & esbaillement de
 ceux qui le virent. Dont n'y eut par apres aucun qui
 osast penser mal de Claudie. Et ne faut douter qu
 telles choses esmerueillables ne fussent faites par le

mauua

mauvais demons, ou esprits malins, pour tousiours tenir en erreur & aueuglement ces pources idolatres. Car Tertullien en oste tout le doubte, disant en son Apologetique ainsi : Qu'est il besoing de deschiffrer les autres subtilitez ou puissances de la finesse des esprits? les phantomes de Castor & Pollux, l'eaue portee en vn crible, la nef tiree par la ceinture, la barbe rousie par attouchemēt, afin que les pierres fussent estimees Dieux, & qu'on ne tint conte de chercher le vray Dieu? l'ay voulu faire icy mētion de ceste Claudie, pourautant que ce fait icy pourroit seruir à qui voudroit peindre l'image de la Chasteté, combien que cela se peut faire aussi en plusieurs autres sortes, comme pourrōt recueillir ceux qui en voudrōt prendre de plusieurs images desia dites, & qui restent à escrire. Le simulacre de ceste Deesse qui fut porté pour lors de Phrygie à Rome, fut vne grande pierre noyre, qui estoit adoree par ces gents sous le nom de la mere des Dieux : laquelle estant arriuee là où Almon, petite riuiera, entre au Tibre, elle y fut lauee par vn de ses sacrificateurs, & puy apres mise sus vn chariot tiré par deux vaches, & portee en la ville avec grande resiouissance du peuple, & de là fut obserué de la porter tous les ans en pompe solennelle, en la mesme sorte, & aussi au mesme lieu pour la faire lauer par ses sacrificateurs, lesquels aussi se lauoient eux mesmes, & pareillement leurs cousteaux, comme lon voit en Ouide, quand il dit,

En vn endroit auquel le petit fleuve Almon

Entrant dedans le Tybre y perd son propre nom.

*L'ancien prestre orné de vestemens pourpréz
Laue l'alme Deesse, & ses outils sacrez.*

Et en faisant ceste ceremonie plusieurs alloient deuant le chariot à pieds nus, comme dit Prudence, & chantoient les choses les plus vilaynes & deshonestes qu'ils pouuoient de ceste Deesse, & d'Atys son amoureux. A cause dequoy S. Augustin, blasmat ces festes diaboliques, dit que les folles gens n'auoient point de honte, de crier à la presence de la mere des Dieux, choses que leurs meres auroient eu honte d'escouter. Herodian escrit, qu'alloient crians pour lors, en ceste sorte, non seulement ceux qui estoient de vile & basse condition, & du plus menu peuple, mais aussi plusieurs nobles & personages de qualité, qui changeoient d'habit, pour n'estre point conuz, & alloient puis apres disans & faisans les choses les plus deshonestes & sales qu'ils sçauoient. Furēt aussi obseruees plusieurs festes, faits plusieurs ieux, & celebrees plusieurs ceremonies, à l'honneur de ceste Deesse. Mais d'autant qu'elles ne seruiroient de rien à nostre propos, nous les laisserons, & dirons plustost, que combiē qu'aucuns aient esté d'auis, que le resprendre du sang propre, que faisoient les sacrificateurs, comme nous auons dit, fut en lieu de sacrifice: neantmoins l'on treuue, que luy fut aussi sacrifiée vne truye, laquelle beste se raporte fort bien, (à cause du grand nombre du fruit qu'elle porte) à la fertilité de la terre. Ouide dit que quand elle arriua à Rome, luy fut sacrifiée vne vache qui n'auoit point porté de ioug. & paraenture que les Romains auoiēt aprins, que

*Victimes ou
bestes sacrifi-
cées à la
grād mere.*

que cest animal estoit conforme à la terre. Car ceux d'Egypte, lesquels selon que recite Macrobe, vouloient signifier la terre par signes & mysteres hieroglyphiques, faisoient vn bœuf ou vne vache. Lon lit aussi dans Corneille Tacite, que quelques peuples de la Germanie, ou d'Allemagne, adoroient la mere terre, comme estimans qu'elle interuenoit en toutes

*Terre ado-
ree par les
Allemãs.*



les choses des hommes. Mais d'autant que ceux ci, comme i'ay desia dit, n'auoient point ny temple ny simulachre, ilz celebroident les sacrees ceremonies de ceste Deesse dans vn bois avec vn chariot tout couuert de draps, lequel aucun ne pouuoit toucher, si non le sacrificateur, comme celuy lequel seul scauoit que ceste Deesse estoit là: pour ceste cause il alloit apres en grand honneur & reuerence, la faisant tirer par deux vaches pour la cōduyre, comme pour se pourmener par le pays. & pour lors tout le monde estoit en ces iours la tout ioyeux: & ne pouuoit lon faire guerre en aucune sorte que ce fust, tous les fers & toutes les armes estoient toutes fermées & couuertes, le pays estoit tout en paix & à repos, & toutes les places là où la Deesse alloit estoient gardees en grande diligence. & apres qu'elle estoit soule d'aller tournoyant, & qu'elle ne vouloit plus cōuerfer ça bas avec les hommes, ilz alloient lauer le chariot qui la portoit, en certain lac, & les habits qui la couuroiēt, comme aussi elle mesme, ainsi qu'aucuns estimoient: & les seruiteurs qui faisoient ceci, estoient englouttis par ce mesme lac, & lon ne les voyoit iamais plus, ce qui augmentoit la religion, & causoit que la Deesse estoit plus redoutee: laquelle, comme escript Corneille Tacite, estoit adoree semblablement par quelques autres peuples d'Allemagne, combien qu'ils n'en eussent aucun simulacre: mais la marque de leur religion estoit de porter l'image d'un sanglier, & ceci estoit à eux comme leur armoirie, & ils se pensoient d'estre, se monstrans en ceste

forte,

sorte, les vrais adorateurs de la Deesse, & mesmes assurez en tous dangers, ie di aussi entre les ennemis. Il me souuient d'auoir veu en vne medalle ancienne de Fauistine, l'image de la grand mere, laquelle ressemble fort à celle que j'ay desseigné cy deuant. car c'est vne femme qui a la teste environnee de tours, & qui est assise, & tient le bras droit appuyé à la chaire, & avec la main gauche elle soustient vn rondache sur les genoux, & de chaque costé a vn lion. Ceste Deesse fut puis apres appelée Cibeles, pour cause de certaine montagne, comme quelques vns dient, de Phrygie, laquelle estoit ainsi appelée. Mais nous dirons avec Feste Pompee, qu'elle fut ainsi nommée, pour cause de certaine figure de Geometrie, appelée *Cubus*, laquelle luy fut consacree, pour môstrer la fermeté de la terre. car en iettant vn dé, tousiours il se plante droit de quelque costé qu'il tombe. l'image doncques de Cibeles est toute vne avec celle de la grand mere: car elle a aussi la teste environnee de tours, comme le poëte Lucrece parle d'icelle, quand il dit:

*Le sommet de la teste ils luy environnerent
De couronne murale, en quoy ils démontrèrent
Qu'elle soustient citez, villages & chasteaux.*

Ceste sorte de couronne estoit donnée anciennement par les Empereurs à qui le premier montoit par force sur la muraille des ennemis. Elle a aussi le chariot mesmement tiré par des lions. Ce qui monstre selon opinion d'aucuns, que la terre est pendante en l'air. Dauantage elle est soustenue par les rouës, pour au-

La couronne murale à qui anciennement estoit donnée.

tāt qu'elles se tournent à l'ëtour des sphares celestes
 continuellement, comme montrent les lions, qui
 sont fiers animaux & impetueux: car telle est la natu-
 re du ciel qui enuironne l'air, & soubstiët & porte la
 terre, à cause de quoy, on lit aussi dans Lucrece en
 ceste sorte:

Jadis les anciens Poetes de la Grece

Qui en ont fait des Vers, font seoir cete Deesse

Sur un char, dont au ioug deux Lyons en maintien fier
Vont ensemble accouplez, voulans signifier

Que la grand terre en l'air de soy mesme est pendante.

Lon dit aussi que les Lyons signifiët qu'il n'y a point
 si grande fierté, ny si cruelle, qui ne soit vaincue par
 la pieté naturelle: & pour ceste cause quand Ouide
 parle de ceste Deesse, il dit,

Par elle la fierté on voit estre vaincue,

Douce, humble, debonnaire, & plaisante rendue.

De là vient qu'humblement les superbes Lyons,

Se ioignent à son char &c.

Avec ceci s'accorde ce qu'escript Aristote, lequel
 recitant les merueilles du monde, dit, qu'en la mon-
 tagne de Sipile, qui est en la Phrygie prouient vne
 petite pierre longue & ronde, laquelle quiconque
 eust trouuee & portee au temple de Cibeles, iceluy
 estoit par apres amiable au pere & à la mere, & mes-
 mes leur estoit obeissant en toute reuerence, cōbien
 qu' auparauant il eust esté leur ennemy, & que mes-
 mes il les eut batu meschamment. Aucuns aussi esti-
 merent, selon que recite Diodore, que les Lyons fu-
 rent baillez à Cibeles, pource qu'elle parauenture fut

ourrie de leurs mammelles en la montaigne Cibe-
e en Phrygie, de laquelle ils veulēt qu'elle eust prins
ar apres le nom, comme nous auons dit. Car les
nciens recitent aussi plusieurs autres qui furent
ourris par les bestes, cōme Aesculape par des chiēs,
omule avec son frere par des loups, Telephe
ar des cerfs, Semiramis par des oiseaux, & Iupiter
ar des rossignols, avec l'ayde d'une cheure. Laquel-
e chose combien que semble estre fabuleuse, neant-
moins a esté escripte aux histoires. Ceux qui escrip-
ent des choses naturelles, veulent que les elements
ayent entr'eux telle communion que facilement l'un
e puisse changer en l'autre, selon qu'il se fait plus
re, ou plus espais. A cause dequoy Platō dit, qu'en-
e ceux ci estoit la proportion dixieme. Parquoy
eluy qui considerera ces choses, ne s'esbayra point
e voir que les Dieux des anciens soyent tant en-
remeslez ensemble, & qu'un mesme Dieu, souuen-
es fois signifie vne mesme chose, & que mesmes di-
ers noms signifiēt plusieurs fois vne mesme chose,
omme Iupiter le plus souuent signifie l'element du
u, & par fois celluy de l'air: & Iunon signifie sem-
ablement l'element de l'air: mais non pas tellement
qu'elle ne signifie aussi quelquefois la terre. Le So-
il est vn seul & semblablement la Lune, & neant-
moins chascun d'eux a diuers noms. L'eau pareille-
ment a eu plusieurs noms, & la terre si a, car pour
cause de l'humidité qu'elle attire tousiours, s'esleuēt
es exhalatiōs, lesquelles s'estans engroissies, & faites
epaisses, en la plus basse partie de l'air, font les nuees
desquel

desquelles descendent par apres les pluyes. Pour ceste cause Phurnut veut, que la terre soit appelée Rhea, quasi qu'elle soit la cause que la pluye descende. Mais soit, ou ne soit la terre occasion de cella, il

Rhea. appelle du nom de Rhea la cause des pluyes, & dit que les tabours, les cimbales, les fallots, les lampes furent attribuez à ceste Deesse, pour cause que les tonnerres, les foudres, & les esclairs, coustumierement precedent les pluyes, & souuentesfois les accompagnent. Aucuns veulent que les tabours signifient que la terre contient en elle les vents, & en ceste forte l'entend Alexandre Napolitain, lequel dit

Vesta. qu'ils sont dōnez aussi à la Deesse Vesta, qui fut peirte femme ayant le regard d'une vierge: car elle est la terre qui demeure assise, ainsi que Scopas la fit, qui estoit vn sculpteur excellēt, tesmoin Pline, & laquelle fut grandement louee & prisee aux iardins de Seruilius, & tenoit vn tabour à la main. Phurnut dit que les anciens auoient coustume de la faire quasi toute rōde, & qu'ils luy faisoient les espaules estroites, & la couronnoient de fleurs blanches, car la terre est egalelement ronde, & toute enuironnee de l'element le plus blanc, qui est l'air. Mais il faut sçauoir que les anciens eurent deux Vestes, & que par vne d'icelles, qui fut la mere de Saturne, ils entendoient la terre, de laquelle j'ay parlé maintenant: & par l'autre, qui fut fille du mesme, ils entendirent le feu, c'est à dire, la chaleur viuifiante, laquelle estant espendue par les entrailles de la terre, donne la vie à toute chose, qui prouient d'icelle. De ceste ci les anciens ne fe-

rent point d'image. car ils estimoient, comme dit Ovide, que Vesta ne fut autre chose, que la pure flamme. Et pour ceste cause ils disoient qu'elle estoit vierge, & tousiours pure & entiere. Car tout ainsi que la flamme n'engendre rien d'elle mesme, & ne re-
 voit point de souilleure, ou macule : de mesmes aussi les choses sacrees n'estoient point gardees ny traitees par mains d'autres que de vierges trespures, qui pour ceste cause estoient appelees les vierges Vestales, lesquelles, comme dit T. Liue, furent introduites, & ordonnees par Numa. A. Gelle dit que la premiere qui entra au seruice de Veste, fut appelee *Amata*, & que pour ceste cause toutes les autres furent nommees *Amatae*, que le premier sacrificateur prenoit nō moindres de six ans, & non aussi plus
 agees de dix ans, qu'il falloit qu'elles n'eussent aucune defectuosité de langue, d'yeux, d'oreilles, ny autre partie du corps, & que leur pere & leur mere eussent onques esté serfs, & n'eussent iamais fait aucun office ou mestier, vil, abie& & sale. Du commencement elles n'estoient que quatre, puis
 pres elles furent six, & n'estoit point defendu aux hommes d'aller où elles dormoient, sinon la nuit. Les vierges demeuroient trête ans obligees à seruir en ceste sorte : car pour les premiers dix ans elles prenoient les ceremonies sacrees, & tout ce qui appartenoit à leur office, qui estoit principalement de
 garder que la flamme ne vinst onques à s'estaindre. Car quand ceci auenoit, c'estoit vn tresmauuais au-
 sur pour les Romains : & la vierge qui en estoit en

*Amata pre-
 miere vier-
 ge des Vesta-
 les.*

*Vierges Ve-
 stales.*


coulpe, estoit chastiee par le pōtife, ou sacrificateur, & bien batue, & se rallumoit puis apres ce feu sacré non pas par moyen d'autre feu materiel, ains par les rayons du Soleil, comme lon fait avec des miroirs concaues, ou comme dit Feste, ils battoient tellemēt vne certaine table, qu'elle iettoit du feu, & icelluy estoit amassé dans des vases de metal, puis le remettoient au lieu de celuy qui estoit esteint. & puis quā aux autres dix anneés, & aussi les dix dernieres, elles enseignoiēt aux autres qui venoient nouuellement & passé qu'estoit ce temps, elles estoient en liberté de se marier, mais bien peu y en eut il qui se mariaissent. Car il sembloit que quand elles se marioyēt elles venoient tousiours à poure & miserable fin. Par l'espace de trente ans qu'elles demeuroient au service, il falloit qu'elles fussent chastes & pudiques entièrement. Car lors que la vierge Vestale estoit trouuee impudique, elle estoit mise toute viue dans la biere, & portee comme lon porte les morts à la sepulture, & la suyuoient les parens, & les amis en pleurant iusques biē pres de la muraille de la ville, là où estoit vne grande caue, comme vne chambre sous terre avec vn lit, & vne lampe allumée. Et y mettoient aussi vn peu de pain, d'eau & de lait, pour faire senblāt qu'une vierge sacrée ne fust pas faite mourir de faim, & là apres auoir fait quelque priere secrette, le Pontife enuoyoit la malheureuse à bas par vne échelle dās la caue sous terre, regardant en arriere, & ceux qui pour tel effet estoient deputés, y iettoient soudain la terre sus, & la l'enseuelissoient, là où la misent

*Voyez aux
diuerses le-
çons d'An-
toyne du
Verdier.*

ble mouroit, pour auoir violé la chasteté promise : & le iour q̄ cela se faisoit, estoit funebre, triste, & de douleur à toute la ville. On trouue aussi que ceste Deesse souuentefois est prinse pour l'autre Veste, qui fut la terre, ie di mesmes entre les anciens, quand ilz escriuent de la nature des tēples, des sacrifices, & d'autres ses ceremonies : pour ceste cause ne fera point merueille, que quand ie parleray de l'vne ie traite aussi des choses propres à l'autre, d'autant que bien peu souuent on parle ou escript de la nature & vertu de la terre, qui sont comme l'ame d'icelle, que lon s'entende aussi d'elle, c'est à dire de tout le corps. Oruide donques dit que le temple de la Deesse Veste à Rome, qui estoit premierement la maison royale de Numa, estoit tout rond, pour représenter le globe de la terre, dans lequel le feu est gardé, comme il estoit en ce temple là sans le laisser esteindre. Feste escript aussi que Numa dedia à Veste vn temple rond, pour ce qu'il l'estima estre la terre, qui entretient la vie des hommes, & d'autant qu'elle est faite comme un esteuf, il voulut aussi que son temple eut la mesme figure, comme on le voit au reuers d'vne medaille d'or de Vespasien, que ie, du Verdier, ay : où est ceste inscription, V E S T A. Souuentefois le temple seul fut l'image d'icelle, à cause dequoy Alexandre le Napolitain veut que par elle nous entendions l'esprit de Dieu, auquel nous ne pouuons arriuer avec les yeux du corps, mais bien nous voyons les choses qui sont à l'entour. Et ledit temple fut fait en ceste sorte, comme l'escript Christophle Landin, sur

*Le temple
de Veste.*

Virgile, là où il fait que Hector, par songe recōmande Veste à Enee, & les autres choses sacrees. Icelluy temple estoit grand, large & spacieux, & au milieu auoit vn autel avec le feu allumé d'vn costé & d'autre, à la garde duquel estoit vne vierge au costé, & sur le plus haut du temple y auoit semblablement vne vierge, qui tenoit vn petit enfant entre ses bras. Car



il fut dit par les anciens que Veste qui est signifiée par la vierge, nourrist Iupiter, qui est le petit enfant. Dauantage les anciens dedierent à Veste, la premiere entree des maisons, ou ils faisoient du feu, laquelle pour ceste cause, comme pense Ouide, fut appelée *Vestibulum*. En ce lieu aussi ilz mangeoient souuent en conuoyant les Dieux à leurs tables, lesquelles en apres ilz consacroient & en vsoient au lieu d'autels, & adoroient les Dieux conuiez. Pour ceste cause donques qu'on ne faisoit iamais sacrifice sans feu, & que ceci fut enseigné par Veste, à bon droit luy furent consacrez les lieux ou estoit plus souuent allumé le feu. Et ces lieux estoient proprement appellés *Lares*. *Lares.* car aussi en ces lieux on adoroit les Lares, qui estoient certains Dieux domestiques de la maison. & pour ceste occasion semble aussi qu'encores de nostre temps en Italie lon appelle ces lieux *Focolari*, *Foculare.* qui vaut autant comme feu, & lari, & signifient le lieu où s'allume le feu, combien que les anciens en faisoient de l'un vn Dieu, & de l'autre la chose consacree au Dieu. Mais il ne faut point penser que Veste fut prinse pour le feu generalement, & pour toute sorte de feu : car tout ainsi que les choses sont diueres qui se considerent en iceluy, semblablement aussi les anciens en feirent diuers Dieux. Veste donques fut prinse pour le feu qui demeure enclos aux entrailles de la terre, lequel pour ceste cause dure tousiours, & ne s'estaint iamais, ains dōne la vie à toutes choses creées. Or en tous sacrifices de tous les Dieux, Veste estoit inuoquee deuant tous les autres, *Veste en tous les sacrifices.*

comme j'ay dit aussi de Ianus. & la raison estoit outre ce que dit Ouide, pource que les premieres entrees des maisons, là où du commencement on sacrifioit souuent, estoient consacrees à icelle, outre ce qu'elle obtint de Iupiter, comme dit la fable, apres la victoire contre les Titans, qu'elle seroit perpetuellement vierge, & auroit les premices de tous les sacrifices, d'autant que toutes les choses creées par lesquelles ils adoroient anciennement les Dieux, ont leur estre, & vie, par la chaleur qui les produit & les fait naistre, ce qui vient du feu, comme j'ay desia dit. Il sembloit aussi qu'il n'y a chose qui représente mieux la pureté, & l'immortalité des Dieux, que la pure & viue flâme, & pour ceste cause n'estoit iamais fait sacrifice sans feu, ny que Veste ne fut appelée du commencement. Mais outre ceste cy il y a eu plusieurs autres Dieux, qui furent adorés par les anciens, pour cause des vertus particulieres, que la terre monstre en diuers lieux. Car comme chante Virgile, & escripuët aussi les auteurs de l'agriculture, en vn lieu vient mieux le blé, en l'autre les arbres portent meilleur fruit, en vn lieu sont plus gayer les prairies fleuries, & en vn autre sont en plus grâde abondance les pasquiers herbus. A cause dequoy furent nommees Ceres, Proserpine, la Bonne Déesse, Flore, Palés, & autres, desquelles nous dirons cy apres. Mais maintenant parlons de Ceres, qui fut estimée estre la premiere, qui enseigna à semer le blé, le cuillir & le moudre, & en faire du pain pour les hōmes, lesquels au parauant viuoient des herbes, & de glād,

comme

comme dit Virgile:

*La Deesse Ceres fut premiere inuentrice
De labourer les champs par le soc. &c.*

Et Ouide pareillement en chante ainsi:

*Ceres Deesse inuenta la premiere
De labourer l'art, usage & maniere,
Et de semer & cuillir grains menus,
Dont les humains, à Ceres bien tenus,
Sont sustentez de douce nourriture.
Ceres premiere inuenta la droicteure,
Loix & edicts, & raisons equitables,
En tout luy sont les hommes redeuables.*

Et pour ceste cause elle fut tant reuerée & adored
comme Deesse, & creust on qu'elle eust donné les *Loix de la*
loix deuant tous les autres. Car apres que l'usage du *Deesse Ce-*
blé fut trouué, les hommes laisserent avec la gland *res.*
la mode de viure premiere, qui estoit rude, & bru-
tale, & s'estans assemblez ensemble, feirent les villes,
& commencerent à viure ciuilement, & avec quel-
que ordre. Pour ceste cause il fut dit aussi que la di-
uinité de Ceres monstroit la vertu de la terre qui
peut estre cultiuee, & qui produit le blé en abondan-
ce. C'est pourquoy sa statue fut faite en forme de Ma-
trone, avec ghirlandes, couronnes, ou chapellets
d'espis sur la teste, tenant vn bouquet de pauot en sa
main. Car ceci est signe de fertilité: & deux dragons
cruels tiroient son chariot, comme escript Orphee.
A ceste cause Claudian quand il la fait retourner de
Sicile, là où elle auoit remis sa fille, la descript mon-
ter sur son chariot tiré par Dragons volâts, auxquels
souuent



souuēt elle dōne des coups de fouët, & qui tortueux
 & ondoyans fendoient l'air, sifflans estrangemēt, ils
 lichen paisiblement le frain, & rendent escume
 venimeuse: ont de fieres crestes sur le front, & leur
 dos tout plain de nœuds, & semé de rondelles
 & leurs escailles relüysantes de loing semblent estre
 d'or, & ietter estincelles de feu. laquelle description

nou

nous pouuõs mythologiquement interpreter auoir
 esté faite, ou pource que les bleds ne s'esleuent par
 trop en haut, ains semble qu'ils s'en aillent comme
 rempans & trainans sur la terre: ou bien pourautant
 que les corps tortueux des serpents signifiẽt les sen-
 tiers & sillons tortus que font les boeufs en labourãt
 la terre, ou bien telle fiction a esté faite, comme dit
 Hesiodé, pource qu'en l'isle Salamine estoit iadis vn
 serpent de grandeur desmesuree, lequel gastoit tout
 le pays la. Et estãt chassé apres par Euriloch s'en al-
 la vers les Eleufins, & comme si pour estre en sauue-
 é, il s'en fust fuy vers Ceres: il demeura depuis tous-
 iours dans le temple d'icelle, comme estant son mi-
 nistre & seruiteur. Qu'il soit donc ainsi que Ceres si-
 gnifie la terre plaine & produysant à force blé, son
 image le monstre selõ que Porphyre dit, & que Eu-
 ebe le recite, laquelle est couronnée des espis, &
 mesmes ha à l'entour quelques plantes de pauot, qui
 signifie fertilité, pour ceste cause lit on aussi que la
 Sicile luy fut fort agreable: car c'est vn pays fort fer-
 tile. & pour ceste cause elle plaida contre Vulcan,
 pour sçauoir qui en auroit la possession: mais la sen-
 tence en fut donnée en faueur d'elle: dont peut estre
 auint, qu'une sienne statue qui estoit là fort gran-
 de, comme dit Cicéron escriuant contre Verres, te-
 noit en sa main droite vne petite figure de Victoi-
 re, ce qui monstroït la fertilité de ceste isle. A cause
 dequoy les fables faignirent que Pluton rauit Pro-
 serpine, qui signifie souuent la fertilité, pource qu'il
 auint parauenture quelque temps que le pays de

*Pourquoy
 sont donnez
 les Serpens
 à Ceres.*

*Sicile de Ce-
 res.*

*Proserpine
 rauie par
 Pluton.*

Sicile ne portoit qu'une bien petite cuillette. Ou autrement, pource que Proserpine signifie quelquefois la vertu cachee, qu'à la semence de germer: il fut saint que Pluton, par lequel fut signifié le Soleil, la ravit & l'emporta avec luy en enfer, pource que la chaleur du Soleil nourrit & conserve sous terre, tout le temps de l'hyver, le blé qui est semé, & Ceres la va cherchant puis apres, avec les falots & torches ardentés à la main, pource que du temps d'esté, lors que le Soleil est plus ardent, les paisans vont cherchans les blés les plus meurs, & les cueillent. De là vint, comme escript Pausanias, que la statue de Ceres faite par Praxiteles, selon qu'estoit escript avec lettres entaillees, en un sien certain temple, au pays d'Asie, avoit en la main des flambeaux, ou torches allumees: & les sacrificateurs de ceste Deesse, alloient aussi courans avec les flambeaux allumés, quand ils celebrent la feste d'Eleusine, ainsi appelée à cause du nom d'Eleusis, qui estoit une cité non fort esloignée d'Athenes, là où elles furent premierement ordonnées. Car mesmes en ces villes, aucunes ieunes filles consacrees à la Deesse, portoient de petits paniers pleins de fleurs, au printemps, & des espis en esté. Et d'icelles fit aussi mention Cicero parlant contre Verre. Estoit pareillement portées en ces ceremonies, les images de ces Dieux, comme Eusebe recite du Createur: & les portoit le Hierofant, qui estoit le principal sacrificateur du Soleil: & ceste image estoit portée par iceluy, qui portoit aussi le flambeau allumé. Celuy qui servoit à l'autel, portoit celle de la Lune & cell

& celle de Mercure, qui est le proclamateur, crieur, ou trompette des sacrifices. Theodorit escript qu'en ceste pompe solennelle, on portoit aussi pour chose digne de grande reuerence, la nature de la femme, tout ainsi comme lon portoit, le membre viril aux ceremonies de Bacchus. Mais au contraire Sesostris, qui fut tres ancien Roy d'Egypte, comme dit Herodote, en vfa comme d'une chose digne de mespris: pource qu'aux pays qu'il auoit conquesté avec grand labeur & peine, à cause des peuples qui se defendoient vaillamment, il dresseoit des colonnes belles & hautes en son nom, & de la patrie, comme s'il auoit vaincu le pays. Mais là où il ne trouuoit aucune resistance, ou biē peu, il dresseoit aussi les mesmes colonnes, avec les mesmes lettres, mais il y adioustoit de plus la nature ou parties genitales de la femme, signifiant en ceste sorte, le peu de valeur & la nonchalance de ses gens. Dauantage les ceremonies & choses sacrees de Ceres, estoient obseruées avec si grande religion, & tenues si secretes, que quand elles estoient celebrees, le sacrificateur crioit à haute voix premierement, *Sortés dehors, Sortés dehors tous hommes profanes: que tous les meschans s'esloignent d'icy.* Car il n'y pouuoit entrer sinon ceux qui estoient ordonnez pour icelles, & falloit qu'ils fussent bien purgez, & bien nets de toute mauuaise vie. Dont on lit que Neron n'osa iamais se trouuer à ces ceremonies, se sentant (parauenture) estre par trop meschant &inique. Mais Antonin, pour tesmoignage de sa bonté, voulut estre vn de ceux là qui estoient presens

*Mysteres
Elenfins.*

aux myſteres Eleufins. Je ne paſſeray ſous ſilence, vne folle couſtume, que celuy qui eſtoit admis à ces myſteres, prenoit le iour qu'il entroit en ceſte compagnie, vne chemiſe fort belle, & toute blanche, & ne la deſpouilloit iamais iuſques à ce qu'elle eſtoit toute vſee & deſchiree. Aucuns dient qu'ils gardoient les pieces d'icelle pour en faire des langes, pour les petits enfans, ce pendant qu'ils eſtoient au berceau. En outre on ne pouuoit ſçauoir quelles eſtoient ces choſes tant myſterieufes, tant ils les tenoient occultes, cōbien qu'elles fuſſent portees par la ville en certain temps, par vierges treſpures dans des petits paniers, bien fermez & bien couuerts, en ſorte qu'il ſembloit que c'eſtoit grand peché, chercher d'entendre la raiſon de ces ceremonies, & de ſçauoir qu'elles eſtoient ces choſes ſacrees. Pour ceſte cauſe Macrobe dit, que Numerius philoſophe, lequel, comme par trop curieux rechercheur des ſacres myſteres, diuulga ces choſes, vit en ſonge les Deeſſes d'Eleufis, qui ſe tenoient comme putains en lieu public, pour faire plaifir à qui en vouloit: à cauſe dequoy il fut eſbahi grandement, & demandant la raiſon de ceſte tant grande impudicité, luy fut reſpondu par ces Deeſſes toutes courroucees, que ceci eſtoit venu de luy, qui les auoit priſes par force & oſtées des places ſecrettes, & miſes en public entre les mains du cōmun peuple, & de tout le monde. Pauſanias eſcript, qu'ayant delibere de parler amplement des myſteres ſacres du temple des Eleufins, il vit certaine image, en ſonge qui l'en eſpouenta: & pour ceſte cauſe il n'en dit au

re chose, sinon qu'au deuant du temple, estoit vne statue de Triptoleme, & vne vache de bronze, couronnée de ghirlandes & chappelets de fleurs, ayant des cornes dorees, comme estoient les victimes & bestes quand on les vouloit sacrifier. Et Triptoleme leuoit estre vn ieune homme, sur vn chariot tiré par deux serpents, qui estoit le chariot de Ceres. Car on dit qu'il fut enuoyé d'elle, avec son chariot par le monde, pour enseigner comme on deuoit cultiuer la terre, semer le blé, le recueillir, & après en vser. Et par les Deesses Eleufines on entéd tousiours Ceres & Proserpine, qui furent aussi nommees les grandes Deesses entre les Grecs. Et ceux d'Arcadie les adoroient sur toutes les autres, tenans en certain leur temple, le feu tousiours alumé avec grande religion: & leur feirent deux statues, comme recite Pausanias: vne à Ceres, qui estoit toute de marbre, l'autre à Proserpine, de laquelle ce qui estoit dessus, & qui seruoit d'habillement, estoit de bois, & auoiēt chacune quinze pieds de hauteur. Au deuant des deux statues estoient deux petites vierges, avec les robes longues jusques aux pieds, qui portoiēt sur leur teste des paniers plains de fleurs. Et aux pieds de Ceres estoit Hercules, non plus grād que d'une coudee. Il y auoit aussi deux Heures, & le Dieu Pan, qui sonnoit de la flaute, & Apollon de la citre: car ceux cy estoient des principaux Dieux d'Arcadie, cōme là il estoit escript. Il y auoit aussi q̄lques Nymphes, entre lesq̄lles vne Naiade tenoit entre ses bras, Iupiter petit enfant: les autres estoient Nymphes d'Arcadie, & vne portoit au

*Les Deesses
Eleufines.*

*Les nopces
de Ceres.*

*Bestes sacri-
fices pour-
quoy diuer-
ses.*

*Le Pour-
ceau sacri-
fié à Ceres
& pour-
quoy.*

deuant vne torche, laquelle i'ay dit cy deuant, pour-
quoy fut dediee à Ceres : vne autre tenoit deux di-
uers vases d'eau, & en tenoit vn en chasque main :
deux autres portoiēt sēblablemēt deux hydries, qui
versoient de l'eau, ce qui parauenture signifioit qu'en
quelques sacrifices, appellés les nopces de Ceres, on
n'vsoit point de vin, comme on faisoit aux autres de
tous les Dieux. A cause dequoy la vieille de Plaute
en l'vne de ses Comedies, en bailla le mot & brocard
quand elle vit qu'on alloit à sa maison, pour aprestre
le banquet des nopces, & neantmoins on n'y portoit
point de vin, dont elle se meit à dire, Voulez vous
peut estre faire ces nopces pour Ceres ? puis que ie
voy que vous ne portez point de vin. Avec Ceres
on peut metre le pourceau, attendu que les anciens
le luy sacrifioient, comme victime propre à elle. Mais
la raison pourquoy les anciens sacrifioient à vn Dieu
plustost vn animal que l'autre, c'est comme dit Ser-
uie, la contrarieté, & la conformité qu'on estimoit la
beste auoir avec le Dieu, auquel elle estoit sacrifiée.
& pour ceste cause ils dient que le pourceau fut bail-
lé à Ceres : comme qu'il luy print plaisir de se voir
mourir deuant son ennemy, lequel non seulement
gaste les blés desia grands sur terre, mais les va fouil-
lant sous terre avec son museau & groin, pour trou-
uer le blé qui est desous, & le deuorer. Et pour la me-
me raison ils dirēt, que le cheureau fut sacrifié à Bac-
chus, comme animal qui est grandement domma-
geable aux vignes. Aucuns veulent aussi que ce sa-
crifice du pourceau fut agreable à Ceres, pour la
confor

conformité & semblance qui est entr'eux. Car elle est vne Deité terrestre, puis que par elle est entendue la terre, & le pourceau se plaît à se veautrer en la terre plus q̄ ne fait nul autre animal, & pour la plus part est noir, comme aussi la terre est noire de sa nature, & tenebreuse. Dauantage ceste beste signifie la fertilité de la terre, à cause dequoy estoit aucunesfois sacrifiée à Ceres la truye enceinte, laquelle on lit que quelques fois fait d'une ventree seule bien vingt petitiz pourceaux: & trente en auoit fait la truye qui apparut à Enee, au bort du Tybre, comme dit Virgile. Il y auoit aussi vn autre simulachre de Ceres, en Arcadie, lequel tenoit en sa main droite, vn flambeau, & aprochoit la main gauche à vn autre simulachre d'une Deesse, qui estoit adoree par ceux d'Arcadie plus que de tous les autres: & estoit appelée par eux du nom de Hera, fille (comme aucuns ont voulu dire) de Neptune & de Ceres. Combien *Hera.* que ce non de Hera, comme dit Pausanias, fut donné semblablement à Ceres en Arcadie. Et Iunō aussi fut appelée Hera entre les Grecs. Ceste statue tenoit vn sceptre sur les genoux: car elle estoit assise, & vn panier. En Arcadie aussi Ceres fut appelée Erynné, (comme le mesme Pausanias escript) qui signifie furie, & la cause de ceci fut telle: Pendant que Ceres alloit cherchant sa fille que Pluton auoit aué, Neptune, qui estoit amoureux d'icelle, faisoit tout effort, pour en iouir. Et elle pour s'en defaire, pensant de le tromper, s'estant changée en iument, se mit parmy vn haras de iuments. Mais bien mal *Ceres chē-gee en Iument.* aisé

*Neptune
changé en
Cheual.*

aisé est à tromper celuy qui ayme, qu'il ne cognoisse au moins la tromperie. Neptune donques qui s'en apperceut soudain, se changea aussi en vn cheual, & en ceste sorte, iouit de l'amour de Proserpine. Laquelle chose Ceres eut si fort à deplaisir, qu'elle en cuyda deuenir folle: & pour ceste occasion, pour lors ceux d'Arcadie, luy mirent le nom de Furie. Et combien que par apres elle fut apaisée, & que s'estant lavée en quelque riuere, elle y eust laissé tout son courroux: neantmoins elle en demeura fachee, encores assez long temps. D'où aduint qu'elle fut appelée Ceres la noire, aupres d'une cauerne à elle consacrée en Arcadie. Car là elle estoit vestue de noir, en partie, (dient ils) pour cause de la douleur de la fille qui auoit esté rauie: en partie aussi pour cause du desdain qu'elle eut de la violéce faite par Neptune. A raison dequoy s'estant cachée dans la cauerne que i'ay dit, comme ne voulant plus voir la lumiere du ciel, elle y demeura lōg temps, & pour ceste cause la terre ne produisoit plus aucū fruit. Dont s'ensuiuit vne grande peste qui esmeut à pitié tous les Dieux, lesquels neantmoins ne pouuoient pouruoir à la misere des hommes, ne sachans où Ceres estoit. Mais il aduint que le Dieu Pan, qui erroit ça & là, selon sa coustume, arriua en ce lieu où elle demeuroit bien fachee, & l'ayant trouuée, soudain le fit entendre à Iupiter, lequel estant en peine pour le biē des hommes, sans delaier enuoya les Parques, pour la prier, en sorte qu'il laissant toute tristesse, & estāt apaisée, elle sortit de la cauerne: & lors la terre commença à produire les fruits.

Ceres la noire.

fruits accoustumez, & la peste cessa. Pour laquelle cause, à fin que la memoire en demeurast à iamais, ceux du pays dedierent ceste cauerne, à Ceres, avec vne statue de bois, qui estoit assise sur vne pierre. Et c'estoit la statue d'une femme, entierement, hormis qu'elle auoit la teste & les crins de cheual, au tour duquel se iouoient aucuns serpens, & autres bestes sauvages: l'habit la couuroit toute iusques à terre, & en vne main elle tenoit vn dauphin, & vne colombe en l'autre. On trouue aussi qu'en certain autre lieu du mesme pays d'Arcadie, estoient deuant le temple d'Eleusine, deux grandes pierres, mises en sorte qu'estât l'une sur l'autre, elles se ioignoient fort bien ensemble. Et quand venoit le temps de faire les sacrifices solennels, on ostoit l'une de dessus l'autre, pour ce qu'on y trouuoit certain escript, qui declaroit tout ce qu'il falloit faire aux ceremonies sacrées. Ils faisoient lire diligemment cest escript aux sacrificateurs, puis l'ayans remis en sa place, ils remettoient ces pierres ensemble. Et quand ces gens là auoient à iurer de quelque chose de grande importance, ils faisoient le serment sur la iointure de ces deux pierres, au dessus desquelles y auoit vn certain couuercle rond qui couuroit en ceste pierre l'effigie de Ceres. Le sacrificateur se la mettoit comme vne masque sur le visage, le iour solennel de la feste, & en ceste sorte, avec quelque peu de verges qu'il portoit en sa main, par vne certaine coustume, il battoit le peuple. Là ils disoient que iadis Ceres demouroit, cependât qu'elle cherchoit sa fille, & qu'à ceux qui logerent

*Statue de
Ceres.*

*Legumes di-
tribuez par
Ceres.*

*Febues legu
me impur.*

gracieusement, elle donna toute sorte de legumes, horsmis des febues, qui est vn legume impur. Mais Pausanias, qui recite tout ceci, n'a point voulu dire la cause pourquoy les febues fussent legume impur, comme estant chose mysterieuse, laquelle n'estoit loisible diuulguer. Toutesfois on pourroit (peut estre) dire, que les febues sont iugees estre telles, pour cause qu'on s'en seruoit aux ceremonies des morts, car celuy qui mit ceci premierement en vusage, estoit bien d'aduis que nul autre grain y conuinist mieux: car dessus les fueilles de ses fleurs, semblent estre certaines lettres, qui representēt le pleur, & sont signe, & marque de douleur & de tristesse: & pour ceste cause il fut dit, que les ames des morts, alloient souuent se cacher dans des febues. Dont n'estoit loisible au sacrificateur de Iupiter d'en manger seulement, mais il ne les luy falloit pas aussi toucher, ny les nommer. Et Pythagoras commandoit à vn chascun, de s'abstenir des febues, estimant parauenture, qu'ils estoient en danger de manger avec icelles, l'ame de quelcun, laquelle il croyoit estre dans ce petit animal, qui naist dans les febues. Car son opinion estoit, que les ames s'en alloient, comme par circuit d'un corps en vn autre, & que souuent elles passoiēt du corps de l'homme en celluy d'une beste, comme ie diray vne autre fois plus amplement, & estoit cella appellé μεταμψύχωσις. Ou autremēt, Pythagoras de fendoit de māger des febues, voulāt dire qu'il falloit laisser les choses tristes, lugubres, ou de dueil, lesquelles destournent l'entendement de la consideration de vertu

de vertu, & des choses de Dieu. Ou pour faire souue-
nir aux hommes qu'ils se gardent d'estre semblables
aux morts, pendant qu'ils sont encores en vie. Mais
pour quelque chose qu'il le fist, c'est assez, qu'il esti-
moit les febues estre tel legume, qu'il s'en falloit ab-
stenir, comme aussi fit Ceres, quand elle ne les vou-
lut pas bailler, avec les autres legumes. Mais d'autât,
comme j'ay deia dit, que diuerses vertus de la terre,
furent monstrees par les anciens, en faisant d'icelle
diuers Dieux ou Deeſſes, celle qui produit les ioieux
pasturages, fut signifiee sous le nom de la Deeſſe Pa-
és, qui fut pour ceste cause, Deeſſe particuliere des
pasteurs entre les Romains. Mais de ceste ci ie n'ay
point trouué aucune statue ny image, ce qui me don-
ne occasion au lieu de la peindre, de dire le peu des
ceremonies qui furent faites en celebrant ses festes:
esquelles à cause de son nom, furent appelees Pali-
es: & estoient celebrees le mesme iour de la nais-
sance ou edificatiō de Rome. Mais on ne tuoit point
le victime ou beste, en ceste feste, comme qu'il fust
mal fait de donner la mort à qui que ce soit, à tel iour
que la ville fut bastie. Et les hommes se purgeoient
premierement avec suffumiges, faits avec sang de
cheual, & avec les cendres du veau tiré hors le ven-
tre de la vache, qui estoit desia offerte en certains au-
tres sacrifices, & aussi avec cendres des plantes des-
sechées. En apres ils purgeoient les troupeaux
avec la fumee du souffre, y mettant pareillement l'o-
uier, le pin, la sauline, le laurier, & le rosmarin: puis
autant ils passoient par le milieu des flammes allu-

*Pales Deeſſe
ſe des pa-
steurs.*

*Festes Pali-
es.*

mées, avec vn peu de foin. Cela fait ils faisoient oblation à la Deesse, de lait, fromage, vin cuit, d'aucuns petits vases pleins de millet, & de certains gâteaux aussi de millet, qui sont toutes viandes communes & accoustumées entre les pasteurs, & lors avec prières solennelles, ils acheuoient le sacrifice. Duquel n'estoit different celuy qui fut fait à Pomone, Deesse des pomes, & des autres fruits, dont ils luy faisoient oblation aux sacrifices. Ouide fait qu'elle a la charge des iardins, & qu'elle fut femme de Vertumne auquel semblablement furent recommandés les iardins, & luy baille à la main vne petite faucille, à couper les rameaux superflus des arbres portans fruits, & propre pour enter. Tellement que qui voudroit encores mieux orner son image, il la pourroit faire avec tous les instrumens, desquels vsent les iardi-
Flora. niers pour les arbres, ausquels on estimoit qu'elle bailloit vertu de produire les fruits meurs, tout ainsi comme Flore les faisoit premierement fleurir : & pour ceste cause, elle estoit la Deesse des fleurs, non seulement des arbres, mais de toutes les plantes, comme aussi des prés verdoyants, de l'image de laquelle ie parleray tantost, quand ie viendray à desseigner Zephyre, qui fut son mari, selonc les fables. Car les histoires dient, que ce fut vne putain, ou bien celle qui allaicta Romule & Reme: ou bien vne autre, laquelle
Fable de Flore. le laissa vne bonne & grande heredité de beaux & grands biens au peuple Romain, & lit on d'icelle vn bon compte, qui est tel que s'ensuit. Vn sacrificateur d'Hercules se trouuant vn iour de loisir, à se prome-
 ner

ner en son tēple tout oisif, & sans pēsement, s'adressa à son Dieu, & le conuia à iouer aux dés, avec telle condition que si le Dieu perdoit, il luy donneroit quelque signe, de faire pour luy quelque chose digne de la grandeur d'Hercules : mais aussi s'il gaignoit il luy feroit aprestre vn fort beau souper, & mesmes feroit venir vne des plus belles femmes qu'il peust trouuer, pour demeurer vne nuit avec luy. Il commença à iouer, iettant les dés avec vne main pour soy, & avec l'autre pour Hercules : lequel demeura victorieux. A cause dequoy, le sacrificateur suyuant les pactes faits, apresta le souper, que luy mesme auoit dit, avec vn lit fort bien paré, & apres auoir fait venir vne belle femme appelée Laurēce, laquelle en secret faisoit volontiers plaisir de son corps à autrui, la ferma dans le temple avec Hercules, & la laissa là toute seule, ceste nuit, comme si elle deust souper avec ce Dieu, & dormir apres avec luy, auq̃l on dit qu'elle fut fort agreable, & pour ceste cause se monstra à elle, & luy dit qu'elle se rendit facile & gracieuse au premier qu'elle rēcontreroit le matin allāt au marché sur l'aube du iour. Ce qu'elle fit : de maniere qu'vn nommé, Tarrutie, homme tres riche s'enamoura d'elle, & l'ayma tant que venant à mourir, il la laissa heritiere de la plus grande & meilleure part de ses biens, en sorte qu'en bien peu de temps elle deuint grandement riche, puis mourant feit & institua son heritier le Peuple Romain, lequel, comme dit Plutarque, qui recite tout ceci, l'eut tousiours depuis pour ceste cause en tres grande reuerence. Mais

*La Bonne
Deesse.*

Fauna.

d'autant que peut estre les Romains auoient honte de faire ce grand honneur à vne putain, ils luy changerent de nō, & l'appellerent Flora, & luy furent ordonnees des ceremonies sacrees, & certains ieu, lesquels estoient celebrés par des putains, avec grande lasciueté. Chassoient aussi les anciens durant les festes de ceste ci, aux lieues crainctifs, & aux cheureux fuyards, pourautant que ce sont animaux gardés souuent aux iardins, qui estoient sous la charge de ceste Deesse, comme elle mesme dit en Ouide. Outre les Deesses desia dites, y fut aussi la Bonne Deesse, qui estoit pareillement vne des Deesses de la terre, parquoy Porphyre dit, comme recite Eusebe, que ceste vertu de la terre par laquelle elle embrasse la semēce espendue, & la retient & nourrit, fut signifiée des anciens par la Bonne Deesse, & mesmes dit que de ce fait foy sa statue, laquelle presente avec la main quelques plantes verdoyantes, qui sont quasi comme sorties de frais. Et la victime qu'on luy sacrifioit (assauoir vne truye enceinte) monstroient que les anciens entendoient que la terre estoit signifiée par ceste Deesse, laquelle fut appelée Bonne, comme i'ay desia dit, pource que la terre nous pouruoit & fournit de biens infinis. Ceste Deesse fut aussi appelée Fauna, pourautant qu'elle est fauorable aux viuans en tout ce qu'ils ont de besoing, outre plusieurs autres noms, que Plutarque luy donne, racomptant ce qui aduint quand Claudius, amoureux de la femme de Cesar, entra en habit de femme au temple & ceremonies de ceste Deesse, de laquelle est escript, qu'elle

qu'elle fut iadis femme de si grande chasteté, qu'elle ne veid onques ny ouït nommer autre homme que son mari, & iamais ne fut veüe sortir hors de sa maison. D'où vint que nul homme ne pouuoit entrer en son temple, moins se trouuer à ses sacrifices, ny à ses ceremonies, lesquelles se faisoïent souuent en la maison du Pontife ou grand sacrificateur, ou bien en la maison de l'un des cōsuls ou de quelque preteur ou ouuerneur : & lors tous les hommes s'en alloient hors de ceste maison, & là s'assembloïent les femmes, lesquelles chantans passoient toute la nuit : car de nuit se faisoient ces festes. Ceste Deesse Bonne faisoit semblant d'auoir en si grande horreur le sexe masculin, qu'en ces ceremonies, les femmes couuroient tout ce qui estoit peint en la maison, ayant figure aucune de masse. Au tēple de la mesme Deesse y auoit des herbes quasi de toutes sortes, desquelles celle qui en auoit la charge en donnoit à plusieurs, pour medecine de maintes diuerses maladies. Et pour ceste cause, aucuns ont voulu dire, qu'elle fut Medee, laquelle ne vouloit point voir les hommes, pour cause de l'ingratitude dōt Iason vſa en son endroit. Mais les fables comptent que ceste Bonne Deesse, ou Fauna, fut fille de Faunus, lequel en estant amoureux chercha plusieurs fois, avec parolles de la tirer, à faire sa volonté, mais ce fut en vain : car elle demeura tousiours ferme en sa chasteté. A cause dequoy il mit à la vouloir forcer : mais elle se defendant, le blessa sur la teste, avec vne baguette de myrthe, & le poussa de ceste facon, dont fut obserué depuis de ne porter

*Ceremonie
de la Bonne
Deesse.*

ne porter le myrthe en son temple, & quiconque y en eust porté, iceluy pechoit grandement. Mais non pourtant pour cela laissa le pere de pourfuyure son amour, ains chercha par tromperie d'enyurer sa fille qu'il aymoit, pensant par apres de faire son plaisir d'elle, ce qui ne reussit pas selon son desir. Et en memoire de ceci vne vigne espendoit ses rameaux sur le chef de ceste Deesse, & le vin dont on vsoit en ces ceremonies n'estoit point appellé vin, ains laiët. Faulus donques, voyant qu'il n'auoit sceu par tant de moyens iouir de la fille, & neantmoins la souhaittoit tousiours plus, se changea finalement en forme de serpent, & en ceste sorte il iouit d'elle, & pour ce en son temple se monstroient souuent des serpents, lesquels ne craignoient personne: pour ceste cause la statue de la Bonne Deesse, à laquelle fut mis aussi vn sceptre en la main gauche, pource qu'aucuns l'estimoient estre egale à Iunon en puissance, eut sur son chef vn rameau de vigne, & vn serpent à costé, avec vne verge de myrthe. A ceste Deesse fut fort semblable, en puissance Proserpine: les anciens ayans pareillemēt entēdu par icelle ceste vertu, de la terre qu'elle conseruoit le blé ensemēcé. Il y a aussi vne fable qui est presque de mesmes à celle q̄ ie sors maintenāt de dire, recitee par Eusebe, quād il escript, des ceremonies sacrees de Ceres celebrees en Aegypte. La fable est, que Ceres enfanta Proserpine, des œuures de Iupiter, laquelle fut aussi appelée par quelques vns Peresfate. De ceste cy estant le pere qui l'auoit engendree amoureux, se changea en serpent, pour en iouir en plus

*Image de la
Deesse Bonne
ne.*



e plus grande commodité, comme il fit. D'où vint
 que les peuples d'Aegypte appellés Sauatiens, vou-
 loient que comme chose de grand mystere, en leurs
 sacrifices, fust tousiours present vn grand serpent,
 tout entourillé. Perefate, enceinte du pere, fit vn fils
 de forme d'vn taureau, ce qui a donné argument aux
 bêtes d'auoir chanté souuent les louanges du ser-

*Proserpine
prise pour
les blez.*

pent pere du taureau. On lit en outre que Proserpine, signifie les blez, lesquels prouiennent de la terre qui est Ceres, mais non sans la chaleur temperée qu'en icelle enuoye le ciel, signifié par Iupiter. Et sô aussi ravis les blez par Pluton, pource que quelque fois estans semez, ils ne renaissent, & ne font point de fruit, dont semble que la terre s'en fasche, ne voyant point ornée d'iceux; qui sont tantost verd tantost blanchissants, quand ils sont meurs, ou autrement, pource que la chaleur naturelle rait le grain ensemécé, l'embrasse, l'entretient, & le nourrit iusques à ce que les nouveaux blez soyent meurs. Elle signifie pareillement la Lune quelquesfois, & pour ce on en peut faire des images en toutes ces sortes que les anciens feirent de la Lune, côme ie pe se auoir dit, lors que i'en feis le dessein. On fait aussi quelquesfois Proserpine avec vne oye en la main comme Pausanias, escripuant du pais de Beotie raconte qu'en certain lieu de ce pais, au bois de Trophonius, vne ieune fille appelée Ercine se iouant avec Proserpine fille de Ceres, se laissa oster de la main maugré elle vne oye, laquelle s'alla cacher en vne petite cauerne de là, sous quelques pierres. Proserpine luy courant soudain apres, la trouua, & luy print, ostât la pierre, sous laquelle l'oye estoit cachée d'où sortirent soudain des eaux viues, qui firent puis apres la riuiera, appelée Ercine, au long du bord de laquelle, estoit vn petit temple, avec la statue d'vne ieune fille qui tenoit en sa main vne oye: & estoit ce temple cy Proserpine, fille de Ceres.

*Proserpine
avec vne
oye.*

NEPTUNE.

NEPTUNE fut celuy des trois freres , auquel
 escheut par sort le royaume des eaux, & pour cela il
 fut nommé le Dieu de la mer , & les anciens le pei-
 gnoient en diuerſes façons, le faiſans tâtoſt tranſquil-
 le, coy & paifible, & tantoſt tout troublé, comme
 on voit en Homere, & Virgile, pourautant que tel-
 le ſe monſtre ſemblablement la mer, en temps diuers.
 Les anciens l'ont auſſi peint quelquesfois avec vne
 fourche en la main droite, ſur ſes pieds, en vne grâde
 coquille de mer , laquelle luy fert de chariot trayné
 par des cheuaux , leſquels de la moitié du corps en
 bas eſtoient poiſſons , ainſi que le Poëte Stace Papi-
 nie les deſcript. Par fois auſſi ils l'ont veſtu , luy me-
 ant à l'entour vn drapeau de couleur celeſte , com-
 me dit Furnut , qui repreſente la couleur de la mer.
 Et Lucian en ſes ſacrifices le feint auoir les cheueux
 pareillement azurez, & noirs auſſi, combien que Ser-
 uie dit, qu'entre les anciens, tous les Dieux de la mer
 ſtoiēt faiſts, avec cheueux chenus & blancs, & vieux
 pour la plus part, comme ainſi ſoit que leurs teſtes
 blanchiſſent pour cauſe de l'eſcume de la mer. A
 riſtoſon dequoy quand Philoſtrate vient à peindre *Glauco.*
 Glauque , qui fut ſemblablement Dieu de la mer , il
 dit qu'il a la barbe blanche; toute mouillée, & molle,
 & auſſi ſes cheueux baignez ſont eſpandus ſur ſes
 ſpauls , ſes ſourcils ſont eſpes & ioints enſemble,
 & en hauſſant le bras il tranche les ondes , & les
 rend aiſées pour nager, la poitrine eſt toute chargée

de poil, qui est comme laine verte, & de mousse de mer: & le ventre se va changeant petit à petit, en sorte que le reste du corps, comme les cuisses, & iambes, deuiennent poisson, lequel se monstre avec la queue haute, hors de la mer. Et quand Ouide luy fait reciter, à Scylle son amoureuse, comment de pêcheur il estoit deuenu Dieu de la mer, apres auoir gousté certaine herbe, qu'il meut à se ietter en la mer, il fait pareillement qu'il descript son image en ceste sorte.

*Soudain ie vei ma face estre couuerte
Incontinent d'une grand' barbe verte,
Puis i'eu les crins par tout le corps espars,
Qui sont trainez par mer de toutes parts:
Mes bras ont eu la couleur azurée,
Espaules ont grandeur desmesurée,
Et le surplus en Poisson se transforme.*

*La fourche
à trois dents
& ce qu'elle
signifie.*

Le mesme Philostrate dit en apres de Neptune, qu'il va tranquille, & paisible par la mer sur vne grande coquille, tiree, par des Ballaines, & par des cheuaux marins, & luy donne à la main, la fourche à trois dents, laquelle aucuns dient que signifie, les trois goulphes de la mer mediteranee qui viennent du grand Ocean: & autres veulent qu'ils signifient les trois natures des eaux: car celles des fontaines & des riuieres sont douces, celles de la mer sont salees & ameres, & celles des laqs ne sont nō seulement ameres, mais aussi elles ne sont point agreables à la bouche. Dauantage il luy baille vne trompe retortillée faite d'une coquille de mer, laquelle portent aussi

toufiours

touſiours les Tritons. Ceux cy furent mis par les anciens entre les Dieux de la mer, & acompagnent Neptune quaſi touſiours : lequel ils eſtimoient eſtre pere de Triton, & l'auoir engendré de ne ſçay qu'elle Amphitride, comme auſſi ils ont dit que Triton eſtoit le trompette de ce grand Roy des eaues, ſuiuant ce qu'en dit Virgile deſcriuant ſa figure ainſi :

Les Tritos.

*Celuy eſtoit porté d'un Triton effroyable,
Lequel va eſtonnant la mer eſpouuentable
Du ſon d'une coquille: & ceſtuy ſe monſtroit
En nouant tout velu iuſqu'au front, & portoit
Le viſage d'un homme, & au deſſous il porte
La forme d'un Dauphin, murmurant de tel ſorte,
Que l'onde deſſous luy alloit rebouillonant,
Et la mer apres luy on voyoit flotelant.*

Et le Poëte Stace dit que deux Tritons vont touſiours quand & Neptune ioute les frains eſcumeux de ſes fiers cheuaux, & nouent, & font ſigne aux ondes qu'elles ayent à s'appaiſer, & deuenir calmes. Les fables dient que les Tritons ſont les trompettes & généraux de la mer : & pource portent ils à la main la coquille retortillée, avec laquelle ils font vn terrible ſon. Dont Hygin eſcript que quand les Geans combattoient avec les Dieux du ciel, vint vn Triton avec ſa coquille ſonante, qu'il auoit trouué vn peu au parauant, faiſant d'icelle vn bruit ſi terrible & eſpouuentable, que les Geans ne le pouans ſuporter, s'en ſuiuent tous. Et eſtoient ces animaux, qu'il me ſemble pluſtoſt deuoir eſtre nommez Tritos que Dieux ou hommes, en forme humaine dez le ventre en haut,

*Hommes
marins.*

& finissoient en forme de poisson tirans au bas. Laquelle double forme, comme dient aucuns, signifioit la double vertu de l'eau, d'autant que quelquefois elle profite, & quelquesfois nuit grandement. Si est ce pourtāt que le fait des Tritōs n'est pas chose du tout feinte par les Poētes. Car les histoires recitent que veritablement il y a des hommes de mer, qui sont moitie poisson. Et escript Pline que du tēps de l'Empereur Tibere, vindrent à Rome des ambassadeurs enuoyés expressement de Lisbonne, terre principale de Portugal, pour dire qu'au riuage de leur mer on auoit ouy vn Triton sonner sa trōpe de coquille: & que plusieurs l'auoient veu. Alexandre le Napolitain recite, auoir ouy dire à vn gentil homme de son païs nommé Draconnet Boniface, qui auoit esté à la soulde des Rois d'Espaigne en Afrique contre les Barbares, qu'il y auoit veu vn homme de mer, ou plustost monstre marin, lequel fut porté confit en miel, de Mauritanie en Aphrique, comme chose monstrueuse, & admirable. Et disoit ce Gentilhōme, que cest homme marin auoit le visage d'homme vieil, les cheueux & la barbe herissonnez, & effroyables, la couleur d'eau, & azuree, de grande stature, & excédant celle des hommes, ayant comme des petites ailes cartilagineuses, desquelles il s'aidoit à fendre les flots de la mer, lors qu'il nageoit. Le mesme Alexandre adioust encor qu'il auoit ouy affermer à Theodore Gaza, d'auoir veu estāt au Peloponese vne Nereide qui auoit esté ietee sur le bord de la mer, par vne grande tempeste. Elle estoit asses belle de face,

Nereide.

ayant

ayant forme humaine : mais couuerte despuis le col en bas toute descailles dures. Iusques au nombril & aux cuisses , lesquelles se ioignans ensemble , commençoient à se former à la semblance d'un poisson ou d'une Locuste marine. A cause dequoy ce n'est de merueille que les Poëtes ayent controuué & feint que les Nereides estoient Nymphes tresbelles , lesquelles accompagnoient leurs Dieux , comme l'Océan, Neree leur pere, Neptune , Thetis , Doris , & plusieurs autres , qui montrent les diuerfes qualités, & diuers effects des eaux:& furent adorés par les anciens, comme s'ilz leur pouuoient ayder & nuyre beaucoup. Et combien qu'il y aye eu plusieurs Nereides , dont Hesiodé en compte cinquante , & les nomme toutes. Neantmoins ie diray seulement d'une, qui est Galatee, ainsi appelée, à cause de la blancheur, representant en elle paraenture , l'escume de l'eau. Pour laquelle cause Hesiodé luy fait auoir des cheveux blancs, & le visage comme de lait. Quand Polypheme le Cyclope qui en estoit amoureux, la veut louer ; en Ouide, il l'appelle plus blanche que la fleur du plus blanc Trœfne:& le docte Poëte Baif luy fait aussi chanter les beautez de ceste Nymphé, & descouurir ses passions en ceste sorte:

O belle Nymphé, ô blanche Galatee,

O trop de moy par amour souhaitée,

Belle, pourquoy me viens tu reboutant

De ton amour, moy, moy qui t'ayme tant?

Plus que les lys, ô Nymphé tu es blanche,

Ton teint plus frais que la pomme plus franche,

Plus

*Plus delicate est ta douillete chair,
 Que le poussin frais esclos à toucher:
 Plus esclatant luyt ta beauté fleurie,
 Q'au beau printemps la diuerse prairie:
 Bien plus lascif est ton maintien folet,
 Que le gay bond d'un aigneau tendrelet:
 Et ton œil vif la belle estoille efface:
 Voire diray que ta grand' douceur passe
 Le raisin meur, si tu me veux aymer:
 Sinon, sinon, plus fiere que la mer,
 La fiere mer, où tu fais ta demeure.
 Plus rude encor que la grappe non meure,
 Et plus cruelle en ta brute beauté,
 Que des Lyons la fiere cruauté.
 Moins que ces rocs de mes larmes ployable,
 Plus que cest eau trompeuse & variable:
 Et ce qui plus me nuyt que ton desdain,
 Deuant mes pas plus fuyarde qu'un Dain. &c.*

Et Philostrate en vn tableau, du mesme Cyclope,
 fait que Galatee s'en va par mer tranquille & douce,
 sus vn chariot tiré par des Dauphins, qui sont gou-
 uernés & guidés par aucunes filles de Triton, qui
 demeurent autour de la belle Nymphé, prestes tous-
 iours à la seruir, & elle haussant ses beaux bras, estéd
 vn drapeau de couleur de pourpre, au plaissant &
 gracieux vêt de Zephyre, pour couvrir le chariot &
 se faire ombrage. Ses cheueux ne sôt point espars au
 vent: car estans mouillez ils demeurent en partie sur
 sa luyfante face, & en partie sur ses blanches espau-
 les. Je ne laisseray de dire aussi, ce que pour chose
 vraye

vraye le mesme Alexandre recite, comme chose aduenue, iadis au pays d'Albanie: qu'un Triton (ou autrement homme marin) estant en vne cauerne, au bord de la mer, ayant veu qu'une femme alloit sur la mer non gueres loing de là, demeura tant à la guetter qu'au despourueu il luy sauta aux espaules; si soudain, qu'elle ne l'aperceut point, & l'ayant prinse par force, il la tira avec luy dans l'eau. A cause dequoy il fut si bien espié par les gés de ce pays, qu'en fin ilz le prindrent, mais estant tiré hors des eaux, il ne vescuquit gueres apres. Quand Pausanias escript du pays de Beotie, il depeint ainsi les Tritons: Ils ont les crins semblables au bassinet d'eau ou grenoille aquatique, quant à la couleur, mais l'un poil ne se peut discerner d'avec l'autre, & sont tissus ensemble, cōme des feuilles de persil: & le corps est tout couuert d'escaille menue, aspre & dure: ilz ont les nageoires, ou ailes sous les oreilles, le nés d'homme, la bouche beaucoup plus large qu'un homme, les dents comme les Pantheres, & les yeux de couleur verdoyante. Les loicts des mains, & les ongles sont comme le dos des coquilles, & ont en la poitrine & au ventre, comme les Dauphins, aucunes ailes en lieu de pieds. De ceux cy & des Nereides, les Syrenes ne sont pas fort differētes: car les fables diēt, qu'elles ont semblablement le visage de femme, & le reste du corps, horsmis que depuis le milieu en bas, elles sont poissons, & aucuns les font avec les ailes, y adioustās les pieds de coq, & dient qu'elles furent trois filles d'Acheoe, & de Calliope la Muse, ou comme aucuns ven-

*Tritons.**Syrenes.*

lent, de Sterope, fille de Portion, l'une desquelles chantoit, l'autre sonnoit du flaiollet, ou de la flutte & la troisieme de la lyre, & toutes ensemble faisoient vn accord si doux, & rendoient vne harmonie si plaisante q̃ bien aisement elles attiroient les miserables passans à leurs nauires, se rampans en certains escueils & rochers de la Sicile où elles habitoient. Mais se voyas



mesprisees par l'ingenieux & plus que fin Vlyffes, lequel passant par là, & trauerfant ceste coste de mer, se fit lier & attacher au mast & arbre de la nef, & fit boucher les oreilles de ses compagnons avec de la cire, à fin qu'ils ne les ouissent: elles se ietterent en la mer comme desesperées, & parauēture fut ce lors, qu'elles deuindrent poisson du milieu en bas, & ainsi furēt faites demy poissons & demy femmes. Leurs noms estoient, Aglaopheme, Thelexiepia, Pisione, & Ligia: comme recite le commentateur d'Homere, ou autrement selon les autres Partenope, Ligia & Leucasta. Elles sont descriptes en vn Epigramme attribué à Virgile, duquel voicy la substance:

*Le doux chanter des Syrenes legeres
Souloit causer maintes tristes miseres.
Leur voix plaisante & leur muse exprimoit
Tous les chants doux qu'une Thymele aimoit:
Tout ce qu'on oit à la trompette dire
Et au clairon, tout cela que la lyre
Est resonnant, & le lutz sonnant-doux,
Ce que la fleute esband par mille trous,
Gaillardement, le complaignant ramage
Dont Philomele emplit tout vn bocage:
Cela que chante approchant de la mort
Le Cygne blanc sus vn humide bort,
Cela que dit l'agreste chalumelle,
Et du pipeau la chanson gaye & belle.
Ell's attiroient les nautonniers peu caus
Au resonner de leurs chants doux & beaux,
Les submergeant malignes & moqueuses,*

*Dans le profond des ondes fluctueuses,
 Par vn moyen qu'Vlyſſe ſceut trouuer,
 Il peut les ſiens d'un tel danger ſauluer.
 Il leur boucha les oreilles de cyre,
 Pour empeſcher que le ſon de leur Lyre
 Trompeuſement doux ne les vinſt toucher,
 Et cault ſe fait à vn maſt attacher.
 Ainſi ſa flotte eſchappa des riuages
 Mal aſſez, les perilleux naufrages:
 Ce que voyant ces monſtres deſpitez,
 Dedans les flots marins ſe ſont iettez.
 Voila comment d'un homme la prudence
 Bien faconné, par longue experience
 Peuſt apporter à ces monſtres en fin
 Qui chantoient doux, tresmiſerable fin.*

Seruie ne les fait pas comme poiſſons, ains comme
 oiſeaux ez parties d'embaſ, qui ne ſont point de fem-
 me, comme auſſi fait Ouide, lequel quand il recite,
 qu'elles eſtoient compagnes de Proſerpine, & que
 quand elle fut rauie par Pluton, elles ſe changerent
 en tels animaux qu'elles auoient le viſage, & mam-
 melles de femme, au demeurant du corps eſtoient
 oiſeaux. Suidas recite ſemblablement que la fiction
 des fables Grecques faiſoit les Syrenes oiſeaux, avec
 beau viſage de femme, & neâtmoins chantoient fort
 bien: mais qu'à la verité ce furent certains eſcueils &
 rochers, entre leſquels les ondes de la mer faiſoient
 vn murmure & bruit ſi doux, que les paſſants attirés
 de la douceur du ſon, paſſoient par là avec grand
 plaifir, mais y periſſoiēt miſerablēmēt. Quand Plinie
 parle

parle des oiseaux fabuleux, il dit que lon estimoit que les oiseaux nommés Syrenes, fussent aux Indes, lesquels chantans fort doucement, faisoient endormir ceux qui les escoutoient, & apres les deuoroïent. Mais soit que les Sirenes fussent poissons ou oiseaux, comme i'ay dit, suffit que c'est chose du tout sainte: pour ceste cause aucuns veulent que par elles soit signifiée la beauté, les allechemēts, la lasciueté, le fard & la tromperie des putains, & que ce fut chose feinte que par leur chant elles endormissent les passans, en aprochant de leurs nauirés. Car ainti en aduient il à ces miserables, lesquels vaincus par les plaisirs & delices qu'ils prennent avec les femmes auares, & larronneſſes non moins des cœurs que des bourses, bouchent les yeux de l'entendement, en sorte qu'ils sont en apres la riche proye d'icelles quelles deuorent. Pour ceste cause dit Boccace, que les anciens peignoiēt les Syrenes, dans des prez verdoyāns, où par tout sont semez & espars des ossemens de corps morts, comme voulans monſtrer par cela, la ruïne, & la mort qui accompagne, ou bien s'ensuit apres les plaisirs deshonneſtes & lascifs. Car meſmes en Virgile les escueils & rochers des Syrenes, sont emblablement descripts, quasi tous couuerts d'ossemens de morts, & grandement difficiles & perilleux. Mais Xenophon au cōtraire a voulu, que les Syrenes oyent chose plaisante, & vertueuse, pource qu'en ecitāt les dits & les faits de Socrates, il eſcript qu'elles chantoient seulement les louanges veritables, de ceux qui en estoient dignes, en louant leurs vertus.

Scylla.

Et que pour ceste cause en Homere elles chanterent d'Ulysses qu'il estoit digne d'estre grandement loué pourautāt que c'estoit l'ornemēt de tous les Grecs & que ceux cy estoient les enchantemens & la douce melodie, par laquelle elles attiroient les hommes vertueux, lesquels voyans louer & priser la vertu qu'ils ayment tant, cherchent de s'approcher tousiours d'elle de plus en plus, & volontiers vont apres & suyuent le doux chant de celuy qui celebre telles louanges. Et pour ceste cause parauenture fut il (comme escript Aristote, des choses merueilleuses du monde) qu'en certaines isles appellées des Syrenes, situées aux confins de l'Italie, qu'elles eurent des temples, & autels, & furent adorées par ces gents là, avec grande solennité. Maintenant retournōs à Neptune, car combien qu'en la mer y ait des autres monstres maints & variables, & feints par le Poëtes, comme Homere feint de Scylla, laquelle demouroit en vn antre ou cauerne obscure, & espouuantable, & avec terrible vrlement faisoit retētir toute la mer & ce monstre auoit douze pieds, & six cols, & autant de testes, & chascune bouche auoit trois reings de dents, desquelles sembloit distiller continuellement poison mortelle, & hors de ladicte cauerne elle presentoit souuent en la mer les testes espouuantables, regardant si aucune nauire passoit par là, pour faire miserable proye des passants comme desia elle auoit fait des compagnons d'Ulysses, desquels elle print & deuora si grād nombre, comme elle auoit de bouches. Et quand Virgile fait que Helenus monstre à

Enee

Enne le chemin qu'il doit tenir pour passer seurement en Italie, il luy fait dire, qu'il se garde de deux monstres cruels & espouuantables à quiconque passe le destroit de la Sicile, dont l'un est Charybdis, lequel engloutit & engoulphe, miserablement les nauires, les tirāt quasi au plus profond, & par apres les ieicte estans chassez par les ondes furieuses qui les auissent quasi iusques au ciel. Les fables recitēt que este cy fut vne femme tref-auare, & rauissante, qui esroba les bœufs d'Hercule, à cause dequoy elle fut foudroyee par Iupiter, & estant ietee en la mer, leuint vn escueil, ou vn rocher, qui à tousiours gardé son premier naturel d'estre rauissant. L'autre monstre est Scylla, qui demeure caché en vne caverne horrible, met souuent la teste dehors pour voir quelque nauire passe, à celle fin d'en faire proye cruelle. Ce monstre a regard & visage de belle ieune femme, iusques sous la ceinture, puis les autres membres sont comme de loups & de chiens ioins ensemble, avec queue de dauphins, qui font retentir par tout là horribles vrlemens. Et telle deuint la miserable Scylla qui fut iadis vne belle Nymphē, ainsi hāgée pour cause de la ialousie de Circe, de laquelle Glauque estoit amoureux, lequel ne l'aymoit pas, mais bien Scylla, dont la terrible enchanteresse, resandit ses ius & poisons enforcillées là où la belle Nymphē s'en alloit lauer souuent, & la fit demeurer comme ie l'ay depeinte. Mais ne pouuant la pauvre Scylla endurer l'espouuantement des animaux qui y estoient suruenus à lentour, elle s'en alla precipiter en

ter en la mer, & là demeura l'horrible monstre, que
i'ay dit, qui fut lors trāsformé en rocher, ainsi qu'O.
uide descript au long, en sa Metamorphose:

*Empoisonné ce lac fut par Circé,
D'aigre poison longuement exercé.
Puis elle iette en l'eau de toutes parts
Mainte racine avec Venins espars:
Et par trois fois, neuf fois elle s'applique,
De prononcer de sa bouche magique
Vn charme obscur, troublant l'eau claire & belle:
A l'impourueu vient Scylla la pucelle,
Et ia en l'eau descend à demy ventre,
Quand elle void maint Chien cruel qui entre
Dedans son corps, & mort en aboyant.
Scylla soudain, qui pas ne va croyant
Ces monstres là, qui sont conioincts à elle,
Estre vne part de sa masse charnelle:
Les chasse & fuit en merueilleuse crainte
D'estre des dents de ces monstres atteinte.
Mais ces Chiens là qu'elle fuyr desire,
Avec son corps elle porte & attire,
Des cuysses, pieds, & genoux les parties
En Chiens cruels sont esté conuerties.*

Et vn peu apres:

*Puis recordant de Circé les excez,
Des compaignons elle priue Ulysses,
Voire ell'eust peu par les cruautez siennes
Entierement perdre les naufs Troyennes,
Si elle n'eust (en changeant de figure)
Esté rocher massif de pierre dure.*

*On voit encor aujour d'huy ce rocher
Dont les Nôchers craignent fort d'approcher.*

Les fables en ceste sorte ont voulu, avec quelque plaisir, & gaillardise declarer la nature de ces escueils & rochers dangereux. Combien donques dy-ie, que dans la mer y a d'autres monstres, à moy pourtant ne conuient parler de tous: mais seulement d'aucuns qui furent mis par les anciens au nombre des Dieux, ou adioustez en la compagnie d'iceux: comme furent les Nymphes de la mer, & les Tritons desquels i'ay desia fait mention, d'autant q̃ ceux cy accôpagnoïēt Neptune. Quant aux Nereides, Platō escrit qu'elles estoient cent en nombre, assises chacune sur vn dauphin, quād il desseigne ce grand & merueilleux temple, lequel estoit par les Atlantiques consacré à ce Dieu, qui demouroit là sus vn chariot, tenant avec la main les brides des cheuaux ailez, & estoit si grand, qu'il touchoit de la teste le toict ou couuert du temple, combien qu'il fut fort haut. On voit aussi vne bōne partie de la compagnie de Neptune en vn sien temple, au pays de Corinthe, comme recite Pausanias. Car luy avec Amphitrite sa femme estoit sur vn chariot, là où estoit aussi Palemon petit enfant, appuyé sur vn dauphin, & quatre cheuaux tiroient le chariot, & aux coustéz d'iceux estoïēt deux Tritons. Au milieu de la base qui soubstenoit le chariot, estoit engrauee la mer, & Venus qui en sortoit dehors, accompagnée de fort belles Nereides. Palemō fut entre les Grecs celuy que les Latins appellerent *Portunus*, Dieu des ports, auquel sacrifioient les ma-

riniers, reuenus au port en sauueté: & pour ceste cause il va aussi avec Neptune, qui est le Dieu vniuersel de la mer au temple duquel en Aegypte fut aussi adoré Canope, iadis nocher de Menelae, qui fut puis après mis au nombre des estoilles. L'image de cestuy cy estoit là, grosse, courte, & quasi toute ronde avec le col tortu, & les iâbes fort petites & courtes. L'oc-



casion de telle figure fut, pource que ceux de Perse alloiēt en procesion portans le Dieu Feu, qui estoit principalement adoré par eux, & mettoient à neant tous les autres Dieux, de quelque matiere qu'ils fussent, aupres desquels ils l'aprochoient, pour voir lequel d'eux auoit plus de force, & le prestre ou sacrificateur de Canope pour ne laysser ruiner le sien, print le vaisseau appelé hydrie, avec laquelle ilz purgeoient l'eau du fleuve du Nil, & apres auoir bien bouché, avec cire, tous les trous qui estoient à l'étour, le remplit d'eau, & l'ayant mis sur la teste du Dieu Canope, le peignit & accoutra en sorte qu'il sembloit estre le simulachre de ce Dieu, puis le mit à l'espreuve avec ce Dieu Feu, lequel fit fondre la cire, à cause dequoy les trous s'ouurerent, & l'eau en sortit, qui esteignit le feu, & pour ceste cause le Dieu Canope eut victoire contre le Dieu des Persans, comme tesmoigne Suidas. Et fut en apres ce simulachre fait en la forme que j'ay dit, & comme lon peut voir en vne medalle ancienne d'Antonin Pie. On lit aussi que les Dauphins furent plus aimez par Neptune, que tous les autres poissons. C'est pourquoy Hygin script, qu'en toutes ses statues ils en mettoient vn à la main ou sous le pied, pource, par auenture, que selon Elyan, les Dauphins sont les rois des poissons, comme les Lyons sont les rois de bestes sauuages, & les Aigles, des oiseaux. Martian aux nopces de Philologie, veut que Neptune y soit, & le descript tout verdoyant, comme l'eau de la mer, avec une couronne blanche sur la teste, qui represente

l'escume, laquelle font les ondes de la mer estant agitées. De mesmes fit aussi Pallas quand elle tissoit la toile, & auoit debat avec Arachne, cōme dit Ouide, là où elle mit pareillement sur la toile le proces qu'elle eut contre Neptune, pour cause de la ville d'Athenes, pardeuant les douze Dieux, comme dit Ouide:

*Et tout debout Neptune est euident,
Qui vn rocher frape de son trident,
Dont vn cheual sort superbe & adroit,
Cuydant ainsi auoir le meilleur droit
D'imposer nom à la ville nouvelle.*

En outre Neptune est dict vieillard à cause de l'escume de la mer, qui est semblable à poil blanc, ou plustost parce que beaucoup d'anciens, comme Thales le Milesiē, ont dit l'eau estre principe de toutes choses. Dont Pindare dit n'y auoir rien de meilleur que l'eau, ἄριστον μὲν ὕδωρ. D'auantage, Virgile au cōmencement de sa bucolique ou agriculture, dit que Neptune frappāt la terre avec son Trident, en fait sorti vn cheual: ce que Seruie veut auoir esté feint, pour monstrier par cest animal, le mouuement soudain, & frequent des eaues de la mer. Et pource il fut aussi dit, que les cheuaux estoient sous la garde de Castor & Pollux, pource que leurs estoilles ont vn mouuement fort soudain & hastif. Autres ont dit que l'inuention du cheual fut attribuée à Neptune, pour cause que cest animal ayme la plaine, & les lieux ouuerts & spacieux fort bien representez par la mer. Le mesme Seruie au lieu où Virgile fait que Turnus desploye

desploye & met aux champs les estendars pour la guerre, contre Enee, dit que les Romains en mettoient pareillement deux en certain temps: dont l'un estoit rouge, pour les gents de pied: & l'autre bleu celeste, pour ceux de cheual, pourautant que ceste couleur estoit celle de la mer, & que le Dieu de la mer fut l'inventeur du cheual. Diodore escript, que Neptune fut le premier qui dompta les cheuaux, & qui enseigna l'art de cheuaucher: & pour ceste cause luy fut donné le nom de Equestris, c'est à dire cheuauteur, comme escript Pausanias, lequel dit que pour ceste cause Homere descripuant le ieu de la course des cheuaux, introduit Menelaë, qui fait iurer par le Dieu Neptune qu'il ne s'y fera aucune fraude, & y adiouste que le surnom d'Equestris, ou cheuauteur, en ce Dieu, est plus notable, que tous les autres, parce qu'il est commun à toutes nations. D'où vint aussi parauenture que les Romains establirent & celebrerent les ieux Circesies, esquels ils faisoient courir les cheuaux en l'honneur de Neptune: & la feste estoit appelée Consuale, qui fut celle, comme Liue escript, que Romule fit celebrer quand il rauit les femmes Sabines. Car comme Plutarque recite, l'auoit desia trouué là sous terre vn autel, où fut vn Dieu appelé Conse, soit pource qu'on estimoit qu'il donnoit conseil aux autres, ou pource qu'il faut que le conseil des grandes affaires soit secret, & caché: & pour ceste cause aussi cest autel ne s'ouuroit iamais, excepté au temps de la feste que j'ay dit des ieux Circesies, ce qui fit croire que le Dieu Conse

fut Neptune, duquel suffira auoir fait ce petit traicté & deſſein. Car ie n'ay point encores trouué aucun ſimulachre de luy. Toutesſois qu'il ſoit vray que les cheuaux appartiennent à Neptune, appert de ce qu'eſcript Pausanias, qu'en vn certain lieu en Grece, là où les cheuaux couroient, y auoit d'vn coſté de la courſe, vn autel tout rond, où ilz adoroient Tarasippe, ainſi nômé de la peur qu'il mettoit aux cheuaux, leſquels eſtant arriués à ceſt autel, s'eſpouuantoient ſoudain, tellemēt, qu'ilz faiſoient des choſes les plus eſtranges du monde, non ſans grand dommage & danger de ceux qui les gardoient: & que pour ceſte cauſe ilz auoient touſiours couſtume d'aller à l'autel du Dieu Tarasippe, deuât q̄ ſe mettre à courir, & meſme le prioient auec certaines ceremonies & veuz, à fin qu'il voulut eſtre benin, doux, & playſât à eux & à leurs cheuaux. Pausanias en apres recite pluſieurs opiniōs de ceſtuy cy, pour faire ſçauoir qui il eſtoit, mais ſur toutes il ſe reſout de croire, que la plus veritable eſt, que ce Tarasippe fut vn furnō de Neptune, Equeſtre, pource que la premiere origine des cheuaux vint de luy: car on lit auſſi que Iunon eut en don deux cheuaux de luy, leſquels elle donna puis apres à Caſtor & Pollux. A quoy s'accorde que la Deceſſe Ops monſtra à Saturne qu'elle auoit fait vn petit cheual, quand elle enfanta Neptune, ce que Feſte met entre les raiſons qu'il rend pour monſtrer la cauſe pourquoy Neptune fut appellé Equeſtris: & dit que pour ceſte cauſe au pays d'Illyrie ou Sclauonie, de neuf en neuf ans, on iettoit quatre cheuaux

aux dās la mer à Neptune. Et aucuns ont ausſi voulu dire que le cheual eſt propre à ceſtuy cy, & luy conuient, pource que la mer nous apporte de tous coſtés les choſes neceſſaires, cōme font les cheuaux. À ceſte occaſion Philoſtrate. quand il depeint deux petites iſles, leſquelles auoient ſeulement vne place, cōmune entre elles, là où l'vne portoit tout ce qu'el-



le pou

le pouuoit cueillir aux champs cultiuez , & l'autre ce qu'elle alloit defrobāt & rauissant par la mer : dit que là fut dressée vne statue ou Idole à Neptune, avec le foc, & le chariot, comme à vn qui laboure la terre: ce luy qui feit ceste image, voulant demonstrier par cela que les gents de ces Isles recognoissoient aussi auoir de luy ce que mesmes prouient de la terre. Mais afin aussi qu'il ne semblast l'auoir fait seulement terrestre, il adiousta au foc vne prouë de nauire, en sorte qu'il sembloit que Neptune nauigeant labourast la terre. Dauantage les Eleens peuple de la Grece, eurent vne statue, ainsi que Pausanias escrit, d'un ieune homme sans barbe, qui tenoit vn pied sur l'autre, & demeuroit avec les deux mains appuyées sur vne pique: & ceste idole estoit vestue par celuy qui en auoit charge, en certain temps tantost de lin, tantost de laine. Ceste statue fut estimée estre de Neptune: car estant portée en ce lieu de quelque autre endroit de la Grece, elle fut tenue en tres grande reuerance par tout le pays, combien qu'elle n'estoit pas nommée Neptune, ains Satrape. Lon voit aussi deux medalles antiques, l'une de Vespasian, l'autre d'Adrian, auxquels est l'image de Neptune, faite en forme d'homme, qui est debout, tout nud, fors que de l'espaule gauche luy pënd vn drapeau, & tient en la main droite vn fouët à trois courroies, tenant aussi le trident avec la gauche. Et en vne autre medalle antique Neptune est tout nud & droit sur ses pieds, tenant la main gauche haute, appuyée sur le trident, présentant avec la droite vn dauphin, & tenant l'un des pieds

su

us vne proue de nauire. En outre les anciens gentils
vuloient que les portes des villes fussent baillées à
unon, les forteresses à Minerue, & les murailles à
Neptune, comme aussi les fondemens, ainsi que dit
seruie, sur Virgile, où il fait que Venus montre à
Enée que la ruine de Troye, ne se pouuoit reparer,
ource que ces Dieux se trauailloient à la mettre
ar terre, vn chascun d'eux ruinant ce qui estoit à
ay:& luy dit ainsi:

*Les fonde-
mēs des for-
teresses de-
diez à Ne-
ptune.*

*La où tu vois ces bastimens d'amont
Iettez en bas, les pierres en vn mont
Se demolir, la poudre tournoyante
Mēlée avec la fumée ondoyante:
Neptune là les murailles abbat,
Du grand Trident tous les fondemens bat,
Et du fin fond ceste cité renuerse.*

our ceste cause il fut appellé des Grecs Enosigee,
ui vaut autant à dire que secoueur, ou esbranleur
e la terre: car ilz veulent que l'espouuantable trem-
lemēt de terre vienne de luy, & soit fait par le mou-
ement des eaues. A cause dequoy ceux de Thessa-
le disoient que Neptune auoit donné licence aux
eux de sortir, à celles di-ie, lesquelles couuroient
remierement tout ce pays, qui estoit enuironné de
hutes montagnes. Car faisant trembler la terre, il fit
ouverture entre les montagnes bien grande à la ri-
tere Penée, comme recite Herodote, disant, qu'il
ly semble que la separation de ces montagnēs n'est
pint venue d'autre occasion, que des tremblements
e terre, & que tous ceux qui sont d'opinion que

Enosigee.

*Tremblement
de terre pro-
cede de Ne-
ptune.*

l'esbranlement de la terre, & les ruynes qui s'en ensuiuent, viennent de Neptune, diront tousiours qu'il aye fait & causé la susdite separation. J'ay dit cecy non qu'il serue beaucoup à l'image de Neptune, mais d'autant qu'il fait assez & beaucoup à desseigner le tremblement de terre. L'image de l'Ocean, qui fut appelé par les anciens le pere de tous les Dieux, ne fut pas fort differente de Neptune, & par lequel ils entendirent non seulement la mer qui enuironne la terre, mais aussi l'vniuerselle puissance de l'eau, laquelle Thales le Milesien vouloit qu'eusse esté le commencement de toutes les choses, comme j'ay ia dit. D'où les fables prindrét occasion d'appeller l'Ocean pere des Dieux: & pour ce le marierent avec Thetis qui fut semblablement Deesse, & enfanta vn grand nombre de Dieux marins, de riuieres, de fontaines & de Nymphes. Et mesmes elle estoit vieille, avec cheueux gris, & toute blanche. à ceste cause les Poëtes luy bailloient souuent le nom de mere, & venerable, & vne telle peut estre mise avec son mary, qui fut depeinct, comme Boccace recite, sur vn chair trempé par les Baleines, sur la spacieuse mer, & les Tritons alloient au deuant, avec les trompettes en main, plusieurs Nymphes l'accompagnoient à l'entour, puis vn grand nombre de bestes marines le suiuiroient souz la garde de Protée, qui en estoit le gardien: lequel estoit pareillement vn des Dieux de la mer, qui predisoit souuent les choses à venir, mais il ne le faisoit pas, s'il n'estoit cōtraint, & taschoit aussi de tromper ceux qui le vouloient forcer, & prendre, se changeant en divers animaux.

geant en diuerſes formes, à fin de leur eſchaper de la main: car il le falloir lier, & le tenir ferré, iuſques à ce qu'il euſt reprins ſa premiere forme, & lors il reſpōdoit à ce qui luy eſtoit demandé. Diodore eſcript d'iceluy, qu'il a eſté eſlu Roy en Egypte, comme le plus ſage, qui ſe trouuaſt à l'heure en ce païs, & experimēté en tous les arts, au moyen deſquels il ſe changoit à ſon plaifir, en diuerſes formes: ce qui ſignifioit parauenture, à l'endroit de ceux de ce païs là, qu'il ſçauoit par ſa grande prudence, ſ'accommoder à toutes choſes. Les Grecs ont voulu que cela ait eſté dit de Protee à cauſe de la couſtume que les Rois d'Egypte auoient, de porter ſur la teſte, pour marque de Roy, quand ils ſe monſtroient en public, ores le deuant d'un Lion, ores d'un taureau, ores d'un ſerpent: aucuneſois un arbre, ou quelque plante, & aucuneſois vne flamme de feu, à fin que par ce moyen ils fuſſent plus remarquables. Les Grecs donques ont feint que Protee ſe changeoit en diuerſes formes, ainſi que la marque Royale changeoit. On lit auſſi qu'il eſtoit Seigneur en l'iſle Carpate, de laquelle eſt ſurnommée la mer Carpatienne, deuers l'Egypte: & pource qu'en ceſte mer ſe trouue un grand nombre de veaux marins, d'autāt qu'ils ont les parties de deuant avec du cuir & peau de veau, & d'autres ſemblables beſtes, l'on a feint que Protee eſtoit, comme j'ay dict, berger & garde des troupeaux de l'Ocean. Duquel auſſi a eſté dictē fille Eurynome: car Homere la faiēt accompagner Thetis, quand elle va trouuer Vulcan, combien que quelqu'un ha mieux aymé

*Protee en
diuerſes for
mes, &
pourquoy.*

*Berger des
troupeaux
marins.*

l'estimer estre Diane, comme Pausanias dit, laquelle néanmoins n'est aucunement conforme à sa figure, dont le dessus estoit en forme d'une femme, & le dessous, d'un poisson lié à trauers, avec chaines d'or. Ceste estoit vne certaine Deesse adorée en Arcadie, par les Phigalesiens en vn temple qu'ils tenoient tressaint, lequel ils n'ouuroient qu'un certain iour de l'an, & lors ils celebroident la feste solennelle, & faisoient plusieurs sacrifices en public & en particulier. Ce qui me fait souuenir d'une certaine autre Deesse fabuleuse, comme Plin l'appelle, que les anciens appelloient Dercete, de laquelle la forme estoit aussi entierement d'un poisson, excepté la teste, qui estoit d'une femme. Diodore escript qu'elle fut la premiere Nymphe, & que deuenue enceinte, sans onques sçauoir de qui, elle enfanta Semiramis, avec vne grande indignation & creuecœur d'auoir perdu sa virginité: à raison dequoy, s'estant iettée en vn certain lac de Syrie, elle fut puis apres adorée comme Deesse, par ceux de ce pays, en la forme que j'ay dict, lesquels, pour chose du monde, n'eussent voulu depuis manger aucun poisson de ce lac, estimans qu'ils estoient tous consacrez à icelle. Mais retournant à l'Ocean, pour declarer le demourant de son image, le charmonstre qu'il va entour la terre, de laquelle la rondeur est montrée par les rouës, & les Baleines li tirent, pource qu'elles courent toute la mer, comme les eaux d'icelle environnent toute la terre, & mesmes espandues par dedans, en occupent la plus grande partie. Les Nymphes puis apres veulent signifie

les propriétés des eaux & les diuers accidés que l'on
 void souuent d'icelles : lesquelles furent entendues
 par les anciens, non seulement souz le nom de l'O-
 cean, de Neptune, de Thetis, de Doride, d'Amphi-
 trite, & des autres Dieux de la mer, mais aussi d'A-
 chélous : combien qu'aucuns veulent dire que ceux
 la signifioient la nature des eaux salées, & par cestuy,



Les Vents.

s'entendoit la nature des douces, comme celles des riuieres, que les anciens adoroient aufsi, & faisoient en forme humaine. Mais deuant que i'en parle, ie veux desseigner les vents: car ayant parlé de la mer, où ils monstrent parauanture mieux leurs forces, qu'en autre lieu, il me semble raisonnable d'en traiter en cest endroit. Et combien qu'ils n'eussent pas esté mal avec Iunon, qui demonstre l'air, pource que les Philosophes naturels veulent que le vent ne soit autre chose que l'air meu avec force: à raison dequoy Eole, Dieu des vents, respond ainsi à Iunon, quand elle le pria, en Virgile, de troubler la mer, par vne tresgrande tempeste, à fin de perdre les Troyens qui nauigeoyent en Italie,

*Tu m'as acquis ce que i'ay de puissance,
Que ce Royaume & sceptre ie possède,
Qu'en grace suis de Iupiter, procede
De ton seul bien: c'est toy (à bres parler)
Qui aux banquets des Dieux me fais aller.*

Ce neantmoins ne sera hors de propos maintenant d'en dire ce que i'en ay trouué escript, veu que les anciens les ont adoré comme Dieux, & leur ont fait sacrifice, ou pource qu'ils auoiét desia esté, ou pource qu'ils deuoient estre fauorables à l'aduenir. Ils les depaignoient avec des ailes, le chef hideux, les iouës enflées, comme soufflans avec grande force, & selon puis apres que les effects d'iceux sont diuers, pource qu'aucuns amassent les nues, & font les pluyes, aucuns les chassent, & monstrent leur pouuoir en plusieurs autres manieres, les Poëtes les ont descripts diues

diuerſement. Et combien que l'on faſſe mention de pluſieurs, il n'y en a que quatre principaux, qui ſoufflent des quatre parties du monde, chacun de ſon coſté, comme Ouide les a deſſeignez en ſa premiere diuiſion de l'vniuers. Mais il s'eſt trouué auſſi, ſelon Strabon, qui a voulu dire qu'il n'y en a pas plus de deux: l'un dict Aquilon & Boreas, qui ſouffle du Septentrion, lequel Pauſanias eſcript auoir eſté graué d'un coſté du coffre de Cipſelle, au temple de Iunon, par les Eleens en Grece, qui rauifſoit Orithie, comme les fables faignent: il ne dit pas cōme il eſtoit faiſt, ſinon qu'au lieu de pieds, il auoit des queuës de ſerpents: mais pource qu'il faiſt grand froid, par ſon ſouffler, qu'il cauſe les neiges & endurecit la glace, on luy fait la barbe, les cheueux & toutes les ailes couuertes de neige. L'autre eſt dit Auſter, ou autrement, Notus, qui vient des parties du Midy: & pource que par ſon haleine, il ameine le plus ſouuent les pluyes, Ouide le deſcrit ainſi:

Vents principaux.

Boreas.

Notus.

*L'humide Auſter à l'opposite alla
Vers le Midy, & ſouffle encores là,
En amenant la neige aſſiduele,
Pareillement pluye continuelle.*

Des quatre que j'ay dict, le troiſieme eſt appellé Eurus, qui ſouffle des parties d'Orient: on le fait tout noir, à cauſe des Aethiopiens, qui ſont au leuât, d'ou il prend ſon origine. Et pource que ſi le Soleil, quād il ſe couche, eſt rouge & enflammé, eſt demonſtré que ce vent ſoufflera le lendemain, comme Virgile eſcript, on luy fait vn Soleil ainſi enflammé ſur la teſte.

teste. Le quatrième, qui est doux vient de l'Occidēt, & est appelé Zephyre, lequel pare la terre de verdure, au printemps, & fait florir les prez verdoyans. Et *Flore.* pour ceste cause, les fables l'ont fait le mary de Florel, que les anciens adoroient comme Deesse des fleurs, de laquelle l'image estoit d'une belle Nymphe: (& pourtant quand elle raconté elle mesme à Ouide, l'occasion de ses festes, elle luy dit ainsi de sa beauté)

*Moderne ne vous dy, si j'ay point esté belle,
Il suffit de scauoir que j'ay bien esté telle
Qu'un Dieu n'a dedaigné, seulement pour m'auoir,
Estre gendré à ma mere)*

Zephyre.

avec vne ghirlande sur la teste, de diuerses fleurs, & vne robbe peinte de fleurs, de couleurs diuerses: car l'on dit qu'il y a peu de couleurs, desquelles la terre ne se pare, quand elle florit. Philostrate depaint Zephyre en ceste maniere. Il en fait vn Iouuëceau avec vn beau visage, les ailes aux espauls, & sur la teste vne ghirlande de belles & gentilles fleurs. Je ne parleray dauantage des vents, mais ie retourneray aux riuieres, & fleuues que les anciens ont pareillement estimé Dieux, ou Deitez, comme l'on voudra les appeller, lesquels ils inuocoyent avec voëuz solennelz, & leur faisoient sacrifice, aussi bien qu'aux autres, ils leur offroient de leurs cheueux, qu'ils se coupoient à ceste occasion, par vne certaine ceremonie, & tous les Grecs le faisoient par vne ancienne coutume, comme Pausanias dit: ce qui se peut recueillir d'Homere, quand il dit que Pelée fait voëu au fleu-



çauoir avec les cornes, pource qu'ils sont, dit-il,
 rieux comme toreaux. D'auantage, les anciens
 ouronnoient les fleues de cannes, pource que
 canne vient & croist mieux aux lieux aquatiques
 & humides, qu'ailleurs : & pour ceste cause, Virgile
 it, comme ie viens de dire, le Tybre auoir la teste
 ouuerte de cannes. Et Ouide racontant la fable

*Le fleuve
Acis.*

d'Acis,iadis mué en fleuve , quand Polypheme luy
eut ietté vn gros quartier d'vne montagne deffus,
dont il l'escrafa, fait ainfi parler Galathée d'icelluy,

*Et ce qui est chose eſtrange tenue,
Vn iouuenceau ayant teſte cornue,
Juſques au ventre apparut dedans l'eau,
Le chef couuert de maint ployé roſeau,
Repreſentant Acis de pourtraicture,
Fors qu'il eſtoit de plus grande ſtature
Que ne fut onc Acis: & davantage
De ceſtuy cy eſtoit bleu le viſage.*

On void à Rome , au Vatican, vne ſtatue du Tybre,
qui n'a les cornes ny la teſte enuironnée de canes ou
roſeaux, mais de diuerſes feuilles, & fruitſ, voulant
parauēturer celuy qui l'a faite , monſtrer la fertilité &
l'abondance cauſée en ce pays la par ce fleuve : & ce
neantmoins ceſtuy la n'a laiſſé du tout la fiction des
Poëtes , pource qu'il luy a mis vn roſeau en la main.
Quand en Ouide, Acheloe raconte à Theſee le bruit
qu'il a fait avec Hercule, pour Deianire, il eſt appuyé
ſur l'vn de ſes bras , a la teſte enuironnee de roſeaux
verds, avec vn manteau verd ſur luy : & n'a deux cor-
nes, comme les autres, mais vne ſeulement , pour ce
que l'autre luy fut rompue par Hercule , ſelon les fa-
bles, & remplie de diuerſes fleurs & fruits ; fut don-
née à ceux d'Etolie , qui l'appellerent puis apres la
corne de ri-
cheſſe, ou d'abōdance. Ce qui a eſté fait
en ceſte maniere , comme Diodore recite , pource
qu'Hercule detourna vn bras de ceſte riuere, de ſon
premier cours, & luy fit prendre vn autre chemin, &
le coſte

*Corne de ri-
cheſſe.*

le costé qui en fut bagné deuint merueilleusement fertile. Et pour ceste cause, les riuieres sont en diuerses manieres descriptes par les Poëtes, qui regardent aucunesfois à la qualité des eaux d'icelles, & à leur cours, aucunesfois au naturel du pais, par lequel elles passent. Et pour ceste cause Pausanias escripuât d'Arcadie, dit qu'en certain endroit de ce pays se trouuent certaines statues des plus celebres riuieres que les anciës eussent point, toutes de marbre tres-blanc, horsmis celle du Nil, qui est de pierre noire: & il adiouste puis apres, qu'à bon droit la statue du Nil estoit faite de pierre noire, pource qu'iceluy courant en la mer, passe par le pays des Ethiopiens, qui est vn peuple du tout noir. Lucian escript que quand ceux la d'Egypte vouloyent depaindre le Nil, ils le mettoient seoir sur vn Crocodil, ou sur vn cheual de riuiere, qui est vne certaine beste à quatre pieds, comme Herodote la descript, de la grandeur d'un grand Taureau, ayant la teste comme vn bœuf, le nés plat cōme les chieures, les crins d'un cheual, duquel elle a le hannissement, les dents en dehors, la queuë luisante: & son cuir est bien tant gros & dur que quand il est sec, l'on en fait des darts. Les Grecs appelloient ceste beste Hippopotame, à l'entour de laquelle ils faisoient certains petits enfans, qui se iouoyent, comme on lit dedans Plin, lequel escriuant d'une certaine maniere de marbre dur comme fer, dit que Vespasian en fit faire au grand temple de la Paix, vne statue du Nil la plus grande qu'on vid iamais, avec seize petits enfans qui iouoyent à l'entour, & signi-

Nil riuere.



Vertumne.

fioient que les eaux de ceste riuere, estant grosse, arriuoyent à la hauteur de seize coudées. On lit aussi que la statue de Vertune assise au palais Romain, representoit le Tybre, qui passoit premierement par ce lieu, & puis fut detourné en autre part : & estoit ornée de fleurs & de fruits, pour monstrier, comme j'ay dit cy deuant, la fertilité des champs voisins. Ce

neant

neantmoins a l'on creu que Vertūne estoit vn Dieu, constitué sur les humaines pensees, qui se changeoit en diuerſes formes, pource que les hommes changent ſouuent de penſee. Aucuns l'ont dict le Dieu de l'An, lequel ſelon les ſaiſons, reçoit diuerſes formes, & donne occaſion aux hommes de faire tantost vne choſe, tantost vne autre, comme Properce dit, lequel rend la raiſon de ſon nom, & par ſemblable le deſcript ſi bien, que n'ayant volonté d'en parler davantage : ie mettray ſeulement icy ce qu'il en dit, le traduiſant en cete maniere.

VERTUMNE.

Qu'admirez vous vn corps, de traits tant differens?

Les ſignes paternels du Dieu Vertumne entens.

Ie ſuis natif Toſcan, qui point ne me ſoucie

D'auoir abandonné ma treſchere patrie

Entre les fiers combats, ie n'ay ſoucy encor

D'un temple magnifique, & tout enrichy d'or.

Rien ne me ſert la tourbe, & me contente en ſomme

De ce que ie peux voir le beau palais de Romme.

Autrefois par icy le Tibre auoit ſon cours,

Et les flots ſ'y fendoient par les auiſons lours.

Mais depuis qu'à ſon peuple il voulut faire place,

Et que pour ſon profit il print vne autre trace,

Dieu Vertumne on me dit, du ſleuue detourné.

Et pource que de l'an qu'on voit touſiours rené

Le fruit eſt recueilly, le meſme on me conſacre:

Le raiſin meuriffant à moy meſme ſe ſacre:

De la blonde Ceres mon chef eſt entourné,

Vous voyez tout ce lieu de nobles fruitts paré,

Vous y voyez auſſi les prunes de l'Automne,

Les fruitts, dont le paiſan me fait vne couronne,

S'aquitant de ſes vœus quand il les voit produits

Malgré l'arbre fruittier. Bruit menteur tu me nuis,

Pour vne autre raiſon l'on m'appelle Vertumne,

Croyez

Croyez ores vn Dieu parlant de sa perſonne.
 Ma nature ſe peut en tous traits transformer,
 Chacun, qui que ie ſois, beau me pourra nommer.
 Ie ſeray, ſi voulez, vne tendre pucelle,
 Me baillant les habits qui ſont propres à elle.
 Qui eſt ce qui nira qu'un homme ie ne ſois,
 Quand i' auray prins la robe? & puis vne autre fois
 Qu'on me donne vne faux, que le front l'on me ſerre
 Du ſoin qui ſoit retors, & les grains de la terre
 Vous iurerez que i' ay coppez de ceſte main.
 Les armes i' ay porté iadis, mais non en vain,
 Car i' en auois honneur: me donnant la corbeille
 I'eſtois vn moiſſonneur, ne demandant querelle.
 Mais depuis que mon chef de fleurs eſt couronné,
 On dira que i' ay beu: l'ayant enuironné
 La mitre, ie prendray la figure de Bacche,
 Ie ſembleray Phæbus, ſi de l'archet ie tache
 Sonner le violon: ie ſeray grand chasseur
 Si ie porte des rets: & vn grand oiſeleur,
 Semblable au Dieu Faunus, prenant en main la cane:
 Vn cocher, ou celuy le quel beaucoup n'ahane
 A mener quelque charge, & eſtre conducteur
 De cheuaux & harnois: ie ſeray reuendeur
 Avec habits trainants, & aueques la ligne
 Ie prendray le poiſſon par l'amorce maligne,
 Ie puis voir au beſtail, aueques le baſton,
 Regardant au berger: auec cela peut on
 En la hotte, d'oziers entrelacée & cloſe,
 Et rechangeant d'eſtat, me voir porter la roſe.
 Qu'ay-ie beſoin icy de dire qu'en mes mains
 On remet les preſens plus exquis des iardins,
 Dont i' aquiers grand renom? le fruit du verd concombres,
 Et la courge au gros ventre, ayment le frais & l'ombre,
 Me monſtre, auec le choux lié d'un petit ionc.
 Il n'y a fleur au pré, laquelle ſur mon front
 Accommodée à poinct, en languiſſant ne meure:
 Ainſi changeant touſiours de forme d'heure en heure,
 La langue du pays m'a donné vn tel nom.

PLUTON.

COMBIEN qu'au partage que les enfans de Saturne feirēt entr'eux, de tout le monde, le Royaume des cieux escheut à l'un, celui des eaux à l'autre, & celui d'enfer au troysieme, selon que racomptent les fables: ce qui veut dire, comme les histoires portent, que Iupiter eut la partie de leuant, Pluton celle d'occident, & Neptune les isles de la mer, neantmoins il semble qu'un chascun d'eux a quelque chose à faire par tout. Car Neptune en Virgile menace & tance les vents, à cause que sans entendre sa volonté ils ont eu hardiesse de troubler le ciel & la terre. & Iupiter souuentes fois met ordre aux affaires d'enfer, Pluton aussi hausse son pouuoir iusques au ciel: & pour ceste cause ils dient que Iupiter a & tient le foudre à trois pointes, Neptune la fourche à trois dents, & Pluton le chien à trois testes. A raison de quoy pour faire le pourtrait & dessein de cestuy cy, nous le mettrons quelquefois egal en puissance au soleil, & par fois semblable à la terre: & neantmoins sera le Roy d'enfer, comme celluy qui a plus de pouuoir en ce lieu, qu'ailleurs: car là il gouuerne les mes desia sorties des corps mortels. Et à celle fin qu'à chascune fut donné lieu & peyne, selon les merites, il y auoit trois iustes iuges, deputez pour cest effect, l'un AEaque, l'autre Rhadamanth, & Minos le troisieme. Des deux premiers ie diray premiere-ment ce que nous en lisons dans Platō; puis ie viendray à l'image de Pluton. Car il me semble, que c'est

Iuges d'enfer.

chose fort belle, & plaisante, & d'où lon peut voir, comme ces trois doibuent estre peints, outre ce qu'on aprêt aussi quels doiuent estre les iuges. Platon doncques dit ainsi. Au tēps de Saturne il y auoit vne telle loy, laq̃lle au iourd'huy est encores entre les Dieux & y fut tousiours, que tous ceux la qui de leur viuā auoiēt esté iustes & bōs, apres leur mort s'en allassē aux isles des biē heureux. Et au cōtraire, ceux qui au roient mal fait en ceste vie, apres leur mort deussent aller en lieu à ce deputé pour estre punis de leurs demerites. Et du temps de Saturne quand Iupiter commença à regner, les hommes estoient iugés encores qu'ils fussent en vie, & mesmes par les Iuges aussi viuans, & au mesme iour qu'ils deuoient mourir: d'où aduenoit que plusieurs estoient iugés iniustement. Ce que venant aux oreilles de Iupiter par le rapport de Pluton, & de ceux qui estoient au gouvernement des isles bien heureuses, parce que plusieurs, sans merite y alloiēt, il dit, le pouruoiray bien à ce desordre, duquel la cause est que les hommes sont iugez, deuant qu'ils meurent, pendant qu'ils sont encores vestus du corps mortel, & ont à l'entour qui dit bien & qui mal d'eux, & pour ce plusieurs ames iniques & meschantes, prennent hardiesse de se presenter aux iuges comme bonnes, pource qu'elles couurent leur meschanceté, avec la beauté du corps, & la noblesse de la famille & maison, comme aussi avec le lustre des richesses, & ne leur defaillent tesmoignages qui dient qu'en toute leur vie ils furent tousiours bons & iustes, à cause dequoy

*Pourquoy
les Iuges
sont faulx.*

dequoy les iuges aufsi eftans pareillement veltus des membres terrestres, qui font comme vn voile obscur à l'entour de l'ame, ne peuuent finon s'esmerveiller de la bonté d'iceux, & les iuger pour ce respect dignes de tout biẽ. Or il faut faire que les hommes ne sachent point quãd ils ont à mourir, comme maintenant ils le sçauent, & en ceste sorte fut commandé à Promethée de faire qu'en apres estans desbouillés de toutes choses mortelles, & desia morts, ils s'en allent deuant les iuges, qui font semblablement nuds & morts, à fin qu'ils voyent seulement avec l'esprit & l'ame seule, toute nue & ouuerte, les ames seulement nues & ouuertes: par ainsi fera chose facile que le iugement soit iuste en ceste sorte. A ceste cause ie veux, comme en moy mesmes i'ay desia ordonné, que de mes enfans les deux qui sont naiz d'Asie, à sçauoir Minos & Rhadamanth, & vn d'Europe, qui est Eaque, apres qu'ils seront morts, soyent les iuges des ames, & qu'ils demeurent en vn certain oré, appellé le champ de la verité, où sont deux chemins, l'vn desquels va en enfer, & l'autre aux isles des bienheureux: & mesmes Rhadamanth iugera tous les Afiatiques, & Eaque ceux qui viendront d'Europe: & quand quelque doubte suruiendra, ce sera Minos qui le connoistra, à celle fin que sans tromperie, les ames soient enuoyees aux lieux qu'elles ont merité. Voila l'ordre que Iupiter donna à fin que les ames fussent iugees iustemẽt, pour ceste cause Rhadamanth & Eaque, chascun d'eux quand ils iugent, demeure ayant vne verge en la main: & Minos estant

*Bon ordre
pour iuger
les ames.*

*Rhada-
manth, Ea-
que, Mi-
nos.*

separé d'avec eux, demeure assis tout seul, & considere, tenant aussi en sa main vn sceptre doré, car Vlysses en Homere dit de l'auoir veu rendre le droit, & faire iustice aux morts en enfer: les ames desquels portent les marques sur elles des passions qu'elles eurent, & des œuures qu'elles ont fait, pendant qu'estoient iointes avec les corps. De maniere que les iustes iuges quand ils les voyent deuant eux, ne demandent point, & ne veulent sçauoir qui elle furent, ains regardent seulement ce qu'elles firent, cependant qu'elles furent entre les viuans, & selon cela ils les iugent, & les enuoyent au lieu merité, ou de punition & supplice, ou de plaisir & delices. Apres Platon poursuit ceste matiere, disant quelles sont les ames, qui pour la plus part vont au lieu des damnez, & quelles à celluy des bienheureux: mais ie ne reciteray pas ce qu'il en escript: car me suffira ce que i'en ay dit, pour faire vn petit pourtrait, des trois iuges d'enfer. Desquels Dante semble auoir figuré Minos en forme de beste. Car en son enfer il le fait ayant la queue, & le fait gronder comme proprement font les chiens. Et par iceluy aucuns veulent entendre le remords de conscience qu'vn chascun a en son ame de ses propres fautes, lequel remors le trauaille assiduellement, & l'accuse, pour le moins en sa propre conscience, luy monstrant le supplice & les peines que meritent les pechés qu'il a commis. De là vient comme i'ay dit, qu'il y a trois iuges en enfer, par lequel on a voulu entendre ce nostre monde, auquel Pluton regne, qui est ainsi appellé des Grecs, pour cause

*Ce que signi-
fie Minos.*

*Pluton Roy
de ce mon-
de, & pour-
quoy.*

cause des richesses: car par luy ils ont entendu la terre, de laquelle les hommes reçoivent tout ce qui auourd'huy est plus estimé. Ils l'ont aussi appelé Dis en Latin, pour la mesme raison, asçavoir que de luy viennent les richesses, lesquelles en Latin, sont appelées d'un nom fort semblable. Mais laissons ces expositions à part, & aussi cela où il est dit que Pluton est le Roy des morts, pource qu'il fut l'inventeur des pompes funebres, funeraillies, & de tout ce qu'on fait pour les morts, & faisons son pourtrait selon les fables, lesquelles le font demeurer en enfer assis sur vn siege haut comme vn Roy: car ainsi le peint Claudian quand il recite, comment il enuoye Mercure à Jupiter pour luy demander femme, comme l'en auoient prié les Parques.

*Plutō pour-
quoy Roy
des morts.*

Sur l'infemale chaize horrible & redoutable,

Dis se voyoit assis en face espouuantable.

Son chef enuironné de noire nue estoit,

Et le sceptre rouillé à la main il tenoit.

Martian Capelle luy baille aussi la couronne, comme à Roy, quand il le descript avec son frere Neptune, disant qu'il est de couleur brun, & tient à la teste une couronne d'Ebene noir, teinte de l'obscurité de la nuit sombre: semblablement le sceptre qu'il tient en sa main, monstre qu'il est Roy: & est ce sceptre peint, pour signifier que c'est le royaume de ce monde bas, car ainsi l'interprete Porphyre, comme dit Eusebe, & entend sous le nom de Pluton le Soleil, qui est dict roy de l'enfer, d'autant qu'il se monstre bien peu nous en temps d'hiuer, ains demeure, pour la plus

*Couleur de
Pluton.*

*Couronne
de Pluton.*

*Sceptre de
Pluton.*

*Plutō pour
le Soleil.*

part avec les gents qui sont en la partie de deffoubs le monde, s'il est ainfi, que nous soyons en celle qui est au deffus. lesquels l'ont entendu autrement, comme Seruile le tesmoigne, quand il dit que Tiberian escripuit qu'une letre estoit iadis venue des Antipodes, portée par les vents, laquelle commençoit ainfi: *Nous qui sommes au deffus saluons vous autres, qui estes sous nous.* Aristote aussi mōstre avec raison que nous sommes ceux de deffoubs. Mais ceci ne sert de rien, à nostre propos: suffit que Pluton, (entendant le Soleil pour luy) est estimé demourer sous terre tout le temps, qu'il ne se mōstre point sous nostre horizon, & tient avec soy Proserpine qu'il a rauie, ce qui mōstre la vertu de la semence: car icelle demeure fermee pour lors au ventre de la terre. Il a vn heaume ou salade, comme dient Homere, Platon, & Hygin, pource que la sommité du Soleil nous est cachee. Et suiuant les fables, l'heaume de Pluton, ou d'Orque, (car il fut aussi appellé Orque) faisoit estre inuisible, quiconque le portoit, & en sorte, que luy regardoit les autres, sans estre veu. Ils dient aussi que Persee l'auoit quand il coupa la teste à Meduse, & que moyēnant iceluy, il se cacha de ses seurs, qui luy furent soudain apres, & l'eussent mal traité sans l'heaume de Pluton, que Minerue luy bailla: laquelle, selon le dire d'Homere, au cinquiesme de l'Iliade, s'en couurit aussi, afin que Mars ne la veist point combattre contre les Troyens. Le chien Cerbere à trois testes, qui est à ses pieds (comme Fulgence escript, lequel appelle Pluton president & gardien de la terre

la terre : & le fait enuironné de tenebres obscures, avec vn sceptre en la main) signifie que trois choses sont necessaires à la semence, pour produire fruit : la premiere , qu'elle soit resplandue sur la terre , puis estant là, soit couuerte , & finalement qu'elle germe. Pindare feint que Pluton tient vne verge en sa main, & dit qu'avec icelle il conduit les ames en enfer. Et aucuns luy ont mis vne clef en la main , comme celuy qui tient si bien serré le royaume d'enfer que les ames qui sont vne fois descédues là bas, n'en peuvent iamais plus sortir , ainsi que dit Seneque en la Tragedie d'Hercule, qui deuient furieux.

*Il est assez ayse aux enfers de ualler,
Le chemin y conduit comme l'onde bouillante
Engloutit vn vaisseau, la voye est attrayante,
L'air y est attrayant, & le glouton Chaos:
Mais il n'est onc permis de retourner le dos,
Et rebrousser le pas, les estreignantes ombres
Ne permettent sortir de leur royaumes sombres.*

A ceste cause on lit en Pausanias , qu'au temple de Junon en quelque lieu de la Grece, fut mise vne table, en laquelle estoient entaillees plusieurs choses, & entre autres estoit Pluton, & Proserpine, avec deux Nymphes, l'une desquelles tenoit avec la main vne boucle, l'autre vne clef, pource que (adiouste le mesme Pausanias) la clef est l'enseigne de Pluton , car c'est luy qui tient fermee la maison infernale, en sorte que nul ne peut sortir de là. Ce qui donna occasion de feindre aux fables que Cerbere demeure à la porte, & n'abaye point sinon à ceux qui tachent de s'en

*La clef en
la main de
Pluton, &
pourquoy.*



de s'en aller, espouuantant là les ames perdues, comme dit Seneque, le descriuant ainsi:

*Et tout incontinent ce treshorrible chien
Les ombres espouuante, & le bord Stygien,
Qui deffendant l'entree abboye & se tempeste,
Branlant horriblement au bord sa triple teste.
Les serpens sont liez à son chef tacheté*

*De gros sang, & son col en est tout moucheté,
 D'un long dragon sifflant il a la queue entorte,
 Et pareille sa rage à ceste horreur qu'il porte.
 Ayant senty marcher tout plat dans son fossé,
 Il dresse furieux son gros poil rebroussé,
 Et dardant ses serpens ce chien qui tousiours veille,
 Au bruit qu'on fait des pieds dresse lors son oreille.*

En ceste sorte le descript aussi Apollodore, horsmis qu'il dit dauantage, que les poils du dos sont tous serpenteaux. Porphyre aux interpretations des choses diuines, dit que ce chien à trois testes est le signe le Serapis & d'Isis, assauoir, de Pluton & de Proserpine, c'est à dire, le trespernicieux & malin esprit, qui conuerse aux trois elemens, l'eau, la terre & l'air. Le mesme Porphyre dit que Cerbere a esté nommé à trois testes, pourautant que les regions d'enhaut du soleil sont trois, l'Orient, l'Occident, le Midy. Les fables racomptent que ce chien fut tiré à mont des enfers par Hercule. C'est pourquoy nous auons de coutume de dire d'une chose difficile, quand on en vient à bout, ou qu'on l'explique, qu'on a tiré Cerbere des tenebres: ou quand on veut signifier qu'une chose est difficile, on dit qu'il n'est pas aysé de tirer Cerbere des enfers. Hesiode le fit avec cent testes, le disant estre le portier de Pluton, & qu'il faisoit aresser à tous ceux qui entroient en enfer, mais qu'à ceux qui en vouloient sortir, il s'auançoit soudain, & les deuorait. Ce qui est conforme à son nom, car le mot du Grec, Cerbere veut à dire celuy qui deuore la chair. Et pour ceste cause quelques vns ont dit

que par luy est signifiee la terre , laquelle deuore les corps morts. Et à Delphes entre les Dieux d'enfer estoit vn nommé de ces gens, Eurynome, qu'on esti-
moit manger la chair des morts , en sorte qu'il lais-
soit les os tous desnuez, comme recite Pausanias, qui
le descript tout noirastre , de la couleur des mous-
ches ; & veut qu'il demeure assis sus vne peau de
vaultour, monstrant les dêts. Aucuns ont voulu aus-
si que par Cerbere soit entendu nostre corps, lequel
se monstre plaissant à quiconque entre en enfer, c'est
à dire , à qui s'addonne à vices & à plaisirs lascifs , &
abaye puy apres à qui les veut abandonner , & s'ad-
donner à vertu : & paraenture aussi qu'en ceste sor-
te l'entendit Virgile , quand il fit que ce chien infer-
nal se dressa debout contre Enee, allant en enfer. Ce
qui semble estre contraire à ce que de luy escriui-
rent Hesiodé & les autres , disans qu'il se monstre
plaissant à l'entree à ceux qui vont , ce que neant-
moins n'est point : car il faut considerer que tous
ceux qui sont allés en enfer n'y sont pas descendus
pour vne mesme occasion , & mesme fin ; & pource
aussi en sont suruenus diuers effects. Car celuy qui
va en enfer, c'est à dire, qui descendent avec la meschan-
te troupe des vices , pour demeurer tousiours entre
les plaisirs vitieux , trouue à l'entree Cerbere plai-
sant, car ce corps demeure coy , & s'esioiuit quand il
contente ces appetits desordonnez : & apres il crie
voyant que l'homme s'en veut departir pour suyure
la raison. Mais celuy qui fait ce voyage pour cōside-
rer les vices , & sçauoir comment il les fault fuir , &
estre

estre plus prompt à faire les œuvres de vertu, comme fit Enee, trouue Cerbere qui se dresse contre luy, asçauoir l'appetit sensuel qui crie, voyant qu'il ne iouira pas des plaisirs qu'il desire. Et pour ceste cause fut aussi feint, que Hercule alla en enfer, d'où il tira Cerbere lié, comme figure de l'homme prudent, lequel lie & serre fort estroitemēt les sens du corps, & en sorte, qu'aisément il se tire hors de l'enfer des vices, & se guide avec la lumiere de vertu, comme au contraire Pyrrhoe, y estant allé pour rauer la femme de Plutō, & cōtēter l'appetit lascif, y demeura mort, estāt tué par Cerbere. Car celuy qui se plōge du tout en ces voluptez brutales & vicieuses, ne retourne par apres à operer selō la vertu, ains meurt parmi icelles. Hecatee escripuit, cōme dit Pausanias, qu'en enfer n'y eut onques chien, mais q̄ ceci fut feint, pource qu'en quelque cauerne, par laquelle on estimoit pouuoir descendre en enfer, estoit vn terrible serpēt, lequel faisoit soudain mourir quicōque s'approchoit de là: & q̄ ce fut la beste qu'Hercule porta d'enfer à Eurysthee, à laquelle Homere donna nom de chien, seulement, mais d'autres apres l'appellerent Cerbere, & feignirent qu'il auoit trois testes, sur quoy & plusieurs autres choses qui restent touchant ceste beste, ie ne diray rien plus pour le present, pource qu'il sera mieux propos de le mettre cy apres en certaine escripture que i'ay ia desseignée de l'ame. Mais ie retourne à Pluton, duquel Seneque fait vn pourtrait en ceste sorte, disant en tragedie d'Hercule deuenāt furieux:

Là dans un vaste gouffre, et dans un antre grand,

*Est l'horrible portail du logis du Tyran.
 Ce Dieu la est assis en maïesté insigne,
 Il a le front bossu, ce neantmoins le signe,
 Le port & le maintien fort graue, le voiant,
 En sa face reluit de Iupin fouldroyant.
 Pluton est la terreur de l'infenale place,
 Dont ce que nous craignons, craint sa terrible face.*

*Chariot de
 Pluton.*

*Dieu des ri-
 chesses.*

A cestuy ci les anciens donnerent vn chariot tiré par quatre beaux & fiers cheuaux noirs, qui iettoient feu: car autant en met Claudian, combien que Boccace die que c'estoient seulement trois, & que ledict chariot n'auoit que trois rouës, voulant celuy qui le feit, monstrier par cela quel est le labeur & danger de ceux qui cherchent de s'enrichir, & l'incertitude des choses à venir. Car ils le prindrent aussi pour le Dieu des richesses, combien que les Grecs auoient de mesmes vn autre Dieu des richesses, lequel eut quasi vn mesme nom avec cestuy cy, car ils l'appellerent Plute. Toutesfois il fut different de cestuy cy, au moins quât à l'image, par ce qu'Aristophane en vne sienne comedie intitulee Plute, que i'ay traduit & com-mété en François, le descript comme aueugle, & dit que Iupiter luy creua les yeux, à fin qu'il ne sceust connoistre les gens de bien, doctes ou modestes parce qu'il monstroient mesmes estant petit enfant, de les aymer tant qu'il alloit disant par tout, de vouloir tousiours demeurer avec eux. Lucian pareillement le fait non seulement aueugle, mais aussi boiteux, & qu'il va aucunesfois en litiere, estant neantmoins quelques fois tout prompt & agile à marcher en diligence

ligence. Et ce pour autant qu'on dit, qu'en cas de donner richesses aux méchans, il est prompt & soudain : mais quand il les apporte aux bons, il va tout doux & lètemment : ce qui est propre aussi à la Fortune. Et pour ce Pausanias escript que ce fut vn accort cōseil de celuy qui en la ville de Thebes, mit le Dieu Plute en la main de Fortune, comme qu'elle soit sa mere & nourrice. Puis adiousté que non moins accortement fait Cephisote sculpteur excellent, lequel fait aux Atheniens vne statue de la Paix, & mit au giron d'icelle, le Dieu Plute : pourautant que la paix est celle qui conserue les richesses, comme au contraire les guerres les dissipent. Plutarque escript qu'entre les Lacedemoniens le Dieu Plute estoit aueugle, & qu'il demeueroit tousiours couché, & ceux de Rhodes l'auoiēt en sorte qu'il voioit, & auoit des ailes, estant doré, comme on peut recueillir de Philostrate, lequel dit que Plute gardoit la forteresse de la ville, peint avec des ailes, comme celuy qui estoit descendu des nues, tout doré, parce que l'or fut la matiere en laquelle il apparut premierement, & avec les yeux, pource qu'il estoit venu de la providence de Dieu, combien qu'il dit, qu'à la naissance de Minerue, tōba la pluye d'or sur ceux de la ville de Rhodes, & cecy est dans Claudian aux louanges de Stilicon. Ce qui fut, selon l'opinion du mesme Philostrate, parce que ceux de Rhodes connurent fort bien Minerue, & l'adorerēt, mais non comme ils deuoient, car ils luy sacrifioient sans feu, & pour ceste cause, Iupiter leur accorda la pluye d'or. Mais la

*Iupiter
boiteux &
droit, &
pourquoy.*

Pluye d'or.

Deesse fut donnee aux Atheniens , comme à ceux qui estoient les plus sages , & qui vsoient du feu en leurs sacrifices. Le cyprès fust apres donné à Pluton, le Dieu d'enfer , & des rameaux & feuilles d'iceluy les anciës luy feirët des chappellets, comme d'un arbre triste, & melancholique, & qui estoit mis en œuvre aux funerailles: ce qui estoit fait pource que quand il est couppé vne fois, il ne reiette plus: ou autrement parce que, comme Varron dit, ilz enuirõnoient avec les rameaux le feu qui brusloit les morts , à fin que l'odeur des corps bruslez, ne donnast fascherie à ceux qui demeuroient là à l'entour. Car ce fut vne coustume des anciens , que les parens & les amis accompagnoient le defunct , iusques au lieu appresté pour le brusler: & là puis apres tous les conuiez & assistés se mettoient à l'entour , & avec quelques voix de lamentation , respondoient à certaine femme, laquelle estant payee pour ce faire , crioit en pleurant , & se lamentoit tant qu'elle pouuoit: & disoit aussi aucunes fois quelques louanges du mort. Ils ne se departoient point, que les cendres ne fussent recueillies , & mises en leur lieu , apres que la femme auoit laissé de pleurer, & dit les derniers mots, tels que si l'on disoit: *Maintenant vous vous en pouuez aller.* Pluton fut aussi couronné de l'herbe appelée Adianthũ, & vulgairement Capilli Veneris. Aucuns luy ont aussi mis à l'entour de la teste , le Narcisse , luy en faisans des chappellets, par ce que ceste fleur estoit estimee estre agreable aux morts , par auenture pour l'occasion de la fin malheureuse du ieune homme qui fut changé en ice

nicelle, à cause dequoy ils en faisoient aussi des chap-
 ellets, comme dit Phurnut, aux Furies d'enfer: les-
 quelles estoient seruantes & ministres de Pluton, & *Furies d'enfer.*
 enoient souuent pour punir & chastier les hommes
 de leurs meschantes œuures, ou bien les attiroient
 à en faire d'autres: & estoient trois, nommees, Alecto,
 Mestiphone, & Megere. Elles furent adorees par les
 Grecs, plus à fin que ne leur fissent mal, que pour
 en auoir bien aucun, comme aussi furent adorés les
 Dieux Auerrunques pour chasser tous les maux: &
 pour ceste cause seulement Pausanias dit que les
 Grecs leur sacrifioient aussi, & le mesme nom mon-
 tre bien la force du Dieu Auerrunque. car entre les
 Latins, *Auerruncare* signifioit autant comme oster
 & chasser. Les Furies donques eurent des temples
 & des autels comme les autres Dieux: & les Athe-
 niens les appelloient les Deesses seueres, les Sicio-
 niens les appelloient Eumenides, & leur sacrifioient
 tous les ans en certain iour à ce destiné, quelques
 brebis plaines & entre autres ceremonies, ils offroient
 aussi quelques ghirlandes ou chappelllets de fleurs.
 En Achaye, les Furies eurent aussi vn temple, avec si-
 mulachres de bois assez petits: & si quelqu'un estant
 guillé de quelque griefue meschanceté, fust allé au
 temple seulement pour voir, comme on fait, il deue-
 roit quant & quant hors du sens, & sembloit que
 luy entroit au cœur le plus grand espouuamment
 du monde. Pour ceste cause, on n'y laissoit aller per-
 sonne, comme dit Pausanias, lequel descriuant l'Ar-
 cadie, recite aussi qu'en quelque endroit de ce pais
 fut

fut vn temple & vn champ consacré aux Deesses Manies, lesquelles il pense que fussent les Furies: pourautant qu'on disoit qu'en ce lieu la Orestes perdit le sens, & deuint furieux, pour auoir tué sa mere. & que non gueres loin de là, fut vne petite montagne appelée le Doigt, parce q̃ là on voyoit vn grand doigt taillé en pierre, pour memoire qu'Orestes forcé, se mangea vn doigt de la main en ce lieu là d'où il s'en alla puis apres en vne autre petite colline peu lointaine de là, où il trouua remede à sa fureur, & aussi vn autre temple des Furies, lesquelles comme il les auoit veuës toutes noires, quand il commença à deuenir fol, semblablement il les vit blanches poulors, & reuint soudain en son premier sens. & pour ceste cause fut obserué par les habitans du païs, de faire sacrifice aux Deesses blanches, & pareillement aux Graces, ensemblement. Ciceron escript que les Romains eurent certain petit bois cōsacré à la Deesse Furine: là où avec ceremonies solennelles, ils adoroient les Furies, dont leurs simulachres auoient des serpents entortillees à l'entour de la teste au lieu de cheveux. Car Eschyle les a ainsi feint, deuant tous les autres, qui l'ont fuiuy apres, comme recite Pausanias. Pour ceste cause Seneque feint que l'unon vouloit faire que Hercule deuienne furieux, & forcené, dit ainsi,

*Servantes de Pluton commencez à ceste heure,
Sortez hors, esbranlez vostre pin tout ardent:
Que Megere conduise, & s'en vienne fendant
La troupe des serpents à chacun redoutable.*

Que premiere elle empoigne en sa main lamentable,
 Vn cheuron allumé, & ardemment espris
 Du feu tout à l'entour: que ce conseil soit pris.
 Punissez, punissez la force audacieuse
 Contre les flots bruyants de l'onde stygienne.
 Touchez vostre estomach, qu'un feu plus vigoureux
 Vous martelle au dedans voz esprits courageux



*Que le feu furieux, & la cuyfante braise
 Que vomit l'Aetneane & ardente fournaise,
 Afin qu'Hercul, qui est prince d'entendement,
 Agité de fureur se procure vn tourment. &c.*

Dante dit, que se trouuant au profond d'enfer, il dressa les yeux à certaine tour, où il veit grimper en hault

*Trois Furies d'enfer, qui de sang estoient teintes,
 Ayans mēbres de femme, & de verds serpents ceintes.
 Et au lieu de cheueux, de couleureaux retors.*

Mais quelles estoient au demeurant on le peut sçauoir de Strabon, lequel escriuant des isles Calsiterides, dit qu'une d'icelles est habitee par hōmes qui sont tous bruns, & vestus de robes, qui vont iusques aux pieds, & ceintes à trauers la poitrine, tenans vn bastō à la main, & sēblables du tout aux Furies qu'on voit souuēt representees aux tragedies. Suidas parlāt de Menippe le Cynique, à qui estoit entré en fātasie vne certaine folie, de se faire croire qu'il estoit vn des officiers d'enfer, & que les Dieux infernaux l'auoiēt enuoyé de là bas pour voir le mal que les hommes faisoient, & leur en faire rapport, dit qu'il portoit pareil habit que les Furies, & le descript ayant vne robe noire, longue iusques à terre, non fort large, ceinte à trauers bien estroit d'une grosse bende, vn chapeau à la teste, auquel estoient figurez les douze signes du Zodiaque, des souliers semblables à ceux que portoient les ioueurs de tragedies, vn gros baston de fresne à la main, & portant aussi vne barbe qui estoit sienne propre cōme celle d'un Philosophe.

non

non pas que pour ceste barbe il eust rien de conforme avec les Furies, comme on peut dire aussi du chapeau: car seulement la robe noire, l'ongue, & ceinturée à trauers, avec le baston à la main feront en Menippe (selon Suidas) l'image de l'habit des Furies, comme aussi Strabon l'escript. Quand Ariadne fut laissée sur le bord de la mer par Thesee, qui s'en alla avec Phedre la miserable, feit de grandes lamentations, puis ayant recours aux prieres, demanda vengeance de celuy qui l'auoit trahie, & appella les Furies, leur disant ainsi en Catulle:

*Vous Furies qui les humains
Punissez de leurs forfaits maints,*

Selon que meritè ils l'ont,

Qui auez vostre triste front,

Couuert de serpentins cheueux,

Auquel le courroux furieux,

L'ire enragee & insensee,

Qui procede de la pensee,

Se void & descouure aisement:

Venez cy, venez vistement

Ouyr ma plainte & dueil mortel

Contre ce meschant & cruel:

comme qu'il n'y eust point d'autre qui mieux le peust punir de son impieté. Car les passions de l'esprit sont celles qui nous tourmentent plus qu'autre chose, quand elles nous detournent du droit chemin, & deuiennent desordonnees, & mesmes les Furies d'enfer ne sont en nous autre chose que ces passions & affections que les Poëtes ont entendu sous

le nom des Furies. Pour ceste cause Lactance dit, que les Poëtes feignirent que les Furies estoient trois qui venoient troubler l'entendement de l'homme, car les hommes ont trois passions, qui les attirent à faire tous maux: le courroux, qui cherche vengeance: le desir & conuoitise des richesses, qui nous met en proye du plaisir vilain & deshonneste: combien que ces affections & desirs nous furent donnez de Dieu, pour nous ayder à biē viure, pour quoy faire la providence de Dieu, leur mit certaines bornes, outre lesquelles elles ne nous aydent plus, ains nous nuisent, changeants de nature, & de vertu qu'estoiēt au commencement, deuiennent vice. Car le desir d'auoir fut mis en nostre esprit, à fin qu'un chacun se pourueust de ce qui est necessaire pour la vie. L'appetit lascif luy fut donné seulement pour auoir enfans, à fin que par la succession continuelle la generation humaine fut conseruee, & fut ordonné que quand il vouloit, il se peust courroucer, à fin que mieux il chastiaſt les erreurs des autres, & meſt le frein, & tint en bride ceux qui sont en ſa puissance, & qui se licencient de mal faire. Ces affections doncques & passions de l'ame, ce pendant qu'elles demeurent en leur nature, & que ne passent plus outre de ce à quoy elles furent ordōnées; nous donnēt vne vie tranquille: mais quand elles sont autrement, elles la troublent toute, & nous tourmentēt comme Furies d'enfer: ausquelles les anciens bailloient des torches & flambeaux allumez en la main, pour monſtrer l'ardeur, que nous mettent en nostre cœur ces passi

passions que j'ay dit, comme on verra encores mieux en l'image de Tisiphone, de laquelle le Poëte Stace en sa Thebaïde fait elegammēt le pourtrait, & la description, quand elle va pour semer haine & discorde entre les meschans freres Thebains, Etheocle & Polynice. Mais deuant que paracheuer de descripre les Furies, ie ne veux obmettre de mettre icy ce qu'on a entendu par icelles, affin qu'il n'eschappe de ma memoire, & apres ie reuiendray à Tisiphone. Les Furies donc ne sont autre chose que le ver qui ronge assiduellement la conscience, duquel Esaye au dernier chapitre de sa prophetie dit ces mots, *Leur ver ne mourra iamais* : lequel est yne peine trefaspre & trefcruelle des meschancetez & delicts dont les delinquans sont punis en leurs consciences. Et comme dit Seneque, La premiere & la plus grande peine des pecheurs, est auoir peché, & n'y a aucun forfait, combien que Fortune l'orne de ses dons, & le maintiēne & deffende, qui demeure sans estre puni, pource que la punition du peché est au peché mesme. Mais neantmoins apres ces choses icy, & ceste peine a, viennent & suyuent les secondes peines : asçauoir oussiours craindre, & auoir peur, & se desfier de seureté. En cest endroit, dit-il, consentons auec Epicure, disant que les crimes & meffaits sont fouëttez par la conscience, & qu'elle a plusieurs tourments, pource que continuellement elle la pousse, & la bat en la sollicitant, pource qu'elle ne peut croire à ceux qui sont pleges & respondans de sa seureté. Voire & mesmes la conscience n'est pas appelée vn seul tes-

moing, mais mille, comme dit le prouerbe. Ciceron n'estime pas qu'il y ait autres Furies infernales, que les Poëtes ont feint estre les vengereffes des crimes. Car il escript ainsi contre L. Pison, Ne pensez pas, peres conscripts, qu'ainsi que vous voyez en la scene & sur l'eschaffault les meschans par l'instigation des Dieux estre espouuentez des torches ardentes des Furies : sa fraude, son crime, sa meschanceté, son oultrecuydance abbat vn chascun hors de sa fanté & de son esprit. Cestes-cy sont les Furies des meschans, cestes-cy sont les flambeaux & les torches. Et en l'oraison ou harengue pour Roscie Amerin, le mesme prince des Orateurs dit : Sa fraude & son cœur tourmente principalement vn chacū, son mesfait & son impieté vexe tout le monde, & le met hors du sens : ses meschantes pensees & ses phrenesies espouuentent. Cestes-cy sont aux meschans les assiduelles & domestiques Furies. Or reuenons à Tisiphone, laquelle Ouide descript quand Iunon l'enuoie oster le sens à Athamant, auoir vn regard trouble, & les crins blancs & chenus, entremeslés de serpens, qui descendent en bas par le visage, & vestue d'une robe ou cotte toute tachée de sang, ceinturee aussi à trauers avec serpens ensemble entortillez, & tenant à la main vn flambeau, teint pareillement de sang : & fait aussi le mesme Poëte, qu'avec elle marchent la crainte & l'espouuement. Or les Furies ne seruoient pas seulement à Pluton, combien qu'elles fussent de sa famille : mais aussi à Iunon, & semblablement à Iupiter : lesquels semblent aussi auoir que

quelque chose à faire en enfer, à cause dequoy & l'un & l'autre est souuent appellé Infernal & Stygien, à cause du maret Stygië qui est tout alentour d'ëfer, comme dient les Poëtes, quand ils chantent que les Dieux iurent tousiours par les eaux de ce lac Styx, avec peine que quicōque d'eux auroit iuré & maintenu la mensonge, soudain seroit priué de diuinité par l'espace d'un an, & de ne boire Nectar, ny manger Ambrosie. & mesmes fut donné ce priuilege à ce lac de Styx, que les Dieux iurassent par icelluy en consideration de la Victoire sa fille, qui fut avec Jupiter en la guerre contre les geans. Mais on lit aussi que ce fut chose feinte, car le mot de Styx signifie dueil, & tristesse, de laquelle les Dieux sont tousiours bien esloignez, iouissans au contraire tousiours de ioye perpetuelle: & c'est comme s'ils iuroient par ce qui est du tout esloigné d'eux. Ce maret environne l'enfer, par ce qu'ailleurs ne se treuve plus grande fascherie ny douleur, & pour ceste cause il y auoit la riuiera nommee Lethé, Acheron, Phlegethon, Coccyte, & autres fleuues qui signifient pleur, douleur, tristesse, fascherie, & autres semblables passions, que sentent ordinairement les dampnez, lesquelles les Platoniciens veulent que soyent en ce monde, car ils dient que l'ame va en enfer quād elle vient au corps mortel, là où elle treuve la riuiera appelee Lethé, qui nous apporte oubliance, & de ceste cy elle passe à celle d'Acheron, laquelle signifie priuation de ioye: parce que quand l'ame a oublié les choses du ciel, elle perd toute la ioye qu'elle auoit de la cōnoissance d'icel

d'icelles: pour ce elle demeure toute triste, & faschee, & pour ceste cause est enuironnee de ceste eau marcescageuse de Styx, & souuent s'en fasche, & en pleure, en sorte qu'elle vient à faire la riuere Cocyte, les eaux de laquelle sont toutes de larmes, & de pleurs, & la riuere de Phlegethon les a toutes de larmes, de feu & de flammes, qui signifient l'ardeur du courroux & des autres passions, qui nous tourmentent ce pendant que nous sommes en l'enfer de ce corps: comme nous auons dit, que faisoient les Furies, auxquelles Virgile adiouste aussi les ailes, disant qu'elles sont tousiours prestes, & deuant Iupiter toutesfoies & quâtes qu'il veut enuoyer aux hommes, quelque grand espouuancement de mort, de guerre, de peste, ou d'autre grãd mal. Elian escript que les tourterelles furent consacrees par les anciens, aux Furies, & ie ne treuve point qu'autre animal leur aye esté propre, sinon que Virgile, en fait changer vne en chouëte, ou hibou, quand Iupiter l'enuoye pour espouuanter Turne, pendant qu'il combat contre Enee. Il y a eu aussi d'autres qui ont adiousté avec les trois Furies la quatrieme, qu'ils appellent Lissa. Ceste ci signifie entre nous la rage, & pour ceste cause ils veulent que ce soit elle qui face deuenir enragés les hommes, & perdre l'entendement: pour ceste cause Euripide feint, que Iris estant mandé par Iunon, meine ceste ci à Hercule, pour le faire deuenir furieux & enragé. Elle a la teste enuironnee de serpents, & porte vn eguillon, ou vn fouët à la main. Avec les Furies nous pouons adiouster les trois

Harpyes,

Harpyes, filles de Neptune & de la Terre, nommees Aello, Ocypité, & Celeno, lesq̃lles on a feint demeurer au cẽtre de la terre, & auoir le visage de femme, & le reste comme vn oyseau serpentın, & leur soucy & estat n'estre que de rapiner & voler tout ce qu'il leur plaist, à raison dequoy elles ont esté nommees les chiens de Iupiter. Les anciens les estimoient estre enuoyees des Dieux quelquesfois pour punir les hommes de leurs meschâtes œuures, & neantmoins elles demeuroient en enfer, combien que Virgile les faisoit habiter vne fois aux isles Strophades, en la mer Ionique, & que quelquesfois elles faisoient leur demeure en Stymp Hale, qui est vn lac d'Arcadie. Mais soit qu'elles habitassẽt en ce lieu, ou en autre, il ne m'emporte pour faire leur pourtrait, & encores moins à qui voudra sçauoir comme elles sont faites. C'estoient dõques oyseaux monstrueux, ayans visage de pucelles, assez beau, mais maigre, les mains rochues, le ventre grãd à merueilles, avec vne perpetuelle faim, & en oultre, grandes ailes, & ongles rochues. Or les fables comptent que Phinee Roy de Bythinie, tref-expert à predire les choses à venir, pour auoir trop apertement reuelé aux hommes les secrets des Dieux, fut premierement fait aueugle par Iupiter, & en oultre fort tourmenté des Harpyes, lesquelles toutes les fois qu'il vouloit prendre sa refection, venoient soudain se ruer sur la viande, & la luy faisoient quelquesfois toute, quelquesfois luy en laissoient vne bien petite partie, mais tellement emuantie par leur atouchemẽt, que nul n'en pouuoit

*Fable de
Phinee &
des Har-
pyes.*

souffrir l'odeur. Aduint que Iason & ses compagnons Argonautes allans à la conqueste de la toyson d'or, vindrent prendre port en Bythinie. Parmy la troupe desquels estoit Calais & Zethes, enfans du vent Boree, qui voloient par l'air tout ainsi qu'oiseaux, par lesquels Phinee auoit de long temps preueu qu'il deuoit estre deliuré de ces monstres. A raison de quoy ayant pris vn baston à la main pour sa guide, leur desbarquer vint humblement les recueillir, leur exposant son malheur, & les priant le secourir. Eufimeus de commiseration s'en vindrent avecque luy avec assurance de le secourir selõ leur pouuoir. L'heure du disner venue, & Phinee s'estant assis table parmy les autres, aussi tost qu'on eut couuert voicy les Harpyes, qui à l'accoustumee vindrent ruer sur les viandes, remplissans au reste tout le lieu d'une puanteur insupportable. Ce que voyans Calais & Zethes, prenans leur vol, fendirent l'air, & le poursuuiurent si viuement, qu'ils les tenoient de si bien pres, deliberez de les tailler en pieces, quand ils entendirent vne voix du ciel, qui leur defendit de passer plus auant, & les assura que les Harpyes ne retourneroiẽt plus tourmenter Phinee. Virgile décrit les Harpyes, & à son imitation l'Arioste les peint fort bien: mais ie trouue meilleur de metre icy les vers de Virgile tournez en nostre langue ainsi:

*Là me recoit des Strophades le port,
Sauué des eues. Or ces Strophades-cy
Des isles sont, qu'en Grec on nomme ainsi,
Dedans la mer d'Ionie la grande,*

*Où Celeno la cruelle, & sa bande
 Des autres sœurs Harpyes à foison
 Vont habitant, depuis que la maison
 Du vieil Phinée leur fut close, & des tables
 Furent chassés ces monstres detestables:
 Monstres, desquels plus malheureux au monde
 Il n'en est point, ne peste plus immonde.
 Ir e des Dieux plus grande ne se treuve
 Sortant de Styx, l'infernal triste fleuve.
 De filles ont les visages humains,
 Ventre ord & creux, & à griffes les mains;
 La face aussi pallissante & ternie
 Toujours de faim &c.*

Dante pareillement prenant le patron d'icelles en Virgile, en a tracé quelque chose en son enfer, disant:

*En ce lieu font leurs nids les Harpyes tres-viles,
 Qui meurent les Romains hors des Strophades isles,
 Par presage mauvais de leur futur dommage.
 Leurs aisles larges sont, leur col & leur visage
 Sont comme d'une femme, & à griffes leurs pieds,
 Le grand ventre plumeux: &c.*

Ovide dit que des Harpyes nasquirent certains grands oyseaux espouuantables, auides du sang humain, appelez en Latin *Striges*, duquel nom nous appellons aussi les cheuesches, ou chatshuans, oyseaux qui vont la nuit. Mais Plin e dit que quant à l'oiseau nommé *Strix*, il pense que ce soit fiction poëtique de dire qu'il se fait tetter aux petits enfans, & que de sçauoir quel oyseau c'est, cela est encores en doute. Voicy les vers d'Ovide que ie laisseray



pour le présent en la langue qu'il les a escript.

*Sunt auidē Volucres, non quæ Phineia mensis
Gutturā fraudabant: sed genus inde trahunt.
Grande caput, stantes oculi, rostra apta rapina:
Canities pennis, Unguibus hamus inest.
Nocte volant, puerosq; petunt nutricis egentes,
Et vitiant cunis corpora rapta suis.*

Carpe.

Carpere dicuntur lactantia viscera roſtro:

Et plenum poto ſanguine guttur habent.

Eſt illis ſtrigibus nomen: ſed nominis huius

Cauſa, quòd horrenda ſtridere nocte ſolent.

Ces oyſeaux voloient de nuit, & eſtans entrés aux maiſons là où il y auoit des petits enfans au berceau, tiroient le ſang, à cauſe dequoy les enfans mouroiēt. Stace dit qu'ils ſont nez en enfer, ayās la face, le col, & le ſein de femme, & veut qu'elles ayent des petits ſerpents, qui deſcendent de la teſte ſur le front, & ſur le viſage: dit auſſi qu'ils vont la nuit par les maiſons, pour ſe paiſtre du ſang des plus petits enfans, & pour remedier à ce malheur, les anciens adoroient la Deeſſe Carne, ou Cardinee, de laquelle nous auons fait mention en l'image de Ianus. Pline dit que les anciens, voulans oultrager quelque perſonne, & l'appeller forcier, le nommoient Strix, comme encores aujourd'huy on appelle en Italie Streghe, celles que nous diſons en François forcieres, qui ſont vieilles femmes, ne faiſans que mal, toutes enchanterefſes, & touſiours preſtes pour faire dommage à autrui. Aucuns ont auſſi voulu, que ce que les Grecs appellēt *Λαμια*, ſoit ce que les Latins nomment *ſtriges*. Mais Philoſtrate en la vie d'Apollonie, dit que *Lamia* ſont eſprits, ou pour dire mieux, mauuais dæmons, cruels & paillards outre meſure, & conuoiteux de la chair humaine. Ce pourroient bien eſtre ceux que nous appellons loups-garous, qui vont la nuit, mais i'eſtime que ce ſont les Fees. Suidas & Phavorin eſcriuent que *Lamia* fut vne belle femme,

Lamia.

de laquelle Iupiter fut amoureux, & en eut vn beau fils, lequel Iunon ialouse, fit puis apres mourir malheureusement, à cause dequoy la pource mere pleura si fort, qu'elle se desfit toute, & pour faire vengeance de son fils, elle alla despuis tousiours faisant mal aux autres enfans. Autres dient que ces *Lamia*, ou Fees, furent animaux qui sembloient des femmes, & auoiēt pieds de cheual. Mais Dion historien les descript en autre sorte, & d'autant qu'il en a dit plus que les autres, ie reciteray tout ce qu'il en escript. Il dit dōques qu'en certain païs desert de Lybie, y a quelques bestes trescruelles, qui ont le visage & l'estomach comme vne femme, & tel que plus beau ne le pourroit on depeindre, mesmes en leur regard & ez yeux elles ont tant de grace, & donnent tant de plaisir, que qui les regarde, les iuge toutes plaisantes, douces & debonnaires: puis le reste du corps est couuert d'escailles tresdures, se va changeant en serpent, en sorte qu'il se finist en teste de serpent terrible & espouuātable. Ces bestes n'ont point d'ailes, ne parlent, & n'ont autre voix, sinon qu'elles siflent, & sont si vistes, qu'il n'est animal aucun qui puisse fuir deuant elles, mesmes chassent aux hommes en ceste sorte. Elles monstrent leur beau sein, comme disoit aussi Hieremie le Prophete (combien qu'il vouloit entendre d'autre que de ces bestes) quand il dit au quatrieme chapitre de ses lamentations, *Les Fees ont descouuert leur mammelle*. Or ceux qui les voioient, en deuenoient si fort amoureux, qu'ils desiroient d'estre avec elles, & estans forcés de tel desir, ils s'en vont

vont à elles, comme vers les femmes tresbelles:elles ne se remuent aucunement, ains comme honteuses, tournent les yeux contre terre, & ne monstrent iamais leurs ongles tortues, sinon à ceux qui vont à elles, & s'approchent de bien pres: car lors elles les prennent avec les ongles, & ne les laissent iamais iusques à ce que le serpent qui est à leur queue ne les ait tuez pour les deuorer puis apres. Je n'en parleray pas dauantage, ains ie viẽ à faire le pourtrait des Sphinxes, qui sont monstres non fort differans des susnommez, en partie fabuleux, & en partie veritables. Car Plinẽ escript, que ces bestes sont en Ethiopie, & ont le poil brun, avec deux tetins en la poitrine & vne face monstrueuse. Albert le grãd escripuant des animaux, les met entre les singes, & selon ce qu'il en dit, ce sont quasi ceux qu'en Italie on appelle *Gatti mamonni*. toutesfois les Poẽtes en escripuẽt en autre sorte, desquels les tailleurs de pierre, graueurs & peintres ont prins le pourtrait, faisans, comme dit A Eliã, que la Sphinx est moitiẽ femme, & moitiẽ lyon: car ainsi la descript la fable, qui est recitee de la ville de Thebes, où elle demeuroit en certain rocher, & là proposoit des Enigmes & questions ambigues & douteuses à tous ceux qui passoient par là, & ceux qui ne les sçauoient interpreter & souldre, estoient tuez & deuorez par elle miserablemẽt. La vraye image donques de ceste ci selon les fables est que ce soit vn monstre triforme, ayant face de pucelle, aisles d'oiseau, & piedz de lyon, comme on peut recueillir de certains vers d'Aufone, qui se voyent traduits ailleurs

leurs ainfi:

*Elle aufsi propofant vn enigme en tous lieux,
Couroit deca delà, à qui diroit le mieux,
Que c'eftoit qui auoit deux pieds, puis trois, puis quatre.
Si on ne luy difoit, ell' commençoit à battre,
Et tuer, dont elle a fâché toute Aonie,
Eftant Oyseau, Lyon, & Vierge bien polie.
Sphinx par aifles d'oyseau, beſte brute en ſes pieds,
Quant au front deſcouuert, & ſes cheueux liez,
Eſtoit ieune pucelle, ayant la face entiere.*

Palephate eſcript que Hermione, femme de Cadme, ayant eſté de luy répudiée, aſſiegea Sphinx, qui eſt vne montagne de Beotie, & de là elle print par embuſches les Beotiens, & les maſſacra. Or les Beotiens appellent vne embuſche *αἰνυμα*. Pline dit qu'en Egypte, où il y auoit de fort grandes pyramides, y auoit vne Sphinx, que ceux du païs adoroient, comme vn Dieu ſauuage, laquelle eſtoit de pierre viue, & ſi grâde, q̄ la teſte auoit cent & deux pieds de tour, & cent quarantetrois de longueur, & depuis le ventre iuſques au ſommet de la teſte, y auoit cēt ſoixâte deux pieds. Je ne laifferay à dire aufſi de la Chimere, qui eſt vn môſtre du tout fabuleux, & feint par les Poëtes, lequel ſelon que dit Homere, & apres luy Lucrece, auoit la teſte d'un lyon, le ventre de cheure, & la queue de dragon, iettât flammes ardentes hors la bouche, comme aufſi Virgile la met en la premiere entrée d'enfer, avec autres monſtres terribles. Mais la verité fut, que la Chimere n'eſtoit point vne beſte, ains vne montagne au païs de Lycie, du plus hault

hault de laquelle, comme de Mongibel, sortoient flâmes ardentes, & à l'entour y auoit plusieurs lyôs, & des arbres, & pasturages plaisans au milieu avec diuerſes plantes, & au pied y auoit tout à l'entour de ſerpens: en ſorte que nul n'y oſoit habiter. A quoy Bellerophon trouua remede, & fit que par apres toute la montagne fut habitee en aſſurance. A cauſe dequoy les fables ont dit q̃ la Chimere fut tuee par Bellerophô. On pourroit bien mettre avec ces monſtres l'image & pourtrait de pluſieurs maux, qui ſont tous de la maiſon & famille infernale: mais d'autant qu'il ſera plus commode d'en parler en quelque autre lieu, comme i'ay deſia deliberé de faire, & que ce n'eſt pas choſe de grande importance, ie les laiſſe, & viens aux Parques, qui furent ſemblablement miſes au nombre des Dieux, & comme les autres eurent des temples, & autels à elles conſacrés. Ces Parques furent en nombre tel que les Furies, & ſeruoient auſſi à Pluton, comme vne d'elles le dit en Claudian, quand elle prie ce Roy d'enfer de ne faire point de guerre à Iupiter. Et n'eſt de merueille que les Parques ſeruent à Pluton. Car on eſtimoit qu'elles fioient la vie de l'homme, laquelle dure peu ou prou, ſelon que le corps fragile eſt idoine à viure plus ou moins: & ceci en l'homme eſt la matiere representee par Pluton. Des changements donques que reçoit en ſoy la matiere, vient la mort, & la vie, laquelle ſelon la meſure dicelle les Parques font longue ou courte. Pour ceſte cauſe les anciens ſaignoient qu'elles eſtoient trois, & que l'vne auoit le ſoin de faire

Les Parques ſillent.

naître, l'autre de faire viure , & la troisieme de faire mourir. A cause dequoy toutes trois demeurent ensemble à filer la vie des hommes , l'vne, qui estoit la plus ieune, tenoit la quenaille, & tiroit le fil , l'autre plus aagee, le tournoit à l'entour du fuseau, & la troisieme desia vieille, le coupoit. Pour ce Virgile en Dante parle ainsi de Dâte, s'esmerueillât de le voir si



auant en purgatoire, voulant dire qu'il n'estoit pas encore mort:

Ma parche lei, che dije notte fila,

Non gli hauea tratta ancora la conocchia,

(che Cloto impone à ciascuno, e compila.

Fulgence dit que les Parques sont promptes au ser-
uice de Pluton, parce que leur force est seulement
sur les choses terrestres, & nous auons desia dit aus-
si que par Pluton est signifiee la terre. Varron veut,
comme recite A. Gelle, que les Parques ont esté ain-
si appellees, à cause de l'enfantement, comme celles
qui en ont la charge. A cause dequoy les Latins en
nommerent l'une, *Decima*, c'est à dire, dixieme: & l'autre
Nona, neufuime. Car le temps de l'enfantement
qui est à temps & meur, est quasi tousiours l'un de
ces deux mois, neuuime ou dixieme. Mais d'autant
qu'il faut aussi que ceux qui naissent, meurēt, la troi-
sieme des Parques, fut appelée *Morte*, à cause de la
mort, avec laquelle on estime qu'elle met fin à la vie
humaine. Ceste cy est descripte par Pausanias, quand
il recite les choses grauees & entaillees en l'arche de
Cipsele. En ceste sorte la estoit (dit-il) Polynice tom-
bé à genoux, sur lequel couroit son frere Etheocle,
pour le tuer, & derriere estoit vne femme, ayant les
dens & les ongles fort longues, qui sembloit à la voir
beaucoup plus cruelle que toute autre fiere beste, &
estoit ceste la (ainsi que les lettres qui y estoient gra-
uees designoient) *M O R T E*, l'une des Parques, &
vouloit signifier, que Polynice mouroit par tel des-
tin, mais Etheocle mouroit par sa coulpe, & l'ayant

Decima.

Nona.

Morte.

merité. Mais parce que plusieurs Philosophes anciens ont voulu que la prouidence de Dieu, ait disposé & ordonné vne fois toutes les choses, de maniere qu'elles ne se peuuent changer, parce que les causes d'icelles sont ainsi ordonnees ensemble, que d'elles mesmes elles les produisent, d'où vient la force du Destin, que les Latins appellent *Fatum*: aucuns ont dit, que les Poëtes ont entendu la mesme chose sous la fiction des Parques, & qu'ils en feirent trois, parce que chascune chose commence par vn principe, & cheminant par son moien, qui luy est approprié, elle paruiet au but & fin à laquelle elle est destinee, & ces Parques nasquirent du Chaos: car en la premiere separatiõ, qui fut faite à toute chose, fut assignee sa propre cause. Autres ont dit que les Parques sont filles de Herebe (qui fut le lieu le plus profond & plus obscur de la terre) & de la Nuit, pour monstrier par l'obscurité du pere & de la mere, cõbien sõt occultes les causes des choses. Platõ les fait estre filles de la Deesse Necessité, entre les genoux de laquelle il met ce grand fuseau de diamant, qui tient d'un pôle iusques à l'autre, & les Parques qui demeurent assises pres de la mere, egaleement distantes l'une de l'autre sus vn siege haut & esleué, qui chantent avec les Sirenes, qui sont par dessus les Spheres du ciel, asçauoir Lachesis du passé, Clothon du present, & Atropos de l'aduenir, & toutes semblablement mettent la main au fuseau, avec la Deesse Necessité, leur mere: en ceste sorte, Clothõ y met la main droite, Atropos la gauche, & Lachesis avec les deux mains,

'Necessité
Deesse.



mains, le touche deçà & delà, & sont toutes trois vêtues de drap blanc, & ont la teste environnée d'une couronne. Pourfuit en apres Platon, disant que comme les sorts ou adventures de la vie de l'homme viennent de Lachesis, & quelques autres choses qui contiennēt sens & intelligences fort haultes, & tres-grands mysteres, cōme ie declareray, quand i'escri-

*Habit des
Parques.*

*Ghirlandes
des Par-
ques.*

*Venus entre
les Parques.*

ray de l'ame, selon qu'autresfois i'ay promis de faire: car maintenant il ne vient à propos, suffira de sçauoir que les Parques estoient vestues de blanc, & couronnées comme roines, & demeuroient assises, l'une mettant vne main, & l'autre les deux au fuseau, qui estoit entre les genoux de Necescité leur mere, laquelle fut semblablement appelée Deesse, & luy fut dédié vn temple, comme aussi à la Deesse Violence, (comme escript Pausanias) aupres de Corinthe, là où ils disoient qu'il n'estoit pas loisible à aucun d'étranger. Aucuns ont fait des ghirlandes aux Parques des fleurs blanches de Narcisse, ou lis, & autres leur ont bandé la teste avec vne bande blanche, comme fait Catulle, lequel les descriuant vieilles de visage, dit qu'elles sont vestues d'une robe blanche qui leur couure les membres tremblans, & est ceinte & environnée de pourpre, & ont à la teste vne bande blanche. Et combien qu'elles soyent vieilles, sont neantmoins tousiours prestes à filer de leur main en diuerles manieres, & par leur trame, & ouurage la vie de l'homme viét, & s'en va pour la dernière fois. Homere chantant les louanges de Mercure, dit que les Parques sont trois seurs vierges, qui ont des ailes & de farine fort blanche respandue par dessus leurs testes. On lit aussi en Pausanias, que Venus fut mise pour vne des Parques, & principalement par ceux d'Athenes, qui auoient en vn certain temple dédié à ceste Deesse, vn simulachre fait en forme quarree comme les Hermes, que lon faisoit pour Mercure avec vn Epigramme, qui le nommoit Venus celeste

vne des Parques, & la plus vieille d'icelles, & n'y
 uoit personne qui en sceust dire autre chose. Ce
 qui me reduit en memoire les choses que faisoient
 es Romains, qui tenoient au temple de Libithine
 ce qui seruoit pour porter les morts à la sepulture.
 Dequoy Plutarque rendant raison, dit que Libithi-
 ne estoit Venus, & qu'en son temple on gardoit les
 ornemens des morts, pour nous admonnester de la
 fragilité de la vie humaine, le commencement & la
 fin de laquelle estoit en la puissance d'une mesme
 Deesse. Car comme vne autre fois nous auons dit,
 Venus fut la Deesse de generation, & la faisant la
 plus vieille des Parques, cela vouloit signifier qu'elle
 estoit celle qui mettoit fin à la vie de l'homme. Mais
 nous pourrons aussi dire parauenture que ceci signi-
 fioit que les Parques estoient estimees chose celeste
 & diuine, combien qu'elles seruissent à Plutō, & que
 e les aye mises avec luy pour plusieurs raisons que
 j'ay dit. Acause dequoy il se treuve qu'en quelque
 part de la Grece, y eut vn autel dedié au Dieu Mera-
 getes, qui veut dire chef & capitaine des Parques.
 Pausanias dit que lon doit tenir pour asseuré que
 c'estoit le surnom de Iupiter: car luy seul tient les
 Parques en sa puissance, & luy seul fait ce que le De-
 tin, ou (pour mieux dire) l'ordonnance de Dieu or-
 donne: d'où il aduiet parauenture, que quelques-
 uns l'ont appellé chancelier des Dieux, comme que
 ce soit son office d'entendre la volonté de Iupiter,
 & les ordonnances de tout le Senat celeste, & les met-
 tre par escript, à fin qu'elles se puissent estendre en-
 apres

*Meragetes
 Dieu.*

*Chancelier
 des Dieux.*

apres au temps de les mettre en execution. Il me souuiét d'auoir veu autresfois, au liure des antiquailles recueillies par Pierre Appian, les Parques peintes en ceste sorte, comme il dit qu'elles estoient en vne lame de plomb, qui fut iadis trouuee au païs de Stirie, (maintenant dicte Sclauonie, vers Hongrie) en l'an 1500. Il y est tiré vn signe en cercle, & dans ice-



luy est assis sus vne petite tour vn ieune homme nud, lequel avec les deux mains se couure le visage, & les yeux, & a escript sus la teste C L O T H O. à ses pieds gist vn petit enfant avec des ailes, qui est nud, & tient la main droite, sur le genouil droit, & demeure appuyé sus vne teste de mort, laquelle au trauiers de la bouche a vn os de mort. Au dessus de cest enfant estoit escript L A C H E S I S, & à la teste de mort, A T R O P O S. Il sembloit puis apres qu'à main droite de l'enfant, non fort loin de luy y eust vne flamme ardente, & derriere quasi vers luy qui estoit assis, y auoit vne motte ou petit faisceau d'herbe, avec quelques fleurs, tout le reste estoit terre aride, & quelques pierres en ce lieu respandues, sans aucun ordre. Or maintenant pour mettre fin à la famille de l'enfer, voyons cōme estoit fait le nocher ou pilote qui demouroit au bord de la riuere Acheron pour passer les ames, lesq̃lles venans de toutes parts du monde, & sortans des corps des hōmes mortels, s'en venoient là quād elles meuroiēt en l'ire de Dieu, comme Dante se fait dire, par Virgile en ceste sorte,

Ceux, mon enfant, (dit le doux maistre)

Qui meurent en l'ire de Dieu,

S'assemblent icy de tout lieu.

Mais les anciens ne faisoient point ceste distinction: car ils vouloiēt que toutes les ames y allassent apres la mort, combien qu'elles ne fussent toutes passees en vne mesme sorte, comme on peut voir en Virgile, quand il fait aller Enee en enfer. Car arriuan's, passoiēt seulement celles des corps desia enseuelis, &

Charon.

celles des corps qui n'auoient encores eu sepulture,
alloient errantes cent ans deuant que pouuoir en-
trer en la petite barque de Charon qui les portoit
à l'autre bord. Charon est vn diable ayant les yeux
de feu, lequel est descript par Seneque en ceste sorte,
quand en la tragedie d'Hercule qui deuient furieux
il fait que Thesee recite à Amphitryon, ce qu'il a
desia veu en enfer:

*Dessus les flots plombez pend vn mortel rocher,
Soubs lequel vn hideux & horrible nocher
Garde dessus le port vne croupissante onde
D'un lac tout endormy soubs la roche profonde.
En ce point ce vieillard, ord, villain & crasseux,
Va passant aux enfers les esprits tous peureux,
Sa barbe orde luy pend, & par dessus l'eschine
Vn nœud luy va serrant sa vileine poitrine.
Il a caue la iou' qui de ses yeux reluyt,
Seulement son bateau d'une perche il conduit,
Luy retournant à vuyde, au port l'esquif il borde,
Prest de passer l'esprit qui à sa riuë aborde.*

Et faut croire qu'il en print le pourtrait de Virgile,
lequel long temps deuant luy le traça en ceste sorte:

*Le nautonnier Charon, qui fait horreur,
Et qui d'ordure emplì donne terreur,
Est là pour garde aux fleuues ordonnè:
Vn poil chenu rude & mal testonnè,
A grand plantè luy couure le menton:
Les yeux en flamme estincellans voit on:
Dessus l'espaule vn neud serre & entord
L'habit, qui pend sàlle & grandement ord:*

*Il pousse donc à la perche en ceste eau,
 Et à la voile il conduit son bateau:
 Ainsi mainte ame à l'autre bord il parque,
 Les conduisant sur l'enrouillée barque,
 Desia tout vieil: mais son aage pourtant,
 Ce Dieu vieillard, verd & cru va portant.*

En ceste sorte l'auoit aussi depeint le peintre Polygnot en certains tableaux qu'il fit au temple d'Apolon en la Phocide, en ayant prins le dessein des Poëtes anciens, comme recite Pausanias: lequel dit qu'il y auoit aussi certaine eau, laquelle on peut croire, que fust la riuïere appelée Charon, à cause du batelier qui la passoit, & dedans y auoit plusieurs cannes, comme celles des laqs & marests, & quelques poissons qui sembloient plustost estre vmbres des poissons que vrais poissons. Quand Boccace veult interpreter ceste image, il dit que par Charon est entendu le temps (comme aussi Seruie l'entend) lequel est fils d'Herebe, qui se prent pour le conseil secret de Dieu, duquel le temps & toutes les autres choses sont crees: & sa mere fut la nuit. Car deuant que le temps fust, on ne voyoit encores aucune lumiere, & pour ceste cause il fut fait en tenebres, & semble naistre des tenebres. Il fut en apres mis en enfer, pource que ceux qui sont au ciel n'ont point besoin de temps, comme nous qui sommes mortels, qui habitons en la plus basse partie du mode, Dont si nous regardons à ces bienheureux, nous pouuons dire avec raison que nous sommes en enfer. Charon porte les ames d'un bord à l'autre, pourtant qu'apres

*Exposition
 de Charon.*

que nous sommes naiz, le temps nous porte à la mort, & nous fait passer la riuere d'Acheron, qui veut dire sans ioye: car nous passons ceste vie fragile & caduque, & toute remplie de miseres. Il est vieil, mais neantmoins il est robuste: car le temps ne perd point sa force par les ans. Il a à l'entour vn drapeau noir & sale, d'autant que cependant que nous sommes subiects au temps, nous nous soucions bien peu d'autre cas, que des choses terrestres, qui sont viles, & sales, si nous les voulons parangonner à celles du ciel, auxquelles nous deurions estre tousiours attentifs, de tout nostre cœur & desir. Mais ceste despoille fragile de ce corps mortel, que nous auons à l'entour, nous tient tant couuerte la lumiere de raison, que nous allons par l'enfer de ce monde quasi comme aueugles, estans poussés seulement par les sentimens, & de mille appetits desordonnés. Parquoy il ne se faut esbair si nous sommes puis apres enuironnez tousiours d'une infinité de maux, lesquels se presentent soudain que les ames descendent en l'enfer de ce monde, & se mettent dans les corps mortels. Et ainsi peut on exposer Virgile, quand il parle des maux qui sont aux portes d'enfer, les vers duquel tournez en nostre langue sont tels:

Deuant l'entree, à la gueule premiere

De l'Orque ouuert, la plainte coustumiere

A son repaire, & le vengeur soucy:

La maladie infirme & palle aussi,

Vieillesse triste, & fremissante crainte,

Et s'aim souuent à mal faire contrainte:

Orde indigence y est, faces enormes,
 Et à les voir, pour vray, terribles formes:
 Mort & labour & le dur somme ensemble,
 Parent de mort, à qui bien il ressemble:
 L'éiouissance au cœur d'un malin vieil:
 Puis guerre y est la mortifere au sùeil
 Sur l'opposite, & les couches de fer
 Des dires seurs Eumenides d'enfer:
 Pareillement s'est mise & arrengee
 En cest endroiët la discorde enragee,
 Qui ses cheueux serpentins tout au tour
 Reliez porte en un sanglant atour.

M E R C V R E.

LES Dieux fabuleux des anciens auoient ainsi
 partis les offices entre eux, que la charge de porter
 les ambassades diuines estoit donnee à deux seule-
 ment: l'un estoit Mercure, messager de Iupiter: l'autre
 Iris, qui seruoit à Iunon: mais elle ne seruoit pas
 à elle seule, tellement que Iupiter ne luy comman-
 dast aussi quelquesfois. Il est bien vray que de ceste-
 cy il ne se seruoit point, sinon quand il vouloit faire
 un nôcer aux hommes guerre, peste, famine, ou quel-
 que autre grand mal, & pour les choses plus plaisan-
 tes, il enuoyoit en apres, Mercure, lequel ne fut pas
 seulement ambassadeur de Iupiter, mais aussi des au-
 tres Dieux, selon les fables, lesquelles sous la fiction
 de cestui-cy, qui est interprete des Dieux, ils enten-
 doient que la parolle entre nous expose ce que l'e-

*Messager
des Dieux.*

esprit, qui est la partie diuine que nous auons, a desia conceu. Mais laissons ces expositions, & voyons pour le present, comment la vaine creance & folie des anciens le fait, le tenant non seulement pour Dieu des ambassades, mais aussi qu'il fut mesmes surintendant au guain, s'uyuant ce que luy mesme dit de soy en Plaute:



Les puissans Dieux m'ont fait leur messager,

Et du gain m'ont donné toute la charge.

Au liure des antiquailles recueillies par Pierre Ap-
 pian, on voit que iadis pour représenter Mercure
 fut fait vn ieune homme sans barbe, avec deux peti-
 tes ailes sur les oreilles, tout nud, horsmis que der-
 riere les espaules luy pendoit vn drapeau, qui n'estoit
 pas trop grand, & tenoit avec la main droite vne
 bourse appuyee sur la teste d'un bouc, qui gisoit à ses
 pieds, avec vn coq: & en la gauche il auoit le Cadu- *Caducee.*
 ce, qui estoit la propre enseigne de Mercure, com-
 me aussi les ailes sur la teste, & aux pieds. A cause de
 quoy les Poëtes quasi tous le peignent en ceste for-
 me, luy faisant les ailes aux pieds, que les Latins appel-
 lent *Talaria*, que nous pourrions dire talonnières: &
 en la main le Caducee, appelé par les Poëtes verge.
 Car du commencement c'estoit vne simple verge,
 & auoir quand il l'eut d'Apollon en eschange de la
 lyre, qu'il luy donna, comme racontent les fables,
 lors qu'après auoir desrobé les vaches, ils se recon-
 cilièrent ensemble. A cause de quoy quand Homere
 chante l'hymne de Mercure, recitant quasi toute la
 fable, il luy fait ainsi dire par Apollon:

Puis ie te donneray la baguete doree

De la felicité, des secondes richesses. &c.

La verge ou Caducee furent en apres adiouttez les
 serpens: ou pource q̃ Mercure en ayant desia trouué
 ceux qui se battoient l'un l'autre, ietta entr'eux sa ver-
 ge, & soudain ils furent pacifiez: ou bien c'est pour la
 cause amenée par Plinē, lequel apres auoir dit com-

*Pourquoy
 les serpens
 sont au ca-
 ducée.*

ment

me frayans ils s'entortillent ensemble, en temps d'esté, il adioust ce qui signifie concorde entre les serpens trescruels, semble estre la cause pourquoy a esté fait le caducee ou sceptre de Mercure, avec les serpens à l'entour: car il est dit que les Egyptiens, qui furent parauenture les premiers à faire le caducee, le feirent en ceste sorte, & c'estoit vne verge ou baston ou (si nous voulons dire) vne gaule avec deux serpens à l'entour, l'vn masle & l'autre femelle, qui estoient nouëz ensemble au milieu, & faisoient quelque chose comme vn arc de la partie haute de leurs corps, & en sorte qu'ils ioignoient ensemble leurs bouches au plus hault de la verge, & leurs queuës s'entortilloient en bas en icelle, desquelles sortoient dehors deux petites ailes. Les Latins l'appellēt *Caduceus*, parce qu'en l'apparition d'iceluy il faisoit cheoir tout discord. Pour ceste cause aussi ce fut l'enseigne de la paix. Et les ambassadeurs le portoient, quand ils alloient pour la faire, dont ils furent puis apres appelés *Caducaeatores*. On trouue aussi que les anciens ambassadeurs en ambassade, comme amis portoient l'oliuier comme Virgile fait qu'Enee enuoye cent ambassadeurs au Roy Latin, tous couronnés de verd oliuier. Et que quand il va vers Euandre, il monstre à Pallas qui luy vient le premier au deuant, qu'il va comme amy, en estendant la main avec vn rameau de pacifique oliuier. Semblablement quand Stace fait que Tydeus va demander au nom de Polynice, le Royaume de Thebes à Erheocle, il luy met entre les mains vn rameau d'oliuier, pour monstre qu'il alloit comme amb

Ambassadeurs de la paix.

*L'oliuier
signe de
paix.*

ambassadeurs de paix, puis le luy fait ietter loing quand il ne peut obtenir ce qu'il demande, d'où eut commencement la mal-heureuse guerre. Appian raconte que quand Hasdrubal cognut qu'il ne pouuoit plus tenir la forteresse de Carthage, ia assiegee & prinse par les Romains, ayant laissé ses enfans & sa femme dans le temple d'Esculape, avec plusieurs autres qui se brulerent tous ensemble d'une commune volonté & consentement, il s'enfuit secretement vers Scipion, portant à la main quelques rameaux d'oliuier, par lesquels il monstroït qu'il venoit seulement pour auoir paix. Ce qu'auoient fait pareillement plusieurs des siens deuant que luy, qui s'estoient retirez vers Scipion, pour obtenir, comme ils firent, que quicōque vouloit, peust sortir à sauueté hors de la forteresse, & s'en aller, iceux portans neantmoins à la main, non pas le rameau d'oliuier, mais bien de la Veruaine, appelée en Italie Verminaca: combiē que l'on peut aussi entēdre par les paroles d'Appian, non seulement ceste herbe, mais bien toutes les autres herbes & fueilles; desquelles estoit paré l'autel & tēple d'Esculape, qui estoit en ceste forteresse fort beau & riche: car sous le nom de Veruaine anciennement l'on entendoit toutes les herbes & fueilles, desquelles estoient parees les autels les iours de feste. Mais outre ceci, presēter à autrui de l'herbe avec la main, estoit signe entre les anciens, de confesser estre vaincu par celuy à qui elle estoit presentee: car c'estoit signe qu'il s'offroit à luy, comme son subiect. Ce qu'escript Feste, disant que cecy fut introduit anciē-

Ce que signifie presēter de l'herbe.

nement au premier temps par les pasteurs, quand ils iouoient à courir ensemble, ou autrement quand ils venoient à contention & querelle ensemble, celuy qui estoit vaincu se couchoit en terre, & prenant de l'herbe avec la main, la presentoit au victorieux. Neantmoins la vraye veruaine fut aussi signe de paix, comme Pline escript, & d'icelle estoient couronnés les ambassadeurs enuoyés pour faire trefues, ou paix, principalement par les Romains. Car les autres nations vsèrent parauenture d'autre chose, comme dit aussi Appian de quelques peuples d'Espagne, qui enuoyerent ambassadeurs à Marcel, pour auoir de luy pardon & paix: & ceux cy portoient au deuant d'eux, la peau d'un loup, au lieu du Caducee, ou des rameaux d'oliuier & de veruaine, qui furent pour tant presque generalement, & pour le plus, en vsage pour les affaires de la paix. Et auoient coustume les anciens de s'enueloper & mettre à l'entour quelques bandelettes de laine, lesq̃lles signifioient la foiblesse & humilité de celuy qui les portoit, comme Seruie le declare au premier discours que fait Enee à Euan-dre, en Virgile. Pour ceste cause quelquefois le Caducee a esté fait seulement pour la Paix, & quelquefois aussi le rameau d'oliuier a esté fait seul pour presenter la Paix, laquelle fut pareillement Deesse, & eut à Rome, vn grand temple, si beau & si riche que plusieurs y venoient seulement pour le voir. Cestuy cy fut fait, par le commandement de Vespasian apres la victoire du pais de Iudee, auquel il feit apporter tous les ornemēts du temple de Hierusalem: & peut on cro

*La Deesse
Paix.*

on croire qu'en iceluy auoit quelque beau simulachre de la Paix. Si est ce que iusques à present ie n'ay trouué aucun qui en ait parlé. Voyons dōques comme ailleurs elle a esté faite, ou pourtraite. Aristophane la descript du tout belle, quant à son aspect, & selon son aduis elle est la compagne de Venus, & des Graces. Pausanias escript que la statue d'icelle en la ville d'Athenes estoit en forme de femme qui tenoit en sa main, comme i'ay dit autrefois, l'enfant Plute, Dieu des richesses, d'autant qu'icelles s'acquierēt & se conseruent mieux durāt la paix, qu'au temps de la guerre. Car pour lors on ne peut vaquer à labourer la terre. A cause dequoy les anciens ont dit, que la Paix fut grande amie de Ceres, & d'icelle bien ay-
La Paix amie de Ceres.
 nee, comme Tibulle chante en certains vers que Ronsard a si excellemment imité, que si Tibulle vi-
res.
 uoit, on ne sçauroit dire lequel les auroit pris l'un de l'autre: disant,

La paix deffous le ioug fait mugir les taureaux:

La paix dedans les prez fait saulter les troupeaux:

La paix sur les coutaux tira droit à la ligne

Les enfans arrangez de la fertile vigne:

De raisins empampez Bacche elle enuironna,

Et le chef de Ceres de froment couronna.

Elle enfla tout le sein de la belle Pomone

D'abondance de fruiets que nous produit l'Automne.

Et les guerres sont occasion du contraire. Dont Claudian dit, que Ceres ne voulut point marier sa fille Proserpine à Mars, ny aussi à Phœbus, combien que tous deux la demandoient. Et ce pour

autāt que les vehemētes & grādes ardeurs du Soleil, quand elles durent trop, nuyssent aussi bien au bléd, comme font les guerres. Et pour ce les anciens feirēt aucunesfois pour le pourtrait de la Paix, comme on voit en quelques medalles anciennes, vne femme qui tenoit en sa main vn espi de froument. Et pour ceste cause Tibulle dit:

Vien alme Paix avec l'espi en main,

Et de beaux fruiets ayant plain le blanc sein.

Quelques fois ils la couronnoient d'Oliuier, & autresfois de laurier. Et voit on aussi en quelques medalles anciennes, la Paix avec ghirlandes ou chapellets de roses. Et combien que les noms soyent diuers, & les images aussi diuerses, neantmoins il me semble, que la Paix & la Concorde sont vne mesme chose, & l'vne & l'autre furent adorees par les anciens, à fin qu'elles leur donnassent vie tranquille & paisible. Ce sera donq bien à propos, qu'après auoir fait le pourtrait de l'vne, ie baille le pourtrait de l'autre. Or la Concorde estoit faite en forme de femme qui tenoit en sa main droite vne coupe, & à la gauche auoit la corne d'abondance: dont Seneque dit ainsi d'elle:

Concorde.

Et à celle qui peut de Mars, Dieu inhumain,

Restraindre le courroux, & la sanglante main:

Qui repos donne & trefue à la guerre cruelle,

Et porte le cornet d'abondance avec elle:

Qu'on face sacrifice ores doux & benin.

Quelquesfois aussi fut mis vn sceptre à la main de Cōcorde, duquel sebloit prouenir quelques fruiets

Arist

Aristide en vne sienne oraison, depeint la Concorde avec vn beau regard, & grauité: & la fait grande de corps, de fort bonne couleur, & bien plaisante, n'ayât en soy chose qui n'accorde fort bien avec sa beauté, & dit que iadis elle descendit du ciel en terre, par la bonté des Dieux, à fin que les affaires des hommes mortels fussent maniez par ordre certain. Car par le moyen de ceste cy, la terre est labouree, chascū iouit en assurance de ce qui est à luy. Elle gouuerne les villes, les nopces sont faites & conseruees ioieusement, les enfans sont nourris & enseignez. La Concorde fut quelquesfois signifiée aussi par les deux mains iointes ensemble, ce que lon voit en vne certaine medalle antique de Neron: comme les anciens faisoient aussi de la Foy, laquelle semblablement ils auoient pour Deesse: & mesmes Silie Italique dit qu'elle habite es lieux plus secrets de tout le ciel, parmi les autres Dieux, quand il feint qu'Hercule la va chercher, pour la deffence de Sugonte, & luy commence à parler en ceste sorte:

*La Deesse
de la Foy.*

*O sainte Foy, qui fus deuant Iupin ez cieux
Crée, & embellis les hommes & les Dieux,
Toutes choses par toy sont en repos & paix,
Et là où quelquesfois pour cause des meffaits
Des hommes, tu n'es point, & qu'y regne le vice,
En ce lieu là bien tard se trouue la Iustice:
Car avec elle en reng tu chemines tousiours:
Et dans les chastes cueurs & iustes faiëts sejour,
Là où le cabinet est des saintes pensées.*

Pourautant qu'il faut que la foy soit secrette, c'est à

*Couleur pro
pre à la Foy*

dire, les choses dont on se fie entre nos mains : elle doit estre aussi pure & nette, & sans aucune tromperie. C'est pourquoy Numa second Empereur des Romains, commanda que le sacrificateur sacrifiant à la Foy, eust la main couuerte d'un voile blanc, ainsi que T. Liue recite, pour donner entēdre qu'on doit garder la Foy en toute sincerité, & rondeur, & qu'elle estoit consacree en la main droite : car nous la devons defendre tout promptemēt, & de toute nostre force. Virgile nomma au semblable la Foy blanche & chenuē, ce que Seruie interprete, auoir esté dit, pource qu'il semble que lon treuve plus de Foy aux vieilles gens, qui sont desia blancs. Quand Horace se plaint des malheurs de son temps, il dit que la Foy vestue de blanc estoit bien peu adoree, & en cecy Acron son cōmentateur note que sacrifiant à la Foy, le sacrificateur se couuroit non seulement la main droite avec le voile blanc, mais aussi la teste, & quasi tout le corps, pour monstrier que l'esprit & volonté doit estre franc & pur, pour accompagner tousiours la Foy. A cause dequoy l'Arioste dit:

Les anciens ont peint la Foy vestue.

D'un voile blanc. &c.

*Main consacree à la
Foy.*

Et pource que lon auoit eu ceste opiniō, que le propre siege de la Foy fust en la main droite, & que pour telle cause elle luy estoit consacree, comme i'ay dit, elle fut aussi souuent signifiee par les deux mains droites iointes ensemble, & quelquesfois aussi lon faisoit deux petites figures qui se bailloient la main l'une à l'autre. Dont les anciens eurent la main droite en

en grâde reuerence, comme chose sacree. Et mesmes de cecy est auenu, comme diët aucuns, que lors que nous voulons appaiser quelque bruit, qui se fait soudain, nous monstons la main droite, la leuant en haut : car en la presentant ouuerte, nous signifions d'apporter la paix. Pour ceste cause on voit que plusieurs statues des princes & des capitaines illustres,



furent

*Baiser les
mains.*

furent iadis faites à cheual & à pied estendants la main droite. Iosephe escripuant des antiquités des Iuifs, dit qu'entre les barbares estoit signe trescertain qu'on se deuoit fier l'un de l'autre, quand ils presentoyent la main droite: & que cecy estant fait l'un ne pouuoit plus tromper, ny l'autre se deffier. D'où parauenture vint la coustume de baiser les mains aux seigneurs & autres superieurs. Ce qui fut en vſage entre les anciens, comme aussi auioird'huy entre nous: comme on voit en Plutarque, quand Popilius Lena, apres auoir parlé longuement à Cesar, qui alloit au ſenat le iour meſmes qu'il fut tué, luy baïsa la main, & s'en alla. Quand Macrobe fait parler Pretestatus en faueur des seruiteurs, il dit que plusieurs d'entr'eux sont, qui pour cause de grandeur, & d'un cœur magnanime, mesprisent les richesses: & qu'au contraire lon voit ſouuent que plusieurs hommes libres, nobles & maistres pour l'auarice & desir de gain, vont à baiser les mains vilainement aux autres seruiteurs: & cest acte monstroït que qui le faisoit, se recommandoit en la foy de celui à qui il baïsoit la main: & pour ceste cause il le recognoïſſoit pour son superieur & seigneur. Il est venu ſemblablement en vſage, en ce temps icy, de bailler la main droite en ſigne de foy: laquelle fut aussi ſignifiee quelque fois avec un chien tout blanc. Car on lit, & tout le monde ſcait les miracles de la Foy & loyauté des chiens. Mais reuenant à la Concorde, de laquelle ma detour

né le pourtrait des deux mains, qui est à elle commune avec la Foy: les anciens luy dedierent la cigogne,

& pour

*Cigogne cor
ſacrée à Co
corde.*

& pour ceste cause en son temple estoient plusieurs
 igognes : combien que Politian vueille que ce ne
 ait point la cigogne qui fut baillee à la Concorde,
 mais bien la corneille, & en tesmoignage de cecy, il
 allegue plusieurs medalles anciennes, & Elian, le-
 quel dit que les anciens auoiēt coustume, apres auoir
 auoqué Hymenee aux nopces, d'appeller la corneil-
 le pour bon augure de Concorde, qui deuoit estre
 entre ceux qui se marioyent ensemble pour auoir
 enfans. Mais cecy estoit aussi pour cause de la Foy
 qui se deuoit maintenir entre le mari & la femme:
 faisant le mesme Elian que les corneilles entre elles
 sont loyalles : car des deux qui sont accompagnes
 ensemble, si l'une meurt, l'autre demeure tousiours
 veufue. Dauantage, les pommes de grenade estoient
 pareillemēt signe de Cōcorde, entre les anciens, cō-
 me tesmoignent les auteurs Hebrieux : & pour ceste
 cause on les mettoit à l'entour des robes des sacrifi-
 cateurs. Maintenant reuenons à Mercure, pourtrait
 avec les ailes aux pieds, & avec la verge en la main
 par Homere, quand Iupiter l'enuoye à Calypson, à
 fin qu'elle laisse aller Vlysses, & conduire Priam au
 camp des Grecs, pour demander le corps d'Hector. Ce
 qui a esté si bien imité par Virgile qu'il semble l'auoir
 traduit, quand il fait semblablement, que Iupiter
 commande à Mercure d'aller vers Enee, cependant
 qu'il estoit avec Didon: disant ainsi,

*Corneille oi-
 seau de Con-
 corde.*

*Pommes
 de Grenade
 pour la Con-
 corde.*

*Il auoit dit: & le Dieu messager
 Soudainement fut prompt à desloger.
 Il noue aux pieds ses riches talonnières,*

*Qui par le vent de leurs plumes legeres
 Le vont portant à course vagabonde,
 Plus tost sur terre & plus tost dessus l'onde.
 Il prend sa verge: & ceste verge est celle,
 Dont icy haut les ombres il appelle
 Des tristes lieux, ou bien les y conuoye:
 Auecques elle en noz yeux elle enuoye
 Ores le somme, & ores le reueil,
 Ores les clost d'un eternal sommeil:
 Par elle encor' chasse vents & orages,
 Et à son gré trauerse les nuages.*

*Pourquoy
 les plumes
 furent don-
 nées à Mer-
 cure.*

Je pourrois alleguer autres Poëtes, qui l'ont descrip-
 en la mesme sorte: mais il me semble, que ces deu-
 sont de si grande auctorité, que quand ils font fo-
 de quelque chose, on n'en doit point chercher d'au-
 tre, si parauenture ce n'estoit pour mieux donne-
 entendre ce qui a esté dit par eux, ce qui n'est pas en-
 cores besoin. Les plumes furent donnees à Mercu-
 re, comme i'ay dit, pource que quant au beau parler
 & eloquence, il en estoit le Dieu, ou autrement aus-
 il signifioit la mesme chose, & les parolles s'en vo-
 lent en l'air, comme si elles auoient des ailes. Pou-
 ceste cause Homere appelle quasi tousiours les pa-
 rolles hastiues, ailees, & comme si elles auoient de
 plumes. Mais qu'il soit ainsi que Mercure eust tou-
 iours des plumes sur la teste, on le voit en Plaute
 quand pour le peu de temps qu'il changea d'habit
 il ne les voulut point laisser, cōbien qu'il dit de le fai-
 re, à fin que ceux qui estoient au spectacle, & qui le re-
 gardoient, le connussent estre different d'auec le ser-
 uiteur

iteur d'Amphitryon, auquel il s'estoit changé. & voici ses propres parolles:

Et afin que puissiez me recognoistre,

J'auray tousiours ces plumes au chapeau.

Car Mercure auoit encores le chapeau, auquel les plumes estoient attachees: combien qu'Appuleie le monstre sans ailes, quand il recite le iugement de Paris représenté en la Comedie, faisant que pour Mercure comparoit en personne vn ieune homme beau du tout, & plaisant en son regard, avec les cheveux blonds, & crespes, parmy lesquels estoient quelques plumes dorees, peu differentes de celles qu'il auoit en forme d'ailes, & sortoient quelque peu dehors, & estoit à l'entour de soy seulemēt vn drapeau, noué au col, qui pendoit en bas de l'espaule gauche, & le caducee en sa main. Martian le descript ieune hōme, beau de corps, grand & gros, auquel commençoient de sortir quelques poils de barbe aux ioues tresbelles, & comme dit Lucian, il estoit à demi nud: car vne robe fort courte luy couuroit seulement les espauls. On ne fait point mention d'ailes, ny de verge: bien est-il, qu'il monstroient d'estre prompt & fort expérimenté à la course, & à la luyte. Ce qui me remet en memoire ce que j'ay desia dit par la bouche de Philostrate, c'est que Palestre, laquelle nous pouuons appeller luytte, fut fille de Mercure, & telle qu'avec difficulté on pouuoit connoistre si elle estoit masculine ou femelle. car quant au visage fort beau & agreable, elle sembloit estre aussi bien vn fils qu'une fille. Les cheveux blōds estoient fort longs, mais non pas tant

*Palestre,
luytte.*



qu'on les peult nouër: quant au sein, c'estoit comme
 celluy d'une pure vierge, mais les mammelles n'e
 stoient non plus grosses & releuees que celles d'un
 ieune homme. Les bras aussi n'estoient point seule
 ment blancs, mais aussi colorés, & estant assise ell
 tenoit en son sein vn rameau de verd oliuier: d'autā
 qu'elle aymoit ceste plante grandemēt, & parauētur
 parc

parce que ceux qui luytoient, estoient premieremēt
 oynts avec de l'huile. En ceste sorte depeint Philo-
 strate la Palestre, c'est à dire la luitte:& dit qu'elle fut
 fille de Mercure, qui fut l'inventeur de ceste sorte d'e-
 xercice:comme chante Horace en vne Ode qu'il luy
 a fait. Mais Mercure ne trouua pa seulement aux
 hommes la maniere d'exercer le corps,ains celle aus-
 si d'exercer l'ame, & Iambliq dit que ceux d'Egypte
 luy attribuerent l'inue tion de toutes sciences &
 bonnes disciplines, & pour ceste cause aussi luy de-
 dioyent tous leurs escripts. Ciceron escript, que
 Mercure enseigna en Egypte les lettres & loix, &
 qu'il fut appellé par ceux du païs du nom de Thoit,
 ou Theut,comme dit Platon. Autres ont dit que ou-
 tre les lettres, Mercure fut inventeur de la musique,
 de la geometrie,& de la luitte: & à cause de ces qua-
 tre choses,anciennement on faisoit son image, de fi-
 gure quarree, & la mettoit on aux escholes, comme
 elle estoit en quelque part du païs d'Arcadie: selon
 ce que recite Pausanias,lequel le descript faict en for-
 te qu'il sembloit se vestir vn mâteau, & n'auoit point
 de iambes au dessus,ny de piedz, ains estoit comme
 vne petite colonne quarree. Quand Galen exhorte
 les ieunes gens aux bonnes lettres & sciences, il dit
 qu'elles furent toutes inuentees par Mercure, & le
 depeint beau ieune homme, non pas tel par artifice
 ou fard,ains naturellement,& ioyeux à voir,avec les
 yeux resplandissans, estant dessus vne base quarree:
 car celuy qui ensuit la vertu, ne se laisse pas offenser
 à Fortune, & demeurant ferme & asseuré ne craint

*Thoit.**Theut.*

*Figure
 quarree de
 Mercure.*



point aucune iniure, ny dommage qu'elle luy puisse faire. Suidas escript, que la figure quarree est dōnee à Mercure, pour cause du parler veritable, lequel demeure tousiours ferme, & assure contre qui que ce soit, tout ainsi comme le mēteur se change soudain, & souuent se tourne, tantost deçà, tantost delà. Mais soit qu'il fust pour cecy, ou pour autre, Alexandre le

Napo

Napolitain dit que les Grecs faisoient souuent la statue de Mercure en forme quarree seulement avec la teste, sans aucun autre membre, & avec semblables statues, souuêtesfois ils faisoient honneur aux grâds & vaillans capitaines, les mettans en lieu public, & en mettoient aussi plusieurs au deuant des maisons des particuliers, comme tesmoigne Suidas. Thucydide escript, & Plutarque le replique, qu'en Athenes y auoit grand nombre de telles statues, lesquelles en vne nuit furent quasi toutes gastees, soudain que les Atheniens eurent deliberé d'enuoyer vne grosse armee contre Syracuse. A cause dequoy Alcibiades, qui estoit vn des chefs de l'armee, en fut grandemēt tormenté, estant accusé par quelques vns d'en estre coupable, comme celluy qui auoit donné signe de changement d'estat à la republique, mettant par terre ces statues, appellees Hermes. Car Mercure fut aussi semblablement appelé Ερμης par les Grecs, & ces statues estoient mises, comme i'ay dit cy deuant, pour ornement aux escholes & Academies. A raison *Hermes.* dequoy Ciceron respondant à Atticus, appelle Hermes le commun ornement de toutes les Academies: & vne autrefois il respond au mesme Atticus, qu'ils luy sont desia agreables, combien qu'il n'aye point encores veu les Hermes de marbre, avec les testes de bronze, qu'il escript d'auoir achettez, & mesmes le prie d'assembler telles choses le plus qu'il pourra, & le sollicite de les enuoyer bien tost, pour orner son Academie, ou librairie, si mieux nous l'aimons ainsi appeller. Il est escript que ceux d'Athenes furent les
premi-

*Hermes, &
ceux qui les
firent pre-
mierement.*

Cyllenien

*Force &
vertu de la
parole.*

premiers qui feirent semblables statues. Mais non seulement en ces statues de Mercure, ains aussi en celles de plusieurs autres Dieux, les autres Grecs vserent de telle figure quarree, & plus que tous les autres parauenture ceux d'Arcadie, comme Pausanias escript, lesquels auoient vn autel dedié à Iupiter avec vne statue faite en semblable forme. Et combien que plusieurs escripuent que Mercure fut appellé Cyllenien, à cause d'une montagne d'Arcadie ainsi nommée, là où il nasquit neantmoins aucuns ont voulu qu'il fust ainsi appellé à cause de ces images quarrées, qui pouuoient estre appellees trôcs, n'ayās point autres membres que la teste. Car les Grecs appellent Cyllès ceux à qui lon a retranché quelque membre: & mesmes par ces statues ils signifioient la force de la parole, qui n'a point faute de l'aide des mains (comme Feste escript) pour faire ce qu'elle veut, ains quand elle est bien ordonnée & se fait entendre, en temps propre & conuenable, elle peut tant qu'aisement elle plie le cœur des hommes, comme luy plaist, & souuent elle force autrui à son plaisir. A cause dequoy Horace chante de Mercure, que du commencement il persuada aux hommes de laisser les forets, & les montagnes auxquelles ils alloient en ce temps la vagabonds comme bestes sauuages & farouches, pour se rassembler, & vnir à viure ensemble politiquement. Ce que parauenture il print de certaine fable des Grecs, laquelle porte que Promethee fut enuoyé ambassadeur vers Iupiter, pour le prier de pourueoir & faire que les hom-

mes

mes laissent la vie rustique, & brutale, de laquelle ils auoient accoustumé viure depuis le commencement du monde: & qu'il enuoyast avec luy Mercure, avec commission d'enseigner à ceux qu'il penseroit estre dignes, la maniere de bien parler, avec laquelle ils peussent aisement persuader aux autres ce qui estoit necessaire de faire pour mener vne vie domestique, honneste, & ciuile. Et pour ceste cause les anciens dedierent la langue à Mercure, & en outre en tous les autres sacrifices, cecy estoit propre & particulier à luy, de luy sacrifier les langues des victimes ou bestes sacrifiees, beuuant vn peu de vin. On estimoit aussi que Mercure fut le premier qui enseigna le moyē de gagner, & pource estoit il le Dieu des marchands. Suidas escript que pour ceste cause, on luy nettoit vne bource à la main en son simulachre. Fulgence veut que les ailes aux pieds de Mercure, signifient le diligent actif & continuel mouuement de ceux qui traffiquent, lesquels pour estre diligens & soigneux en leurs affaires, vont quasi tousiours çà & là. C'est pourquoy Cæsar escript que les François doroient Mercure plus que tous les autres Dieux, & en auoient plusieurs simulachres, parce qu'oultre qu'ils disoient que c'estoit l'inventeur presque de tous les arts, ils estimoient aussi que particulierement pouuoit beaucoup leur ayder pour le gain, & profit, & aux marchandises: ausquelles combiē doivent estre les hommes vigilants, le monstre le coq, qui est mis à costé de ce Dieu, comme i'ay desia dit, combien qu'aucuns veulent qu'il signifie plustost la

*Langue
consacrée à
Mercure.*

*Le Dieu
des mar-
chands.*

*Le Coq
à costé de
Mercure.*

vigilance & le soin que doyuēt auoir les sages & doctes, car c'est vne chose fort mal seäte à eux de dormir toute la nuit. Comme ainsi soit que mettāt Mercure pour la raison, & pour la lumiere, qui nous conduit à la cognoissance des choses, il ne veut pas que nous soyons longuement enseuelis au sommeil, ainqu'apres que l'esprit est renforcé, nous retournion à l'œuure accoustumee. Car les hommes ne peuuent point estre tousiours en action continuelle, ny quant au corps, ny quant à l'esprit, à cause dequoy leur est necessaire le brief repos, qu'apporte le sommeil, comme monstrent les Philosophes. Et Paulanias escriptuant du pais de Corinthe, dit qu'il y auoit vn autel là où lon sacrifioit aux Muses, & semblablement au Sommeil, comme estans grands amis ensemble. Car les anciens firent aussi du Sommeil vn Dieu, & luy dresserent des statues, comme aux autres Dieux: & mesmes ils estimoient, comme dient Hesiode, & Homere, qu'il fust frere de la Mort. ce que signifioit aussi les images engrauees au coffre de Cipsele, où estoit vne femme, qui tenoit sur le bras gauche vn petit enfant blanc qui dormoit, & vn noir sur le gauche, qui dormoit aussi & auoit les pieds tortus. Ce fut cy estoit la Mort, l'autre le Sommeil, & la femme c'estoit la Nuit, qui les nourrissoit tous deux: laquelle fut peinte par les anciens, en forme de femme, ayant deux grandes ailes noires sur les espaules, & ses ailes estoient estendues en sorte qu'elle sembloit voler, & mesmes avec icelles elle embrasse la terre, comme dit Virgile. Ouide luy baille vne ghirlande, ou couronne

*Sommeil
avec les
Muses.*

*La Nuit,
& comment
elle fut pour
traite.*

onne de pauot, qui luy enuironne le frôt, & enuoye avec elle grande compagnie de songes noirs. Les autres Poëtes ont fait qu'elle a vn chariot à quatre roues, qui signifient, comme dit Boccace, les quatre parties de la nuit, en ceste sorte diuisees par les soldats, comme aussi par les Pilotes en leurs gardes & veilles. Elle est toute de couleur obscure, mais les robes qu'elle a sont quelque peu à l'entour resplandissantes, & est tellement depeinte qu'elle represente l'ornement du ciel. Tibulle fait qu'avec elle vont les Estoilles ses filles, & aussi le Sommeil & les Songes, quand il dit ainsi:

*Iouez, desia la nuit ses cheuaux noirs attelle,
De la mere le char suit mainte gaye estoille:
Après s'en vient tout coy le Somme non soudain,
Aux ailerons tannez, & d'un pas incertain,
Après le Somme vont les noirs & menteurs songes.*

Par le dire duquel on conoist que le Sommeil auoit semblablement les ailes, ce que dit Stace, quand il se plaint qu'il y a desia tant de iours qu'il ne peut dormir, & le prie qu'il vueille venir vers luy finalement, & secourre sur sa teste les douces plumes, de mesme en dit aussi Silie Italique. Dauantage le Sommeil est eune: car Stace le fait estre tel, l'appellant le plus plaisant de tous les Dieux, comme qu'il n'y ait chose plus agreable ny plus plaisante aux hommes mortels, que reposer apres le trauail, ce que nous apportee le plaisant Sommeil, dont Seneque dit:

*O Somme des trauaux dompteur,
Repos de l'esprit & du cœur:*

*Le Sommeil
avec les ailes.*

Somme, la meilleure partie
 Qui soit en ceste humaine vie:
 Somme, oiseau qui d'Astree sort,
 Frere de la fascheuse mort,
 Meslant par le moyen du songe
 A la verité le mensonge:
 Qui scais l'aduenir de bien loing,
 D'iceluy tres-mauuais tesmoing:
 Somme de toute chose pere,
 Port des humains, de la lumiere
 Le repos, compagnon loyal
 De la nuit, qui t'en viens egal
 Au serf & Roy, que seul recrée
 Les membres las de la iournée,
 Qui contrains, Somme paresseux,
 Les hommes (de la mort peureux,
 Laquelle ils ne veulent comprendre)
 A la mort longue mesme apprendre.

*Robes du
 Sommeil.*

Philostrate, au tableau qu'il fait d'Amphitrac, dit
 qu'à l'entree de la cauerne d'iceluy, estoit la porte des
 Songes, car en y dormant on voyoit & entendoit par
 Songes ce qu'on cherchoit d'entendre. Il peint don-
 ques le Sommeil tout languissant avec deux robes
 l'une blanche, qui est par dessus, & l'autre noire, qu'
 est dessous: entendant par l'une le iour, & par l'autre
 la nuit. & mesmes luy met vne corne en la main
 comme font aussi quasi tous les Poëtes, avec leque
 il semble qu'il jette & respande le sommeil sur tous
 Ce qu'ils dient auoir esté inuēté, pource que la cor-
 ne estant faite plus prime, & subtile, est transparēte
 & ainsi



& ainsi elle nous signifie les choses comme nous les voyons par songes. Ce qui se doit entendre quand les songes sont veritables : car quand ils sont faulx, le Sommeil n'a point de corne en la main, ains plustost vne dent d'Elephant, d'autant que l'yuoire n'est jamais transparant, quoy qu'il soit delié & subtil, & la veüe de l'homme ne peut passer par icelluy. Pour

Songes.

ceste cause Virgile vouloit que deux fussent les portes, par lesquelles viennent les Songes, l'une de corne, l'autre d'ivoire. Et que par l'une passassent les veritables, & par l'autre les faux. Sur quoy Porphyre fait vn tel discours, comme Macrobe recite : Quand l'ame, dit-il, s'est retiree cependant que l'homme dort, d'une grand part des actions du corps, combien qu'elle s'adresse pour ietter les yeux, & considerer la verité: neantmoins elle ne la peut bien voir ny droitement, pour cause de l'obscurité de la nature humaine, & neantmoins quand ceste nature se vient à subtilier & indusrier, en sorte que l'œil de l'ame, c'est à dire l'esprit, y puisse penetrer, elle voit les vrais songes, par la porte de corne: mais quand elle demeure espoissie & grossiere, que l'esprit n'y peut penetrer, ny la veüe ou consideration, lors les faux songes viennent par la porte d'ivoire. Chose presque pareille veut entendre Virgile quand il dit qu'au milieu de l'entree d'enfer y a vn grand Ormeau qui estend les rameaux fueilleux, & qu'au dessous de ces fueilles demeurent attachés les songes vains & faux. Ce qui veut dire, comme Seruie le declare, que du temps que les fueilles tumbent des arbres, les songes sont tousiours faux. Et autres ont dit que l'ormeau, qui est vn arbre qui ne porte point de fruit, signifie de soi-mesmes la vanité des songes, qui furent appelez borgnes par les anciens, comme Suidas escript: ou autrement, pource qu'ils sont menteurs, ou qu'ils parlent tousiours à ceux qui ont les yeux clos. Outre ceci, le Sômeil porte quelques fois, vne verge en la main,

*Songes,
faux.*

*Verge du
Sômeil.*

la main , avec laquelle il touche les hōmes, & les fait dormir. Pour ceste cause Stace vne fois qu'il ne pou-
 uoit dormir, le prioit qu'il vinst à le toucher de sa ver-
 ge. D'abondant Ouide qui a descript le lieu où le
 Sommeil habite, dit qu'il est pres des peuples appel-
 lez Cymmeriens, vers lesquels il est quasi tousiours
 nuict. Et Homere le met en l'isle de Lemnos, qui est
 en la mer Egee. Stace le loge entre les peuples d'E-
 thiopie : & l'Arioste finalement l'a logé en Arabie.
 Apres qu'Ouide a descript la maison & logis du Sō-
 neil, il le fait dormir sus vn liēt d'Hebene, tout cou-
 uert de drap noir, à l'entour duquel sont songes in-
 finis, figurés en diuerſes formes, desquels il en a trois
 qui sont les ministres plus honorables, dont l'vn
 represente seulement la forme humaine, & est appel-
 lé Morphee : l'autre est appellé Fobetor, qui repre-
 sente toute sorte de bestes : le troisieme, lequel fait
 voir la terre, l'eau, les pierres, les arbres, les montai-
 gnes, les pluyes, & toute autre chose sans ame, est
 nommé Phantase. Mais ie ne parleray pas d'auanta-
 ge de ceux la, afin de reuenir à l'image de Mercure,
 faite en forme quarree (comme dit Pausanias, quand
 il descript le pais d'Achaye) lequel estoit en certain
 endroit de ce pais, sur le chemin, avec la barbe & le
 chapeau sus la teste. Il ne me souuient point d'a-
 uoir leu d'autre statue de Mercure, horsmis de ceste-
 y, qui eust barbe : & tous les Poëtes le descriuent
 sans barbe, ce qu'ils dient vouloir signifier que quād
 le langage est beau, plaisant & pur, il n'enuieillit ia-
 mais. Toutesfois il y a plusieurs qui le peignent en
 sorte

Cymmeriens

*Ministres
des Songes.*

*Pourquoy
Mercure
est sans bar-
be.*

*Pierres iet-
tes contre
la Statue de
Mercure.*

forte qu'il commence à mettre hors la premiere barbe, qu'on dit poil follet, comme i'ay desia dit de Martian : & ie puis dire ausi que Lucian en ses sacrifice depeint Mercure, avec quelque petit poil de premiere barbe, qui commence luy apparoir sur le visage. Semblablement Homere fait qu'Vlysses le voit estre tel, quand il va vers luy, & luy porte l'herbe, avec laquelle il se defendit par apres des enchantemens de Circe. On lit ausi, que contre les statues de Mercure, qui estoient sur le chemin public, vn chacū iettoit des pierres, quand il passoit par là, & selon qu'il en trouuoit, en sorte qu'on en voyoit là à l'entour des monceaux & montioyes : ce qui estoit fait par auenture pour monstrier qu'on doit faire honneur aux Dieux, avec tout ce que premierement se presente & nous vient en la main: ou plustost, pour monstrier de nettoyer en ceste sorte le chemin public, & que les autres qui passoiēt par là n'en trouuassent point comme ausi à fin que les courriers, qui estoient recommandez à ce Dieu, ne trouuassent chose qui le peust offenser, ou empescher de bien courir. Ou autrement cecy estoit pour nous signifier, que tout le discours de l'homme est composé de petites parties tout ainsi que ces monceaux estoient faits & composez de petites pierres recueillies ensemble. Suidas escript, que ces monceaux de pierres estoient consacrés à Mercure aux chemins incertains, par auenture à celle fin que qui passoit par là, ne se detournast point du bon chemin. Et que mesmes ce fut coustume des anciens, de mettre sur les chemins publics

pou

deuant la statue de Mercure, des premices des fruits pour le seruice des passans & voyageurs, lesquels selon qu'ils en auoient besoin, en mangeoient. Il est aussi script que Mercure fut fait quelquesfois avec trois testes: soit pour signifier la grande force & vertu qui est au langage bien orné, ou autrement, pource qu'à estuy cy, qui est la guide des voyagers, ne suffit pas

*Mercur
avec trois
testes.*



Ece

vne teste pour monstrier aux autres les diuers chemins. Car pour ceci, en chascune des trois testes estoit marqué là où ce chemin ou l'autre tiroit. D'auantage, les anciens vouloient que Mercure eust le soin des pasteurs, dequoy Homere fait foy, quand il dit qu'entre les Troyens Phorbas fut le plus riche de bestail, & de troupeaux, & que cecy fut pource que Mercure, auquel il estoit agreable, l'auoit ainsi enrichi. Et parauenture que c'est pource qu'en ces premiers temps, les hommes n'auoient autre gain, que celluy qu'ils prenoient des troupeaux, & des brebis. Pour ceste cause Pausanias escript qu'au pais de Corinthe sur certain chemin y auoit vne statue de Mercure faite de bronze, laquelle estoit assise, & auoit vn aigneau au costé. De quoy expressement il ne veut dire la raison, & à bon droit, car c'est chose mysterieuse, qui ne se peut ny doit dire. Et vn autre y en auoit vers les Tanagreiens, peuples du pais de Beotie, qui portoit vn mouton sur son col. Car on dit que Mercure s'en allant iadis en ceste sorte, à l'entour de la muraille de la ville, fit cesser vne grande peste. A cause dequoy on obserua depuis là qu quand on celebroit sa feste, vn tresbeau ieune homme alloit à l'entour de la ville avec vn aigneau sur son col. Vne autre statue de Mercure fut portee d'Arcadie, comme recite le mesme Pausanias, & offerte au temple de Iupiter Olympien: qui estoit armee, avec vn heaume en la teste, & vestue d'une tunique, avec vne courte robe dessus, en soldat, & portoit vn mouton sous le bras. Macrobe, qui veut que pour les au

tres Dieux, soient signifiees plusieurs vertus du Soleil, tire aussi à icelles l'image de Mercure, disant que ses ailes montrent la vitesse & agilité du Soleil. Car de luy fut feint aux fables, qu'il tua Argus, qui estoit le gardien de la fille d'Inach, qui fut changée en vache, à cause dequoy ils mirēt aussi quelques fois vne cimenterre à la main de sa statue : & ce pourautant qu'Argus avec tant d'yeux signifie le ciel plein d'estoilles, qui garde la terre, laquelle ceux d'Egypte en leurs lettres hieroglyphiques & sacrees, faisoient en forme de vache : & Mercure le tua, c'est à dire le Soleil, qui fait cacher les estoilles quand le iour commence à se montrer. Dauantage, les figures quarrées de Mercure, qui n'auoit seulement que la teste & le membre viril, signifioient que le Soleil est le chef du monde, & qui sème toutes choses, mesmes les quatre costez de la figure quarrée, designent ce que signifie la fistre à quatre chordes, qui fut aussi donnée à Mercure, c'est à dire, les quatre parties du monde, ou autrement, les quatre saisons de l'année, ou bien q̃ les deux equinoccès, & les deux solstices, viennent à faire les quatre parties de tout le Zodiaque. Ce fut propre inuention des Grecs, comme escript Herodote, & ceux d'Athenes furent les premiers, qui firent & monstrerent aux autres de faire semblablement les statues de Mercure, avec le membre viril droit : & parauenture que ce fut, comme dient les fables, & Ciceron le recite, qu'il se dressa en ceste sorte pour l'enueir qu'il eut de Proserpine la premiere fois qu'il la veit. Le Caducee ou verge de Mercure s'ac-

*Mercur
pris pour le
Soleil.*


*Caducee
accommodé
à la naissan
ce de l'hom
me.*

commode en apres à la naissance de l'homme , comme dit le mesme Macrobe en ceste sorte, selon l'opinion de ceux d'Egypte. En la naissance de l'homme sont auec luy ces quatre Dieux. Le Demon, la Fortune, l'Amour, & la Necessité: desquels les deux premiers signifient le Soleil, & la Lune, d'autant que du premier, assauoir du Soleil, prouiennent & sont conferuez, l'esprit, la chaleur, & la lumiere de la vie humaine: & pour ceste cause on croit qu'il soit le Demon, c'est à dire le Dieu de celuy qui vient à naistre. La Lune est appelée Fortune, pource qu'elle estenc toute sa force sur les corps, qui sont subiects à plusieurs & diuers accidens. L'amour est signifié par les deux testes des serpents, qui se ioignent ensemble comme s'ils se baïsoient: & la Necessité est signifiée par le nœud que ces serpents font d'eux mesmes au milieu. Martian escript, que Philologie, estant entre au second ciel vit qu'une vierge luy venoit au deuât auec vn tableau à la main, en laquelle estoïent engrauees toutes ces choses qui nous sont signifiees par Mercure. Au milieu estoit l'oiseau d'Egypte, semblable à la cigogne, appelé Ibis, & vne teste de beau visage, couuerte d'un chapeau, & auoit à l'entour deux serpens. Au dessus y auoit vne belle verge dorée à la poitrine, verdoïante au milieu, & deuenoit noire au bout. Au costé droit estoit vne tortue, & v scorpion, & à gauche vn bouc, avec certain oiseau semblable à vn esperuier. Toutes ces choses sont quasi prinſes des myſteres des Egyptiens, chez lesquels on croit que Mercure fut adoré sous le nom

de ce Dieu, appellé entr'eux Anubis. Car ilz le faisoient tenant le caducee à la main, comme le depeint Apuleie, lequel recitant de ceux qui alloient avec Isis dit ainsi, Anubis y estoit, lequel ils dirent estre *Anubis.* Mercure, ayant le visage tantost noir, tantost doré, haussant son col de chien, & en la main gauche, il portoit le caducee, & avec la droite secouoit vn rameau de palme verte. Ce Dieu fut fait en Egypte, avec teste de chien, pour nous signifier, la prudence & accortise que Mercure nous apporte, attendu mesmes qu'on ne trouue animal plus accort ny qui faire mieux le trac que le chien: ou autrement ils le faisoient ainsi, pourautant que, comme Diodore Sicilien le recite, Anubis fut fils d'Osiris, & pourfuyuant le pere en toutes les guerres, il se monstra tousiours estre vaillant, à cause dequoy il fut honoré apres la mort, comme vn Dieu: & d'autant qu'en son viuant il portoit à la cresse de son heaume, vn chien, son image fut puis apres faite avec vne teste de chië, pour nous signifier qu'il fut tousiours vn gardien ou gouuerneur fort sage, prudēt & loyal à son pere, & defendant tousiours contre vn chacun, qui luy vouloit mal faire. Oultre ce si Hercule ne fut le mesme que Mercure, il fut bien peu different, comme nous en fait foy son image faite par les Gaulois, lesquels l'adoroient pour le Dieu de Prudence, & d'eloquence en ceste sorte, comme Lucian le raconte. Il y auoit vn vieil homme qui estoit quasi à la fin de ses iours, tout chaulue, sinon qu'il auoit quelque peu de cheueux en vn endroit de la teste. Il estoit de

Hercule.

couleur brun au visage, tout crespé & ridé, & vestu d'une peau de lyon, & en la main droite il tenoit vne massue, & vn arc en la gauche, & luy pendoit des espaulles vn carquois. En oultre il auoit au bout de la langue plusieurs chaines d'or & d'argent, fort subtiles & deliees, avec lesquelles il trainoit apres soy par les oreilles, vn grand nombre de gens qui le sui-



ioient fort volontiers. Il est bien aisé à voir que cette image signifie la force & vertu de l'éloquence, laquelle ces peuples attribuoient à Hercule. Car comme dit le mesme Lucian, Hercule fut estimé beaucoup plus fort, & puissant que Mercure, & ils le faisoient vieil, d'autant qu'aux vieux l'éloquence est beaucoup plus parfaite qu'elle n'est aux ieunes hommes. Ainsi que Homere nous enseigne en la personne de Nestor, de la bouche duquel quand il parloit sembloit couler & distiller du miel tresdoux. Et pour ceste cause parauenture que ces deux Dieux n'eurent entr'eux qu'un seul temple commun au pais d'Arcadie. & ceux d'Athenes qui auoient en leur Academie les autels des Muses, de Minerue, & de Mercure, esolus d'en auoir semblablement vn d'Hercule, d'autant que la diuinité & puissance de cestui-cy, ne pouoit pas moins aider à ceux qui s'exerçoient en ce lieu, que les autres. Pausanias escript que non seulement les Grecs, mais bien plusieurs nations barbares ont aussi creu, que Mercure & Hercule eussent la surintendance sur l'exercice des luytteurs & escrimeurs, & que principalement ils estoient adorés aux lieux où se faisoit cest exercice. Pour ceste cause entre les Lacedemoniens, au lieu appelé le Drome, là où les ieunes hommes s'exerçoient à la course, y auoit un tresancien simulachre d'Hercule, auquel alloient pour sacrifier ceux qui estoient desia de plus grand age. Et en quelque part de Corinthe les gens du pais disoient qu'Hercule auoit iadis en ce lieu là offert & dedié à Mercure sa massue qui estoit d'oliuier

*Eloquence
& sa force.*

*Dieux de
l'exercice.*

sauiua

lauuage, & estimoit on qu'elle auoit fait puis apres des racines, & qu'elle estoit crue, & deuenue vn grãd arbre. Je ne diray pas s'il a esté vn seul Hercule, ou plusieurs, combien que ie sçay bien, que Varron en fait quarantequatre, mesmes il dit que iadis tous les hommes de grande valeur & admirables, estoient appelez Hercule: ie ne diray pas aussi lequel d'iceux ce fut qui d'entre les autres fut colloqué au nombre des Dieux: car cela ne touche rien à qui veut seulement faire vn pourtrait des simulachres, & des statues que les anciens en feirent: lesquels adorerent vn Hercule comme Dieu, & luy feirent les honneurs qu'ils faisoient aux autres Dieux. Et ceux d'Egypte le mirent au nombre des douze, comme escript Herodote. Mais combien que plusieurs choses qui sont escriptes d'Hercule, ont esté faites par plusieurs personnes de ce nom, neantmoins elles sont toutes attribuées à vn seul, qui fut fait Dieu, le simulachre duquel estoit grand pour la plus part, & monstroit qu'il estoit fort & robuste, à cause dequoy en son viuant il fut surnommé Melampige, qui vaut autant à dire comme cul noir. Car en ceste sorte les Grecs appelloient les hommes forts & robustes: & au contraire ilz appelloient les mols & effeminés, Leucopiges, c'est à dire, qui ont le cul blanc. A ce propos on lit vn petit compte qui est tel: Ils furent deux freres, autant malins & plus que lon sçauroit dire, appelez Cercopes, leur mère voyant qu'elle ne les pouoit detourner de leurs meschantes œuures, les pria que à tout le moins ils se donnassent garde de ne frapper des

*Simulachre
d'Hercule.*

pieds

pieds à Melāpige. Aduint qu'un iour Hercule reposant sous vn arbre, auquel il auoit appuyé son arc, & à la massue, ceux cy suruindrent, & le voyans dormir le libererent luy iouer vn trait de leur mestier: & estoient desia sur le point de ce faire, quand Hercule esueilla: lequel estant leué, ne leur fit autre mal, si non qu'il les print, & apres les auoir lié par les pieds ensemble, & attachez à sa massue, les chargea sur ses espauls, & s'en alla. Les Cercopes cependant qu'ils estoient pendus en ceste sorte, virent qu'Hercule auoit le cul & les fesses noires, & velues, & commencerent à dire tout bellemēt entr'eux ce que plusieurs fois leur mere leur auoit dit, & que veritablement c'estoit Melampige. Dequoy Hercule apres auoir entendu le tout, y print le plus grand plaisir du monde: & pour ceste cause se riant, deslia les Cercopes, & les laissa aller, lesquels furent par apres transformez en singes marmots, ayans la queue (comme Ouidas recite) pourautant qu'ils voulurent tromper Jupiter. Et pource qu'il par les Cercopes furent souuent entendus ceux qui sont frauduleux, trompeurs & calulateurs, comme on voit en Plutarque, lequel parlant de la difference qui est entre les vrais amis, & les flatteurs, dit que les princes prennent plaisir à ceux qui les flatent, & leur donnent de l'encens, comme Hercule prenoit plaisir aux Cercopes. Desquels Herodote a fait aussi mention, quand il escript le chemin que fit Xerxes passant avec son armee les montagnes de Grece, & dit qu'il passa la riuere d'Asope, par certain chemin qui fut appellé le siege des Cer-

copes, c'est à dire, des malicieux : là où auoit aussi vne pierre qui fut appelée Melampige, c'est à dire fontaine noire: car ce mot peut aussi bien signifier cecy, comme ce que i'ay dit d'Hercule : au simulachre duquel ie retourne, lequel fut d'un homme fort, & robuste, & fut pareillemēt tout nud, horsmis qu'il auoit vne peau de lyon à l'entour, & la teste avec la bouche ouuerte de ce lyon, luy seruoit d'heaume ou salade, & tenoit la massue en vne main, & l'arc en l'autre, le carquois luy pendoit des espauls, comme i'ay dit. Vn autre sēblable qui estoit tout de metal, de la hauteur de dix coudées, fut dédié en Olympie, ville de Grece, à ceux qui estoient allez avec le fils d'Agénor, pour chercher Europe, comme escript Pausanias, lequel dit aussi que ceux de Lacedemonie eurent vn simulachre d'Hercule, non pas nud, ains avec la peau du lyon tout à l'entour, & neantmoins tout armé. Et la raison de ce fut, qu'estant Hercule allé pour certains siens affaires en la ville de Sparte, qu'estoit la principale des Lacedemoniens, il mena avec soy vn iouuenceau, son cousin, nommé Eone, ou Licinie, comme dit Apollodore, recitant le mesme fait lequel s'en allant tout seul, à son plaisir, pour voir la ville, paruint deuant la maison d'Hippocoon, lequel estoit pour lors le Seigneur & Roy de ce lieu : là où il fut soudain assailli par vn terrible chien, lequel frappa d'une pierre, & le fit retourner en la maison & lors les enfans d'Hippocoon entēdants cecy, sortirent avec bastons, & tuerent Eone. Ce qu'Hercule sachant, irrité & desdaigné à cause du desplaisir de

*Hercule
armé.*

mort de son cousin, s'en va tout seul sans delay contre les ieunes hommes qui l'auoient tué, & combati-rēt long temps ensemble, & à la fin Hercule estant blessé en vne cuisse, se retira, pour ne pouuoir resister au grand nombre des personnes qui l'assailloient. Mais bien peu apres il mit tant de gens ensemble, qu'il tua non seulement les enfans, mais aussi le pere Hippocoön, & ruina toute la maison, & pour ceste cause les Lacedemoniens le feirent armé, & les Arcades feirent puis apres au simulachre d'Hercule vne playe à la cuisse, en memoire de la blesseure que i'ay dit, pour laquelle quād il fut gueri, il dedia vn temple à Esculape, sous le furnom de Cotilee, d'autant que Cotile en Grec signifie autant que cuisse en nostre langage: pour signifier que c'estoit luy qui l'auoit guairy de la playe receüe en la cuisse. Apollodore escript, que Hercule fut semblablement armé, quand pour la defence de la ville de Thebes il combatit contre les Mineens, & que Minerue luy bailla les armes: & mesmes il adiouste, qu'apres qu'Hercule eut appris de tirer de l'arc, par Eurite, il eut puis apres les traits d'Apollon, l'espee de Mercure, le corps de cuirace de Vulcan, & le manteau de Minerue, car quant à la naissance, il se la couppa luy mesmes en la forest Nemee. Pline escripuant d'aucunes plus memorables statues de metal qui fussent entre les anciens, dit qu'à Rome y en auoit vne d'Hercule, terrible à voir, estât vestue d'vne robe longue à la Greque: & qu'elle fut si fort espouuantable à voir, se monstre par ce qui est dit d'vn quidam qui en eut si grande peur,

*Esculape
Cotilee.*

*Armes
d'Hercule.*



qu'il deuint du tout vne pierre, en le voyant passer
 par là où il s'estoit caché, en vne cauerne, & ceste
 pierre estoit, comme dit Suidas, en forme d'un hom-
 me, qui met la teste dehors pour voir. Il est dit puis
 apres aux fables, que le Soleil bailla vn grand vase
 ou vaisseau pour boire à Hercule, avec lequel il passa
 la mer, comme recite Athenee, & Macrobe l'inter-
 prete

prete estre vne certaine sorte de nacelle appelée
 l'Eschif: car tel estoit aussi le nom du vaisseau, & on
 e pourroit bien accommoder à celluy que nous ap- *Eschif ou
 besche, vais-
 seau d'Her-
 cule.*
 pellons besche, parquoy ils n'y firent point apres
 d'autre vaisseau en leurs sacrifices: & mesmes Vir-
 gile en parlant des ceremonies d'Hercule celebrees
 par Euandre, quand Enee alla vers luy, il dit que
 l'eschif sacré empeschoit les mains dudit Euandre:
 ce qui montre la grandeur dudit vaisseau, tenant le-
 quel en la main Hercule fut quelquesfois pourtrait,
 soit que ce fust pour cause de la fable que j'ay dit, ou
 autrement, pour signifier qu'Hercule estoit vn grãd
 beueur, comme Athenee recite. Ce que vouloient *Hercule
 grand beu-
 ueur.*
 parauenture aussi montrer ceux qui au pais de Co-
 rinthe, en certaine chappelle firent qu'un ieune hom-
 me luy bailloit à boire, cõbien que Pausanias escript,
 qu'Hercule souppant avec vn sien beaupere, frappa
 l'un tel eschif ou nacelle sur la teste de Cyathe ieune
 homme, qui luy donnoit à boire, qu'il le tua, pource *par Hercu-
 le.*
 qu'il luy sembloit quil ne faisoit pas cest office ainsi
 qu'il deuoit, & qu'en memoire de cecy furent apres
 faites ces statues. Il est aussi escript par Apollodore
 & Athenee, qu'Hercule fut vn grand mangeur, & *Hercule
 grand man-
 geur.*
 gourmand outre mesure, en sorte que souuent luy
 seul mangeoit vn boeuf tout entier: & pour ceste cau-
 se les anciens luy consacrerent l'oiseau de riuere ap-
 pellé des Grecs *λάπος*, & en François vne foulque, *Foulque, oi-
 seau d'Her-
 cule.*
 car, comme escript aussi Suidas, cest oiseau de sa na-
 ture, mange & deuore beaucoup, & est aussi gour-
 mand, & mesmes pour cause du grand manger

qu'Hercule faisoit, on luy feit quelques sacrifices, là
 où il n'estoit pas loisible de dire vn seul mot qui fust
 bien dit, car comme recite Lactance, & Apollodore
 si fait, vn iour en passant par l'isle de Rhodes, ayant
 grande faim, il print par force à vn païsan vne paire
 de bœufs accouplez ensēble, avec lesquels il labou-
 roit la terre: & ce pourautant qu'il ne voulut pas luy
 en vendre vn, il les mangea avec quelques siens cō-
 pagnons. Lors le pauvre homme reduit presque en
 desespoir pour la perte de ses bœufs, n'en pouuant
 faire autre vengeance, se mit à maudire Hercule, &
 dire tous les maux qu'il pouuoit de luy, & des siens
 dequoy il se rioit tousiours, & dit qu'il ne manger
 iamais chose, qui luy feist plus grand profit, que
 pour lors, en escoutant le mal que celuy disoit. A
 cause dequoy les gens du païs, apres qu'il fut fait
 Dieu, luy dedierent vn autel, avec le ioug des bœufs
 & là luy sacrifioient vne pere de bœufs portans avec
 le ioug sur le col en certain temple, & le sacrificateur
 cependant ne faisoit que maudire, comme aussi fai-
 soient tous les autres qui se trouuoient à ses sacrifi-
 ces. Car ils estimoient de commemorer & reduire
 en memoire à Hercule, le plaisir qu'il eut quād il en-
 tendoit le mal que ce laboureur disoit de luy, quan-
 il mangea ses bœufs. Auquel propos ie ne laisseray
 de compter vn sacrifice, non moins sot & ridicul
 que l'autre que ie fors de dire, estoit triste & meschā-
 du tout: procedant toutesfois du plaisir & ioy
 qu'Hercule print, de voir que quelques païsans, com-
 me dit Suidas, pour ne retarder le sacrifice qu'ils lu-
 auoient

uoient apresté, le bœuf qui deuoit estre sacrifié estât
 schappé & fuy, en feirent soudain yn autre d'vne
 pomme, la fichant sur quatre bastons au lieu de pieds,
 & deux autres au lieu des cornes. Ou autrement, la cho-
 se fut, comme Iulius Pollux la racôpte, que l'œuf qui
 portoit la victime, qui estoit vn mouton, à certai-
 ne feste d'Hercule, n'ayans sceu passer la riuere Aso-
 pe, & estant venue l'heure dediée pour le sacrifice,
 quelques enfans qui estoient là, plantarent quatre
 petits bastons au lieu des pieds, & deux au lieu des
 cornes en vne pomme, & faignans que c'estoit le
 mouton que lon deuoit sacrifier, ils feirent comme
 n se iouant toutes les ceremonies, qui se deuoient
 faire: ce qui fut si plaisant & agreable à Hercule, que
 de lez là en auant fut en vſage en la ville de Thebes, de
 sacrifier des pommes, en la sorte que ceste-cy luy fut
 sacrifiée en defaut de la victime. Mais d'autant que la
 vertu d'Hercule ne fut pas moindre en autres plus
 lignes & glorieux faits, qu'en manger & boire, pour
 ceste cause luy furent faites plusieurs statues, & ima-
 ges dediees tant en ses temples, comme en ceux des
 autres Dieux: comme mesmes celle qui est d'yn petit
 enfant, qui deschire avec ses mains deux serpens
 luy luy venoient sus estant dans le berceau, puis vne
 autre monstrant comme deueni grand il coupe les
 testes renaissantes à l'Hydre, & les brule, coure apres
 le bische qui auoit les pieds de metal, & les cor-
 nes d'or, la preigne & la tue, rompt les maschoires
 d'vn terrible lyon, ou bien l'estragle, demeure à voir
 quelques cheudaux fiers & ferores, qui mangeoyēt yn
 Roy,

*Labours
d'Hercule.*

Roy, qui leur est mis au deuant : qu'il porte sus son col vn fier sanglier : qu'il blesse avec ses traits, certains oiseaux en l'air, qui estoient si grands, qu'en estendant les ailes, ils priuoient les hommes de la clarté du Soleil : qu'il meine lié vn taureau espouuantable qui iettoit le feu par la bouche, & par les narines estrangle & face mourir vn Geât, le serrât fort estroit sus sa poitrine, avec ses bras : vne autre image où il tue vn fier dragon, ostant de certain iardin les pommes d'or, qui estoient gardees par ledit dragon, mettant les espaules pour soustenir le ciel : tue vn roy qui auoit trois corps, amenant avec soy vn grand nombre de bœufs : tuant aussi à l'entree de quelque caverne, vn terrible brigand, qui iettoit feu, & flamme par la bouche, qu'il tire arriere soy Cerbere, trois testes, enchainé par luy : que tirant de son arc, il tue l'aigle qui mangeoit le foye de Promethee, lié en vne haute montaigne : qu'il tue semblablement plusieurs brigâs & tirans. Ce qui seroit trop lōg de vouloir dire tous les faits dignes de gloire & de louange, qu'on racompte de luy, & qui donnent occasion d'en faire diuerses images, à cause dequoy il fut appellé l'extirpateur des monstres. Mais d'autant qu'il n'y a monstres plus espouuantables, ny plus cruels tirans contre les hommes, que sont les vices de l'ame, aucuns ont voulu dire, que la force d'Hercule fut la force de l'esprit, & non du corps : avec laquelle il surmonte tout appetit desordonné, qui est rebelle à la raison : & comme monstres les plus feroces, troublent l'homme continuellement, & le trauaillent.

*Hercule
fort de force
d'esprit.*

ce pr

e propos Suidas escript que les anciens pour signifier qu'Hercule fut grand amateur de prudence, & de vertu, le firent tout vestu d'une peau de lyon, qui signifie la grandeur & magnanimité de l'esprit, & luy mirent la massue en la main droite, qui signifie desir de prudence & de sçavoir, & avec ceste-cy les fables enuentrent qu'il tua le fier dragon, & qu'il emporta les trois pommes d'or, qu'il tenoit en la main gauche, & qui estoient au parauant gardees par icelluy. car il vainquit les appetits, & surmonta la concupiscence insensuelle, & d'icelles en deliura les trois facultés de l'ame, l'enrichissant de vertu, & d'œuvres iustes & honnestes. Macrobe veut que Hercule soit ou signifié le Soleil, & que ses faits plus memorables, qui sont douze, qu'on nomme les douze traux d'Hercule, soient les douze signes du Zodiac, surmontés par le Soleil: car le Soleil court par iceux tout l'an. Autres ont voulu, que Hercule soit le temps, lequel surmonte & domine toutes choses: & pour ceste cause luy mettoient à la teste des ghirlandes & rameaux de peuplier. Car cest arbre luy fut donné par les anciens. A cause dequoy Virgile fait qu'Euandre luy sacrifiant, s'en enuironne la teste, & l'appelle la feuille d'Hercule, laquelle avec les deux couleurs qu'elle a, montre les deux parties du temps: dont l'une est blanche, qui signifie le iour, & l'autre est noire, qui signifie la nuit. Desquelles les fables dient la cause en auoir esté équand Hercule s'en alla en enfer pour en tirer Cerbere, il se mit à l'entour de la teste, quelques rameaux de peuplier, & que les feuilles d'icelluy vindrent

*Hercule
pour le So-
leil.*

*Hercule
pour le
temps.*

*Peuplier
arbre de
Hercule.*

*Ceremonies
d'Hercule.*

*Iupiter
chasseur des
mouches.*

blâches au deffous de la part qu'elles touchoient la chair, & toutes baignees de la sueur, comme celles qui estoient dessus vers l'air infernal, noires & enfumees: & pour ceste cause il veut qu'elles fussent tousiours telles, & Hercule les aimas depuis tousiours grandement, car elles luy defendirent la teste à l'encontre de la fumee pernicieuse de la maison d'enfer. A ce propos que Hercule fust prins pour le temps, en font foy quelques ceremonies de ses sacrifices, lesquelles outre ce qui estoit obserué en celles des autres Dieux, estoient celebrees à teste nue, comme Macrobe escript: dequoy lon peut rendre pareille raison que celle que j'ay dit en l'image de Saturne, auquel on sacrifioit aussi à teste nue. On lit dans Plinie, que ny les chiens ny les mouches n'alloyent point au temple d'Hercule qui estoit à Rome au marché aux bœufs, parauenture pource qu'ils flairoient avec le nez la massue, qui estoit appuyee dehors: ou bien pource qu'ils furent hays d'icelluy pour les causes que dit Plutarque, quand il rend raison de ce que les chiens n'alloyent point en son temple, assauoir pour autant qu'Hercule sacrifiant vne fois à Iupiter, le pria de luy oster les mouches d'alentour qui le faisoient par trop; & luy sacrifia vne beste d'auantage, seulement pour cela: icelles s'en volerent soudain toutes ensemble, & ne vindrent iamais plus à ses sacrifices. Pour ceste cause au païs de Grece, où cela aduint, Iupiter fut surnommé le chasseur des mouches. Combien qu'aucuns ont dit, que ce ne fut pas Iupiter qui chassa les mouches, pour lors, ains qu

ce fu

ce fut Mingre, le propre Dieu des mousches, lequel est aussi nommé par aucuns Miodes, & quand ils faisoient sacrifice à cestui cy, en quelque lieu de la Grece, toutes les mousches s'en alloient hors du païs. Semblablement les Cyreniens au païs de Lybie adorerent le Dieu des mousches appelle Achor, & luy sacrifierēt pour faire cesser la peste, causée quelquefois par le grand nombre d'icelles. Les Acaronites, au païs de Iudee, eurent semblablement l'idole des mousches qui estoit Belzebu : car ainsi l'expose Saint Hierosme. Et tout ainsi que les mousches n'alloient point au sacrifice d'Hercule, semblablement aussi les femmes en estoient chassées, & mesmes on ne les y pouuoit voir. Ce qu'ils dient auoir esté fait pour cause du desdain qu'il eut vne fois, de ce qu'une femme neluy voulut donner à boire, s'excusant que lors estoit la feste de la Deesse Bonne, qu'il n'estoit loisible aux femmes d'apprester ny bailler chose aucune aux hommes. A cause dequoy il fut obserué depuis, que tout ainsi comme les hommes estoient chassés des sacrifices de la Deesse Bonne, pareillement aussi les femmes ne pouuoient point voir les sacrifices ny entrer aux temples d'Hercule, horsmis quelques vnes des Erythreens, lesquels auoient vn simulachre d'Hercule, selon que recite Pausanias, entrelassé & comme tissu avec certains bois ensemble, en forme d'un radeau; lequel estant porté par la mer Ionique en vne petite isle, qui est au milieu, entre ceux de Chio, & des Erythreens, les vns & les autres cherchent de l'auoir, ayant desia veu le simulachre : mais

Belzebu.

*Femmes
chassées des
sacrifices
d'Hercule.*

*Femmes
privilegies.*

avec tout l'effort qu'ils fissent, ne leur fut iamais possible de l'oster de là, iusques à ce qu'un pauvre homme Erythreen, qui auoit desia esté pescheur du temps qu'il n'auoit pas perdu la veuë, cōme il auoit pour lors, dit, luy semblât auoir esté aduertí par sōge, qu'avec vne chorde faite des cheueux des femmes, on pourroit attirer le radeau & le simulachre, là où lon voudroit. Mais d'autant que les femmes de ceste ville la n'auoient iamais voulu donner leurs cheueux pour ce faire, quelques femmes du país de Thrace, combien qu'elles fussent nees libres, & neantmoins n'ayans autre moyen de viure en ce país la, estoient en seruice comme chambrieres, presterent de bonne volonté, & baillerent les leurs, dont la chorde fut faite, avec laquelle le radeau fut tiré, tellement qu'il eurent le simulachre, & pour ceste cause ils feirent vn edict public, que seulement les femmes de Thrace auroient permission d'entrer au temple d'Hercule. Le mesme auteur Pausanias escript aussi, qu'entr plusieurs statues qui estoient en Delphes, en furent deux, l'une d'Hercule, & l'autre d'Apollon, lesquelles toutes deux tenoient le Trepied, comme le se voula oster l'un à l'autre. Et ce pourautant q ces deux Dieux furent iadis prests d'en venir aux mains, & à se battre estrangement, (comme on lit en Cicéron) mais que Latone & Diane, qui estoient là aussi, sembloient appaiser l'ire d'Apollon, & Minerue, celle d'Hercule, & que cecy fut ainsi feint, pource que Hercule estant courroucé iadis, pour n'auoir peu auoir certaine response de l'oracle, print le Trepied, & l'emporta
mai

mais estant retourné en ses bonnes, le rendit, & eut pour ceste cause ce qu'il demandoit à l'oracle. Or le Trepied estoit certaine table : mais ie laisse maintenant à dire que les anciens appellerent Tripiedz certains vases de metal à trois pieds, qui estoient lors, comme aujourdhuy sont noz marmites & autres pots de cuisine, lesquels Homere veut estre de deux sortes, & en appelle l'un comme nous dirions de ceux qui seruent au feu, & l'autre qui sert sans feu, car ceux cy estoient tenus en la maison, & aussi aux temples seulement pour vn ornement, & pour ceste cause ils estoient offerts aux Dieux comme vn don duquel on tenoit grand compte, & aussi ils estoient donnez aux personnes d'honneur & de grâde vertu. Parquoy Virgile les met entre les dons plus honorables, & pour le loyer qu'Enee apprestoît pour les ieux qu'il faisoit à l'honneur de son pere Anchises. & parauenture que ce furēt ceux la qu'Helenus luy auoit desia donné, avec autres presens de grande valeur, quand se departit de luy : combien que Virgile les appelle en ce lieu la du nom Grec, qui est *Lebetes*, lesquels

*Trepied en
Delphes, &
ce que c'est*

Lebetes.

eruie veut que fussent comme vn bassin pour donner de l'eau à lauer les mains, disant qu'il ne sembloit pas estre bien seant de donner à vn tel personnage qu'Enee des pots de cuisine. Mais Athenée recitant la distinction des Trepieds faite par Homere, comme il ay dit, veut que l'usage ait fait qu'ils sont appelez, *Lebetes*, & les vns & les autres : & que les vaisseaux à feu fussent pour eschauffer l'eau, & les autres, cōme casses & autres, pour le vin. Mais comme que ce soit,

cecy ne sert pas beaucoup à ce que i'ay commencé dire, que le Trepied estoit certaine table sacree, à fin que sus elle fut assise la ieune fille. qui bailloit les responses sacrees, laquelle on disoit estre remplie d'l'esprit d'Apollon, qui s'alloit mettre dans le corps par deffous. & pour ceste cause, aucuns vouloient dire que le Trepied estoit vne escabelle, ayant vu



ou au milieu, afin que l'esprit eust par où entrer
 edans le corps de la fille, qui estoit assise sur ledit
 Trepied. Et nous le pourrons mettre pour signe *Verité.*
 de verité, pource que l'Oracle, qui en prouenoit,
 estoit estimé dire tousiours verité. A cause dequoy
 Athenée recite que les anciens auoient coustume de
 dire que quiconque disoit verité, icelluy parloit par
 le Trepied: & que pour ceste cause Bacchus eut par-
 tement le Trepied, qui estoit comme vne coupe, *Bacchus
 & son Tre-
 pied.*
 ou autre vase à mettre vin: car le vin descouure bien
 l'auenture laverité des choses non moins que les Ora-
 cles des Dieux. C'est pourquoy le proverbe Grec dit
οὐκ ἀλήθεια, c'est à dire q̃ la verité gist au vin. Mes-
 mes tous les Dieux eurent des Oracles, & chacun
 son sien. Et combien que peut estre j'escriprois vn
 liure de tous, neantmoins ie ne laisseray de faire men-
 tion maintenāt d'vn qui fut de Mercure, pour ache-
 uer auec cecy son image. Pausanias escript qu'en cer-
 tain endroit d'Achaye, au milieu d'vne grande place
 auoit vn simulachre de Mercure, tout de marbre
 avec la barbe, qui estoit esleué sus vne base quarree,
 non fort grande: au deuant duquel y en auoit vn au-
 tel de la Deesse Veste, aussi de marbre: & qu'à co-
 sté estoient aucunes petites lampes de metal, qui
 estoient allumées par celluy qui alloit là pour auoir
 conseil de Mercure, ayant premierement brulé quel-
 que peu d'encens. Cela fait il offroit de la main droi-
 te sur l'autel vne certaine piece de monnoye, qui
 estoit en cours pour lors entre ceux de ce pais là. Et
 apres luy auoir demandé ce qu'il vouloit, il appro-
 choit

*Oracle de
 Mercure.*

choit l'aureille au simulachre de Mercure, & escoutoit pour vn peu, puis s'estant leué de là, metoit soudain ses deux mains aux oreilles, & les tenoit bien closes, iusques à ce qu'il fust hors de la place: & alors il les ouuroit, & la premiere voix qu'il entendoit, luy estoit au lieu de la responce de l'Oracle.

M I N E R V E.

ON dit qu'entre les choses merueilleuses que Dieu a donné à la nature humaine, il y en a deux grandement admirables, l'une est le parler, l'autre l'usage des mains: par ce que l'un declarant la conception de l'ame avec force merueilleuse, vient à persuader aux autres ce qu'il veult, & l'autre avec grande industrie, met en œuvre tout ce qui peut conseruer la vie des hommes, & la defendre, qui sont tous les arts desia inuentés, ou qui se treuueront à l'aduenir. Et d'autant que le beau parler, ne sert, & n'ayde mais bien plustost nuit, s'il n'est accompagné de bon vouloir & de prudence, & aussi la prudence ne peut estre vtile au monde, si elle ne sçait persuader aux autres de fuyr le mal, & ensuyure le bien, & faire les choses necessaires à la vie ciuile: les anciens l'ont signifié, accouplant Mercure, (duquel i'ay desia tenu propos) & Minerue ensemble (de laquelle ie parlerai maintenant) qui est estimée la Deesse de prudence & l'inuentrice de tous les arts. Car les statues de ces deux Dieux estans iointes ensemble, elles en faisoient vne appelée du mot Grec Hermathene: pource qu'elle

Hermathene.

Grec

Grecs appellent Mercure Ερμης, & Minerue Αθηνά, & la tenoient aux Academies pour signifier à ceux qui s'exerçoient en ce lieu, que l'éloquence, & la prudence doiuent estre iointes ensemble: car l'vne toute seule ne sert pas de beaucoup: & l'autre d'elle mesmes semblablement nuit souuent, & parauenture tousiours, selon que Ciceron en a fait long discours au commencement du liure de l'Inuention, lequel script à son amy Attique de la statue que i'ay dit en este sorte: Son Hermathene me plaist beaucoup, & est fort bien mise en l'Academie: car il semble qu'elle remplit toute. Qui voudra donques faire Minerue toute seule, ou bien l'accôpagner avec Mercure, qu'il luy face le visage viril, & assez seuer en son regard, & les yeux de couleur celeste: car tout cela luy attribue Homere quasi tousiours, comme chose à elle propre, & Pausanias apres qu'il a escript d'un certain simulachre de Minerue, qui estoit en Athenes, au temple de Vulcan: adioust qu'il a trouué en certaine fable, qu'elle fut fille de Neptune, & qu'elle auoit les yeux celestes: car tels estoient aussi ceux du pere. Mais quand Ciceron parle de la nature des Dieux, il dit que les yeux de Minerue estoient *caesi*, & ceux de Neptune *cerulai*. Ce qui nous pourroit monstrier quelque difference entr'eux: mais ie ne croy pas qu'elle soit grande: car l'un & l'autre mot signifie entre les Latins vne couleur verdoyante bien clere, comme on voit aux yeux des chats, & des chouëtes: s'ils ne veulent dire parauenture, qu'en ceux de Minerue, estoit vne splendeur plus ardente, comme monstrent

*Comment
Minerue
est faite.*

*Minerue
& ses yeux.*

*Minerue
armee.*

les yeux des lyons. On fait pareillement Minerue armee avec vne picque en la main, & le pauois de crystal au bras, comme dit Ouide qu'elle mesme se pourtrait en l'ouurage à l'eguille qu'elle fait sur sa toile, contendant avec Arachné, à qui mieux fera,

Elle se paint en armes braue & cointe,

Ayant bouclier & lance à fine pointe.

Dessus son chef est l'armet triumpphant,

Et son escu sa poitrine deffent.

*Heaume de
Minerue.*

Lesquelles choses monstrent la nature de l'homme prudent, comme ie diray cy après. Claudian & quelques autres, ont descript Minerue, en la mesme maniere, prenans paraenture, comme ils ont fait souuent, de plusieurs autres choses le pourtrait d'Homere, lequel quand il la fait aller, estant persuadé de Iunon, pour ayder aux Grecs contre Mars, qui combattoit alors pour les Troyens, la descript en forme d'une vaillante guerriere, & luy dōne vn heaume en la teste tout doré. Et ce pourautāt que l'esprit de l'homme accort, qui est armé de sage conseil, se defend à l'encontre de tout ce qui luy pourroit nuire & faire mal, & reluit en toutes les belles & honorables oeuvres qu'il fait: mesmes l'or qui est sur l'heaume de Minerue, veut dire, qu'elle est souuentefois prise pour la splendeur diuine, qui esclaire l'entendement de l'homme: car de luy vient toute prudence, & scauoir. Il fut saint aussi que Minerue nasquit de la teste de Iupiter, comme escript Pausanias, qu'il y en eut vn simulachre en la roche & fontēse d'Athenes. Car Vulcan le luy ouurit avec vn

*Naissance
de Minerue.*

coignu



oignée bien tranchante, qui estoit faite d'un diamant, & mesmes cela fut fait sans ayde de femme, pour autant que la vertu de l'entendement de l'ame est au cerueau, & elle descend, & toute la connoissance, de la souveraine intelligence, qui est Iupiter: car toute sapience vient de Dieu & de la bouche du res-haut, & non pas de ces choses basses & terre-

*Contre les
femmes.*

*Defenses
des fem-
mes.*

stres , qui sont signifiees par Iunon. & par ainsi il est beaucoup mieux d'exposer cecy en cesteforte , & est chose bien plus honnesté que de l'exposer comme l'interprete Martian en mespris des femmes , lequel d'autant que parauéture il ne fust pas trop leur amy, dit, qu'on a saint Minerue estre née sans mere , parce que les femmes n'ont point de conseil, ny prudence, ou parauenture qu'il dit ainsi pour ensuyure Aristote, qui escript en ses œuures morales que les femmes n'ont point de bon conseil. Auquel ie n'ose pas m'opposer : mais ie diray bien , que plusieurs femmes de nostre temps se monstrent si prudentes & accortes, qu'elles le font mentir. Et ne fust que leurs vertus les font assez cognoistre au monde, metant les noms d'icelles , ie mettrois infinis exemples de leur discours, sçauoir & prudence, montrant clairement ce que les autres parauenture n'ont voulu voir. Et combien que Minerue soit née sans le seruice de la femme , si est ce pourtant qu'elle nasquit femme , & pour ce le deuoir veut , qu'elle se conforme plus aux femmes qu'aux hommes. D'auantage on a couuert à ceste-cy la teste, d'un heaume , pour nous signifier que l'homme prudent ne monstre pas tousiours tout ce qu'il sçait & ne declare pas à un chascun son conseil & sa deliberation , ny n'en parle tousiours en sorte que tout l'entendēt, mais biē seulement celuy qui luy est semblable, & selon que les affaires le requierent : de maniere que ses parolles semblent aux autres estre semblables aux parolles obscures des Sphinges. A cause dequoy parauenture, il aduint qu'en quelque part d'Egypte

d'Egypte, le Sphinx fut mis au deuant du temple de Minerue, qui estoit là adoree, & fut aussi estimé que Sphinx fust Isis: combien qu'on lit aussi, que cela fut fait, pour monstrier que les choses de la religion doiuent demeurer cachees sous les mysteres sacrez, en sorte qu'elles ne soient entendues par le commun peuple, non plus que furent entendus les enigmes du Sphinx. Pausanias escript qu'en Athenes fut vn simulachre de Minerue, qui auoit sur l'heaume, & au milieu d'icellui le Sphinx: & deça & dela y auoit deux grifons, lesquels ne sont bestes ny oiseaux: ains participent des deux: car ils ont la teste d'un Aigle, & aussi les ailes, & au reste ilz sont lyons. Ces animaux fiers & terribles se treuuent, (si tant est qu'il en soit, car Plin croit qu'ils sont fabuleux) en Scythie, là où ils gardent les minieres de l'or, comme escript Denys l'Africain en sa Geographie, tellement que les Arimaspes, qui sont gents de ce pais la, ayans seulement vn oeil au front, ne le peuuent point cuillir sans grand peril: & pour ceste cause y a tousiours guerre continuele entr'eux. Parquoy lon peut cognoistre, quelle garde & soin doit auoir chascun de son propre entendement, à fin que les Arimaspes ne viennent à le voler. Les anciens meirent aussi le coq sur l'heaume de Minerue, comme monstroient vne sienne statue que Phidias fit d'or & d'iuoyre, aux peuples appellés Eleens. Ce que Pausanias semble croire estre ainsi, pource que le coq est hardy & fier, comme il faut estre en guerre. Mais adioustons aussi que cecy signifioit la vigilance qui doit estre aux capitai-

*Sphinx a-
uec Miner-
ue.*

Grifons.

*Arima-
spes.*



nes sages & vaillants. Car on estimoit que Minerue eust la charge, & le soin non moins des arts, de la guerre, que de la paix: & pour ceste cause ils la firent armee, comme i'ay dit. Il est aussi feint aux fables qu'elle tua de sa main Pallant, qui fut vn Geant tres-cruel, & duquel aucuns veulēt qu'elle fut puis apres
Pallas. appelee Pallas. Aucuns autres dient qu'elle fut ainsi
 appelee

appellée d'un certain nom Grec, qui signifie mou-
 uoir & branfler: car la statue estoit faite en sorte qu'elle
 sembloit esbranler la pique qu'elle tenoit en la
 main, à la semblance de Palladium, qui estoit un si-
 mulachre de bois de ceste Deesse, lequel veritable-
 ment la faisoit branfler de soy mesme, & remuoit les
 yeux, & estimoit on qu'il fust descendu du ciel, com-
 me j'ay dit de l'image de la Deesse Veste, au temple
 de laquelle il estoit gardé si secretement que nul ne
 le pouoit toucher ny voir, sinon l'une des vierges
 Vestales, à laquelle estoit donnée ceste charge. Et du
 commencement Minerue fut appelée Tritonienne, *Tritonienne.*
 soit pour cause d'un lac du pais de Lybie, de ce nom,
 duquel aucuns ont dit apres qu'elle estoit fille: & pa-
 rauenture est ce d'autant qu'elle fut premierement
 veüe en ce lieu: ou autrement pource que trois sont
 les parties de sapience, à sçauoir cognoistre les cho-
 ses presentes, preuoir celles qui sont à venir, & se *Sapience*
 souuenir des passees. Ou bien pour cause que l'hom- *& ces trois*
 me sage doit principalement faire trois choses, bien *parties.*
 conseiller, iuger droitement, & operer avec iustice.
 Je laisse à part les autres raisons & causes que lon dit
 de ce nom, comme aussi il ne seruiroit gueres de re-
 citer que Minerue fut ainsi appelée, pour cause qu'elle
 nous admoneste: car la sapience qui nous est en- *Minerue.*
 seignée par elle, nous donne tousiours bônes admo-
 nitions, ou soit que ce nom vienne de ce que Miner-
 ue diminue la force de ceux qui sont tousiours assis-
 duels à l'estude, ou autrement à cause des menaces.
 Car comme Deesse de la guerre, & tousiours armée,
 elle

Bellone.

elle sembloit terrible & menaçante. Neantmoins ceste derniere raison vient fort à mon propos, pour-
 autant qu'aucuns ont voulu que Minerue fut la mes-
 me Bellone, laquelle estoit de mesmes adoree com-
 me Deesse des guerres. Et Cæsar-escrict qu'en Cap-
 padoce on l'eut en si grande reuerence, que ces gents
 vouloient que son sacrificeur, fust le premier apres
 le Roy, en autorité & en puissance, estimans que la
 Deesse le meritoit bien. Mais par cela que les images
 en monstrent, on peut dire qu'entre Minerue, & Bel-
 lone, y auoit telle difference, que l'vne signifioit l'or-
 dre & la prouision, le bon gouuernement & le sage
 conseil, duquel vsent les capitaines sages, & vaillans
 en guerre: & l'autre, les meurtres, la fureur, & la ruy-
 ne, qui se commettent au faict des armes & de la
 guerre. A raison dequoy les Poëtes ont feint qu'elle
 est le cochier du Dieu Mars: mesmes Stace, quand
 il dit,

L'impiteuse Bellone avec la main sanglante

Conduit les fiers chevaux, les fouette & les bat.

Et estant le plus souuent tainte de sang, Silie Italie
 la fait courir parmy les esquadrons armez, la descrip-
 uant ainsi:

Ayant ses blonds cheveux de sang trestous couuers,

Bellone passe, & va des squadrons au trauers.

Neantmoins Stace donne aussi la mesme force à Mi-
 nerue, & ne la fait moins impetueuse & violente que
 Bellone, quand il met que Tydee la priant dit ainsi

Honneur de Iupiter, ô guerriere Deesse,

Dés guerres & combats la terrible maistrresse,

*Qui portes inorion, & teste de Gorgonne
 Qui moindre force n'as que Mars, ny que Bellone:
 Accepte ores mon vœu, qu'en toute humilité
 Je fais deuotement à ta diuinité.*

Bellone donques fut entre les anciens vne Deesse, toute plaine de courroux, & de fureur, de laquelle on estimoit qu'elle prinft grand plaisir de voir respan- *Sang respa
du agreable
à Bellone.*
 dre le sang humain : à cause dequoy en ses sacrifices, en lieu de victime, les sacrificateurs se picquoiēt eux mesmes les bras, & les espauls, & l'appaisoient avec leur propre sang. On la feit quelquesfois, avec vn fouët à la main, avec lequel elle incitoit les gens aux batailles cruelles : quelquesfois aussi on luy mettoit vne trompette à la bouche, pour signe du faict d'armes. Elle fut aussi faite autresfois avec vn flambeau allumé en la main. Car Lycophron escript que les anciens auoient coustume deuant que les trompettes fussent inuentees, quand ils vouloiēt donner bataille, d'enuoyer au deuât des armées quelques vns avec torches & flâbeaux allumés à la main, lesquels ils se iettoient d'vne & d'autre part, & l'vn contre l'autre, & puis apres on commençoit la sanglante bataille : ce qu'entendoit Stace quand il dit, qu'en commençant le fait d'armes, Bellone fut la premiere, qui môstra le flambeau allumé : & Claudian semblablement parla selon ceste coustume des anciens, disant, que Typhisphone secouë la torche allumée & ardente, qui apporte tousiours misere. Il est escript aussi qu'au deuant le temple de Bellone y auoit vne certaine colomne que les Romains appelloient co- *Pilier de
guerre.*

l'homme bellique, c'est à dire, pillier de guerre : car de-
 liberé qu'ils auoient de faire quelque guerre, l'un des
 consuls alloit à icelle, apres auoir ouuert le temple de
 Ianus : & de là il iettoit vne pique du costé où estoit
 le peuple ennemy, & pour lors on entendoit que la
 guerre estoit ouuerte & declaree. Et deuant que les
 Romains eussent si amplement estendu leurs limi-
 tes, ils declaroient la guerre en ceste sorte. Ils en-
 uoioient vn sacrificateur ordonné pour ce fait, le-
 quel declaroit les iustes causes qu'ils auoiēt de mou-
 uoir guerre, puis apres il iettoit vne pique du costé
 des ennemis. Mais en autre sorte la guerre fut aussi
 publiee & declaree entre les anciens, comme i'ay
 desia dit en l'image de Ianus, & diray en celle de
 Mars, s'il vient à propos : & pour conclurre, touchât
 Bellone, ie dy qu'elle fut differente pour le moins
 d'image d'auec Minerue, à laquelle, pour retourner à
 son pourtraict, Apulcie met sur son heaume vne
 ghirlande ou couronne d'oliuier : car cest arbre luy
 fut baillé par les anciens comme propre à elle, qui en
 fut l'inuētrice, comme aussi Virgile l'appelle, & com-
 me racompte la fable, de la contention, qui fut entre
 elle & Neptune, touchant la possession & seigneu-
 rie d'Athenes, là où Herodote escript, que ce fut l'o-
 liuier que Minerue feit naistre lors, & qui brula avec
 la ville, quand elle fut arse iadis par ceux de Perse,
 mais que le mesme iour ledit oliuier de nouveau
 ietta vn nouveau germe, & creut à la hauteur de
 deux coudees. Aucuns dient que cela fut ainsi saint,
 pource que Minerue fut la premiere qui enseigna le
 moyen

*Oliuier bail-
 lé à Miner-
 ue.*

moyen de presser l'huile des oliues, & aussi parce que lon ne peut acquerir les sciences, sans estude assiduel, & longuement veiller. A cause dequoy il est dit qu'en Athenes fut dediee à ceste Deesse, vne lampe d'or, laquelle brusloit continuellement, & néanmoins celuy qui en auoit la charge, n'y metoit point d'huile, sinon qu'aucunes fois l'an. Et cecy estoit (dit Pausanias) par ce que la mesche estoit de certaine sorte de lin, qui ne se consume point par le feu. Ce mesme auteur recite qu'à Corinthe, apres qu'Epopée eut fait vn temple à Minerue, à cause de certaine victoire, il la pria de donner quelque signe pour monstrier qu'elle l'aymoit, & que là soudain deuant le temple, sortit hors de terre vne fontaine d'huile. A cause dequoy on peut voir que c'est à bon droit que l'oliuier luy fut baillé, non seulement pour cause de l'estude de sapience, mais bien pour cause de l'exercice des arts inuentez par elle, comme filer, coudre, tistre, & faire autres choses propres aux femmes. A ceste cause les Grecs eurent vne grande statue de ceste Deesse qui estoit de bois, assise sus vne chaire haulte, tenant vne quenouille entre les deux mains, comme lon peut voir en la figure mise ci dessus. Les Romains en vn certain iour des festes que lon celebroit à Minerue, au mois de Mars, faisoient que les maistresses conuioient les seruantes, & les seruoient de leur main, comme pour monstrier de recognoistre d'icelles l'vtilité qu'elles auoient des seruantes en filant, tissant & cousant; & mesmes faisant les autres choses desquelles elle en auoit trouué l'inuen-

*Lampe de
Minerue.*

*Les arts de
Minerue.*

*Minerue
avec la que-
nouille.*

*Minerue
& son oi-
seau.*

tion : & aussi à fin que les seruantes eussent semblablement ceste recompense de leurs peines supportees toute l'annee, en faisant les arts qu'elle auoit inuētē. Le hybou fut aussi mis quelquesfois sur l'heau-
me de Minerue, comme sien oiseau propre, & aymē d'elle, en sorte que soit qu'elle l'aye aux piedz, ou sur la teste, elle le porte quasi tousiours avec soy, & aucuns veulent que la raison de ceci soit, parce qu'en la ville d'Athenes (qui fut fort agreable à ceste Deesse, sur toutes les autres, comme monstre le nom qu'elle eut commun à la mesme cité, & aussi qu'elle aimā l'estude des sciences, & bonnes lettres, lesquelles florirent toutes long temps en ce lieu) y auoit vn grand nombre de ces oiseaux. D'ou vint le prouerbe de porter les hyboux en Athenes : ce qui est dit pour ceux qui veulent bailler aux autres, ce dont ils ont grande abondance. Mais les fables dient que Minerue aimoit premierement la Corneille apres l'auoir faite changer de belle fille en vn oiseau, pour garder que Neptune ne luy fait violence, lequel luy couroit apres sur le bord de la mer, estant amoureux d'elle, & mesmes elle la tint à son seruice, iusques à ce qu'elle eut accusé les filles de Cecrope. Car estant la Deesse desdaignee pour lors, pour cause du mauuais office qu'elle auoit fait, elle la fait soudain de blāche qu'elle estoit, deuenir noire, ainsi qu'elle est maintenant, & la chassa loin de soy, & en son lieu print le hybou, & pour ceste cause despuis a tousiours esté grāde amitiē, qui tousiours dure entre ces deux oiseaux. Le hybou signifie le sage & bon conseil de l'homme prudent.

*Ce qui signi-
fie le Hy-
bou.*

dent, comme lon voit en Iustin: car vn hybou estant volé vne fois sur la pique de Hieron, la premiere fois qu'il alla à la guerre estant encores fort ieune, cest augure fut interpreté, qu'il seroit homme accort, & d'un bon conseil: ce qui fut vray. Car il vint à estre Roy de Syracuse, encores qu'il fust nay de bien bas lieu. Et d'autant que les yeux de Minerue sont d'une mesme couleur avec ceux du hybou, lequel voit fort bien de nuict, cela signifie que l'homme sage voit & connoist les choses, combien qu'elles soient difficiles, & cachees, & qu'estant le voile de la mensonge osté de nostre esprit, il penetre à la verité, avec la veuë de l'entendement: parce que la verité est occulte, & ne se laisse point voir à vn chascun. A cause de quoy Democrite la mit au plus profond d'un puy, disant qu'elle ne sortoit iamais de là, si le temps, ou Saturne son pere, comme dit Plutarque, ne la tiroit dehors quelquesfois. Hippocrate escriuant à vn sié amy, pourtrait la Verité en forme de femme, belle, grande, honnestement ornee, & luyfante en toute splendeur, mais beaucoup plus en ses yeux qu'elle a: car ceux cy sont comme estoilles luisantes sur toutes les autres. Puis apres il adioust que l'Opinion est aussi femme, mais non si belle, toutesfois n'est pas laide: & neantmoins elle monstre estre du tout hardie, & prôpte à prédre, achepter & accorder tout ce qui se preséte à elle. Epiphane escript que la Verité estoit peinte par quelques heretiques, en lettres Grecques, en ceste sorte. Ils mettoient que le α , & le ω , fussét la teste, & le β , & le ψ , le col: & en ceste sorte

*Verité ne se
laissant co-
gnoistre.*

Verité.

Opinion.

descendant en bas, formoient tout le corps, mettans
 tousiours les deux letres, qui de main en main sont
 plus voisines de la premiere, & de la derniere. Et
 quand Philostrate dit que la Verité estoit peinte dās
 la cauerne sacree d'Amphiaræ, il la fait vestue de
 draps fort blancs : & en vn autre lieu il l'appelle en
Vertu. apres Mere de la Vertu: laquelle fut aussi estimee des
 anciens estre Deesse, & adoree: car à elle, comme aux
 autres Dieux, les Romains dedierent vn temple, au
 deuant celuy de l'Honneur, & d'vn seul, qui à ces
 deux auoit esté voué par Marcel, comme recite Vale-
 re le grād, il falut en faire deux temples: car les Pon-
 tifes disoient que la religion ne comportoit pas qu'vn
 temple seul fust dédié à deux Dieux: car auenant en
 iceluy quelque prodige, lon ne pouuoit sçauoir au-
 quel des deux on eust à sacrifier. En sorte qu'il fut
 donné vn tēple à part à la Vertu, & vn autre à l'Hon-
 neur, & en cestui-cy nul ne pouuoit entrer, sinon
 celuy qui passoit par l'autre, voulant signifier pour
 cela, qu'il n'y a autre chemin pour acquerir Hōneur,
 que celuy de Vertu: car l'Honneur est le vray loyer
 de Vertu, laquelle fut faite pour ceste cause avec
 deux ailes, d'autant que l'honneur & la gloire, com-
 me avec des aïles fort legieres, esleuent de terre les
 personnes vertueuses, & les portent volans avec la
 renommee, non sans grande merueille d'vn chascun.
 Ce qui n'estoit pas parauēture du temps de Lucian,
 comme aussi il n'a pas esté en autre temps, pour ne
 parler point de celuy d'aujourd'huy, lequel vn
 chascun voit trop, comme il est: car il descript en vn
 certain

certain sien dialogue, que la Vertu estoit triste, fachee & dolente, mal vestue, toute deschiree, & fort mal traittee de Fortune, en sorte que mesmes luy estoit defendu, d'aller se faire voir à Iupiter. Mais ie diray encores ce peu aussi de nostre temps, c'est qu'aucuns ont peint la Vertu, en forme d'un pelerin, comme celle qui ne trouue point habitatiõ, & pour ceste cause s'en va. Lon trouue aussi encores, que les anciens la firent en forme de matrone, laquelle quelquesfois est assise sus vne pierre quarree: & voit on en certaine medalle antique, que la Vertu est faite en ceste sorte: a vne femmee appuyee du bras gauche à vne colomne, & tient avec la main droite vn serpent. Il y eut aussi la Vertu masculine, comme lon voit en vne medalle de l'empereur Gordian, laquelle formee comme vn homme vieil, barbu, tout nud, appuyé à vne massue, & qui a la peau d'un lion entortillee en vn bras, où y a de letres à l'entour qui dient, *A la Vertu d'Auguste.* & la mesme figure est aussi en vne medalle de Numerian. Et en vne de Vitelle, la Vertu est en forme d'un ieune homme, vestu court, ayant vn morion à la teste, & à la cresse d'iceluy aucunes plumes, tient la main gauche haute appuyee à vne pique droite en terre, & appuye sa main dextre avec le sceptre sur le genouil droit, qui est plus esleue que l'autre. Il a sous le pied vne tortue, & des boines aux iambes, demeure droit, & regarde droitement à vne ieune femme, qui luy est vis à vis, laquelle a esté faite pour l'Honneur, laquelle haussant le bras droit, tient la pique, comme l'autre, & est nue iusques

Vertu masculine.



iufques fous la mammelle : elle tient en fa gauche la
 corne de richeffe , & a vn heaume fous le pied , & la
 teſte eſt ornee de belles treſſes blondes , leſquelles
 ſont entortillees à l'entour & fort bien agêcees. Pro-
 dique Philoſophe , comme dit Xenophon , & auſſi
 Ciceron , feint qu'Hercule cependant qu'il eſtoit ieun-
 ne , marchoit vne fois en vn lieu deſert , où il rencon-

tra deux chemins, tirans en diuers lieux, & ne sachāt lequel il deuoit prendre pendant qu'il estoit en ce doute, & du tout pensif, sur cecy luy apparurent deux femmes: dont l'vne estoit Volupté, fort belle *Volupté.* de veuë, & toute lasciue & plaissante, à cause des ornemens artificiels qu'elle auoit à l'entour, laquelle luy persuadoit de cheminer par la voye de plaisirs, qui est vn chemin large au commencement, plain & facile, rempli d'herbe verte, & de fleurs de belle couleur, mais apres estroit à la fin, & tout pierreux, & rempli d'espines fort poignantes. L'autre de regard plus feure, & vestue plus simplement, estoit la Vertu, qui monstroit son chemin estroit au commencement, & difficile à monter, lequel par apres conduisoit dans des pres tous fleuris, & en des vergiers delicieux, plaisants, & remplis de fruiçts fort agreables. De ceste-cy Hercule s'approcha: & pour ceste cause il eut le nom si glorieux. Dante feint en son purgatoire, d'auoir veu en songe la Volupté, & la descript estre vne femme begue, & qui a les yeux de trauers, les pieds tortus, & les mains stropiees, & de couleur blanchastre, & passe, laquelle commençoit apres à parler promptement, & s'esleuoit toute. Et son triste visage sembloit à ceux qui le regardoyent, estre si doux & aymable, tant elle le sçauoit bien feindre, & ainsi colorer, qu'elle l'auroit attiré à soy par ses douces parolles, sans ce qu'apparut vne femme sainte & honneste, laquelle (dit-il) prënoit l'autre, & l'ouuroit sur le deuant, fendant les draps, & me monstrāt le ventre. Cela m'esueilla (dit-il) ioint la puanteur

qui en sortoit. Ces choses sont fort conformes aux voyes des plaisirs vitieux, & à celles de Vertu. Mais qui voudroit monstrier en autre sorte ces deux chemins, pourroit faire la letre de Pythagore, de laquelle Virgile escript quelques vers, monstrent qu'elle represente la vie humaine, lesquels vers sont ainsi traduits:

*L'Y des Grecs, dit lettre vulgairement
De Pythagore, ayant differemment
Deux cornillons, le cours nous represente
Que l'homme ensuit en ceste vie presente:
Celuy qui est à dextre s'esleuant,
Est le chemin que les bons vont suiuant:
Estroit il monstre une entree fascheuse
Aux regardans; mais la fin est ioyeuse,
Et va donnant pour les trauaux passez
Soulas, plaisir & repos aux lassez.*

*L'autre plus large est du vice la voye,
Qui du premier nous promet toute ioye,
Mais tost apres la fin, pour un plaisir
Bien court, apporte un treslong deplaisir:
Et roule l'homme au trauers des pointures
Des gros chardons, & des pierres plus dures.
Car qui aura courageux combatu
L'aduersité, pour l'amour de Vertu,
Il s'aquerra d'une telle victoire
Louange, honneur & immortelle gloire.
Mais celuy la qui suiura paresseux
Ses appetits, & les folastres ieux,
Pensant fuir des trauaux l'occurrence,*

Imprudemment cherra en indigence,

Et passera miserable ses ans

En deshonneur, mis au rang des meschans.

Car à la fin les plaisirs de ce monde ne donnent autre chose sinon occasion de se repentir, & fascher, & auoir honte: mais la Vertu, oultre ce qu'elle fait estre nostre esprit à repos, nous apporte puis après gloire & honneur deuant les hommes. Les anciens faisoient l'image d'Honneur, cōme dit Alciat, en forme d'un petit enfant, vestu de pourpre, avec la ghirlande ou couronne de l'aurier sur la teste, auquel le Dieu Cupidon bailloit la main, & sembloit le mener à la Deesse Vertu, qui marchoit deuant. Les anciens adorerent aussi vne Deesse des plaisirs, laquelle ils appelloient Volupie, comme Varron escript; & sa statue representoit vne femme passe de visage, laquelle estoit sur vn siege haut, comme vne Roine. Et sembloit qu'elle tint sous ses pieds la Vertu. Au temple de ceste-cy estoit Angerone, mise sus vn autel, laquelle on estimoit estre aussi la Deesse des plaisirs, ou, comme recite Sainct Augustin selon le dire de Varron, elle estoit la Deesse de faire, ou de l'action, que les Latins dient *agere*, d'où elle eut le nom, parce qu'elle sembloit inciter les gēs aux actiōs, cōme aussi la Deesse Stimule, & la Deesse Horte, les exhortoit. & cōme escript Plutarque, le tēple de ceste-cy estoit tousiours ouuert, à fin que celle qui exhortoit tousiours les hōmes à faire quelque œuvre digne d'honneur, fust tousiours veuë de tous. Quant à la Deesse Angerone, aucuns ont dit qu'elle fut ainsi appelée

Honneur.

Volupie.

Angerone.

Stimule.

Horte.

à cause de *Angor*, qui signifie fâcherie & douleur, lequel elle oste tout soudain, à cause dequoy luy furēt ordonnees des ceremonies sacrees, aussi bien que aux autres Dieux, d'autant qu'elle auoit fait cesser la maladie de la Squilance, appelée des Latins *Angina*, qui tuoit vn grand nombre de gents à Rome. Et pour ceste cause parauenture son simulachre auoit quelque drapeau à l'entour du col, qui luy bandoit aussi la bouche. Mais Macrobe veut, que *Angerone* avec la bouche bandee, & scellée, signifie qu'icelluy qui sçait endurer & se taire, dissimulant sa fâcherie, à la fin aura victoire, & iouïra puis apres d'une vie ioyeuse & plaisante. Pline & Solin, escriuent que ceste Deesse fut ainsi faite, pour nous faire sçauoir qu'il ne faut point parler des mysteres secrets de la religion pour les diuulguer, comme veut aussi *Numa*, quand il veut introduire l'adoration d'une Deesse.

Tacite. *Tacite*, ainsi par luy nommée, selon ce qu'escript *Plutarque*, qu'il faut taire les choses des Dieux. A cause dequoy adorerent aussi ceux d'*Egypte*, le Dieu de Silence, le tenāt en la compagnie de leurs Dieux principaux. Le nom de cestui-cy estoit *Harpocrate*, comme j'ay cy deuant dit, & sa statue, selon que dit *Apuleie* & *Martian*, estoit d'un fort ieune homme, qui tenoit le doigt à la bouche, comme lon fait quand lon veut faire signe à vn autre qu'il se taïse. On feit aussi pour le Dieu de Silence, vne figure, sans visage, avec vn petit chapeau en la teste, & vne peau de loup à l'entour, & icelle estoit toute couuerte d'yeux & d'oreilles, car il faut voir, & ouïr beaucoup, & parler

Taire necessaire.

Harpocrate.



er peu. Et vn chascun peut se taire quand il veult,
 nais il ne peut pas tousiours dire ce que lon veult,
 e que montre le chappeau, qui est signe de liberté,
 omme il a esté dit ailleurs. On lit que le loup fait
 lemeurer enrrouez tous ceux qu'il a veu le premier,
 & deuant qu'ils l'ayent veu: & que quand il a rauy
 quelque chose, il s'en fuit tant secretement qu'il n'o-

*Loup avec
 silence.*

*Pescher
d'Harpocrate.*

se pas à grand peine souffler. A Harpocrate fut dedié le pescher, pource que cest arbre a les fueilles semblables à la lāgue de l'homme, & ses fruiçts au cœur, car la langue manifeste ce qui est au cœur, mais elle ne le doit pas faire, si le tout est bien considéré. Pour ceste cause le taire en son temps, c'est vertu, comme le monstre Minerue, en chassant loin de soy la corneille, qui est oiseau, qui ne fait que iaser & caqueter. Car l'homme prudēt ne doit perdre temps en beaucoup de parolles vaines, ains se taisant, doit confiderer premierement fort bien les choses, auant que d'en parler, & apres en dire seulement ce qu'il fault. Ce que paraenture vouloit signifier la statue de ceste Deesse, adoree des Messeniens, laquelle selon que Pausanias la descript, tenoit vne corneille à la main, pour signifier que la parolle doit estre en la main de l'homme sage, en sorte qu'il la puisse allōger & abregger, selon que l'occasion se presente, & que necessité le requiert. Minerue eut dauātage vne pique bien longue en sa main, comme i'ay dit, que tous les Poëtes luy baillent : & Apuleie semblablement escript, qu'elle fait trembler avec la main, & que leuant le bras en hault, elle hausse aussi la rondache, & fait qu'avec elle vont deux petits enfans fort semblables, lesquels tenants des couteaux tous nuds en leurs mains, semble qu'ils aillent menassans, & l'un est l'espouuantement, & l'autre la crainte, d'autant que les guerres ne sont iamais sans ceux cy. Et neantmoins quand Stacé feint que Mars, estant mandé par Iupiter, va pour mettre guerre entre ceux d'Arges, & les

*Corneille
chassée par
Minerue.*

Thebains, il dit qu'il print l'espouuamment, & la terreur, la faisant marcher deuant, & en partie la depeint, & en partie descript les effects qui en procedent, en ceste sorte:

*Et puis du train cruel, fait marcher la terreur
Deuant ses grands coursiers: la pantelante peur
Par icelle se glisse en la poitrine humaine:
Pour diuertir l'esprit du vray, à chose vaine,
Autre plus propre n'est: & à plusieurs desseins,
Le monstre hideux se sert de plusieurs voix & mains:
Tout ainsi qu'il luy plaist, il change de visage,
Fait croire toute chose, & d'une horrible rage
Va troublant les citez: s'il veut persuader
Qu'il y ait deux Soleils, & qu'on peut regarder
Les astres choir du ciel, se remuer la terre,
Ou descendre les bois d'où ils estoient en serre.
Ah! les pauvres humains le pensent auoir veu.*

Pausanias escript que les anciens ont estably la terreur en deux manieres: l'une avec une teste de lyon: car elle estoit ainsi faite, comme il dit, par les Eleens, & taillee en l'escu d'Agamemnon: l'autre, avec un visage & habit de femme, mais plus espouuanteable que l'on scauroit dire. Les Corinthiens dedierent une telle figure, aux fils de Medee, desia par eux occis, à cause des pernicioeux presens, qu'ils apportèrent à la fille de Creon, qui furent cause de la ruine & d'elle & de toute la maison royale. Mais l'on n'a pas tousiours pensé que la Crainte fust nuisible: car Plutarque escript, que les Lacedemoniens l'adoroient, non pour auoir peur d'icelle, comme d'aucuns autres demons,

*Crainte
adoree.*

Vraye hardieſſe & vertu.

mons, qu'ils vouloiēt loin & écartez de la ville, mais pource qu'ils pensoient que la Republique se conseruoit par le moyen d'icelle, quand l'on craignoit les loix & les Magistrats. Et pour ceste cause, comme dit Aristote, quand les Ephores (qui estoient le souverain magistrat) estoient entrez en office, ils commandoient incontinent, & faisoient crier par la ville que chacun se couppast la barbe, & fust obeissant aux loix, à ce que les hommes ne fussent contrains de faire mal à personne: ce qu'ils faisoient pour accoustumer les ieunes à estre obeissans, mesmes es petites choses. Dauantage les anciens ne pensoient point que fust vraye hardieſſe & vertu, ne craindre aucune chose, mais bien d'auoir peur de souffrir quelque indignité: ils pensoient que cestuy la deust tousiours estre plus hardy contre les ennemis, qui craignoit d'offenser & enfreindre les loix, que celuy qui n'en faisoit aucun cōpte, & que la craintē d'acquiescer au mauvais bruit, rendoit les hommes plus prompts & disposés à supporter toute peine & danger. Voila donc la peur que les peuples doiuent auoir: & pour ceste raison les Lacedemoniens mirent le temple de la Crainte à costé du palais des Ephores. Ce que par auenture entendoit aussi Tullus Hostilius Roy des Romains, quand il ordonna, comme Lactance recite, que l'on adorast la Crainte & la Palleur ensemble, pource qu'il n'aduient gueres que celuy qui craint ne pallisse. Il méritoit bien, les ayant trouués tant beaux, comme dit le mesme Lactance, d'auoir tousiours ses Dieux avec luy, qui ne l'abandonnassent iamais

mais

mais. Mais retournant à Minerue, elle monstre bien
 tandis qu'elle brâsse la pique, & hausse son escu, avec
 la compagne qu'Apuleie luy donne, les menaces de
 la guerre. Si nous la considerons en paix, son escu, qui
 estoit de crystal tres-luisant, qui couuroit son corps,
 pour la garder de ce qui fust venu pour l'offencer,
 monstroient que l'esprit de l'homme sage est couuert
 des membres terriens, seulement pour le garder &
 defendre, & non pas pour luy obscurcir, au moyen
 d'icelles, la veüe, en sorte qu'il ne puisse plus voir la
 verité des choses. Et pource que les escuz sont com-
 munement de forme ronde, encores que celui de
 Minerue aucunesfois se voye fait autrement. Martien
 escript, que l'escu au bras de Minerue, signifioit que
 le monde, lequel pareillement est de forme ronde,
 est gouuerné par vne grande & infinie prudence,
 non pas d'auanture, comme Democrite & Epicure
 ont voulu. La pique veut dire que l'homme sage
 peut faire mal à autrui, mesmes de loin, ou bien que
 la force de la prudence est telle qu'elle penetre la
 subtilité de toutes les plus difficiles choses, & se leue
 souvent si haut, qu'elle va iusques au ciel. Homere,
 pour exprimer d'auanture, encores mieux cela, fainct
 que Minerue voulant aller à Telemach, pour l'indui-
 re d'aller chercher Vlysse son pere, se met aux pieds
 des talonniers dorez, tels que nous auons dict estre à
 l'image de Mercure, & ne porte rien que sa pique.

*Escu de
Minerue.*

*La pique
de Miner-
ue.*

*Minerue
avec des ta-
lonniers.*

On trouue aussi en Cicerō, où il escript de la nature
 des Dieux, qu'il y auoit vne Minerue, quoy qu'il en
 allegue cinq, laquelle on faignoit auoir des ailes aux

pieds. Pausanias escrit pareillement que ce simulachre de Minerue auoit vne longue pique en la main, l'armet en teste, comme i'ay desia dict, le Sphinx & les Griphons : & poursuit à le descrire, qu'il estoit droit, avec vne certaine tunique, qui le couuroit entierement iusques à terre : & deffouz la cuirasse, mise à ses pieds, estoit son escu, à quoy ils adioustent encores le chat-huant, & au bout de la pique vn serpent. Et pour ceste cause, quand Demosthene fut cōtraint d'aller en exil, il dist que Minerue, qui estoit la propre Deesse d'Athenes, se plaisoit trop en trois estranges bestes, qui estoient le chat-huant, le serpent, & le peuple : pource que le peuple s'entremesloit des affaires de la republique, prenant les choses au pire, à l'heure qu'il se sentoit offensé. Mais cōme i'ay desia dict du hybou, ie dy ausy que le serpent fut donné à Minerue en signe de prudence. Parquoy, deuant le grand simulachre de Minerue, à Rome, le serpent estoit tout entortillé en bas aux pieds, hormis qu'il leuoit la teste, derriere l'escu, qu'elle auoit au bras, comme dit Seruius, où Virgile fait que les deux serpents, lesquels occirent Laocoon & ses enfans, s'en allerent droit au temple de Minerue, où ils se mirent aux pieds de la Deesse, & deffouz son escu. Herodote, touchant ceste tunique, avec la cuirasse par dessus, escript que les Grecs tenoient ceste maniere d'accoustrement, des femmes d'Afrique, qui demeurent entour le marais Tritonide, & n'y a autre difference, sinon que la tunique de deffouz, à ces femmes, est de peau, & les bords ou frâges de l'habit de des

*Serpent de
Minerue.*

*Habit de
Minerue.*

de des

de dessus ne sont pas de serpents, mais de cuir, à menues bandes & bordures: ce qu'elles faisoient pareillement de cuir de chieure: & pour ceste cause les Grecs l'appelloient Egide: pource qu'en leur endroit *Egide.* αἰξ, signifie chieure, αἶγες, chieures: & c'est ce que nous auons dict cuirasse, qui auoit d'auanture à l'entour les bordures de menuz serpents, comme il semble qu'Herodote ait voulu entendre, quand il a mis differēce, cōme j'ay dict, entre l'accoustremēt des femmes d'Afrique, & celui de Minerue: à laquelle en outre les anciēns firēt la Gorgone en la poitrine, qui estoit le *Gorgone.* chef de Meduse, avec les cheueux & crins de serpsēts tirās la langue dehors. Ils les luy mirēt aussi aucunes fois en son escu, qu'aucuns ont pareillement appellé Egide, pource q̄ Diodore escript q̄ Iupiter le couurit de la peau de la chieure Amalthee, & le donna puis apres à Minerue. Mais lon entēd le plus souuent par l'Egide, l'armure de l'estomach q̄ Hygin escrit auoir esté ainsi appelée non pas de αἰξ, prinse pour vne chieure, mais d'une fille du Soleil, nommee Egea, qui *Egea fille du Soleil.* fut, comme racontent les fables, d'une blancheur merueilleuse, avec vne admirable splēdeur, mais non pourtant belle, ains tant horrible à voir qu'aussi tost qu'elle se monstroït aux Geans, ennemis de Iupiter, ils demeuroient tous espouuantez & estonnez. Parquoy la terre, à la priere d'iceux, la cacha en Crete, en vne certaine cauerne, où elle demeura iulques à ce que Iupiter l'en osta, quand il voulut auoir le chef de Meduse, pource que l'Oracle auoit dict, que sans iceluy, il ne pouoit vaincre les Geans, comme il les

vainquit depuis, & apres la victoire, il donna l'Egide faicte de la peau d'Ega, avec le chef de Meduse, à Minerve, qui la porta tousiours depuis. Quand Virgile fait que Vulcan va mettre les Cyclopes ses forgerons en œuvre, pour faire des armes à Enee, ainsi que Venus l'auoit prié, & quand il raconte les ouurages qu'ils auoient à ceste heure la entre les mains, qui estoient les fouldres de Iupiter, le chariot de Mars, & l'armeure de Minerve, qui est la mesme que Pallas, il en parle ainsi,

*Puis à qui mieux, pour les dures batailles,
Ils polissoient de fin or, & d'escailles
De longs serpents, vne Egide comblee
D'horreur terrible, à Minerve troublee:
Et les serpents entrelacez & tors.
Mesmes dessus la poitrine du corps
De la Deesse, vne Gorgone ardente,
Au col tranché, de traucrs regardente.*

Gorgone.

Et pour ceste cause, la Gorgone s'entend tousiours le chef de Meduse, qui faisoit mourir seulement en le voyant: combien qu'Athenée escriue que les Nomades auoyent en Afrique, vne certaine beste de ce mesme nom, semblable aux moutons, ou comme autres veulent, aux veaux, d'une haleine tant pernicieuse, qu'elle en tuoit toutes les autres bestes, qui s'en approchoient: elle faisoit mourir pareillement autrui, par son regard, & aucunesfois secouant son chef, se leuoit deuant certaine cheueleure, qui luy descendoit sur le front, & luy couuroit les yeux, comme quelques soldats de Marius éprouuerent, quand il alla

contre

contre Iugurtha : car comme ils chassoient ceste beste, ils tomberent morts, aussi tost qu'elle les aperceut. Ceux du païs raconterent apres la nature d'icelle à Marius, & la luy firent auoir morte, car ils scauoient bien que demeurant en aguet, on la pouuoit tuer de loin. La peau d'icelle estoit de diuersité de couleurs tant admirable, qu'estant enuoyee à Rome, ne se trouua aucun, qui sceust de quelle beste elle estoit, & comme chose merueilleuse, elle fut mise au temple d'Hercule. Proclus Carthageois escript (comme Pausanias recite, qu'entre plusieurs & diuerses bestes qui estoient aux deserts d'Afrique, s'y trouuent aussi des hommes & femmes sauuages) qu'il en auoit veu vne à Rome, & vouloit croire, que Meduse auoit esté vne de ces femmes, laquelle estant allee au marais Tritonien, auoit fait là beaucoup de mal aux habitans du païs, iusques à ce qu'elle fut tuée par Persee, avec l'aide de Minerue, qui estoit la Deesse du lieu. Diodore escript que les Gorgones furent des femmes belliqueuses en Afrique, qui furēt surmontées par Persee, qui tua aussi Meduse, leur Royne : ce qui pourroit estre histoire. Mais les fables portent, comme Apollodore escript, que les Gorgones furēt trois sœurs, desquelles n'y auoit que Meduse mortelle : les deux autres, Euriale & Sthenon, estoient immortelles, ayās toutes le chef enuëloppé & couuert d'escailleux serpens, les dents grandes comme pourchaux, les mains de leton, & les ailes d'or, avec lesquelles elles voloient à leur plaisir, & changeoient en rocher tous ceux qu'elles regardoient : que Per-

*Meduse.**Gorgones.*

see les ayant trouuees dormants, trancha la teste
 Meduse, l'emporta, & puis la donna à Minerue, qui
 luy aida beaucoup à ce faire, car elle luy bailla l'escu
 comme Mercure la scimeterre, & les talonniers: Or
 que, l'armet, qui faisoit inuisible: & vne certaine be-
 face, en laquelle il porta le terrible chef, luy fut bai-
 lee par aucunes Nymphes, qui luy furent enseigne-
 par trois autres sœurs des Gorgones, pour rauoir
 l'œil, & la dent qu'il leur auoit dérobé. Car d'icelle
 on lit, qu'elles nasquirent vieilles, avec vn œil tai-
 seulement; & vne dent, dont elles se seruoient tour
 tour, l'vne apres l'autre. Et pour ceste cause, en vn
 certain endroit de Grece, comme Pausanias escrip-
 fut leuee au temple de Minerue, vne statue de Persee
 à laquelle, comme deuant aller a ceste heure la d'A-
 Afrique, contre Meduse, quelques Nymphes don-
 noient vn armet, & attachoient les talonniers au
 pieds. On dit aussi, & c'est la fable la plus commun-
 que de trois sœurs tresbelles, appellees Gorgones
 de certaines isles ainsi nommees, ou elles habitoien-
 Meduse fut la plus belle, ayant les cheueux d'or. Il
 pourtāt comme Neptune en fut deuenu amoureux
 il coucha avec elle, au temple de Minerue, laquelle
Meduse. indignee de ce faict, fit deuenir Meduse, de belle
 agreable à voir premierement, toute terrible & épe-
 uantable, changeant ses crins dorés en serpens: et
 voulut que celuy qui la regarderoit plus, fust inco-
 tinent changé en rocher: mais comme le monde
 peult souffrir vn si estrange monstre, Persee l'occ-
 avec l'aide que j'ay dit, & en donna la teste à Mine-

ie, qui la porta tousiours en son escu, au deuant de
 la cuirasse, laquelle, quand Homere fait que ceste
 Deesse s'arme, pour aller contre les Troyens, il dit
 estre enuironnee d'horrible épouuantemêt, & qu'ou-
 re le chef de Meduse, y est encores dedans la coura-
 geuse hardiesse, l'asseuree vaillance, & les épouuan-
 ables menaces, toutes choses propres à la Deesse.
 Les guerres, comme est aussi la Victoire. Et pourtant
 Pausanias dit que les Atheniens la luy mirent en la
 poitrine avec le chef de Meduse, & que les Eleens
 la luy mettoient à costé, sans ailes. Ces choses mon-
 trent la force du sçauoir, & de la prudence, laquelle
 par œeuures merueilleuses, & sages conseils, fait eston-
 ner les hommes, & demeurer comme pierre immo-
 bile, de merueille, de maniere qu'àisément elle obtiēt
 ce qu'elle veut, pourueu qu'elle le puisse proprement
 exposer: ce que monstre la langue, par cest horrible
 chef. Il estoit aucunesfois couuert du beau manteau
 que les anciens mettoient à l'entour de ceste Deesse,
 qu'ils appelloient *Peplum*, qui estoit vne maniere
 d'habit, pour les images des Dieux, sans manches,
 comme Lactance dit sur Statius, blanc & taché en-
 tierement de marques dorees, que les matrones fai-
 soient de leur main, & puis l'offroiēt de trois en trois
 ans. Mais à cause de ceste inuention des Atheniens,
 lesquels Minerue estoit la principale Deesse, lon
 estoit plus souuent l'habit, pour ceste grande robbe
 ou mâteau, qui estoit offert & consacré à ceste Dees-
 se, de cinq ans en cinq ans, avec solennelle ceremo-
 nie, combien que Suidas die que ce n'estoit pas vn

*Cuirasse de
Minerue.*

*Habit de
Minerue.*

accou

accoustrement, mais le voile de certaine nauire, qui estoit apprestee au temps que i'ay dit, avec tresbeaux ornemens, à l'honneur de Minerue, à certaines siennes festes. Les anciens auoient aussi coustume d'offrir l'accoustrement, quand en quelque grand danger, ils vouloient impetrer la faueur de la Deesse. Parquoy Homere fait qu'Hecuba, par le conseil d'Helenus son fils, deuin, quand elle veit les Troyes estre chassez par les Grecs iusques dedans les murs, agence de ses plus beaux & precieux accoustremens, vn grand & riche habit, & estant accompagnee de toutes les plus nobles matrones, le porte au temple de Pallas, le fait offrir par Theane femme d'Antenor, à l'heure en tresgrand hōneur, entre les Troyennes: & prient la Deesse toutes ensemble, de leur estre fauorable. Virgile a imité cela, quand il depeint la guerre de Troye à Carthage, au temple de Iunon, disant,

*Ce temps pendant vont les dames de Troye
 Au temple saint de Pallas trop austere,
 Portans vn voile en signe de mystere:
 Humbles à voir, & tristes estoient elles:
 Frappans des mains sur leurs poitrines belles,
 Ayans'epars & pendans les cheveux.*

Les Atheniens auoient ccoustume de tistre, broder ou depeindre en ceste solennelle robbe, Encelade ou quelque autre des Geants, occis par Minerue, voire mesmes ceux qui auoient esté les plus vaillants en bataille, & qui meritoiēt pour ceste cause, plus grāde gloire. Ce geant estoit homme, du milieu en haut,

& ser

& serpent au demeurant: car les Poetes ont ainsi descript tous les Geâts, qui oserent aller assaillir le ciel. Et pourtant Suidas recite de l'Empereur Commodus superbe & cruel outre mesure, qu'il vouloit estre appelé Hercule, & fils de Iupiter, & pour ceste cause, il se vestoit souuent de la peau d'un lyon, & portoit la massue en la main, de laquelle, il tuoit pour son plaisir, plusieurs hommes, & voulant sembler combattre à l'heure, pour les Dieux, il leur faisoit premierement accoustrer les cuisses & les iambes en forme de bische, ou de serpent, à fin de représenter les Geans, qui estoient, comme Apollodore escript, de face horrible & espouuantable, avec les cheveux longs & épâduz iusques sur les espaules, avec la barbe longue, descendant dessus leur rude poitrine. Par ceux est entendu que les hommes meschans & contempteurs de Dieu, ne font jamais aucune chose iuste, mais tout le contraire: & pour ceste cause, ils ressemblent le serpent, qui ne se peut leuer de terre, ny cheminer droit, mais de trauers, & en se tordant: lesquels Minerue tue, pource qu'ils sont tousiours es tenebres de l'ignorance humaine, & ne leuent iamaïs les yeux à ceste diuine lumière, qui conduit les autres à la glorieuse & eternelle vie: qui est l'aide & l'aueur que Minerue donne à quiconque va à elle, comme on lit de Persée, & de Bellerophon, qui occirent la Chimere, ayans eu d'elle le cheual Pegase, luit & propre à cheuaucher. Et pourtant ceux de Corinthe, comme Pausanias escript, auoient vn simulachre de Minerue, tout de bois, horsmis la face,

*Les Geâts.**Commodus
superbe &
cruel.**Exposition
des Geants.*

*Minerue
Bridereffe.*

Vulcan.

les mains & pieds, qui estoient de marbre blâc, qu'ils appellerent Bridereffe, pource qu'elle fut la premiere qui brida le cheual Pegase, qu'elle donna à Belerophon. Promethee pareillement, avec l'aide de ceste cy, alla au ciel, & emporta le feu du char du Soleil, au moyen duquel il donna puis apres les arts au monde, que l'on dit, pour ceste cause, estre venuz de Minerue, pource que l'esprit humain a trouué, & trouue encores tous les iours ce qui se fait entre nous, & le fait par le moyen du feu, attendu qu'en tous arts deux choses sont necessaires, l'industrie & inuention, & puis l'exécution de ce que l'esprit a proietté. L'industrie s'entend par Minerue, le fait par Vulcan, à sçauoir par le feu, car souz le nom de Vulcan, le feu est entendu, qui est instrument à faire toutes choses, car le feu reschauffe & reluit, & defaillant la chaleur & lueur, on ne sçauroit rien faire. Il est bien vray que l'art ne peut pas tousiours mettre en effect tout ce que l'esprit trouue, pource qu'il est tousiours lié au corps, & qu'il ne peut faire plus qu'il celui: mais il le laisse souuent, & discourt à son aise considerant les œuvres de nature, & ce que Dieu fait, pensant aucunesfois faire choses semblables, dequoy neantmoins on ne void iamais aucun effect pour ce que sont vaines imaginations. Parquoy l'on a feint que Vulcan ne peut onques se ioindre à Minerue, encores qu'il y ait mis tout son effort, par l'ordroy de Iupiter. Ce neantmoins les anciens ne laisserent pas de mettre les images des deux, en vn mesme temple. Platon pareillement les met ensemble,

difant

disant en son Atlantique, qu'ils sont tous deux les deitez d'Athenes, pource que lors tous les arts y estoient exercez, ny plus ny moins que les sciences y florissoient. On lit aussi de Neptune & Minerue, que par le commandement de Iupiter, ils eurent ensemble le gouvernement d'Athenes. Et pour ceste cause, les Atheniens grauoient en leur monnoye, le chef de Minerue, d'un costé, & le trident de Neptune, de l'autre, qu'ils appelloient Roy, & donnoient à Minerue, le nom de ciuile & courtoise, comme estant besoin de gouverner les villes pacifiquement, & avec prudence. Ce qui n'est pas moins requis aux maisons particulieres: & pour ceste raison, les anciens souloient depaindre Minerue tant sur les portes d'icelles, que des villes, & representoient Mars dehors aux villages, montrans par ce moyen, que lon doit tenir la guerre tousiours le plus loin que lon peut. Et pource que les Romains se gardoient bien d'auoir aux villes les Dieux qu'ils pensoient auoir seruy des choses nuisibles, ils tenoient dehors le temple de Bellone, & celuy de Mars aussi. Ce neantmoins ils en firent vn de Mars, en la ville, où ils l'adoroient comme Pacifique, appelé Quirin, comme i'ay desia escript en Flavius, donnât la raison de l'un & de l'autre. Je diray comme il estoit fait, quand i'auray parlé de Vulcan, duquel Eusebe escript ainsi: On dit que Vulcan est le pouuoir & la vertu du feu, auquel on fait vne statue en forme d'homme, avec vn chapeau sur la teste, de couleur azuree, en signe du tour & nouuement des cieux, esquels se trouue le vray feu,

*Neptune
avec Mi-
nerue.*

*Minerue.
sur les por-
tes.*

Vulcan.

Vulcan boiteux.

Vulcā avec des rats.

Seton Roy.

pur & sincere: ce qui ne se peut pas dire de celuy que nous auons, pource qu'il ne se maintient pas de soy mesme: mais a tousiours besoin de nouuelle matiere, pour sa nourriture. L'ō a fainct Vulcā boiteux, pource q̄ la flāme semble telle, attendu qu'ardante, elle ne va en haut droite, mais sinueuse, & se debatant ou mouuant deçà & delà, pource qu'elle n'est pure & legere, comme il seroit besoin, pour monter droit en son lieu. Alexandre Napolitain recite, & ie pense qu'il l'a prins d'Herodote, bien que l'vn parle de Vulcan, l'autre de Seton Roy, qu'en Egypte se voyoit vne statue, qui tenoit d'vne main vn rat, laquelle ceux du païs auoient ainsi faicte, pensans que Vulcan auoit autresfois enuoyé vn grand nombre de rats contre les Arabes, qui estoient venüz avec grandes forces, occuper leur païs, lesquels, pour ceste cause, furent contraints s'en retourner. Herodote raconte le fait en ceste maniere: Comme Seton Prestre de Vulcan, & le Roy d'Egypte se trouuassent abandonnez de tous leurs gēns de guerre, & comme Senacarib, Roy des Arabes, leur courust sus avec vne tres-puissante armee, ils ne sçauoient que faire, en vn si estrāge cas, & se contristoient de leur misere. Cependant aduint que Seton s'estant endormy au costé du simulachre de Vulcan, il luy sembla voir en songe, ce Dieu, qui le consoloit, & luy disoit qu'il allast hardiment contre les ennemis, & qu'il s'asseurast qu'il les chasseroit avec l'aide qu'il luy enuoyeroit. Parquoy, Setō ayant prins cœur, sortit avec le peu de gens qu'il auoit, & s'en alla camper pres des Arabes, au camp desquels,

la nuit

la nuit ensuiuant, apparut vne si grande multitude de rats, qu'ils leur rongerent leurs arcs, escuz, & har-
 nois de cuir, & les contraignirent d'abandonner l'E-
 gypte. Parquoy, ce Roy Seton estoit au temple de
 Vulcan, fait de pierre, avec vn rat en la main, & vn
 escript, portant, *Que lon apprenne de moy à estre pie & religieux.* A l'heure les Arabes hayrent d'auanture
 tellement les rats, qu'ils leur voulurent tousiours
 mal: car Plutarque escript qu'ils tuoyent tous ceux
 qu'ils pouuoient trouuer, comme faisoient les Ethio-
 piens, & les Mages, ou Sages de Perle, disans que le
 ronger de ces animaux, estoit trop fascheux aux
 Dieux. Je n'ay souuenance d'auoir leu pourquoy les
 anciens creurēt, en Egypte, que Vulcan eust enuoyé
 les rats, mais on pourroit bien entendre, par iceluy
 la secheresse de la saison & du païs, attendu que Pli-
 ne escripuant de la fecondité des rats, dit qu'ils mul-
 tiplient beaucoup aux champs, quand le temps est
 sec, & de là vient que l'hyuer ils ne se voyent plus, &
 ne peut on sçauoir qu'ils deuiennent, pource qu'ils
 ne se trouuent ny vifs, ny morts, ny dessus ny des-
 souz terre. Plusieurs fables se lisent de Vulcan, qui
 nous peuuent donner occasion d'en faire peintures
 en diuerses manieres, commenceant à sa naissance:
 car on lit qu'il nasquit de Iunon, laquelle le voyant
 difforme, le ietta en bas, & le miserable tomba en l'isle
 de Lemnos, en la mer Egee, & à raison de la cheute,
 il demeura estropié, & fut tousiours boiteux. Ce qui
 veut dite, comme les Naturels l'exposent, que le fou-
 dre, qui n'est autre chose, qu'une vapeur en feu, de-

*Rats en-
uoyez par
Vulcan.*

Rats haïs.

*Vulcan ietté
du ciel.*

Iunon liée.

*Vulcan à la
forge.*

scend de la part de deffouz l'air, qui est la plus grosse & espaisse. Vulcan deuenue grand, & se souuenant du tort que sa mere luy auoit fait, pour s'en venger, ou pour l'empescher de faire mal à Hercule, comme elle s'apprestoit, selon que Suidas recite, de Pindare & d'Epicharme, luy enuoya vn present d'un beau siege doré, fait de tel artifice, que s'y estant assise, elle y demeura tellement liée, qu'il n'estoit possible, mesmes à tous les Dieux du ciel, l'en tirer. Parquoy ils voulurent le faire monter en haut, pour deliurer Iunon, à laquelle il faisoit bien mal d'estre ainsi liée : mais ne se fiant à aucun d'eux, il n'y voulut point aller. En fin il se fia à Bacchus seulement, qui paraenture luy donna bien à boire, & s'en alla au ciel, avec luy, deliurer Iunon du siege artificiel. Ainsi le raconte Pausanias, touchant les fables des Grecs, & dit qu'entre les autres peintures, que les Atheniens auoient, se trouuoit celle de Bacchus : car Vulcan demeuroit au ciel, à desliuer Iunon, & que les Lacedemoniens, au temple de Minerue, auoyent pareillement Vulcan, qui deslioit sa mere. Il se fait aussi en vne grande caverne, qui se tient à la forge avec les Cyclopes, pour forger ores vne chose, ores vne autre : car toutes les fois que les Dieux auoient affaire de toute sorte d'armes, ou pour eux, ou pour autrui, ils s'en alloient à luy, comme à leur armurier, ainsi que Thetis y fust, pour les armes d'Achilles son fils, & ainsi fut fait le coffre de Cypsele, selon que Pausanias racôte, lequel ne donne autre signe, que celuy qui donnoit les armes à Thetis, fut Vulcan, sinon qu'il estoit boiteux, & qu'il

& qu'il auoit derriere vn de ses gens, avec vne grande tenaille, en la main. Venus eut pareillement de luy les armes, qu'elle bailla depuis à Enee. Et quand les Poëtes veulent descrire quelque grande chose, faicte avec grand artifice & industrie, ils dient que Vulcan la faicte, ou les Cyclopes, à la forge de Vulcan. Ces choses se peuuent acommoder à ce que comme par histoire, Suidas raconte de celuy qui fut Roy en Egypte, & fut estimé Dieu, pource qu'il decouuroit tous les secrets de la religion. Il fut belliqueux, & estant blessé en bataille il demeura estropié & boiteux : il fut le premier qui mit le fer en besongne, pour en faire des armes, & instrumēs, pour cultiuer la terre. Dauātage on feint que Vulcan lia avec vn reth tres subtil d'acier, Venus & Mars, tādīs qu'ils prenoient leur plaisir amoureux ensemble : qu'il tacha de forcer Minerue, & faire autres choses semblables, qu'il n'est besoin de raconter maintenant, pource qu'elles ne seruent à son image, qui estoit d'vn homme boiteux, noir de visage, laid, & enfumé, comme sont volontiers les forgerons. Aucuns le font nud, autres, ny nud ne vestu, mais seulement avec quelque habit leger à l'entour, & vn chapeau, sur la teste, comme i'ay dict. Herodote escript qu'en la ville de Memphis, en Egypte le simulachre de Vulcan estoit semblable à certains Dieux appelez Pataiques de ceux de Phœnicie, qui les portoiēt sur les prouës des nauires, & estoient de la forme de Pygmees, de laquelle le Roy Cambyfes, entré en son temple, se noqua grandement. Les Egyptiens, comme Elian

escript,

*Vulcan
Roy.*

*Par qui le
fer a esté
mis en be-
songne pre-
mierement.*

*Image de
Vulcan.*

*Lyons don-
nez a Vul-
can.*

*Chiens gar-
diens de Vul-
can.*

escript, luy consacrerēt les lyons, pource qu'ils son-
de nature fort chaude, & ignee, & pourtant, à caus-
de l'ardeur qu'ils ont au dedans, ils ont grande peur
quand ils voyent le feu, & fuyent. Alexandre Napo-
litain escript qu'à Rome, les chiens estoient au tem-
ple de Vulcan, comme gardiens, qui n'abbayoien-
jamais sinon à ceux qui y alloiēt pour dérober quel-



que chose. Et à Mongibel en Sicile, les chiens gar-
doient mesmement le temple de Vulcan, & la saincte
forest qui estoit à l'entour. Dauantage, quiconque
demeuroit victorieux d'aucune guerre, amassoit les
escuz, & autres armes des ennemis en vn, & les bru-
lant, en faisoit sacrifice à Vulcan, comme Virgile fait
dire à Euander qu'il a fait, quand estant encores ieune,
il fut victorieux deffouz Preneste. Ce qui est
prins, dit Seruie, de l'histoire, laquelle raconte que
Tarquin le Prisque ou l'ancien, ayant vaincu les Sa-
pins, brusta toutes leurs armes, en l'honneur de Vul-
can, & que depuis, les autres ont tousiours fait le
emblable. Et pourtant la coustume a esté de bruster
tout ce qui estoit offert es sacrifices de Vulcan. Et en
vne certaine autre maniere de sacrifice, appelé Ar-
rogance, du mot *Proteruia*, comme Macrobe escript,
les anciens auoient pareillement ceste coustume
de bruster tout ce qui demeuroit, après que les pre-
tres & les autres auoient mangé. Et pourtant Caton
rocarde vn certain Albidius, auquel d'vn riche pa-
rimoine n'estoit rien demeuré qu'vne maison bru-
see, pource qu'il auoit tout mangé, disant qu'il auoit
fait le sacrifice susdit Proteruie, ou Arrogance. Les
ables ont ioint après Venus à Vulcan, par mariage,
pource que la generation des choses, monstree par
Venus, n'est pas sans chaleur, qui ne se peut mieux
signifier que par le feu entendu par Vulcan. Et pour
cette cause a lon mis aussi Mars & Venus ensemble,
pour demonstrier par iceluy l'ardeur du Soleil, outre
ce que dit Aristote, qu'à bon droit lon a fait ces

*Sacrifice de
Vulcan.*

*Proteruia
sacrifice.*

*Venus avec
Vulcan.*

*Mars avec
Venus.*

deux ensemble, pource que les gens de guerre sont fort enclins à luxure. Parquoy les Acitans, peuples d'Hespagne, comme Macrobe recite, faisoient le simulachre de Mars orné de rayons, comme celuy du Soleil, & l'adoroient avec grande reuerence. C'est chose naturelle(adiouste le mesme Macrobe) que les auteurs de la celeste chaleur soyent differens seule-

Mars. ment de nom, car lon a creu que Mars est celle ardeur qui vient du Soleil, qui allume en nous le sang & les esprits, qui sont apres faciles à l'ire, aux fureurs, & aux guerres, desquelles les anciens l'appellerent le Dieu, comme Minerue en fut dicté la Deesse: & comme elle nasquit sans l'aide & moyen de la femme, aussi il nasquit sans le deuoir du mary. Car les fables portent que Iunon enuieuse que Iupiter eust fait des enfans, sans elle, par la vertu de certaine fleur, à luy monstree par Flore, comme Ouide raconte, ou comme aucuns autres ont dit, se battant la nature avec la main, deuint grosse de Mars, & s'en alla l'enfanter en Thrace, où le peuple est mervueilleusement terrible, & facile aux guerres. Ce qui nous demonstre, que les guerres pour la plus part, viennent du desir d'auoir royaumes & richesses demonstrees par Iunon. Les anciens firent Mars furieux & terri-

*Comme
Mars nas-
quit.*

*Image de
Mars.*

ble de regard, tout armé, avec la lance au poing, & la verge en la main, & le mirent ores à cheual, ores sur vn char, & mesmemēt quasi tous les Poëtes commenceant à Homere, qui dit que le char d'iceluy estoit tiré par deux cheuaux, qui sont la Terreur, & la Crainte. Et en vn autre lieu, il feint en apres, que ce ne sont

ne sont pas cheuaux, mais personnes, qui l'accompagnent tousiours, avec l'impetuosit , la fureur & la violence. Ce que Statius imitant, quand il fait aller Mars mettre guerre entre les deux freres, Etheocle & Polynice, au Royaume de Thebes, apres qu'il a descript les armes de ce Dieu, qui estoient l'armet tant luisant, qu'il sembloit ardre, la cuirasse doree, & toute

*Armure
de Mars.*



*La Renom-
mee.*

*Renommee
double.*

plaine de terribles & espouuantables monstres, & l'escu resplandissant de lumiere sanglante, dit, que la Fureur & l'Ire sont à l'entour qui luy agencent & ornent le chef, & que la Terreur gouuerne la bride des cheuaux, au deuant desquels la Renommee va battant les ailes, messagere aussi bien de menfonge que de la verité. Car elle est vne certaine rumeur, qui d'un petit commencement se leue, & croist tellement qu'elle remplit les villes & pais, & Homere l'appelle messagere de Iupiter. Les anciens ont pareillement fait la Renommee vne Deesse, & l'ont depainte en forme de femme, vestue d'un drap subtil & delié, toute trouffee, monstrant courir legerement, avec vne bruyâte trompette en la bouche. Et pour mieux démonstrer la legereté d'icelle, ils luy ont baillé des ailes, & l'ont remplie d'yeux, comme Virgile la descript, lequel l'appelle monstre horrible, la feint toute emplumee, ayant autant d'yeux veillans, qu'elle a de plumes, autant de bouches, avec autant de langues, qui ne se taisent iamais, & autāt d'aureilles, tousiours ententifues: qu'elle va volant tousiours la nuict, que iamais elle ne dort, & que de iour elle se met sur les hautes tours, où elle espouuante les pauures hommes, leur apportant le plus souuent mauuaises nouvelles. Neantmoins pource qu'elle en apporte aucunesfois de bonnes, fut dit que la Renommee estoit double, & s'appelloit bonne celle qui annonçoit le bien, & mauuaise, celle qui annonçoit le mal, laquelle, à la difference de l'autre, auoit les ailes noires: & pour ceste cause Claudian escriuant contre Alaric, dit

dit que la Renommee estendit les noires ailes, & quelques vns les font aucunesfois d'une chauue-fouris. La Renommee va deuant le chariot de Mars, pource qu'au commencement des guerres lon en parle souuent plus qu'il ne s'en ensuit, bien que les cœurs de part & d'autre soyent enflammez de courroux, & ire, sans laquelle on ne vient gueres aux furieuses batailles, & laquelle, comme Seneque escript, *L'ire.* semble auoir plus grãde force en nous que plusieurs autres affectiõs, qui nous troublẽt, car elle desuoye non seulement les esprits du droict sentier de la raison, mais aussi change souuent le corps. Car Ouide dit, & Seneque pareillement, que le visage des irez s'enfle du tout & deuiet bouffy, leurs yeux sont enflammez, & la personne iree deuiet si terrible, qu'elle se monstre quasi aussi horrible, que la face de Meduse. I'ay fait ce brief dessein de la personne iree: car ie ne trouue point que les anciens ayent fait aucune image de l'Ire, à fin que qui voudra, en puisse faire le pourtrait de celle qui est aussi appelee Fur- *La Fureur.* eur, qui n'est autre chose que l'Ire enflammee. Les anciens la depeignoyent terrible en face, quasi sanglante, & fremissant de rage, assise sur les cuirasses, armets, escuz, espees, & autres armes, avec les mains icees derriere estroitement. Virgile la descript ainsi, & la feint estre dedans les portes de la guerre, qui estoient celles du temple de Ianus, comme i'ay desia liẽt qu'elles estoient fermees, en temps de paix, & ouuertes en temps de guerre. Ils l'ont pareillement faite desliee, comme on la void descripte par Petro-


*Sacrifice
notable.*

*Victime de
Mars.*

nus, où il a commencé à escrire de la guerre ciuil
Mais retournant à Mars, aucuns ont mis à son cha-
riot quatre cheuaux tant terribles & furieux, qu'il
haleinoient & iettoient le feu. Isidore escript qu'il
lon faisoit Mars aucunesfois avec l'estomac nu
pource que quiconque va en bataille, y doit aller
hardiment, & s'opposer à tous dangers. Herodote
escript que les Scythes adoroient plusieurs Dieux
mais qu'ils ne faisoient neantmoins des temples, au-
tels & images à autres qu'à Mars, combien qu'ils sa-
crifiaissent à tous d'une mesme maniere, qui me sem-
ble digne d'estre recitee. La victime estoit là avec les
pieds de deuant liez, le sacrificateur venoit derriere
qui luy donnoit sur la teste, & tombant icelle, il ap-
pelloit le Dieu, auquel il la sacrifioit, & puis il lu-
mettoit vn lacet au col, duquel il l'estrangloit: & puis
l'ayant escorchee, il la mettoit cuire au feu, qu'il fa-
isoit des os de la beste mesme, desnuez entierement
de la chair, pource qu'il y a grande faute de bois en
Scythie: & s'il n'auoit aucunesfois ses chaudieres
propos, il mettoit toute la chair, avec l'eau, au mesme
ventre de la beste, & la faisoit bouillir là, & pourtant
la victime mesme se faisoit du feu de soy mesme, &
cuisoit aussi en soy mesme. Ce faict, le prestre offroit
en apres le sacrifice au Dieu, auquel il appartenoit
& entre autres bestes, qui estoient sacrifiees, le cheu-
estoit la principale victime, principalement de Mars
duquel, pource que les pluyes, & la mauuaise tempe-
rature de l'air de ce pais, gastoient bien tost le tem-
ple, les habitans le refaisoient tous les ans, en ceste
maniere

maniere. Ils amassoient vn grand tas de serment en quarré, haut de trois costez, & le quatriesme s'abaissoit en maniere que lon pouuoit aisement monter dessus, où ils mettoient vn certain cousteau, duquel ils se seruoient, qui estoit parauenture comme vn scimeterre, glaiue propre aux Perses. Ce leur estoit le vray simulachre de Mars, qu'ils adoroient

*Simulachre
de Mars.*



*Maison de
Mars.*

Discorde.

& auquel ils faisoient sacrifices plus frequens qu'à aucun autre Dieu. Comme ceux de l'Arabie Pierreuse, selon que Suidas recite, faisoient à vne certaine pierre noire, quarree, sans autre figure, haute de quatre pieds, & large de deux, qui estoit sur vne base ou pedestel d'or, pource qu'ils la tenoient pour le vray simulachre de Mars, qu'ils adoroient principalement Statius descripuant la maison de Mars, la feint en Thrace (où il naquit aussi, comme j'ay dict, pource que les peuples de ce pais aiment fort la guerre) toute de fer non luisant, ny rouillé, mais quasi en feu, laquelle espouuante & rend triste les hommes, à la voir seulement. En cest endroit sont la Fureur impetueuse, l'Ire enragee, la cruelle Impieté, la Crainte passe, les Trahisons, les secretes Embusches, qui se cachent, & ne laissent voir à personne les glaiues aiguës qu'elles tiennent couuerts, & la Discorde armee es deux mains d'un fer tranchant. Ceste fut mise par les anciens, entre les Dieux qu'ils adoroient, non pour leur ayder, mais à fin de ne leur nuire, car en quelque lieu que la Discorde se trouue, il n'y a iamais paix ny repos. Et pour ceste cause Iupiter la chassa du ciel, & ne fut appelee aux nopces de Thetis & de Pelee, où estoient quasi tous les autres Dieux: de quoy estant fort indignee, elle ietta entre eux la pomme, de laquelle vint la ruine de Troye, par le iugement de Paris. La Discorde estoit faicte en forme de Furie infernale, comme Virgile la descript, quand il dict,

A la folle Discorde un ruben tout sanglant

Les

Les cheueux serpentins de son chef va liant.

Petronius en dit le mesme. Aristides la feint vne femme, ayant la teste haute, les leures noires & ternies, les yeux rouges & gros de larmes, arroufians continuellement ses pasles iouës : elle n'a iamais ses mains à soy, & est tresprompte à les mouuoir : elle porte vn cousteau caché en son sein : elle à les iambes & pieds subtils & tortuz, elle a entour de soy vne tenebreuse & obscure nuée, qui l'enuironne entierement comme vn reth. Pausanias escript que d'un costé du coffre de Cypsele estoient taillez Ajax & Hector, qui combatoient ensemble en la presence de Discorde, qui estoit vne femme fort laide de visage. Il n'en dit autre chose, & moins comme Califon Samien la fit, lequel, ainsi qu'il adiouste à l'exemplaire d'icelle, fit vn pourtrait au temple de Diane Ephesienne, où il fit la guerre : ce qui ne fut gueres loin des nauires des Grecs. Mais si lon ne peut trouuer le pourtraict de la Discorde par le moyen des anciens, que lon se le represente par ce que les modernes en ont dict, & entre ceux la, que lon se contente de l'Arioste seul, lequel la depeint tres-bien, quand il fait que Michel l'Ange la va trouuer, disant ainsi,

L'ange là recogneut à ses diuers habits,

Bastus de cent couleurs, dont les bords infinis

Estoient faits inegaux, lesquels ores la couurent,

Ores non : car le vent & les pas la font voir,

Pource qu'ils sont rompuz : d'or, d'argent, gris & noir

Les cheueux qu'elle auoit, contraires se descouurent,

En tresse & flots troussiez, esparpillez à plain

Plusieurs dessus l'espaule, aucuns dessus le sein.

*Le Palais
de Mars.*

En apres, le palais de Mars, retentissoit du tout de voix menaçantes, la Vertu triste & dolente y estoit au milieu: & au contraire la Fureur se monstroit ioyeuse. La Mort estoit assise là, avec le visage enfanglanté, & le sang espandu es cruelles batailles, estoit sur les autels, duquel on faisoit sacrifice au Dieu terrible, avec le feu prins des villes bruslees. Tout à l'en tour estoient pendues les despouilles rapportees quasi de toutes parts du monde, contre les murailles, & sur les portes se voyoient les meurtres, bruslemens & autres ruines que les guerres portent avec soy. Voila tout le dessein que Statius fait de la mai-

*Statue de
Mars liée.*

son de Mars, duquel les Lacedemoniens tenoient la statue liée, comme Pausanias recite, d'estroits liens, pensans aussi le tenir lié en ceste maniere, si bien qu'il ne partist iamais d'avec eux, pour les rendre, par sa faueur victorieux en toute guerre. Plusieurs autres nations aussi en firent de mesme: & les Romains pareillement lioyent quelques simulachres, principalement des Dieux, ausquels la ville estoit recomman-

Dieux liés.

dee. Car de tant de Dieux adorez par les anciens, vn ou deux auoient chacune ville en leur garde, de sorte que les ennemis mesmes auoient peur de les offencer. Et de là vint la coustume d'appeler dehors, & inuiter à soy par certaines parolles à ce ordonnees & dites par le prestre, les Dieux protecteurs de la ville, à laquelle on faisoit la guerre, montrant en ceste maniere que lon ne vouloit la guerre contre les Dieux. Et pour ceste cause, les Romains ne voulurēt

*Dieux ap-
pellez hors
les villes.*

iamais

iamais, que lon sceust le vray nom du Dieu, auquel la ville estoit particulièrement baillee en garde, de peur qu'estant appellé par les ennemis, il s'en allast. Et la où Virgile nomme la mere Vesta gardienne du Tybre & de Rome, Seruius note que cela est dit Poëti-
Dieu ca-
 quement, non pour estre ce le propre nom du vray *ché.*
 Dieu de Rome: car les loix (dit-il) de la religion ne vouloient que lon le sceust, & fit on mourir par iustice, vn Tribun du peuple, qui eut la hardiesse de le nommer. Et pource que tousiours ne sont d'un chacun entierement les saintes loix obseruees, les anciens tenoient quelques Dieux liez, à fin qu'ils ne les abandonnassent point, comme Quinte Curce recite que ceux de Tyr en Phœnicie, lierent avec chaines d'or, la statue d'Apollon, vn de leurs Dieux principaux, & l'attacherent à l'autel d'Hercule, auquel la ville estoit recommandee, comme à fin qu'il le retint & l'empeschast de s'en aller, pource qu'un citoyen auoit dit qu'il l'auoit veu en songe, abandonner la ville, & s'en aller, vne fois qu'Alexandre estoit à l'entour pour la prendre. A quoy me semble conforme ce que les Atheniens faisoient tenans la Victoire sans
Apollon lié.
Victoire sans ailes.
 ailes, comme on lit en Pausanias, à fin qu'elle ne s'en volast. Elle auoit, comme dit Heliodore, en la main droite, vne grenade, & vn heaume, à la fenestre. Les Romains, à fin de la faire demeurer plus volontiers avec eux, luy donnerent pour son siege, le Capitole, comme Tite Liue escript, & luy dedierent le temple de Iupiter Tres-bon & Tres-grand, quand Hieron, apres qu'ils furent defaits par les Carthageois à Can

La Victoire.

• *Laurier signe de Victoire.*

L'aigle signe de Victoire.

Ensignes des Romains.

nes, leur en enuoya vne toute d'or , avec autres presens de grand prix, lesquels ils renuoyerent tous, & retindrent seulement la statue de la Victoire, pour vn bon presage. Les anciens la faisoient le plus souvent avec des ailes, en la forme d'une belle fille, s'en volant parmy l'air, tendant d'une main vne couronne de laurier, ou bien d'oliuier blanc, & tenant en l'autre vne branche de palme, comme lon void aux antiques medalles & marbres: nous la voyons aucunesfois avec la couronne seule, aucunesfois avec la branche seule de la palme. Les Romains l'ont souuēt faicte avec la branche de laurier en la main, pource qu'ils auoient le laurier seul pour signe de Victoire, lequel ils mettoiēt avec les lettres, qui en portoient les nouuelles: & quand lon menoit ioye de quelque victoire, ils alloient en mettre quelques fueilles au giron de Iupiter tres-bon & tres-grand, & les plus excellens capitaines qui triomphoient, s'en faisoient vne courōne. Ceux d'Egypte en leurs lettres sacrees, monstroiet la Victoire par le moyē de l'Aigle, pource que l'Aigle passe, en valeur, tous les autres oiseaux. De là est venu parauanture, qu'entre toutes les enseignes que les Romains auoient en guerre, en leurs estendars, l'Aigle estoit la principale, & la plus vsitee. Car on lit qu'ils auoient aussi le loup, pour estre vne beste de Mars: le Minotaure, pour monstrier que le conseil du Capitaine, & tout son dessein doit estre caché, comme l'estoit ceste beste au Labyrinthe: ils auoient aussi pour enseigne, le pourceau, pource que sans iceluy on ne faisoit iamais trefue, ny paix, v sans



sans de ceste ceremonie. Aucuns à ce deputez de
 art & d'autre, de ceux qui estoient pour faire la paix,
 au trefue, se trouuoient ensemble, & le Prestre, au-
 quel estoit baillée ceste charge, qui s'appelloit *Facia-*
s, apres quelques solennelles parolles, ayant recité
 les conuentions & articles entre eux accordez, frap-
 poit d'une certaine pierre, & tuoit vn pourceau, qui

*Ceremonies
 de la trefue
 ou paix.*

*L'aigle en-
seigne des
Perfes.*

estoit là present à cest effect, priant Iupiter qu'il luy pleust frapper ainsi le premier d'entr'eux qui romproit la trefue ou la paix. Dauantage laissant maintenant à parler du bouteau de foin, au bout d'une longue pique, qui fut la premiere enseigne des Romains, de la main ouuerte, & du certain voile, qui estoit, comme nous voyons de nostre temps la cornette du General, ie diray seulement que le cheua & le boeuf estoient aussi aux estédars Romains. Mais il est vray que ces deux & les autres trois que j'ay dict, estoient quasi tousiours dedans les tranches, & lon portoit l'aigle seule en bataille, estimans, comme dit Iosephe, qu'elle fust la vraye enseigne de principauté, & qu'elle portast avec soy contre les ennemis, le signe de Victoire. Parquoy Iustin escript qu'au moyen d'une Aigle, qui vola sur l'escu de Hieron, quand il commença, ieune, d'aller à la guerre, il fut dit, qu'il seroit Roy, fort vaillât, comme il aduint combien qu'il fust de bas lieu. Cyrus aussi auoit une Aigle d'or, avec les ailes ouuertes (comme Xenophōne escript) au bout d'une longue pique, & les autres Rois des Perfes la porterent tousiours depuis. Pausaniās dit que du temps de Iupiter, les Lacedemoniens auoient deux Aigles, qui portoyent deux Victoires, chacune la siēne : lesquelles Lyfandre auoit là offert, en memoire de ce qu'il auoit vaincu deux fois les Atheniens. Au grand spectacle qui fut representé par Ptolomee Philadelphie (ce qu'Athenee raconte pour chose miraculeuse) estoient certaines Victoires, avec les ailes, qui auoient des accoustremens tissuz à di-

uers

iers animaux, avec plusieurs ornemens d'or à l'en-
 tour, & portans en main des encensoirs d'or, faits à
 ueilles de lierre, parauenture pource qu'ils seruiôit
 lors à Bacchus, ils alloient deuant vn autel orné pa-
 reillement de branches de lierre faites d'or. Quand
 Claudian louë Stilicon, il descript la Victoire vestue
 de trophées, avec la verde palme en la main, & les ai-
 es aux espaules, qui denotent les incertains succès
 des guerres, attendu que la Victoire semble bien sou-
 uent estre d'un costé, & se tourne apres soudainemēt
 de l'autre: le Victorieux se renforce, & en est longue-
 ment conseruee la memoire à la posterité, comme la
 palme se renforce contre ce que lon met dessus, de
 laquelle le bois ne se corrompt point, comme les au-
 tres, & ses fueilles demeurent long temps verdes. Et
 pource que la fin des guerres est douteuse, la Victoi-
 re s'appelloit Deesse commune, comme estant au
 milieu, & s'accostant de celuy qui la sçait le mieux
 attirer à soy. Pour ceste cause, Mars fut pareillement
 dict commun, pource qu'entre les ennemis c'est vne
 chose commune de vaincre & d'estre vaincu. Au-
 tuis ont fait aussi la Victoire armee, gaye & ioieuse de
 triumphe, mais toute plaine de poussiere, de sueur, bail-
 lant avec les mains sanglantes les despouilles, & les
 prisonniers aux victorieux. Prudence, Poëte Chre-
 tien, se moque d'icelle, & de ceux qui l'adoroient
 pour auoir sa faueur, disant qu'il faut chercher la Vi-
 ctoire du vray & eternal Dieu, & de la propre vertu:

*Victoire
Deesse com-
mune.*

Non pas de ceste la, que le peuple ignorant.

A feint ieune, hardie, & belle à l'auenant,

Or trouf

*Or' trousser, or' lascher au vent sa blonde tresse:
De laquelle le corps un habit leger presse,
Qui se void ondoyer, quand l'air luy bat le flanc,
De sorte qu'en ce point, se monstre son pied blanc.*

*Cheual sa-
crifié.*

*Animaux
de Mars.*

Et moins de Mars, comme faisoient les anciens Romains, lesquels luy sacrifians le cheual, qui auoit gagné à la course, vouloient monstre qu'ils recognoissent auoir eu la victoire par son moyen: bien qu'aucuns dient, que cela se faisoit pour punir la legereté de laquelle s'aide le plus, celuy qui fuit, & pour donner à entendre, qu'il ne faut point esperer en la fuite. Dauantage on donnoit à Mars aucunesfois en sacrifice, & aucunesfois en compagne seulement, diuer animaux, comme le chien, & le loup, qui se peuuent ioindre à son image: l'un pource qu'il est furieux, comme Pausanias escript, & le plus fort des autres animaux, qui sont avec l'homme: l'autre, ou pource qu'il a tant bon œil, qu'il void de nuict, ainsi doiuent voir les sages capitaines, de peur d'estre surprins, ou pource qu'il est de nature rauissant, qu'il tue, & ayme le sang, toutes choses cōformes au Dieu des guerres: auquel entre les oiseaux, on donna le coq, pour monstre la vigilāce qui doit estre aux soldats, ou bien, pource que, comme les fables racontent, & Lucian l'escript, le soldat Alectryon aymé de Mars, fut par luy changé en cest oiseau, pour n'auoir fait bonne garde, ainsi qu'il luy auoit enchargé, l'nuict qu'il coucha avec Venus, quand à son desceul Vulcan entra en la chambre, & ietta sur eux le fil tresbeau, & les print ainsi embrassez qu'ils estoient.

Le vautour aussi fut donné à Mars, pource qu'on lit d'icelluy, qu'il poursuit d'un desir merueilleux les corps mors, & pour ceste cause il va apres les armées, comme si la nature luy auoit enseigné, que cest amas d'hommes se fait, pour tuer & faire carnages. Elle leur a enseigné dauantage, car il sçait trois & quatre iours deuant, (aucuns dient sept) où se doit faire l'exécution d'armes, & cognoist de quel costé se fera le plus grand massacre, où il se range plus volontiers qu'ailleurs, à cause de la proye qui luy est apprestee plus grâde en cest endroit. De là est venu, qu'anciennement les Rois, voulans dōner bataille, enuoyoient espier de quelle part les vautours regardoient le plus, iugeans par ce moyen de quel costé deuoit incliner la victoire. On peignoit aussi quelquesfois vne pie avec Mars, & pourtant cest oiseau a esté appelé Martial, comme propre de Mars, ou bien pource que tout ainsi que cest oiseau, par son fort bec, caue le dur chesne, aussi par plusieurs batteries & assaults, les soldats battent bien tant les murailles des villes, qu'ils y entrent par force, ou bien pource que cest oiseau estoit fort remarqué aux augures, ausquels il semble que les soldats prenoient garde, voire mesmes chacun y entendoit le temps passé, tellement que lon ne faisoit aucune chose publique ou priuee, sans prendre premièrement augure, en quelque maniere, comme i'ay desia dict en Flavius, où i'ay pareillement déclaré comme les anciens prenoient augures. Quant aux arbres, ie n'ay trouué iusques icy, qu'aucun ait esté consacré à Mars, comme sien pro-

*Vautour
consacré à
Mars.*

*Pie, oiseau
de Mars.*

*Dent de
chien, her-
be donnée à
Mars.*

pre : toutesfois i'ay bien leu que les anciens luy ont donné l'herbe nommee vulgairemēt dent de chien, possible pource que le plus souuent, comme Bocca- ce escript, elle vient es lieux spacieux & ouuerts, où les armées ont quasi tousiours accoustumé de camper. Les Romains n'auoient couronne plus digne ny honorable que de ceste herbe, qu'ils donnoient à ceux la seulement, qui auoient preserué l'armée, en quelque grand danger, ou deliuré quelque ville, d'un siege. Je n'ay plus rien à dire de Mars, sinon la feste solennelle qui se faisoit à son honneur en Papreme, ville d'Egypte: car il me semble que la ceremonie ra- contee par Herodote, merite d'estre recitee. Estant donc venule le temps de la feste, à laquelle se trou- uoient quasi tous ceux du païs, en la susdite ville, quelques prestres estoient au temple, entour les au- tels, à faire sacrifices, & autres choses appartenantes aux sacrifices, tous les autres se mettoient aux portes du mesme temple, avec grosses masses de bois en la main, contre lesquels alloient enuiron mille hommes estrangers, venuz à la feste, tenans aussi de gros ba- stons. Et ayans appresté le iour de deuant, vn grand tabernacle de bois, tout doré, avec la statue de Mars, au dedans, l'ayans mis sur vn char à quatre rouës, ils vouloient entrer quant & luy au temple, & les pre- stres qui estoient aux portes, les engardoient, à rai- son de quoy ils commençoient à se battre d'une estran- ge façon avec leurs bastons, les vns ne voulans que ce Dieu entraist au temple, & les autres s'efforceans de l'y faire entrer, comme ils faisoient à la fin. Et com-

*Ceremonie
ridicule.*

bien

bien qu'ils se donnassent de vilains coups sur la tête, & que plusieurs d'iceux en fussent grièvement blesez, si est ce que personne n'en mouroit point. Cela fut ainsi ordonné pource que les anciens disoient que la mere de Mars demouroit lors en ce temple, & qu'estant deuenue grand, il y estoit allé pour coucher avec elle: mais les sacrificateurs cognoissans cela, & ne sachans neantmoins qu'il estoit, ne le laisserent point entrer, & pour ceste cause il fut cōtraint de s'en retourner. Bien tost apres, ayant ramassé gens d'une prochaine ville, il y retourna, & ayant chargé les prestres, il entra en despit d'eux, pour faire à son plaisir, de sa mere. Voila le fait représenté par la ceremonie, que j'ay dict, laquelle contient indubitablement quelque mystere, en soy, mais puis qu'Herodote n'en a point parlé, quiconque est curieux de le sçauoir, le pourra chercher. Je parleray d'une autre ceremonie, recitee par Herodote, en partie semblable à la susdite, qui se faisoit à l'honneur de Minerue, à fin que par le nom d'icelle nous mettions fin à l'image commencee par son nom. Ceste feste estoit celebree tous les ans, en certain lieu d'Afrique, entour le marais Tritonide, où au temps deputé, s'assembloient à la feste, quasi toutes les ieunes pucelles du pais, & là se separans comme en deux bandes de soldats, elles combattoient furieusement ensemble, avec pierres & bastons, & celle qui par le commun iugement, s'estoit monstree la plus vaillante, & auoit le mieux mené les mains, estoit prise par toutes les autres, & tiree à part, où elles l'armoyent de pied en

*Feste de
Minerue.*

*Minerue
vierge.*

cap, avec vn beau heaume sur la teste, & puis l'ayans mise sur vn chariot, la menoient toutes à l'entour du marais, & toutes l'accompagnoient avec grāde pompe. Celles qui estoient tuees en ce combat, pource que plusieurs y demeuroient bien souuent, n'estoient estimees auoir esté vraiment vierges, & pensoit on que Minerue les auoit laissē mourir. Car elle a tousiours esté vierge, attendu que la vraye sapience, denotee aucunesfois par icelle, ne reçoit aucune tache des choses mortelles, estans tousiours en soy nette & pure. Lon auoit aussi accoustumé aux sacrifices de Minerue, de luy donner victimes pures; aucunesfois d'un agneau, aucunesfois d'un taureau blanc, aucunesfois d'une ieune genisse, indomptee avec les cornes dorees, pour monstrier que la virginité n'est sujette au ioug de luxure, & qu'elle est toute pure & sincere.

BACCHVS.

*Bacchus
a plusieurs
surnoms.*

COMBIEN que lon trouue que Bacchus ait esté vn hardy capitaine, & de grande valeur, ayant subiugué diuerses nations: si est ce que son nom n'a pas tant esté celebre à l'endroit des anciens, à ceste occasion, que pource qu'il a esté estimé inuenteur du vin, ayant monstrier deuant tous les autres l'usage d'iceluy aux hommes: & pour ceste cause les anciens l'adoroient comme Dieu, & ne l'appelloient pas seulement Bacchus, mais aussi Denys, Pere Liber, Le-neen, & Lyeen, exprimāt en luy, par diuers surnoms,

les

es effects que le vin demonstre en nous , comme ie
nonstreray , selon qu'il viendra à propos , en decla-
rant l'image d'iceluy representee par les anciens , en
plusieurs statues , ores d'une sorte , ores d'une autre ;
car ils la faisoient aucunesfois en forme d'un ieune
enfant , aucunesfois d'un puissant ieune homme , aucu-
nesfois d'un foible vieillard , nue aucunesfois , & au-



*Bacchus de
aimers aa-
ges.*

*Le vin en-
tendu par
Bacchus.*

*Pourquoy
lon faisoit
Bacchus
vieil.*

cunesfois vestue, tantost avec vn char, & tantost sans iceluy. Parquoy Philostrate escript au tableau qu'il fait d'Ariadne, q̄ plusieurs moyēs se trouuēt de faire cognoistre Bacchus pour celuy qui le veut depaindre. Car vne ghirlande de lierre, monstre que celuy qui l'a, est Bacchus, deux petites cornes pareillement, qui commencent à fortir au droit des temples, & vne Panthere aussi mise aupres de luy, demonstrent le semblable: lesquelles choses le plus souuent sont tirees à la nature du vin, que souuent les Poëtes entendent souz le nom de Bacchus, car il en a esté tenu l'inuenteur, ayant monstté des le commencement aux hommes, comme il failloit recueillir les grappes des vignes, & pressurer vne liqueur tant gracieuse & profitable à celuy qui en vse moderemēt, ainsi qu'elle est fort dommageable aux beueurs desordonnez: ce que les anciens monstroient aux images de Bacchus: car en le faisant nud, ils vouloient dire que le vin, & l'iuuēgnerie descouuēt ce qui estoit songneusement tenu secret & caché: & pour ceste cause disoit on autresfois, par maniere de prouerbe, que la verité gist au vin, comme i'ay desia dit vne autre fois, parlant du Trepied. La statue d'icelluy faite en forme d'un viellard, avec la teste chauue & quasi toute pelee, signifioit le semblable, monstrant aussi, que le trop boire haste la vieillesse, & qu'en tel aage les hommes boient beaucoup. Car nous ne vieillissons pour autre raison, sinon de ce que l'humidité naturelle defaut en nous, laquelle nous taschons de reparer par le moien du vin: mais nous nous abusons souuent:

souuent: car de fait, le vin est humide, mais il est tant chauld en vertu & puissance, qu'il desseiche beaucoup plus qu'il n'humecte, comme dit Galen des grands beueurs, qu'ils augmētent la soif, quand en beuuant beaucoup, ils cuident l'estancher & appaiser. Et pour ceste cause, voyant que le vin reschauffe, on dit que l'image de Bacchus, le plus souuent se faisoit d'un ieune homme, sans barbe, & gaillard: auquel ressemble fort Comus, que les anciens tenoient le Dieu des banquets: car l'image d'iceluy estoit pareillemēt d'un ieune homme, auquel la barbe commandoit à poindre, comme Philostrate le descript en un tableau qu'il en fait, le mettant à la porte d'une chambre, où auoit esté celebré un ioyeux festin, pour deux espoux, qui estoient desia dedans le liēt, à iouir des riuets amoureux d'amour. Il estoit delicat, tout mol & rouge en visage, pource qu'il auoit trop beu, de maniere que s'estant enyuré, il ne pouuoit pas ouurer les yeux, mais il dormoit tout debout, laissant pendre sa face coloree sur sa poitrine, & sa main fenestre, de laquelle il se tenoit appuyé à une pique, sembloit pareillement tōber, tout ainsi que de la droite il sembloit laisser choir un flambeau ardant, qui luy estoit desia descendu si bas, qu'il luy eust brulé la iambe, il ne l'eust pliee d'une autre part. Tout à l'entour estoient semées des fleurs, & ce Dieu mesme en auoit un chapeau sur la teste, pource que les fleurs sont si gnes de ioye, & lieffe, & pour ceste cause les anciens en seruoient aux festins, esquels les hommes doivent estre ioyeux, mettrant tout soucy souz le pied, & non

Comus.

*Comme
les anciens
se seruoient
des fleurs.*



& non seulement s'en couronnoient, mais aussi leurs
 vaisseaux & tasses : à raison dequoy, les fleurs n'é-
 toient pas moins conuenables à Bacchus, qu'à Co-
 mus, comme ie monstrey en apres: car maintenant
 ie retourne dire, qu'il estoit ieune, ioyeux & gaillard
 pource que quand les hommes boient modere-
 ment, ils se reueillent les esprits, ils deuiennent plu-

hardi

hardiz & ioyeux, & sont estimez à l'heure de meilleur entendement. C'est pourquoy les anciens faisoient Bacchus chef & conduite des Muses, aussi biẽ qu'Apollon, de maniere que les Poëtes estoient aussi bien couronnez de lierre, consacré à Bacchus, que de laurier, attribué à Apollon. Et pour ceste cause, les fables portent que Bacchus a esté nourry par les Muses en Nise, lieu tresplaisant d'Arabie, duquel il fut depuis appelé Denis. De cestuy la, comme Athenée ecrite, Amphitryon Roy des Atheniens, apprint de tant tous autres, à mettre de l'eau au vin: ce qui seroit beaucoup aux hommes: & pour ceste cause, il luy refusa au temple des Heures vn autel, pource qu'elles, qui sont les saisons de l'an, comme il a esté dict en leur image, font que la vigne croist & produit son fruit. Il en mit vn autre pres, aux Nymphes, pour monstrer qu'il falloit boire le vin temperé, attendu que par icelles, souuent s'entendent les eaux des fontaines, & des riuieres qui sont bonnes à boire, & mesmes pour ce que les Muses, lesquelles sont souvent les mesmes que les Nymphes, ont esté, comme luy dict, les nourrices de Denys: comme Silene en fut le pedagogue, à raison dequoy il va tousiours avec luy, sus vn asne, tant à cause de la vieillesse, que de l'iuongnerie d'iceluy, comme a bien monstré celly qui a fait l'iuongnerie, qui luy bailloit à boire, au près des Eleës, en vn sien certain temple de luy seul, comme Pausanias escript, & non pas commun avec Bacchus, comme tous les autres estoient, pour monstrer parauenture que la vertu des deux estoit egale.

*Bacchus
chef des
Muses.*

*Eau mise
au vin.*

Parquoy Silene se fait grand conseil­lier de Bacchus en Plaute, s'estant pre­senté sur le theatre, monté sur vn asne, pour reciter le prologue des Bacchiades, quand il dit qu'ils sont tousiours eux deux d'vn mesme vouloir. Il se fait aussi Dieu de la Nature, de principes de laquelle Virgile le fait chäter, contrain par deux ieunes Satyres, & par vne belle Nymphe nommee Eglé, lesquels l'ayant trouué dormant en vne certaine cauerne, yure, avec vn grand pot plein de vin, aupres de luy, le lierēt de leurs propres ghirlandes, tissues de diuerses fleurs, qui leur estoient tombees de la teste, & la belle Nymphe luy taigni le visage, pource qu'il auoit toutes les veines enflées de vin, du iust de meures, dequoy il se mit à rire, apres qu'il fut esueillé, & sembloit que ces bestes ne voulussent dire ce qu'elles sçauoient, sinon par force. Parquoy on lit que Midas Roy de Phrygie, voulant sçauoir quelque chose non trop manifeste aux hommes, pourchassa vn peu de ces Silenes, & le print en fin, à l'odeur du vin, qu'il espendit en abondance, en vne certaine fontaine, que Pausanias descript, & laquelle on cognoissoit anciennement. Plutarque recite que ce Roy entendit de Silene, qu'il estoit plus expedient à l'homme de mourir bien tost que viure longuement. Pline escript qu'en l'isle de Pare, d'où lon amenoit ce beau marbre blanc, comme aucun en tiraissent vne piece, fut trouuee au dedans l'image de Silene. Celuy sçaura aisement comme elle estoit faicte, lequel outre ce que i'en viens de dire, verra ce que declarant l'image de Pan, j'ay desia dit des Satyres

res: car Pausanias escript, qu'ils estoient appelez Silenes, depuis qu'ils estoient vieils, car ils vieillissoient & mouroient, combien qu'ils fussent estimez Dieux. On lit en Diodore, que lon faisoit les statues de Bacchus en deux manieres: l'une fort seuer, avec une barbe longue, & l'autre belle de visage, ioyeuse, delicate & ieune, entendant par ceste la, q le vin beu hors de mesure, rend les hommes terribles & choleres, & par ceste cy, ioyeux & plaisans, quand il est prins moderement, laissant maintenant à part, qu'il n'y auoit pas vn Bacchus seul, mais deux, ou possible trois: car ce seroit vouloir plustost escrire l'histoire d'iceluy, que le depeindre. Macrobe, lequel comme j'ay desia dict autresfois, veut que par tous les Dieux, soient entendues les vertuz du Soleil, entendant aussi le mesme de Bacchus, dit que son image se faisoit aucunesfois comme d'un enfant, aucunesfois comme d'un ieune homme, tantost d'un autre ayant barbe, & paruenue à son aage parfaite, & tantost d'un vieillard, pource que toutes ces diuerses aages se voyent au Soleil. Au temps du Solstice d'hiver, quand les iours commencent desia à croistre, on peut dire qu'il est petit enfant: à l'equinoxe du Printemps, il a prins beaucoup de force, & est fait adolescent: au solstice de l'Esté, quand les iours ne peuuent plus croistre, il est homme entier & parfait: mais pource que de là en auant, la lumiere d'iceluy commence à se faillir, de maniere que les forces luy semblent diminuées, il est deuenue comme vieillard. Et comme aux statues de Bacchus, lon ait aiousté les cornes, au-

*Bacchus en
deux ma-
nieres.*

*Bacchus
pour le So-
leil.*

*Cornes de
Bacchus.*

cuns ont voulu entendre, par icelles, les rayons du Soleil. Mais Diodore escript que c'estoit pource que Bacchus fut le premier qui monstra aux hommes, comme il falloit accoupler les bœufs, & les mettre à la charrue, & au soc, à fin de labourer la terre. Parquoy Martian Capelle luy met en la main droite vne sarpe, pour môstrer le mesnage des champs, comme i'ay desia di& en l'image de Saturne, ou qu'il faut par icelle pouër ou tailler les vignes, si lon veut qu'elles rapportent beaucoup: & en la gauche, vne tasse, pour boire, & puis il le descript tout gay & plaisant à voir. Aucuns entendent par les cornes, l'audace, supposans que le vin rende les hommes hardiz, audacieux, & bien souuent insolens, comme Philostrate, Feste & Porphyre dient. Mais Athenée monstre mieux que tous, par l'autorité de plusieurs des anciens, les diuers effects du vin en nous, quand on le boit sobrement, & hors de mesure. Nous recueillons de Perse, de Catulle, & autres Poëtes, qu'és sacrifices de ce Dieu, lon se seruoit de cornes. Et Musonius à ce propos escript ainsi: Les cornes non seulement furent baillées à Bacchus: mais aussi quelques Poëtes l'appellerent Taureau: car les fables portent, que Iupiter changé en serpent, coucha avec Proserpine sa fille, laquelle deuint grosse, & enfanta puis après Bacchus en forme de Taureau. Et pour ceste cause les Cyziceniens faisoient son image avec la face d'un Taureau, parauenture pource que les anciens beuoient dedans les cornes des bœufs, ou bien avec des tasses faictes de corne: car Theopompe escript,

qu'en

*Bacchus en
forme de
taureau.*

*Tasses de
corne pour
boire.*



qu'en Epire se sont trouvez des bœufs, avec des cornes si grandes, que lon en faisoit des vases entiers pour boire, à l'entour desquels, par haut, lon mettoit un cercle d'or, & aucunes fois d'argent: il prouue en pres, par le tesmoignage de plusieurs, que les anciēns se seruoient de cornes de bœufs, au lieu de tasses pour boire: & pourtant les Atheniens beuuoient.

aussi avec certains vases & gobelets d'argent , faits en maniere de cornes. Dauantage, aucuns ont voulu, que par les cornes, nous entendions quelque peu de cheveux , qui luy descendoient des deux costez de la teste , comme nous voyons de nostre temps, aux prestres d'Armenie , lesquels sont rasez sur le front & la nuque. Ils veulent entendre que la statue de Bacchus estoit ainsi , & non pas avec les cornes. Ils disent que pour ceste cause , le Roy Lyfimach fut fait avec les cornes , comme lon void en aucunes siennes medalles antiques. L'on a fait aussi la statue de Seneque , surnommé Nicanor , avec les cornes, comme Suidas recite, nō pour ceste raison, mais pource qu'estant fuy vn taureau d'Alexandre , qui estoit estably pour le sacrifier , il le print par les cornes, & le tint ferme. Or que Bacchus eust les cheveux longs, Seneque le monstre, quand il dit ainsi:

*Bacche d'auoir espars ses cheveux n'a eu honte,
Desquels tout tendrelet, il a tenu grand compte:
D'auoir dardé son thyrse, il ne se soucy' pas
De sa tendrette main: quand d'assez foible pas
Il traine son habit de la facon barbare
Enrichy tout entour d'une brodure rare.*

Car il estoit aucunesfois habillé en femme , comme Philostrate le fait au tableau d'Ariadne , quand il le depeint allant à elle, avec vne longue robe de pourpre, couronné de roses. Il ne falloit point le faire autrement en cest acte amoureux : car il alloit pour se ioindre amoureuxment avec Ariadne , quand Thesee l'abandonna. Et pour ceste cause , tous ceux qui estoient

estoyent quasi tousiours avec luy , comme femmes hardies , & turieuses , diuerses gaillardes Nymphes, Syluains, & autres semblables, qui estoient satellites & seruiteurs de Bacchus, comme Strabon escript, & qui s'appelloient la compagnie d'Ariadne, taillee en marbre blanc , par Dedale, en Crete , le suiuioint criers de voix ioyeuses, comme on lit en Catulle:

*Compagnie
d'Ariadne.*

*Aucuns d'iceux les thyrses esbranloient,
Cachans la pointe, & les autres iettoient
Du veau rompu, cà delà, les quartiers:
Autres ceignoient les serpents tous entiers,
Autres faisoient, par leurs paniers, la feste,
Que veut, en vain, ouir le deshonneste:
Les uns des mains touchoient le tabourin,
Autres rendoient vn son clair de l'airain,
Et des cornets vn bruit rude & maussade:
Autres chantoient, de la fluste criarde.*

Tels estoient quasi tous les mysteres de Bacchus , & ceremonies desquelles lon vsoit à ses festes , lesquelles estoient celebrees du commencement avec telle pompe. On portoit deuant vn vaisseau plain de vin, avec des branches de vigne , on trainoit derriere vn bouc, & puis cheminoit celuy qui portoit vn panier de noix , & en fin le Phallon , qui estoit l'image du membre de l'homme. Plutarque le raconte ainsi , là où il parle de la conuoitise des richesses , laquelle commença à despriser ces pauures besongnes , aux Bacchanales, & introduit deux vases d'or, des accouremens precieux , & chariots avec somptueuses masques, comme lon peut voir en Athenes, qui descript

*Le van de
Bacchus.*

cript vne de ces superbes pompes de Bacchus , autrefois representee par Ptolomee Philadelphie : car de la reciter maintenant, ce seroit perdre le temps. L'on auoit aussi accoustumé de porter le van donné à Bacchus, qui estoit mis entre ses besongnes sacrees , comme Seruie dit, les anciens croioient que les sacremens de Bacchus seruoient beaucoup à la purga-



tion des ames, & que par les sacrez mysteres d'iceluy, elles estoient purgees, ny plus ny moins que le grain se purge avec le van. Boccace recite qu'aucuns ont pensé que ceste purgation se faisoit aux hommes, par le moyen de l'iurongnerie, laquelle est le sacrement de Bacchus : car quand elle est passée, ou par le vomissement ou en autre maniere, & apres que le cerueau est rassis, il semble que l'esprit ait oublié tout trauail, & que s'estant despouillé de toutes pen-
 ees ennuyeuses, il demeure ioyeux & tranquille, comme Seneque dit, où il parle de la tranquillité de l'esprit. Aucuns ont dit que Bacchus fut appelé Pe-
 e Liber, pource que beuuant beaucoup, l'homme se deliure des pensees ennuyeuses, & parle beaucoup plus librement, que quand il est sobre. Autres se sont trouuez qui ont voulu qu'il ait esté ainsi appelé à cause de la liberté, de laquelle il estoit estimé Dieu : car, comme Plutarque escrit, il a fort combatu pour celle. C'est pourquoy, comme dit Seruie, sur Virgile, les anciens auoient coustume de mettre aux villes
 bres, la statue de Marsias, qui estoit vn des Satyres ministres de Bacchus. On lit dedans Pline, que Publius Munatius fut mis en prison, pour auoir osté de la statue de Marsias vn chapeau de fleurs, pour se le mettre sur la teste. Les fables dient de Marsias, qu'il fut escorché par Apollon, pource qu'il l'auoit défié à sonner, ayant trouué la cornemuse que Minerue auoit iettée, dequoy les Nymphes & les Satyres pleurerent tant, que de leurs larmes ils firent la riuie-
 re appelée Marsia, du nom d'iceluy. La verité est que

*Iurögnerie
 sacremēt de
 Bacchus.*

cestuy fut vn excellent musicien , comme Athene recite , de l'autorité de Metrodore , inuenteur de la cornemuse, lequel, comme Suidas escript, estât hors de son sens, se ietta en ceste riuiera, & se noya, & depuis, à cause de luy, la riuiera fut dite Marsia. Pausanias escript qu'en la forteresse d'Athenes estoit vn estatue de Minerue, qui battoit Marsias, pource qu'il auoit prins & leué la cornemuse par elle ietee. Mais retournant à l'accoustrement de Bacchus, on dit qu'il estoit de femme, pource que le trop boire de bilité les forces, & rend l'homme effeminé. Et pour ceste cause Pausanias escript, que les Eleens, en l'arche de Cipsele, auoient taillé Bacchus, avec la barbe & vn long habit, iusques à terre, & qu'estant couché en vne certaine cauerne, enuironné de vignes & autres arbres fructiers, il presentoit vne tasse, d'vne main. On lit aussi qu'il estoit appelé Bacchus Bassaree, d'vne certaine maniere de long habillement, duquel il se seruoit, & les prestres aussi, en ses sacrifices appelez *Bassara*, d'vn certain lieu de Lydie, où ils se faisoient, ou bien des peaux des renards, appelez *Bassares*, en Thrace, où les Bacchâtes, qui le suyuoiënt, se le mettoient entour, lesquelles pour ceste cause furent appelees Bassares & Menades, qui signifie folles & furieuses, pource qu'aux festes d'iceluy, elles alloient avec les cheueux espars, & avec les thyrses en main, monstrans gestes de forsenées, pour représenter ce qu'elles auoient fait elles mesmes. Elles allerent quant & Bacchus desia des le commencement, quand se monstrant du tout lascif, il eut quasi vne armée de

Bacchus
Bassaree.

vaillar

vaillantes femmes , par le moyen desquelles , tandis qu'il couroit tout le monde , il opprima quelques Rois. Ces femmes non seulement se vestoient des peaux de renards , mais aussi , pour la plus part , de pantheres & de Tigres , portans en main le Thyrsse , & esparpillans leurs cheveux au vent , qu'elles ceignoient aucunesfois avec couronnes de lierre , & aucunesfois de blanc peuplier , pource que lon a pensé que cest arbre fust infernal , & venu dessus les riuages d'Acheron , & pour ceste cause , les anciens le donnent aux ministres de Bacchus , pource qu'ils le tenoient aussi pour le Dieu d'enfer. Parquoy comme j'ay desia dict , les fables ont fainct qu'il estoit nay de Proserpine. Ce qui est vray , toutes les fois que sous le nom d'iceluy , est entendu le Soleil , duquel j'ay dit en son image , comme aucunesfois il se prend pour le Dieu infernal. Et en la mesme maniere que j'ay designé les Bacchantes , Bacchus se faisoit aussi souuent , comme Claudian le descript , disant ,

Arbre infernal.

*Bacchus s'en vient ioyeux , & riant , couronné ,
D'un triomphant lierre estant environné ,
Portant la rude peau d'un tygre d'Hyrcanie ,
Et puis ayant de vin sa grand panse remplie ,
Avec son thyrsse verd il assure ses pas ,
Et s'en conduit , à fin qu'il ne chancelle pas .*

Les autres ont dit de la verge ce que Claudian dit du thyrsse , que Bacchus se va soustenant avec icelle , & ont mise en la main de tous ceux qui vont avec luy. Dequoy Eusebe rend raison , prinse de Diodorus , disant que attendu que desia des le commencement ,

*La verge
donnée à
Bacchus.*

les hom mes s'en yuroient en beuuât, de maniere que comme forcenez , ils venoient souuent aux debats, en se frappans d'vne estrange sorte auec de gros bastons, qui en faisoient beaucoup demeurer à la place, Bacchus leur persuada, qu'au lieu d'iceux, ils portassent de legeres verges, car combien qu'ils s'en chargeassent, il n'en auenoit aucun mal, par ce q̃ la verge



est vne plante fort semblable à la canne, de laquelle les fueilles sont fort agreables aux asnes:& pour ceste cause, comme Pline escript, l'asne fut pareillement donné à ce Dieu, auquel appartenoit la verge. D'autantage Diodorus escript que Bacchus s'armoit aux guerres,& auoit aucunesfois accoustumé de vestir les peaux de Pantheres:car il n'a pas tousiours esté yure, mais il a souuent combatu & tant vaillamment, qu'il a surmonté plusieurs Rois, comme Lycurgus, Penthéon,& autres,& a subiugué toute l'Indie, d'où retournant victorieux, il triompha dessus vn Elefant. On ne lit point que deuant luy aucun autre ait iamais triomphé, à cause des victoires, & pour ceste cause, la pie, oiseau iasard, fut consacré à Bacchus,comme au premier triomphateur, pource que chacun crioit es triomphes, & estoit licite à vn chacun de reprocher au triomphateur les vices, de maniere qu'en criant, on luy pouuoit dire tout mal, comme Suetone escript de Cesar. Les anciens ont pareillement donné à ce Dieu l'inuention des ghirlandes, selon Pline, qui dit qu'il fut le premier qui s'en fit de lierre. Ceste plante a esté dōnée à Bacchus, pour plusieurs raisons, comme plusieurs ont escript. Festus veut que ce ait esté, pource qu'il est tousiours ieune,ainsi qu'elle est tousiours verde, ou bien pource que comme elle lie tout ce à quoy elle se prend, ainsi le vin lie les humaines pensees, & entendemēs. Plutarque dit que le lierre a en soy vne certaine vertu & secrette force, laquelle trouble les esprits, & quasi les remplit de fureur,de maniere que sans boi-

*Triomphe
trouué par
Bacchus.*

*Pie donnee
à Bacchus.*

*Ghirlande
des trouuees
par Bac-
chus.*

*Pourquoy le
lierre à esté
dōné à Bac-
chus.*

re vin, les hommes semblent yurōgnes. Le lierre des Grecs est appellé *κισσός*, *κισσάειν* signifie proprement estre addonné à luxure: & pour ceste cause Eustathie escript, que le lierre a esté donné à Bacchus, en signe de luxure, à laquelle les hommes sont fort incitez par le vin, & pourtant dit on en commun proverbe, que Venus ne peut rien sans Bacchus. Quand Macrobe rend la raison du Thyrsé donné à Bacchus, qui estoit comme vn iavelot, avec vn fer au bout, environné de lierre, il dit que le lierre monstroït que les hommes, par les liens de la patience, doiuent lier les ires & fureurs, dont ils sont tant aisés à faire mal à autrui: car ceste plante environne & lie par tout où elle vient. Diodore escript que ceux d'Egypte appelloient le lierre, la plante d'Osiris, qu'ils luy consacrerent, cōme ayant esté par luy trouuee. Ils faisoient aux saintes ceremonies, plus de cas du lierre, pource qu'en toutes saisons, il a les fueilles aussi verdes, que la vigne, laquelle les perd en temps d'hiver. Les anciens gardoient cela aussi es autres arbres, qui sont tousiours verts, & pour ceste cause ils auoient consacré le myrthe à Venus, & le laurier à Apollon. Ce neantmoins Bacchus n'a pas tousiours esté couronné de lierre seulement, mais aussi de fueilles de figuier aucunesfois, en memoire d'une Nymphe nommee Syca, de *συκη*, qui signifie à l'endroit des Grecs, vn figuier, laquelle il aymoit, comme disent les fables, & fut changee apres en cest arbre, comme se lit de Cisson ieune enfant, qu'il aymoit, qui deuint lierre, & de Staphile Nymphe, laquelle mesmement fut changee en vigne,

en vigne, quand il l'aymoit. Parquoy il ne se faut pas esmerueiller si toutes ces plâtes & arbres luy furent agreables depuis, & s'il en a voulu des chappeaux & ghirlandes: outre ce que les anciens luy en ornoient son char, son escu, ses piques & autels, & luy faisoient aussi aucunesfois de ghirlandes avec le narcisse, qui est vne espece de lis, & aucunesfois avec plusieurs autres diuerses fleurs, comme les Poëtes le descriptuent. Diodore escript qu'en temps de paix, Bacchus portoit aux iours solennels, de beaux habillemens & delicats, tous depeints de fleurs. Et à iuste cause, la vigne fut sa propre plante, comme celle qui luy est plus conforme qu'aucune autre: car si Bacchus denote le vin pressuré des grappes qui prouiennent des vignes, luy peut on donner chose plus propre & conuenable que la vigne? Pour ceste cause Stace feint son char tout couuert & enuironné de vigne, quand il dit,

Ja des murs maternels, Bacchus, dedans son coche

Ceinct & enuironné de la vigne, s'approche:

Les Pantheres luy sont à costé d'une part,

Et maint tygre leger de l'autre ne depart,

Tout arrousé de vin, lechant harnois & brides.

Boccace rend ceste raison du char donné à Bacchus, que le trop de vin fait souuent tourner le cerueau des hommes, comme les rouës des chars se tournēt: lequoy outre la preuue qui s'en voit tous les iours, ait foy vn petit cōpte fort plaisant, recité par Athe-
nee, en ses souppers, d'aucuns ieunes hommes d'A-
grigente ville de Sicile, lesquels s'estans assemblez à
banque

*Compte
plaisant.*

banqueter ensemble, vn soir, en vne certaine maison beurent tant, & s'enyurerent de telle maniere, qu'ils commencerent à penser qu'ils estoient sur vne galere merueilleusement agitee & tourmentee des ondes de la mer. Leur cerueau se troubla tellement, que le lendemain, ils pensoient bien estre encores agitez de la tourmente marine : & craignans que la galere allast au fonds, ils ietterent dehors, par les fenestres, liets, tables, bancs, coffres, & ce qu'ils trouuerent des meubles de la maison, leur semblant que le nocher le leur eust commandé, à fin de la rendre plus legere. Les sergens ne sachans que c'estoit, entrerent là dedans, & trouuerent tous ces ieunes hommes, l'un deçà, l'autre delà, qui estoient par terre, & ne sentoient rien : & les ayans tant secouez & tirez, qu'ils leur semblerent vn peu reueillez, ils leur demanderent, qu'ils vouloient faire : & ils respondirent que le trauail de la mer, & la tourmente les auoit si fort lassez, qu'ils n'en pouuoient plus, veu la peine qu'ils auoiēt prins de mettre hors de la nauire, tant de biens, qui la chargeoient trop. Quant à moy, dist vn d'iceux, de la grande peur que j'ay eu, ie me suis tiré icy déssouz. Ces sergens les vouloient faire auiser de leur folie : mais voyans qu'ils perdoient temps, ils s'en allerent, leur ayant dict, qu'ils se gardassent de boire à l'auenir plus qu'il leur estoit besoin. Les ieunes hommes encores tous estourdis du bateau, dirent, Nous vous remercions, & si iamais nous pouuons sortir d'un si grand danger de la tempeste, (continua vn d'eux) & arriuer en sauueté, au port, quand nous serons retournez en nostre

nostre

nostre pais, nous vous mettrons entre les autres Dieux de la mer, recognoissans que nous tiendrons nostre vie de vous. Ceste iurôgnerie dura plusieurs iours, & pour ceste cause, ceste maison fut tousiours depuis appelée, la Galere. Le chariot de Bacchus estoit tiré par des Tigres & Pantheres, pource que le vin rend les hommes furieux & terribles, selon le naturel de ces animaux. Philostrate dit que les Pantheres vont avec Bacchus, pour estre animaux tres-chauds, qui sautent legerement, comme faisoient les Bacchantes, & comme les hommes sont souuent reschauffez par le vin, beaucoup plus que de leur naturel. Il descript sa nauire, qui auoit la prouë, en forme de Panthere, ayant par dehors, à l'entour, plusieurs resonnantes cimballes pendues. Au milieu estoit planté vn long Thyrsé, au lieu de mast, au haut duquel estoient attachees les vermeilles & reluisantes voiles, esquelles estoit representé & tissu en or le mont Timole de Lydie, & les Bacchantes, qui alloiënt à courans. Ceste nauire par dessus estoit toute couuerte de verd lierre, & de vigne, avec de tres-belles grappes, qui pendoient des verdes branches: & plus bas, yffoit vne fontaine d'vn vin tres-gracieux, duquel tous ceux qui estoient là beuuoiënt à leur aise. Philostrate depainct ainsi la Nauire de Bacchus, au tableau qu'il fait des Corsaires Tyrrheniens, lesquels pensans auoir fait vne bõne prinse de ce ieune Dieu, & quasi enfant, furent par luy changez en autant de Daulphins, comme ils le vouloient conduire autre part qu'il ne vouloit, ainsi qu'Ouide en raconte en-

*Maison
appellée Ga
lere.*

*Pourquoy
les Panthe-
res sont avec
Bacchus.*

*Nauire de
Bacchus.*



tierement la fable, disant que Bacchus ayant cognu
 la tromperie d'iceux, fit incontinent arrester la nauir
 re, & à l'heure le lierre vint en si grande abondance
 qu'il lia toutes les rames, & s'espandit par le mast
 antennes & voiles : son chef fut enuironné de verd
 rameaux de vigne, avec les grappes pendantes, & te
 nant le thyrsé en main, il se monstra accompagné d
 Tygres

Tygres , de Pantheres & de Leopards , dequoy ces meschans Corsaires eurent si grande peur, qu'ils se jetterent dedans la mer, où ils furent changez en Daulphins, comme i'ay dict. On voit de nostre temps quasi vne mesme nauire faite de tresbelles figures, à Rome, en l'Eglise de sainte Agnes, qui estoit autrefois le temple de Bacchus. Les fables portent d'iceluy, que quand il estoit petit enfant, les Parques le ceignirent de serpens tresfurieux, lesquels, sans l'offenser, luy alloient sur la poitrine & la face. Dont aduint depuis que les Bacchantes celebrans les ceremonies & festes d'iceluy, manioient les serpens, sans en receuoir aucune offense, comme Plutarque escript, en la vie d'Alexandre, quand il parle d'Olympie sa mere, laquelle pensa estre enceinte par vn serpent: ce que lon a estimé aussi de la mere de Scipion, selon que le mesme Plutarque recite, pource que lon vid vne grande tortue entrer souuent en sa chambre. Catulle a voulu parler de la ceremonie que i'ay dict, de manier les serpens, quand il dit des ministres & sectateurs de Bacchus, qu'aucuns se ceignoient avec serpens, ainsi qu'il a monsté vne autre ceremonie plaine de mystere, disant qu'aucuns portoient les membres du veau escartellé. Car on lit que Penthee, Roy de Thebes, mesprisoit Bacchus, & les ceremonies d'iceluy, ne voulant qu'elles fussent celebrees en aucune maniere, dequoy il se vengea tellement, qu'il le fit sembler à la mere d'iceluy, & aux autres femmes, qui celebroident les Bacchanales, vn veau, ou vn sanglier, comme Ouide dit, venu pour troubler

Veau escartellé es ceremonies de Bacchus.

les saintes ceremonies : & pour ceste cause elles furent incontinent à l'entour, & le desmembrerent par morceaux, qu'elles porterent en leurs mains, comme elles couroient furieusement, ioyeuses de la vengeance : en memoire dequoy, les Bacchantes auennesfois auoient coustume, aux festes de leur Dieu, d'escarteller vn veau, & en porter chacune quelque vn des membres. Ce qu'on pourroit dire auoir esté fait, pour représenter ce que les fables racontent du faict de Typhon avec les compagnons d'Osiris: car cestuy la estoit en Egypte ce que Bacchus estoit en Grece. Et pour ceste cause Tibulle luy attribue tout ce que nous auons desia dict de Bacchus, & le descript en ceste maniere, disant:

*Osiris le premier inuenta la charrue,
Et le soc, dont premier la terre il a fendue:
Tout le premier il a la terre ensemencé:
C'est luy qui de cueillir les fruiets a commencé
Des arbres incogneuz, & enseigné l'usage
De ioindre aux echelats la vigne en mariage,
Et d'en coupper aussi les rameaux superfluz
De la dure sarpette: & les raisins venuz
A leur maturité, foulez dedans la tine,
Aux pieds n'estans lauez, ont la saueur diuine
Donné à luy premier.*

Et bien tost apres, il poursuit en ceste maniere,
*Osiris, tu n'as point de soucy ny tristesse,
Tu es accompagné d'amour & de liesse,
Et d'un chant gracieux: de fleurs tu es orné:
De lierre tu as le front enuironné,*

Portant

*Portant vn long habit, qui pend iusques à terre,
Le pourpre Tyrien aucunesfois te serre:
Tu as la douce fluste, & le panier leger
Des mysteres sacrez.*

On trouue cest Osiris fait aucunesfois par les Egyptiens en forme d'Espreuier, qui est vn oiseau ayant fort bonne veüe, & qui vole tres legerement, comme aussi fait le Soleil, duquel il estoit l'image. Parquoy les Egyptiens le faisoient le plus souuent, comme Plutarque escript, en forme d'homme, ayant le membre naturel droit, & vn drap rouge à l'entour. Dequoy ie donneray bien tost la raison, quand ie parleray de Priape, qui fut vne partie & membre d'Osiris. Car on lit d'iceluy que Typhon son frere, ayant fait vne coniuration de plusieurs contre luy, le tua, & ayant mis en plusieurs pieces, le distribua entierement aux coniurateurs, excepté le membre viril, que personne d'eux ne voulut, & pourtant fut ietté dedans le Nil, qui l'emporta. Isis sa femme triste à cause de la perte de son mary, qui ne sçauoit qu'il estoit aduenü, & qui l'auoit desia cherché long temps, s'en alla à l'encontre de Typhon aussi tost qu'elle sceut ses nouuelles, & le vainquit, & recouura des coniurés les membres diuisez entre cux, lesquels elle reuint tous ensemble, par ordre, & n'y trouuant ce qui auoit esté ietté dedans le Nil, elle en fut infiniment triste & desplaisante, & ordonna qu'à l'aduenir l'image d'iceluy fust reuersee & adoree avec plusieurs ceremonies, comme elle fut tousiours depuis souz le nom de Priape. Et en memoire de tout cela, ella or-

*Osiris en
forme d'Es-
preuier.*

*Osiris des-
membé.*

*Ceremonies
d'Osiris.*

Horus.

Typhon.

donna encores, que par chacun an, en certain temps par vne solennelle ceremonie, en pleurant & lamentant, lon allaſt chercher Osiris, & incontinent apres on fiſt feſte, avec grande alegreſſe, en portant ſolennellemēt vn bel enfant, qui representaſt Osiris deſia trouué. Et pour ceſte cauſe, dautant que ceſte ceremonie ſe renouuelloit chacun an, Lucan dit, qu'il n'eſtoit iamais aſſez cherché. Le ſemblable aint quaſi d'Horus: car Iſis ſa mere le pleura vn peu, penſant l'auoir perdu, mais elle le trouua depuis, & en fut fort ioyeuſe. Par ceſtuy cy, qui fut pareillement adoré en Egypte, aucuns, comme Macrobe, ont voulu entendre le Soleil, & que d'iceluy ont eſté dites Heures, ces petites parties du temps, qui meſurent le iour: aucuns autres ont entendu le monde. L'image d'iceluy eſtoit d'vn ieune homme, qui tenoit d'vne main les parties honteuſes de Typhon: car on lit qu'il le vainquit, & ne le tua point, mais rendit vain tout ſon pouuoir, encores qu'eſtant changé en Crocodile, il fuiſt de luy. Parquoy fut faite vne loy en Apollinople, cité d'Egypte, qui commādoit que lon n'euſt aucū reſpect aux crocodiles, mais que chacun en tuaſt tant qu'il ſeroit poſſible: & tous ceux qui eſtoient prins & tuez eſtoient mis deuant le temple d'Horus. Les fables portent, comme Apollodore recite, que Typhon fut engendré de la terre, pour la vengeance des Geans, qui auoient eſté deſaictés par les Dieux du ciel. Il eſtoit de deux natures, humain & brutale: & pour ceſte cauſe, Platon en ſon Phedre l'appelle beſte de pluſieurs natures, ardēt & furieux il ſu



Il surpassoit de grandeur de corps, & forces, tous ceux qui nasquirent onques de la terre. Le dessus estoit de la forme d'hōme; tout couuert de plumes, tant haut, qu'il alloit par dessus toutes les plus hautes montagnes, & touchoit souuent de la teste aux estoilles, & estendant les bras, arriuoit d'vne main à l'Occident, & de l'autre à l'Orient, & de l'vne & l'autre,

tre sortoient cent serpents, qui tendoient les testes deuant. Les iambes d'iceluy estoient serpents, qui en auoient autres entour, qui s'entortilloient si bien à mont, à l'entour du terrible corps, qu'ils arriuoient au chef couuert de rudes cheueux, qui pëdoient sur le col, & les espaules: & telle estoit la barbe qui deualloit sur son horrible estomac. Il auoit les yeux terribles, qui estincelloient, comme feu, & de sa bouche sortoient des flammes tres-ardantes. Les Dieux celestes en eurent si grande peur, pource qu'il s'estoit tourné à l'encontre d'eux, iettant des pierres en feu, deuers le ciel, qu'ils fuirent en Egypte, où ils ne se tindrent asseurez, que premier ils ne fussent changez en diuers animaux, cōme i'ay desia dict de plusieurs, es images iusques icy declarees. Mais il fut finalement vaincu par Iupiter, selon Apollodorus, ou comme les autres ont voulu, & que i'ay dict vn peu cy dessus, par Horus, lequel estoit le mesme que Osiris, encores qu'il fust nommé autrement. Et pourtāt en Hermipolis, ville d'Egypte, on faisoit le Cheual de riuierre, avec vn Espreuier, qui le combatoit estant dessus luy, & par cela estoit entëdu Typhon, image de tout le mal qui vient de la terre, & pour ceste raison la vertu qui luy resiste, & rend vain tout son furieux effort, est monstree par Osiris, ou bien par Horus, qui sont le Soleil, comme pour autres raisons ils estoient Bacchus, par lesquelles, comme d'Osiris a esté dict, en Egypte, que Typhon la mit en pieces, les Grecs ont dict aussi que les Geans en ont autant fait de Bacchus. Et c'est ce que i'ay dit que parauenture

les Bacchantes representoient, avec les membres du veau escartellé. Mais que Bacchus ait esté occis par les Geans, mis en pieces, ait esté cuit, & soit depuis rassemblé, & taint d'autre couleur, pour n'estre connu, comme Suidas recite, cela signifie que les grappes sont pillées & pressurées par les villageois, qui en font du vin, lequel boult & se purge dedans les grands vases non seulement de bois, mais aussi de pierre, où ils semblent cuire: & aucuns le cuisent aussi, à fin de le mieux conseruer en apres: & puis les membres sont ramassez, pource que la vigne reproduit les grappes entieres en son temps. Dauantage, pource qu'aucuns des anciens pensoient que Bacchus fust ceste vertu cachee, qui donne la force à toutes les plantes, de produire les fruits meurs. Herodote escript qu'il estoit le Dieu familier des Deesses Eleufines, & qu'il alloit souuent avec elles. Ces Deesses estoient, comme i'ay desia dict, Ceres & Proserpine, que lon estimoit faire germer la semence qui auoit esté espendue. On lit aussi en Pausanias, que les Atheniens auoient au temple de Cesar, entre les autres statues, l'image de Bacchus, lequel presentoit avec la main vn flambeau ardent. Pour ceste cause Porphyre disoit, selon que recite Eusebe, que lon faisoit des cornes à Bacchus, & qu'on l'habilloit en femme, pour monstrier qu'aux plantes, sont les deux vertuz de masle & de femelle: & bien que lon lise de la Palme, qu'elle a l'un & l'autre, & qu'elle ne produit pas aisement, s'il n'y en a deux, l'une pres de l'autre, on void neantmoins que generalement toute plante

*Bacchus
desmembé.*

*Bacchus
avec les
Deesses Eleufines.*

produit de soy mesme, fueilles & fruits: ce qui n'est pas ainſi des animaux, qui ne peuuent engendrer, ſi le maſle ne ſe ioinct avec la femelle. De là eſt venu parauenture que les fables ont ſaint Priape auoir prins naiſſance de Bacchus, pour monſtrer l'entiere vertu de la ſemence, qui prend ſa force du Soleil, tant es animaux, qu'aux plantes & autres choſes produites de la terre. Ce qui a meſmement eſté entendu en l'image d'Oſiris, que i'ay declaré cy deſſus, monſtrant le drapeau rouge, qu'auoit à l'entour ceſte chaleur celeſte, laquelle donne force à la ſemence, iuſques aux entrailles de la terre. Suidas eſcript que Priape eſt le meſme que Bacchus, qui eſtoit appellé Horus en Egypte, duquel l'image eſtoit en forme de ieune homme, tenāt vn ſceptre en la main droite, comme eſtant ſeigneur de ce qui naiſt en ce monde, & le membre naturel droit & eſtendu, en la gauche, pource que la ſecrete vertu de la ſemence vient d'iceluy. Il a des ailes, pour mōſtrer la legereté d'iceluy, & vn diſque, ou palet, pres de luy, qui eſtoit vne certaine choſe, large, platte & ronde faite de pierre, ou de metal, de quoy les anciens ſ'exerçoient, en la iettant en haut: il monſtroit en ceſt endroit la rotondité de l'vniuers: car le Soleil, qui ſ'entend d'iceluy, par les trois que i'ay dict, enuironne le monde. Et pour monſtrer comme Bacchus & Priape eſtoient conformes, ou parauanture vne meſme choſe, les anciens auoient couſtume de porter aux Bacchanales, au col, la figure du membre de l'homme, faite du bois de figuier, & par eux appellée *Phallos*, laquelle ils faiſoiēt auſſi depuis, de cuir

*Ceremonies
des Baccha
nales.*

de cuir rouge, comme Suidas recite, & se l'estant attachée par devant, entre les cuisses, ils s'en alloient sautant, en l'honneur de Bacchus, & estoient appelez à ceste heure la Phallofores, ils se couuroient aussi le visage, de tres-subtiles escorces d'arbre, ou de quelque peau, & s'environnoient la teste de lierre, ou de fleurs. Herodote escript, qu'au lieu de cela, les Egyptiens trouuerent le moyen de faire certaines petites statues, longues seulement d'une coudee, avec le membre naturel estendu, & quasi plus grand que tout le corps, que les femmes portoient en rond, en certain temps, par les villages, sur certains petits chariots, faits expres, avec les cornemuses, qui alloient devant, & sonnoient à l'honneur de Bacchus. Les dames Romaines firent depuis le semblable, portant ce membre en grande pompe, pour lequel ils ordonnerent plusieurs ceremonies, que ie tais, pour quelques dignes respects, oultre ce qu'elles ne seruent de rien à designer l'image de Priape, qui estoit des son enfance, gros, laide & mal fait, avec l'enseigne de l'homme aussi grande que tout le demourant du corps, semblable aux petites statues, que ie viens de dire, comme Suidas le descript, disant que Iunon touchant le ventre de Venus, le fit naistre tel, en despit de Jupiter son mary, qui l'auoit engrossie, encore qu'on lise aussi que Bacchus estoit pere de Priape, comme i'ay dict cy dessus, & comme Theodorit recite, lequel en rend raison, disant que par Venus s'entend le plaisir la science, & par Bacchus la chaleur du vin beu sans mesure, & que quand ils se conioignent ensemble.

Priape.

*Le Dieu
des iardins.*

ble, Priape en procede, pource qu'il se leue, & se fait voir, ne se sachant là au parauant. Le Dieu Mutin estoit semblable à cestuy là, voire le mesme: car estant assis, il monstroit pareillement le grand membre, & les nouuelles espousees, deuant que s'accompagner de l'espoux, s'en alloient seoir sur ses genoux, avec grande ceremonie, voulans monstrier, par ce moyen, qu'elles luy donnoient la premiere fleur de leur virginité, comme Varron l'a escript, Laetance l'a recité, & S. Augustin, en la Cité de Dieu. Les anciens appelloient aussi Priape, Dieu des iardins, & pour ceste cause, ils le faisoient en forme d'homme, avec barbe, & vne cheueleure rebrousee, tout nud, ayant vne faucille en sa main droite, comme Tibulle le descrit, faignant de luy demander pourquoy les ieunes gens l'ayment, combien qu'il ne soit beau, ny orné: & dit en ce sens,

*Priape ainsi les toiets, ayes tu, faisans ombre
Pour ne sentir du froid & du Soleil l'encombre:
Dy moy comment les beaux sont prins de ton amour.
Ta barbe n'est pas belle, & ton poil à l'entour
De ton chef est crasseux, ressemblant vne hure,
Tu vas nud aussi bien, au temps de la froidure
Comme lors que le chien, au cœur d'Este, nous ard.
Je dis ainsi: Le Dieu fiche en moy son regard
Et me respond, armé de la courbe faucille
La race de Bacchus rustique & inciuile.*

Aucunesfois ils l'habilloient d'un drap qu'il tenoit troussé avec la main, & portoit en un coin de son habit, des fruits de toute sorte. Ils luy faisoient des chap

chappeaux de tout ce qui venoit aux iardins, à la garde desquels il estoit, avec vne longue canne sur la teste, pour espouuâter les oiseaux, ny plus ny moins qu'il menaçoit avec vn gros baston qu'il tenoit en la main, quiconque fust allé pour prendre aucune des choses qu'il gardoit. Et pour ceste cause quand Horace le veut descrire, il le fait dire ainsi de soy mesme:

*J'estois iadis vn tronc de figuier inutile,
 Quand l'ouurier pour me faire à quelque chose utile,
 Douteux s'il me feroit ou Priape, ou vn banc,
 En fin me fit vn Dieu, tenant si bien mon ranc,
 Que ie suis des larrons & des oiseaux la crainte.
 Les larrons doutent fort de ma dextre l'attainte,
 Et sont bien reprimez de mon rouge pieu droit
 De l'einne ayant trouué le deshonneste endroit:
 Et la canne que i'ay ficee sur la teste
 Les importuns oiseaux effraye, & admonneste
 De ne venir s'asseoir sur les iardins nouueaux.*

On pourra faire aussi quelquesfois l'Asne avec Priape, pource que les anciens le luy sacrifioient, comme victime à luy propre, ou pour la semblance qui estoit entre eux, du grand membre, selon que Lactance recite, ou à cause de la haine qu'il portoit à ceste bestie: car l'Asne de Silene par son cry importun luy empescha le plaisir, qu'il s'apprestoient receuoir vne fois de Vesta, l'ayant trouuee endormie, en vne certaine feste de la Grand mere, comme porte la fable recitee par Ouide: ou bien pource que (comme mentionnent ceux qui escriuent des estoilles du ciel, entre lesquelles, deux, au signe de l'Escreuice, furent

appellees les Asnons) vn Asne enorgueilluy de la parolle humaine, que Bacchus luy donna, pour l'auoir porté outre vne certaine riuere, vint à debatre contre Priape de la grandeur du membre naturel, & le vainquit, mais ce fut à son grand dommage: car Priape indigné de cela, l'occit, & peut estre que depuis les anciens imiterent cela, & luy sacrifierent l'Asne



Quand les Egyptiens vouloient monſtrer ce Dieu en leurs ſacrez ſignes, ils faiſoient vn Bouc: car on lit de ceſt animal, que n'ayant que ſept iours, il commence à monter, & eſt quaſi touſiours preſt à couvrir la femelle: & pour ceſte cauſe ne ſe faut pas eſmerveiller, ſi par iceluy le membre ſervant à la generation eſtoit demonſtré & adoré par les anciens ſouz le nom de Priape. On demonſtroit aucunesfois Bacchus pour le meſme animal, pource que lon trouue qu'il ſe changea en iceluy, quand il eſchappa, avec les autres Dieux, des mains de Typhon en Egypte. Apollodore eſcript que Iupiter changea Bacchus encor petit enfant, en vn cheureau, pour le cacher à Iunon, & qu'il l'enuoya par Mercure aux Nymphes, à nourrir, & pour ceſte cauſe le bouc a touſiours eſté depuis viſtime fort agreable à Bacchus: ou bien ce a eſté pource que parauenture ceſte beſte fait grand dommage aux vignes. Dauantage on lit que lon mettoit aucunesfois en la main de Bacchus, vn ſceptre, avec le membre de l'homme au deſſus, demonſtrant parauenture le commun pouuoir de Priape & de luy: combien qu'aucuns en rendent vne certaine autre raiſon, tant deſhonneſte, qu'il m'eſt aduis que ie ne la dois dire, combien qu'elle ſoit recitee par l'interprète de la premiere oraiſon de Gregoire Nazianzene, contre Iulian l'Apolaſtat, & Theodorit Eueſque de Cyr le ſignifie auſſi. Mais ie diray pluſtoſt, que la forme du membre tant de fois ſuſdit, ſe monſtra en la maiſon de Tarquin le Priſque, ſur le foyer, comme les hiſtoires recitent, où vne ſervante de ſa fem-

*Bouc au
lieu de Priape.*

Le bouc donné à Bacchus.

me, dite Ocrisie, s'estant alsise, s'en leua enceinte d'un
fils, qu'elle enfanta puis apres à temps, & fut esleué
& nourry avec grande diligence, comme ayant esté
conceu de la semence du Dieu domestique, à raison
dequoy il deuoit estre grand personnage, comme il
fut, car il fut Roy des Romains, appellé Seruius Tul-
lus. Je diray encores de Priape, qu'à la verité ce fut
vn homme né en Lampsaque, ville de l'Hellespont,
lequel à raison qu'il auoit le membre trop grand, fut
chassé de la ville: despuis ils creurét qu'il estoit Dieu
des iardins, & à ceste cause les anciens mettoient
tousiours en leurs iardins & vergers vne statue ayant
vn gros villain Priape (ie n'exprimeray le mot Fran-
çois, pour estre trop difficile à orthographier, d'ail-
leurs les femmes ne le sçauroient lire) car on nomme
quelquesfois iouet des femmes, Priape, du nom du
Dieu le plus gaillard de toute la cour des Dieux, le
plus vis, le plus resiouy, plus rebaudi, plus mignon,
plus adroict, plus aymé de Venus, moins endormy,
moins rechigné, bref le plus excellent bastisseur qui
soit au monde. Car il fait vn bastiment sensible, par-
lant, voyant, touchant, goustant, odorant, & capable
de vie immortelle par le moyen de l'hostesse que le
souuerain ouurier loge dans icelluy. Et à ce propos
me souuenant d'un Poëme que le Sieur de la Tas-
sonniere, mien amy, a fait en sa ieunesse, intitulé le
bastiment, qui n'est moins gay & recreatif que de
gentille inuention, & lequel ie luy ay tiré des mains,
i'en ay bien voulu mettre icy le commencement, &
par maniere de dire, vn eschantillon, lequel veu, fera
iuger

juger de la valeur de la piece entiere:

*Sainte Posterité à qui lon fera croire
Tous noz deportemens par le fil d'une histoire,
Bien que mal aysement tu adiousteras soy
Aux miseres du temps malheureux que ie voy:
Ie te veux redonner non ingrat par ce compte
Ce que le porte-faux, qui toutes choses dompte,
M'a cy deuant appris touchant ceste action,
Qui faict perpetuer la generation
De nostre race humaine, à qui l'alme nature
A faict plus de faueurs, qu'à autre creature.
Long temps apres que l'homme engendré du limon
De la terre, eust vescu sans reigle & sans tymon
Pour gouverner sa vie, il ne scauoit encores
Engrossir sa femelle, ainsi que lon faict ores.
Car couchez tout à plat l'un sur l'autre à l'enuers,
Comme encor nous faisons, par plusieurs iours diuers,
Et quelquesfois un mois, coysants le remuage,
Ils attendoient le point de ce plaisant outrage
Qu'ils appelloient bastir, & non pas comme nous,
D'un nom sale & vilain, duquel l'effect si doux
Plaiſt cent mille fois plus à toutes nos femelles,
Que ce nom la ne plaiſt à la moindre d'icelles.
Somme, ces pauvres gens plains de simplicité
Auotent en attendant mainte incommodité:
Il les faloit nourrir, comme un veau à l'attache,
Iusques qu'ils eussent fait entierement leur tâche.
Car pour chose du monde ils ne fussent partis
De l'un sur l'autre auant que l'enfant fust basty,
Qui estoit par rencontre ainsi que la femelle*

Attiroit à la fin par chaleur naturelle
 La sceue de son masle, auquel l'affection
 Faisoit ainsi venir une ebullition
 Dans les vases faconds de l'humeur genitale,
 Qui se conuertissoit en substance animale,
 Comme elle faiët encor, & ne se bastissoit
 Qu'une fois en neuf mois, puis on recommancoit.
 Mais comme tout se change, & souvent par rencontre
 Un moyen plus aisé l'experience monstre,
 On aprint en un temps deux grands commoditez
 Par les moyens qu'icy te seront recitez.
 Un docte Medecin, grand rechercheur des choses,
 Qui ornent l'univers, & de leurs propres causes,
 Bastissant sur sa femme, estant mandé venir
 Vers un prince malade, à fin de subuenir
 A son infirmité, ne voulant son ouurage
 Delaisser imparfaët, usa de ce langage
 Au messager venu, Mon amy, si tu croy
 Que lon doibue garder la raisonnable loy
 Que nous auons receu de la sage nature,
 Par où elle commande à toute creature
 D'engendrer son semblable, & ne contreuenir
 Au statut qui nous fait reuiure à l'aduenir,
 Tu me lairras en paix, & diras à ton maistre
 Que ie l'ayme & honnore, & que ie voudrois estre
 Desia leué d'icy pour l'aller secourir:
 Mais ie ne l'oserois, & deusse ie mourir.
 Tu n'eusses point iouy de la belle lumiere
 Dequoy tu iouys or mon enfant, si ton pere
 Eust esté destourné lors qu'il te bastissoit.

Je ne me puis bouger d'icy quoy que c'en soit.
 Le seruiteur prudent qui n'auoit autre enuie
 Qu'à voir son maistre sain en bien heureuse vie,
 Pensa diuers moyens, & en fin s'aduisa
 Du premier chariot, lequel il composa
 De deux grands roues d'ais perrees en leur centre
 Par lequel on aixeul transuersellement entre.
 Les brancards qu'il y fait n'estoient pas separez,
 Ny garnis d'eschelons, & de bauchetz forez
 Sans plus comme lon void encor par l'Italie
 Cheminer soubz un liect un liect faict à polye,
 Où à petits rouleaux, il agencea, collant
 Aix à aix, un champliect commodement roullant,
 Sur lequel ayant mis sans bouger de gessine
 Monsieur le Medecin avec sa Medecine,
 Coustre, matlas, linceux, & couuerte & coussin,
 Les pouffe deuant luy, & les met en chemin.
 Ce chemin rabotteux au chariot fait faire
 Maint sec sautellement, & leurs culz au contraire
 Contre-saultans entr'eux à l'enuy brusquement
 Feirent que ce Docteur parfeit son bastiment.

La modestie & honneste honte m'retiennent de
 netre le reste de ce bastiment, contenant bien mille
 vers vn peu folastres & lascifs, l'auteur desquels se-
 toit possible marri que ie les exposasse en public.
 D'ailleurs c'est trop arresté sur Priape, duquel ie vien
 aux Dieux domestiques appelez Lares, qui estoient
 certains Dieux, ou plustost Demons, que les anciens
 doroiert en leurs propres logis, comme gardes d'i-
 eux, en vn certain lieu à ce deputé, outre le foyer,

duquel i'ay desia parlé, qui estoit appellé *Lararium*. où y auoit encores autres images, comme on lit en Lampride, qu'Alexandre Empereur de Rome, auoit deux Laraires. En l'un, qui estoit le plus grand, il tenoit Apollonius, Abraham, & Osee: & en l'autre, Cicerō & Virgile. Les Lares, ou Dieux domestiques, n'estoient pas seulement gardes des maisons particulières, mais de toute la ville aussi, comme Tibulle demonstre, quand il dit:

*Vous Lares qui desia auez esté la garde
Des riches, & qui or' l'estes des pauvres champs,
Humble ie vous consacre & offre voz presens
Que vous accepterez, &c.*


*Figures of-
fertes aux
Dieux do-
mestiques.*

Et pour ceste cause on les adoroit souuent sur les chemins, où lon leur pendoit à certains iours, quelques boules & petites figures de laine, pour les seruiteurs & pour les autres, & chacun y en mettoit autāt des vnes & des autres, qu'il y auoit de personnes en la maison, à ce q̄ les Lares venās se prinssent à ces choses, & ne fissent en apres mal aux personnes: car aucuns ont pensé qu'ils estoient Diabls d'enfer, lesquels venās sur la terre, lors que lon celebroit quelques iours, pour l'amour d'eux, eussent fait du mal aux personnes, s'ils n'eussent trouué ces petites figures que iay dict, pour passer le temps, à l'entour. Ou certainement les anciens faisoient cela, pource que quelques autres disoient, que les Lares estoient noz ames desia sorties des corps mortels, lesquels venoient aux fosses, estant besoin qu'ils trouuassent quelques corps, pour reposer: on peut recueillir l'un

& l'au

& l'autre, de Feste Pompee. Mais pour le plus, les Lares estoient estimez certains Demons gardes priuez des maisons, & pour ceste cause estoient faits en forme de ieunes hommes, vestuz de la peau de chien, & qui auoient aussi le chien, à leurs pieds, par lequel les anciens vouloient monstrier qu'ils estoient fideles & soigneux gardiens des maisons, redoutables

*Le chien
avec les La
res.*



Les Penates.

aux estrangers, & gracieux aux domestiques, comme sont les chiens, ainsi que Plutarque recite. Ouide aussi auoit desia escript le semblable, rendant la raison pourquoy le chien estoit avec les Lares: lesquels estoient aucunesfois vestuz d'habits courts & trouflez sur l'espaule fenestre, de maniere qu'ils alloient souz la droicte, pour estre plus prompts & deliures à leur charge, qui estoit, comme le mesme Plutarque dit, de rechercher tout ce que chacun faisoit, & d'espier diligemment toutes les œuures humaines, à fin que les meschans fussent par eux chastiez de leurs meffaits. A ceux cy estoient semblables les Penates, au moins pour la garde & soucy des villes: & aucuns ont voulu dire que les Romains auoient Iupiter, Iunon & Minerue: autres disent que Neptune & Apollon furent ceux qui firent les murs de Troye. Cicéron escript que les Penates estoient certains Dieux naiz aux maisons particulieres, & adorez aux lieux les plus secrets d'icelles. Et pour ceste cause Demiphon, en Terence, dit qu'il veut aller à la maison, sauuer les Penates, & retourner apres en la place, faire ses affaires. On voit donc qu'ils se tenoient priuémēt aux maisons, aussi bien que les Lares. L'image d'iceux, comme escript Timee Historien, estoient deux verges de fer, longues & entortillees, comme celles que les deuins tenoiēt en la main, vaquans à leur augure, avec vn certain vaisseau de terre: les anciens auoient ces choses entre leurs sacrez mysteres. On lit en Denis de Halycarnas, qu'en vn certain petit temple, qui n'estoit pas loin de la Cour de Rome, se voioient

voioient deux figures de ieunes hommes, afsises, & ayans chacune en la main vn iauelot, avec ceste escripture, au deffouz, portant, *Les Dieux Penates*, & qu'en plusieurs autres temples anciens, on voyoit semblables images, avec l'habit & ornement de guerre, & encores s'en voyent de telles en quelques medalles antiques. Dauantage le Genie estoit aussi vn Dieu domestique, & propre à chacun, qu'aucuns ont voulu estre le Dieu d'hospitalité, ou gracieuseté, du plaisir, & bon temps, & de la nature, & pour ceste cause dit on s'accorder avec le Genie, quiconque se donne bon temps, & fait tout ce que la nature luy propose, & que celuy luy fait tort, qui fait au contraire. Horace escripuant à Iulius Florus, discours sur l'instabilité des affaires du monde, & parle des diuerses volontez des hommes: & puis fait vne demande d'où viét, que de deux freres, l'un se cõtètera de viure tousiours en plaisir, & l'autre sera bien aise de se trauailler tousiours: & sur ce il respond en ce sens & maniere,

Le Genie.

*Le Genie le scait, Dieu d'humaine nature,
Qui à l'astre natal donne temperature,
D'iceluy compagnon, mortel en chacun chef,
De visage changeant, blanc & noir derechef.*

Aucuns autres, comme Censorin, ont dit que le Genie estoit adoré par les anciens, comme Dieu de la generation, ou pource qu'il en auoit le soin, ou pour ce qu'il estoit engendré avec nous, demourant tousiours en apres avec nous, comme nostre gardien. Parquoy ils vouloient qu'il y eust autant de Genies que d'hommes, & que chacun eust le sien, ou mes-

mes

Deux Genies.

mes qu'il s'en trouuaſt deux fois autant, & que chaſcun en euſt deux, vn bon, & vn mauuais, deſquels l'vn incitaſt à bien, & l'autre conſeillaſt le mal : comme nous autres Chreſtiens diſons de noz anges qui nous gardent, & des Diables, qui ne ceſſent de tenter, horſmis que ceux cy ne naiſſent pas avec nous, comme les anciens entendoieſt que les Genies naiſſoient avec chaſcun, diſans auſſi le ſemblable des Lares: de maniere que ceux cy n'eſtoieſt entre eux beaucoup differens, à raiſon dequoy les Romains mettoient ſur les grands chemins & par les villages le Genie d'Auguſte, avec les Lares, & les adoroient enſemble. Chacun adoroit ſon Genie, de ſoymeſme, en celebrant ioyeuſement le iour de ſa natiuité: mais le iour natal du Prince, eſtoit reueré d'vn chacun plus que tous les autres. Parquoy quiconque auoit iuré vne fauſſeté par le Genie du Prince, eſtoit incontinent puny, pource que les anciens tenoient cela pour vn tref-grand ſerment. Et pourtant, Caligule, Prince fort cruel, faiſant mourir pluſieurs, pour cauſes tref-legeres, comme Suetone recite, ſouloit dire cecy d'aucuns, qu'il les faiſoit mourir, pour ce qu'ils n'auoient iamais iuré par ſon Genie, en quoy ils l'auoient meſpriſé, & iugé indigne d'eſtre adoré. Le Genie donc eſtoit vn certain Dieu, qui des la naiſſance accompagnoit touſiours les hommes: & aucunes fois ces Dieux eſtoient pareillement donnez aux lieux, comme le Philoſophe Iamblic dit, monſtrant qu'aux Dieux, gardiens de quelque lieu particulier, il faut faire ſacrifice des choſes qui y naiſſent : car les

Genie du Prince.

choſes

choses gouuernees sont plus cheres au gouuerneur, que les autres. Et quãd Virgile fait que tandis qu'Enee renouuelle les funerailles à son pere Anchise, luy apparoiſt vn grand ſerpent,

Paiſiblement coulant par l'autel ſainct,

Le dos entier de marques perſes teint:

De lueur d'or ardoit l'eſcaille nue,

Ainſi que l'arc qui à trauers la nue,

Quand le Soleil eſt luiſant à l'encontre,

Mille couleurs diuerſes tire & monſtre.

Il laiſſe en doute ſi ce ſerpent eſtoit le Genie du lieu, ou vn autre. De là vient qu'aucuns ont fait le Genie en forme de ſerpent, aucuns autres, d'enfant : autres, d'un ieune homme, & autres, d'un vieillard, comme Cebes en ſa fable. Pauſanias eſcript que les Eleens adoroient vn certain Dieu, ſouz le nom de *Sosipolis*, qui ſignifie, Sauueur de la cité, comme leur propre Genie du païs. Cela ſe faiſoit au temple de Lucine, où ils luy ſacrifioient tous les ans, avec certaines ceremonies, dequoy la raiſon eſtoit, que comme les Arcadiens euſſent couru ſur les Eleens, pour quelque guerre qu'ils auoient entre eux, vne femme, qui uoit vn petit enfant au bras, qui la tettoit, diſt aux Capitaines des Eleens, Meſſieurs, voila mon fils, & quand ie l'enfantay, on m'enchargea en dormant, que ie vous le donnaſſe pour compagnon de guerre, & pourtant ie vous le donne. Les Eleens ne delaignerent ceſte bonne femme, ains ſe faiſans croire que ce n'eſtoit pas ſans grand myſtere, ils prindrent le petit enfant, & le mirent tout nud, au front de leur

armee:& comme les Arcadiens,vn peu apres fussent allez les assaillir,ils le virent changer incontinent en vn grand serpent: dequoy ils demurerent tous tellement espouuantez; qu'ils n'oserent passer outre, mais tournans le dos,ils se mirent en fuite,de maniere qu'il fut aisé aux Eleens de retirer leurs confins,& pour ceste cause, estans demeurez victorieux, ils appellerēt cest enfant,*Sosipolis*,reconnoissans qu'il auoit sauué la ville,lequel estant ainsi en serpent, sembla se fourrer deffouz terre, en vne certaine cauerne, où les Eleens dresserent puis apres vn temple, au nom de Lucine,& y firent ausi, comme nous dirons,vne chappelle à *Sosipolis*, ordonnans honneurs & ceremonies propres à l'une & à l'autre: car ils croyoient qu'elle eust faict naistre cest enfant, & enuoyé pour la deliurance d'iceux. L'image d'iceluy, encores qu'il se fust changé en serpēt,estoit d'un petit enfant, avec vn accoustrement de diuerses couleurs, & couuert d'estoilles,qui presentoit d'une main la corne d'abondance, pource qu'il s'estoit monstré tel à quelqu'un, comme dit Pausanias, qui le raconta puis apres. On voit en certaines medalles antiques, le Genie d'Adrian & d'autres Empereurs ausi faict en maniere d'homme, qui tend de la main droicte, vn vaisseau pour boire, qu'il semble respendre sur vn autel tout orné de fleurs,& du costé gauche luy pend vne verge.En quelques autres medalles d'Adrian mesme, se void l'image d'un homme de guerre, avec vn accoustrement iusques à my-iambe,tenāt en sa main droicte comme vne tasse, en maniere de celuy qui sacrifie,



fie, & a la corne d'abondance à la gauche, avec ceste
 escripture à l'entour, *Au Genie du peuple Romain*, qui
 deuoit parauanture demonstrier ce Dieu tenu tant
 secret des Romains, qu'ils ne vouloient que lon
 sceust son nom en sorte quelconque, comme i'ay dit
 vne autre fois. Dauantage les anciens faisoient des
 ghirlandes au Genie, de branches de Plane, duquel

*Le plane
 donné au
 Genie.*

les fueilles sont quasi semblables aux fueilles de la vigne: aucunes fois ils les faisoient de diuerses fleurs, comme on lit dedans Tibulle, là où il escript ainsi,

*Or le Genie orné d'un beau chapeau de fleurs,
Voye que nous faisons, celebrant ses honneurs,
Et son nom agreable.*

Mais pource que i'ay dict desia, qu'il y auoit deux Genies, comme Euclide Socratique veut, ainsi que Cēsforin recite, voyons maintenant, cōme le mauuais estoit fait, car nous auons parlé du bon, iusques icy. Je n'ay trouué que les anciens ayent fait aucune statue ny image de cestuy : mais on lit bien, qu'il s'est apparu à plusieurs, & pour ceste cause ie le représenteray ainsi qu'il a esté veu, selon que les histoires en ont gardé l'exemple. Plutarque, Appian, Florus, & autres escripuent que comme Brutus se fust retiré de nuict tout seul en sa chambre, avec de la lumiere, à penser en soy mesme, comme il auoit coustume de faire, il vid deuant soy l'image d'un homme, toute noire & espouuantable, laquelle luy dist, à sa demande, qu'elle estoit son mauuais Genie, & tout incontinent il disparust. Valere le Grand escript aussi que le mauuais Genie se monstra pareillement à vn certain Calsius, qui estoit de la ligue de Marc Antoine, vn peu deuant que Cesar luy fit trancher la teste. Il estoit en forme d'homme fort grand, de couleur noire, avec les cheueux longs, & la barbe toute crasseuse & orde. Les Temesiens, qui estoient vn peuple d'Italie en Abruzzo, auoient vn Genie fort mauuais, qui estoit de couleur noire, espouuantable à voir, ve-

*Mauuais
Genie.*

Il y avoit d'une peau de loup, qui faisoit tant de mal à ces
 peuples là, que, comme Pausanias & Suidas racon-
 tent, ils eussent abandonné le pais, si l'Oracle ne leur
 eust enseigné le moyen d'appaiser l'ombre d'un com-
 pagnon d'Ulysses, qui fut tué là, pource qu'estant
 yure, il forcea une fille: car c'estoit le mauvais Genie,
 qui alloit faisant la vengeance, de laquelle Ulysses
 passant chemin, ne fit aucun compte. Parquoy les
 Temesiens, par le conseil de l'Oracle, dresserent un
 temple à iceluy, & vouèrent de luy sacrifier tous les
 ans une des plus belles filles de la ville. Ce faisant, ce
 diabolique Genie ne leur donna plus aucune fasche-
 rie, mais demeura au temple, à recevoir le cruel sa-
 crifice, iusques à ce qu'il en fut chassé par Eutime,
 personnage de grande valeur, lequel estant de bon-
 ne fortune arriué là, à l'heure que le miserable sacrifi-
 ce se devoit faire, ayant entendu l'occasion d'iceluy,
 fut meu à pitié de la misere de ce peuple, mais enco-
 res plus de la belle fille destinee au cruel sacrifice,
 de l'amour de laquelle il se sentit incontinent tresar-
 damment espris, & pour ceste cause fit tout cesser.
 Dequoy ceste cruelle beste fut indignee, & alla fu-
 rieuse contre luy. Mais Eutime soustint si vail-
 lamment son effort, qu'apres avoir long temps com-
 battu ensemble, il demeura victorieux, & la chassa,
 tellement qu'elle fut contrainte de s'en aller ietter
 dedans la mer, & par ce moyen il deliura ce peuple
 d'une si grande calamité, lequel pour ceste cause, luy
 donna la ieune damoiselle deliuree, pour femme, car
 il ne voulut point d'autre recompense, & fit cele-

*Mauvais
 Genie chas-
 sé.*

brer les ioyeuses nopces , avec grande feste & allegresse.

FORTUNE.

*Fortune est ceste la, qui est tant mise en croix
Par ceux qui luy deuroient donner toute louange,
En la blasmant à tort, d'une meschante voix.*

Dante parle ainsi de la Fortune , & i'ay voulu commander ainsi , pource que i'ay à proposer l'image d'icelle , attendu que les hommes luy attribuent toute la faulte de tout ce qui leur aduient contre leur intention , reputans mauuais bien souuent ce qu'ils deuroient plustost iuger bon. Il semble qu'ils veulent que l'acquest , la perte des honneurs & des richesses , vienne de la Fortune, avec le changement & diuersité de toutes les choses humaines. Pour ceste cause , Petrarque en la chanson , *Tacer non posso* , etemo, &c. fait qu'elle luy dit ainsi de soy mesme :

Je suis d'autre pouuoir plus grand que tu ne crois :

Je puis faire ioyeux & triste en un moment,

Plus legere que vent :

Je renuerse & conduy ce qu'au monde tu vois.

*Pourquoy
lon blasme
la Fortune.*

De là viennent les blasmes infiniz , qu'elle entend tout le iour de soy, car il semble que ce que nous appellons biens de Fortune , va le plus souuent à qui en est le moins digne, & que celuy en est miserablement priué , qui les meriteroit le mieux. Que ce soit bien ou mal, ie le laisse considerer à ceux qui peuuent voir, combien d'ennuyeuses pensées, trauaux & dan
gers

gers amènent quant & foy, les biens de ce monde: ce neantmoins bien peu se trouuent qui regardent à cela, mais nous tafchons quasi tous d'en auoir, & pource que nous ne pouuons contenter nostre defordonné appetit, nous nous lamentons puis apres de la Fortune, laquelle n'est point selon l'opinion de plusieurs. Et pour ceste cause, Iuuenal en parle ainsi:

*Il n'y a
point de
Fortune.*

Nulla diuinité de celuy ne s'eslongne

Qui aueques prudence entreprend sa besongne:

Mais nous pauures humains par faulte de jageſſe,

Logeons Fortune au ciel, & la faiſons Deeſſe.

Lactance pareillement dit que la Fortune n'est autre chose, qu'un nom vain, demonſtrant le peu de ſçauoir des hommes, s'accordant en cela avec Ciceron, qui auoit eſcript deuant luy, que le nom de la Fortune auoit eſté introduit, pour couvrir l'ignorance humaine, laquelle accuſe ceste Fortune de tout ce qu'elle ne ſçauroit donner raiſon. Mais les anciens ſe ſont trompez auſſi bien en icelle, qu'es autres Dieux, & pour ceste cause ils l'ont adoree comme Deeſſe, qui diſpenſe tous les biens du monde, & ont penſé que le mal venoit d'elle auſſi. Parquoy lon eſtimoit qu'il y euſt deux Fortunes: l'une bõne, & l'autre mauuiſe: de ceste là venoient les biens & les felicitez, de l'autre, toutes les meſauantures & autres maux. De là eſt aduenü, que quelques vns ont fait aucunesfois la Fortune, avec deux viſages: l'une, demonſtrant la bonne, eſtoit blanche: & l'autre, noire. Elle eſtoit adoree ſouſ l'image de deux ſœurs, comme Alexandre Napolitain recite, à Preneste, où elle auoit vn temple

*Deux For-
tunes.*

ple fort celebre, à cause de certaines responſes qu'on en rapportoit. Et parauanture Pin dare, pour ceſte meſme raiſon auſſi, comme Plutarque recite, la fait tourner deux timons, avec la main. Neantmoins tient on pour le plus, qu'il n'y a qu'une Fortune, laquelle ie depaindray, ſelon les diuers deſſeings que les auteurs nous en ont laiſſé, commanceant par ce que Pauſanias eſcript, qu'entre les memoires des anciens, on ne trouue aucune ſtatue de Fortune plus ancienne que celle qui fut faite par Bupalus, architecte & excellent ſculpteur, aux Smyrneens, peuples de Grece, en forme de femme, ayant ſur ſa teſte vn pole, & tenant d'une main la corne d'abondance. Ceſte ſtatue demonſtroit l'office de Fortune, qui eſt de donner & oſter les richesses representees par la corne d'abondance, & ces choſes tournoient continuellement, comme le ciel va à l'entour des deux poles. Tous ceux qui ont depaint la Fortune, ont depuis monſtré touſiours le ſemblable, & en ont faiçt des ſtatues, comme ils ont voulu, pour nous donner à entendre qu'elle a le gouuernement des affaires d'icy bas, & qu'elle les peut diſpenſer, comme il luy plaift. Ce qui ſe lit auſſi en Lactance, qui eſcript que les anciens ont feint la Fortune avec vne corne d'abondance, & luy ont mis à coſté, le timon d'une nauire, comme eſtant en elle de donner les richesses, & de gouuerner les affaires humaines, & les biens temporels: car on ne trouue en iceux aucune fermeté, & ne ſemblent pas equitablement departiz, attendu que les bons en ont bien ſouuent faite, & les meſ-

*Gouuerne-
ment des
choſes hu-
maines.*

chans.



chans en iouissent abondamment. Pour ceste cause Fortune a esté appelée inconstante, aueugle, folle, & beaucoup plus fauorable aux meschans qu'aux gens de bien, comme on lit en certains vers, que lon estime de Virgile, lesquels sont ainsi traduits,

Combien muable, & combien inconstante
Es tu Fortune, aueuglement puissante:

Ta main des bons renuerse le bon heur,
 Et des mauuais dechasse le malheur:
 Tu ne scaurois longuement, ô cruelle,
 Estre aux presens, que tu as faits fidelle.
 Fortune esleue iniuste aux honneurs grands
 Le plus souuent les hommes plus meschans:
 Et l'innocent, qui s'addonne à bien faire,
 Est accablé d'une lourde misere.
 Elle appauurit le iuste & vertueux,
 Elle enrichit l'iniuste & vicieux:
 Elle retient la caduque vieillesse,
 Et fait mourir la robuste ieunesse.
 Departissant iniustement les temps.
 Cela qu'elle oste aux hommes mieux viuans,
 Elle le donne aux hommes dont la vie
 Apertement est peruerse & impie.
 Elle n'a point en soy de iugement,
 Pour discerner de rien aucunement,
 Elle est perfide, incertaine & lubrique,
 Moqueuse elle est, menteresse & inique.
 El n'est tousiours maintenant en bon heur
 Celuy, lequel iouit de sa faueur:
 Aussi tousiours maligne elle n'opresse
 Celuy, lequel importune elle laisse.

Pour ceste cause, les Thebains mettoient Pluton,
 comme i'ay dit en son image, en la main de la Fortu-
 ne, comme si ce Dieu, que lon estimoit auoir en sa
 puissance toutes les richesses, les eust donnees & re-
 prises, à la discretion de Fortune, laquelle Martian
 descript, aux nopces de Philologie, en ceste maniere.

Il y auoit, dit-il, vne iouuencelle, beaucoup plus babil arde que toutes les autres, qui sembloit ne pouuoir pas se tenir arrestee, mais estoit toute legere, & le vent qui souffloit par derriere, luy faisoit baleuoter son enflé accoustrement. Elle s'appelloit Sort, selon aucuns: autres l'appelloient Fortune, autres, Nemesis. Elle portoit en son large giron, tous les ornemens du mode, qu'elle bailloit à aucuns d'une main tref-legere, & puis se iouant comme vn enfant, elle arrachoit les cheueux à aucuns, & fraploit d'une estrange façon quelques autres avec vne verge. Elle donnoit puis apres, avec la main, sur la teste à ceux la mesmes, ausquels elle s'estoit monstree du commencement tant fauorable, comme se moquant d'eux. La Fortune en fait tout ainsi de nous, quand elle reprend ses biens, nous laissant desolez: ce qui n'aduient droit pas, si nous ne faisons pas plus de compte de ce qui appartient à icelle, que du nostre: attendu que les richesses sont de la Fortune, & les vertuz sont nostres, lesquelles nous faisons tousiours aller apres les biens, comme dit Horace, quand il crie ainsi, en se faschant,

Citoyens, eitoyens, pourchassez la richesse

En premier lieu, & puis la vertu & sagesse.

Les anciens ont monsté en apres, la bonne Fortune, qui est quand elle nous baille de ses biens: & la mauuaise, quand nous en sommes priuez, toutes deux ensemble, en ceste maniere (bien que l'inscription d'icelle porte seulement, A la bonne Fortune, comme lon voit souuent aux antiques marbres de

*Fortune
bonne &
mauuaise.*

Nemesis.

Grece) Vne femme honnestement vestue, est assise, en habit de matrone, triste & desolee en face, deuant laquelle est vne belle & gaillarde fille, qui luy baille la main droite, & derriere est vne petite fille, debout, avec vne main appuyee au siege de la matrone, laquelle demonstre la Fortune passee, & pour ceste cause elle est triste: la ieune qui luy baille la main, & qui se monstre ioyeuse, est la Fortune presente: & la petite fille, qui est par derriere appuyee au siege, est celle qui vient, ou doit venir. Mais deuant que passer outre, ie veux dire qui estoit Nemesis: car ces deux sont fort semblables entre elles, de maniere qu'aucuns les ont estimee vne mesme chose, comme lon void de ce que i'ay allegue cy dessus de Martian: ce neantmoins chascune a este adoree a part, & a eu image differente, comme ie feray apparoir. Nemesis donc estoit vne Deesse, que lon estimoit monstrier a chacun ce qui luy estoit bon de faire. Amian Marcellin en parle ainsi: Ceste est la Deesse qui punit les mauuais, & recognoist les bons, ayant cognoissance de toutes choses: & pour ceste cause, les anciens Theologiens la feignoyent fille de la Iustice, laquelle d'une certaine secrette partie de l'Eternite, se tenoit a regarder les actions des hommes. Macrobe dit qu'elle estoit adoree comme vangereffe de l'arrogance, & la tire au pouuoir du Soleil: car le Soleil est de ceste nature, qu'il obscurcit toute autre lumiere, & faict souuent luire ce qui sembloit obscur au parauant. Nemesis en fait ainsi, laquelle deprime les hautains, & souzleue les humbles, leur aydant a bien vi-

ure.

ure. Brieflon estimoit que ceste Deesse punist tous ceux qui s'enorgueillissoient trop du bien qu'ils auoient. Les Poëtes l'appelloient souuent Rhamnuse, d'un certain lieu, au païs d'Athenes, où elle auoit vne tref-belle statue de marbre. On l'appelloit aussi aucunesfois Adrastie, à cause du Roy Adraste, qui fut le premier qui luy dressa vn temple. Les anciens

Rhamnuse.

Adrastie.



la faisoient avec des ailes , pensans qu'elle estoit fort prompte à tourner à vn chacun , à costé ils luy mettoient vn timon de nauire, & vne rouë souz ses pieds. Aussi la faisoit on aucunesfois tenant vne bride en vne main , & vne mesure en l'autre , pour monstrier que les hommes doiuent refrener la langue , & faire tout avec mesure , comme portent deux vers Grecs, qui ont esté faicts iadis sus ceste statue, en ce sens,

l'enseigne par ce mors, & baston d'auoir cure

A reprimer la langue, & faire par mesure.

Paufanias escript que Nemesis estoit vne Deesse fort ennemie des hommes superbes, & suit ainsi en apres, Les Barbares furent autresfois chastiez par l'ire & vengeance d'icelle, lesquels mesprisans les Atheniës, & venuz en leur païs , les ayans desia entierement vaincuz , y firent conduire vn tres-beau marbre, pour en faire vn superbe trophée : mais le tout leur fut contraire : car les Atheniens demeurèrent victorieux, & Phidias fit en apres, de ce marbre, vne statue à la Deesse Nemesis : dequoy Aufone faict vn epigramme, faignant que la Deesse mesme dit auoir esté faicte, en signe de la victoire des Grecs, & pour monstrier qu'elle ne laissa pas l'arrogance des Perses , impunie. Ceste statue auoit vne couronne sur la teste, entourée de cerfs, & de petites images de Victoire , & tenoit vne branche de frefne en la main gauche , & en la droicte, vn vase avec quelques Ethiopiens gruez dedans , dequoy Paufanias dit qu'il ne scauroit pas donner aucune raison, ny mesmes que penser : & moy encores moins. Le mesme Paufanias adioust,

que

que les statues de Nemesis, n'auoient pas des ailes du commencement, comme les Smyrneens leur en firent depuis : car ils furent les premiers qui la firent ailee, à la semblance de Cupidon, pource qu'ils pensoient qu'elle eust beaucoup à faire avec les amoureux, comme punissant ceux lesquels estoient trop glorieux & superbes de leur beauté, comme Ouide monstre, en la fable de Narcisse. Catulle pareillemēt, après auoir beaucoup prié Licinius, ieune homme fort beau, de venir à luy, dit en fin, Aduise bien que tu ne faces peu de cas de mes prieres, en me despriant, de peur que la terrible Deesse Nemesis ne t'en chastie. Pour ce donc que ceste Deesse punissoit les hommes, de leur mauuaises & arrogantes œuures, aucuns ont pensé qu'elle estoit vne mesme chose que la Iustice, de laquelle l'image est descripte par Chrysippe, selon que recite Aule Gelle, en forme d'une belle vierge, terrible de regard, non superbe ny humble, mais telle, qu'avec vne seuerité honneste, elle se monstre digne de toute reuerēce : avec les yeux trefaiguz. Et pour ceste cause Platon dit que la Iustice void tout, & que les anciens Prestres l'appelloient vangereffe de toutes choses. Apulee iure par l'œil du Soleil & de la Iustice, comme ne voyāt pas moins que le Soleil. Lesquelles choses nous deuons entendre deuoir estre aux ministres de la Iustice, lesquels doiuent penetrer par leur regard trefaigu, iusques à l'occulte verité, & doiuent ressembler aux chastes vierges, si bien que ny les riches presens, ny les belles parolles, ny autre chose les puisse corrompre, & empes

*Nemesis
sans ailes.*

Iustice.

*Iustice voit
tout.*

*Quels doi-
uent estre
les Iuges.*

empescher de iuger pour le droict, d'une tres-ferme feuerité, se montrans terribles aux coupables & meschans, & gratieux aux bons. Lon a mis depuis en la main de la Iustice, aucunesfois vne balance, & aucunesfois ce trouffeau de verges liees, avec les haches, que les huissiers portoient deuant les Consuls Romains. Les anciens faisoient aussi aucunesfois la



Iustice en ceste maniere : Vne Vierge nue se tenoit assise sur vne pierre quarree, & tenoit vne balance d'une main, & vne espee nue de l'autre. Diodore escript, qu'en vn certain endroit d'Egypte, où estoient les portes de la Verité, se voyoit aussi la statue de la Iustice, laquelle n'auoit point de teste, & n'en donne aucune raison, comme ie feray, venant à dire, que les Egyptiens mesmes faisoient la Iustice, en ceste maniere. Ils luy faisoient la main senestre estendue & ouverte, pource qu'elle est naturellement plus froide & plus paresseuse que la droite, & pour ceste cause moins propre à faire tort à autrui. Parquoy, entre autres choses grauees au coffre de Cipselle, Pausanias escript, qu'il y auoit vne belle femme, laquelle tiroit arriere vne autre laidde, la tenant estroittement par le col, avec la main senestre, & la frappant fort de la droite, avec vn baston: ceste la estoit la Iustice, ceste cy, l'Iniure. Car les iustes Iuges doiuent tousiours opprimer l'iniure, de maniere que la verité ne leur soit iamais cachée. Par ainsi ils doiuent ouïr tout ce que chacun dit pour sa defense, & ne condamner les accusez, par les parolles seulement des accusateurs, s'ils ne veulent ressembler au Iuge, qu'Apelles a depeint, comme Lucian recite, depuis qu'il fut deliuré par Ptolomee Roy d'Egypte, lequel cuida le faire mourir, ayant trop legerement adiousté foy à Antiphile, lequel l'auoit accusé par enuie, comme contentant d'une certaine rebellion: mais la verité fut descouuerte depuis par vn des coniurez: & le Roy cognoissant la fraude & trahison, deliura Apelles,

*Peinture
d'Apelles.*

Calomnie.

*Fraude,
Embusche.*

Penitence.

luy donna cent talens, & fit Antiphile, qui l'auoit accusé a tort, à iamais son esclau. Apelles donc voulant représenter le danger auquel il auoit esté, fit vn tres excellent tableau en ceste maniere, qui fut appelé depuis, la Calomnie d'Apelles. Quelqu'vn en guise d'vn Iuge estoit assis, ayant les oreilles longues, semblables à celles d'vn Asne, & comme on li que le Roy Midas auoit, auquel deux femmes, à chacun de ses costez, vne, faisoient semblant de dire ie ne sçay quoy tout bas, en l'oreille: l'vne d'icelles estoit l'Ignorance: l'autre, le Soupçon, il tendoit la main à la Calomnie qui venoit à luy en forme d'vne belle femme, & bien parée, mais se monstrant à son visage, toute remplie d'ire & de courroux, ayant en sa main fenestre vn flambeau ardent, & trainant par les cheveux, avec la droite, vn ieune homme nud, qui se lamentoit de sa misere, en leuant les mains ioinctes au ciel. Au deuant d'icelle cheminoit l'Enuie, qui estoit vn vieil homme, maigre & passe, comme ayant demeuré long temps malade, & derriere venoient deux femmes, lesquelles sembloient la flatter, faisant feste de sa beauté, & l'exaltans le plus qu'ils pouuoient. L'vne s'appelloit Fraude, & le nom de l'autre estoit Embusche. Derriere celles cy marchoit puis apres vne autre femme appelée Penitence, avec quelques légers habits, tous rompuz & deschirez, laquelle pleurant amerement, s'affligeoit outre mesure, & sembloit vouloir mourir de honte, pource qu'elle voyoit venir la verité. Lucian descript ainsi la Calomnie desia depaincte par Apelles: dequoy il vient

vient à recueillir puis apres, qu'elle n'est autre chose, qu'une fausse accusation que le iuge croit, de celuy qui n'est present pour defendre son droit: laquelle le plus souuent est causée de l'Enuie, & pour ceste raison, Apelles la luy mit deuant, & icelle est une maladie de l'esprit de l'homme, la pire que l'on puisse trouver: car non seulement elle fait mal à autrui, mais aussi nuit beaucoup aux enuieux mesmes. Parquoy Silie Italique met entre les pestes & monstres d'Enfer, l'Enuie, laquelle s'estrange des deux mains, & pour ceste cause Horace dit bien, que

Enuie.

Les Tirans de Sicile onques n'ont, en leur vie,

Trouuë pire tourment que celuy de l'Enuie.

Attendu que, comme portent quelques vers que l'on pense estre de Virgile, & traduits en ceste maniere,

La maigre Enuie est un poison glissant,

Qui des mauuais rend le corps pallissant,

Et leur causant tousiours nouvelles peines,

Le rouge sang leur succe dans les veines:

Pource que cil qui estant enuieux,

Nourrit en soy un desir furieux,

Ainsi qu'il doit, est tourment à soy mesme,

Et son gemir de sa douleur extreme

Est le tesmoin: il fremit, il souspire,

Claquant les dents il demonstre son ire:

Estant tout mol d'une humide sueur

Parmy ses os il sent une froideur,

Voyant celuy duquel son fier courage

Iniquement souhaite le dommage,

Il fait sortir une puante odeur
 Hors de sa bouche. Vne horrible pafeur
 Luy tainct la iou' noirement iaunissante:
 Vne maigreur est le blanc descouurante
 De ses os durs. La plus claire beauté
 D'un iour serain, d'un banquet appresté,
 Les mets plus doux, le goust delicienx
 D'un vin meilleur luy est triste & facheux.
 Si Iupiter, si la main blanchissante
 D'une Hebe luy estoit presentante
 Du nectar doux, il le dedaigneroit,
 Et desgousté amer le trouueroit.
 Il ne dort point, iamaus il ne repose,
 Il a dans soy, un bourreau qui luy cause
 Mille tourmens. Il sent dedans son cœur
 Tacitement fureter une horreur,
 A la chaleur de la torche fumeuse
 Que luy presente Erynné furieuse.
 Il a le foy'du Vautour deschiré
 Du grand Tity'. Son mal desmesuré
 Luy vit au cœur languide & douloureux:
 Tel que la main ny de Chiron heureux,
 Ny de Phæbus, ny de sa race claire,
 Pour l'adoucir ne scauroit que luy faire.

Et Ouide, la faisant en forme de femme (car comme
 nous auons dict n'aguères, parlant de la peinture
 d'Apelles, les Grecs la faisoient homme) la descript
 ainsi,

Pasle elle estoit, ayant yeux de trauers,
 Etique & maigre estoit son corps peruers.

Elle

*Elle a les dents toutes plaines de rouille,
 L'estomac ver est de fiel qui la souille,
 Sa langue, où gist sa pestifere halaine,
 Est de venin toute infectee & plaine.
 Elle ne rid iamaïs, fors quand malheur
 Fait à aucun sentir griesue douleur.
 Iamaïs ne dort, son œil veille tousiours,
 En contemplant des hommes, tous les iours
 L'heur & malheur, deuient seiche & etique:
 Et en nuisant, se nuit par œuure inique,
 Et en vexant les mortels aigrement,
 Elle se donne vn semblable tourment.*

Et descriuant premierement la maison d'icelle, triste,
 froide & tenebreuse, il auoit dict qu'elle demeuroit
 là, & y mangeoit des serpens. Plutarque escript bien
 au long de l'Enuie, & le grand Basile faisant d'icelle
 vne harangue, dit que les enuieux ressemblent aux
 Vaultours & mousches: car comme les Vaultours,
 en vollant, passent par dessus les beaux champs, &
 près fleuriz, sans descendre, sinon où ils voyent quel
 que charongne, & corps puant, duquel ils laissent
 les parties entieres, & recherchēt les corrompues &
 gastees, ainsi les Enuieux ne font semblant de voir
 ce qui merite louange en autrui, & prennent garde
 seulement à ce qui se peut blasmer, en quelque ma-
 niere. Comme lon a pensé que Mome faisoit entre
 les Dieux, que les anciens tenoient pareillement *Mome.*
 pour Dieu, & lequel nasquit, selon Hesiodé, du Som-
 ne & de la Nuit: il ne faisoit iamaïs aucune chose,
 mais regardoit ce que les autres Dieux faisoient, re-

prenant avec liberté, & blasmant ce qui n'estoit fait à sa fantasie. Parquoy Esope a escript, comme Aristote le recite, que Mome blasmoit celuy qui fit le bœuf, disant qu'il fut mal auisé de luy faire les cornes, sur la teste: & qu'il les luy deuoit faire sur les espaules, à fin d'en pouuoir frapper, de plus grande force. Il disoit de l'homme, comme Lucian raconte, que celuy qui l'a faict, a grandement failly, de ce qu'il ne luy auoit faict vne petite fenestre, à l'estomac, pour voir aisement ce qu'il a dedans le cœur. Il ne trouua que redire en Venus, cōme Philostrate escript, sinon qu'elle faisoit trop de bruit, avec ses pantoufles, quād elle cheminoit. L'image de cestui-cy est descripte en certains Epigrammes Grecs, en forme d'un vieillard maigre & sec, tout passe, avec la bouche ouuerte, & tendant à terre, laquelle il va frappāt avec vn baston, qu'il tient en sa main, parauanture pource que tous les Dieux des anciens ont esté appelez fils de la terre: entre lesquels, Mome, le Dieu de la reprehension & du blasme, faisoit l'office, que font auioird'huy aucuns entre nous, lesquels pour ceste cause, sont pareillement appelez Momes, lesquels induits seulement de la grace qu'ils ont à dire mal d'autrui, comme il leur plaist, blasmer, sans aucune raison, ce qu'ils voyent. Ce qui vient, pour la plus part, comme i'ay desia dict, de l'Enuie, qui est, comme dit Euripide, & Elian le recite, vne chose merueilleusement triste, mauuaise, & honteuse. On lit que les anciens la desfignoient en faisant vne anguille, laquelle, comme le mesme Elian dit, se tient à part, & ne va iamais quant

*Momes de
se temps.*

& les

& les autres poiffons. La Fraude, en apres, faite par Apelles en forme de femme, a esté defsignee par Dāte, avec la face d'un homme de bien & iuste, ayant tout le reste du corps, d'un serpent, taché de diuerfes couleurs, finissant en queue de serpent. Le sens de ses vers fidelement traduits, est tel,

De Fraude vint ceste villaine image,

Monstrant la teste & le corps au riuage,

Non pas la queue: elle auoit le maintien

Et le regard de quelque homme de bien:

Le double tronc de serpent, dehors belle,

Deux bras peluz iusques deffouz l'aisselle,

Des nœuds depeincts, & des boucliers espars,

Au dos, au sein, aux flancs, de toutes parts,

Et de couleur plus diuers que la laine

D'une Arachné pucelle Lydienne,

Et que les draps des Tartares & Turcs.

L'exposition de ceste image est que la nature des hommes trompeurs est de se monstrier, au regard, & en parolles, gracieux, plaisans & modestes, mais d'estre en apres autres par effect, de maniere que toutes leurs œuvres se monstrent à la fin plaines de mortel poison. Pour ceste cause les anciens ont aucunes fois representé le Pin pour designer la Fraude: car cest arbre, à cause de sa hauteur, droiciture, & perpetuelle verueur, est beau & plaisant à voir, mais il est souuent dommageable à quiconque repose à l'ombre d'iceluy, ou sans autre regard, passe deffouz: car quand ses fructs meurs & tresdurs tombent de si haut, & donnent d'auanture sur la teste du passant, ils le tuent, ou

*Naturel
des trom-
peurs.*

*Le Pin,
pour la
Fraude.*

luy

luy font grande douleur. Mais retournons à l'image de Fortune, de laquelle Nemesis m'auoit detourné, pource que passant d'une chose en l'autre, ie n'auois plus souuenance d'y reuenir, iusques à present, que ie n'ay plus riē à dire de la peinture d'Apelles: lequel depeignant la Fortune, la fit assise, & enquis pourquoy il auoit fait cela, il respondit qu'il ne l'auoit iamais veu debout, ny arrestee, à raison dequoy elle a esté dite remuante & instable, pource que *stare*, en Latin, signifie non seulement estre arresté, mais debout. Les anciens voulans demonstrier cela en son image, la faisoient, comme Eusebe escript, assise sur vne grosse boulle, & luy bailloient des ailes, qui la portoient legeremēt ores d'un costé, ores de l'autre. Et pour ceste cause Horace parle en ceste maniere d'icelle,

De la mauuaise affaire

La Fortune se rit,

Et à vn ieu contraire

Contente son esprit,

Auquel elle s'obstine,

Et change des humains,

Or rude, ores benigne,

Les honneurs incertains.

Ie say conte d'icelle,

Demeurant avec moy:

Si elle fuit, cruelle,

Ie n'en ay point d'esmoy:

Ses dons ie luy redonne

Couuert de ma vertu,

Et cherche, deueſtu,

Vne pauureté bonne.

Cebes, au tableau, où il a depainct toute la vie humaine, fait la Fortune vne femme aueugle & folle, eſtant debout ſur vne pierre ronde. Artemidorus aucunesfois la fait ſeoir ſur vne longue colomne, aucunesfois la fait belle & ornee, & aucunesfois laidde, & mal veſtue, ayant la main à vn timon de nauire. Nous la voyons ſouuent en ceſte maniere, ſur les medalles & marbres antiques. Galen pareillement exhortant les ieunes hommes à l'eſtude des lettres, parle ainſi d'icelle: Les anciens nous voulans propoſer par peintures & ſtatues la malice de la Fortune, ne ſe contenterent pas de la faire en forme d'une femme (ce qui deuoit ſuffire pour monſtrer qu'elle eſtoit folle & malicieuſe, ne demourant iamais en vn meſme propos) mais auſſi luy mirent vne boulle ſouz les pieds, & la firent ſans yeux, luy baillans puis apres vn timon en la main, comme gouuernant les affaires du monde à clos yeux, & ſans aucune prouidence. Quelques vers de Pacuius, qui ſe liſent aux liures de la Rhetorique de Ciceron, deſſignent fort bien la Fortune, & expoſent pareillement vn tel deſſein: & ces vers ſont ainſi traduits:

Fortune eſt inſenſee, aueugle & ignorante,

Que les ſages ont mis ſur la pierre roulante

Qu'elle ſuit cà, delà, ne ſachant en quels lieux:

Et pourtant, à bon droit, elle eſt dictée ſans yeux:

Auſſi bien luy ont ils donné le nom de folle,

Pource que trop ſouuent ell ſe change, friuolle,

D'ignorante, d'autant qu'elle ne cognoist pas.

Qui est bon, ou mauvais, reigle, qu sans compas.

D'avantage ils ont fait aucunes fois vn caducee, avec vn chapeau, au bout, ayant deux petites ailes, & avec deux cornes d'abondance, qui embrassoient le caducee. Ceste peinture signifioit, selon aucuns, que la bonne Fortune accompagne quasi tousiours l'elo-

*La bonne
Fortune.*



quence & la doctrine : brief on l'a estimee de si grande force, qu'aucuns ont dit que la vertu ne sert guerres, sans icelle, & que combien que la vertu nous anime à hautes entreprises, & à la gloire, nous y arriuerons à peine, si la Fortune ne nous accompagne, supposans, comme les anciens croyoient, que la Fortune est quelque Deité, qui peut beaucoup aux affaires du monde, n'estans nous mesmes la bõne & mauuaise Fortune à nous mesmes, selon que nous nous scaurons gouverner bien ou mal. Pour ceste cause Seneque escript à son amy Lucile, & dit que ceux la se trompent, qui iugent que quelque bien ou mal vienne de la Fortune: car combien qu'elle donne matiere, & quelques commancemens aux choses, qui peuuent en fin reussir à bien ou à mal, si est ce que nostre esprit peut beaucoup plus qu'elle, faisant les choses comme il veut, de maniere qu'il est à soy-mesmes cause ou d'une heureuse ou d'une pauvre vie. Et pour ceste cause, quand nous nous prenons au mal, de toutes noz infortunes, nous deuons attribuer la faute à nostre bestise, & nõ à la Fortune, comme les anciens ont monstré aussi en l'image de l'Occasion, qu'aucuns estiment vne mesme chose que la Fortune: mais si elles ne sont vne mesme chose, elles sont neantmoins fort semblables, cõme lon pourra voir par le pourtraict de ceste cy, laquelle fut Deesse des anciens, paraenture à fin que chacun apprint par son image reuersee & souuent regardee, à prendre les besongnes en temps & lieu, pource qu'avec le temps, les affaires se changent, laissant tristes &

*L'Occa-
sion.*

repentans ceux qui n'ont peu s'en seruir à temps. L'image de l'Occasion estoit donc ainsi faicte: Vne femme se tenoit debout sur vne rouë, ou bien sur vne boule, ayant ses longs cheueux pendās sur le front, de maniere qu'elle auoit la nuque decouuerte & denuee, elle auoit des ailes aux pieds, comme on peint Mercure, & avec elle on representoit vne autre femme toute triste & dolente. Phidias auoit faict autrefois vne telle image: lon en lit vn Epigramme d'Aufone, où l'Occasion est descripte, comme i'ay dict, accompagnée de la Penitence: car quiconque laisse passer la bonne occasion qui se presente, en quelque chose que ce soit, il n'a autre chose à faire, que se repentir & plaindre de soy mesme. Les Grecs ont appelé tēps opportun l'Occasion des Latins, & en ont faict vn Dieu nommé Cærus, qui vient de *καρπὸς*, signifiant opportunité du temps, comme Pausanias escript aussi, faisant mention que les Eleens auoient consacré à ce Dieu vn autel, & qu'un certain Poëte ancien, en vn sien hymne, l'appelle le plus ieune de tous les enfans de Saturne. Le Dieu Cærus des Grecs, & l'Occasion des Latins estoient donc vne mesme chose, duquel Cærus Posidippe fait vn epigramme, en descriuant son image, d'où Aufone a parauanture prins l'argumēt du sien, quand il depaint l'Occasion: car ils sont du tout semblables, hormis que Posidippe met d'auantage vn rasoir en la main de son Cærus, & Aufone donne à sa Deesse la Penitence pour compagne. Callistrat aussi excellent sculpteur fait le Dieu Cærus en forme d'un homme ieune, en

ne, en son aage florissât, beau, & agreable, par ses cheveux esparpillez au vent, & par tout le reste, comme Posidippe le descript bien à propos. Il nous faut donc estre attentifs & prompts à mettre les mains sur les choses, quand l'Occasion nous les montre: car elle se destourne incontinent, & montre les talons à ceux qui n'ont sçeu l'empongner par les cheveux qui luy pendent sur le front. Les Scythes monstroient quasi le semblable, en l'image de leur Fortune: car comme Quint Curce recite, ils la faisoient bien sans pieds, mais ils luy mettoient des ailes entour les mains, desquelles elle donne & presente les biens, mais d'une si grande legereté, qu'à peine vn autre a tendu la main, pour les prédre, qu'elle s'en est desia volée. D'auantage, combien que la Fortune aucunes fois se ioigne à nous, elle ne permet neantmoins que nous luy touchions les ailes, pource qu'elle veut reuoler, & s'en aller à son plaisir: & s'en reuolle, sans beaucoup tarder, car elle ne se peut arrester, & les felicités qui viennent d'icelle ne durent gueres. Parquoy, comme Alexandre Napolitain escript, aucuns la faisoient de verre: car comme le verre se casse & brise aisement, les faueurs de la Fortune sont aussi peu durables. Ce neantmoins, les anciens ne laissoient pas de se fier tant en elle, qu'ils la vouloiét tousiours auoir avec eux, principalement les princes & les Empereurs, lesquels en leur cabinets & chambres plus secretes, auoient tousiours la statue doree de Fortune, laquelle ils adoroient comme chose sainte, & la portoient toutes les fois qu'ils alloient de-

*La Fortune
de des Scy-
thes.*

*Fortune de
verre.*

*L'image
de Fortune
avec les Em
pereurs.*

hors. Pour ceste cause Spartian escript, que l'Empe-
reur Seuere arriué à l'extremité de sa vie, voulut
auoir deux de ces saintes statues de Fortune, à fin
que chacun de ses enfans, qui estoient deux, en eust
vne, pour l'accompagner tousiours: mais n'y pouuât
entendre, pource que le mal le pressoit trop, il com-
manda, en mourant, que lon mist tour à tour, la sain-
cte image de Fortune, en la secrette chambre de ses
enfans, vn iour, à l'vn, & l'autre iour, à l'autre, comme
vn signe de l'egalle diuision de l'Empire entre eux.
Antonin Pie Empereur, selon que le mesme Spar-
tian dit, se sentant proche de la mort, commanda que
la statue doree de Fortune, fust portee en la chambre
de Marc Antoine, qui fut vn certain signe de l'Em-
pire à luy transferé par l'Empereur, qui se mouroit,
sans dire autre chose, pour estre successeur d'icelluy:
Pausanias escript que les Eleens en Grece, auoient
faict vn temple à la Fortune, auquel estoit vne sienne
statue de bois, fort grande & toute doree, horsmis
les mains & pieds, qui estoient de marbre. Il parle
encores de quelques autres statues de Fortune, fai-
tes par les Grecs, en diuers lieux, mais ie n'en diray
rien icy, pource qu'elles n'ont aucune chose plus
notable que ce qui a desia esté dict. Je parleray bien
de celle qui estoit en Egire, ville d'Achaie, encores
que i'en parle aussi en l'image d'Amour. Elle estoit
faicte en ceste maniere: Elle auoit d'vn costé, la cor-
ne d'abondance: de l'autre, le Dieu Cupidon: ce qui
signifioit, comme Pausanias l'interprete, que peu sert
aux amoureux d'estre beaux, gaillards & gentils, s'ils
n'ont



ont la Fortune avec eux, ce qui semble denoter
 qu'il faut auoir en amour la bonne Fortune, aussi
 bien qu'en autres choses : à quoy il faut adiouster,
 qu'il faut que la Fortune porte quant & soy la cor-
 ne d'abondance, sans laquelle, elle ne seruira pas beau-
 coup à amour, à cause du cœur auare de la femme,
 qui ne regarde ny à beauté, ny à vertu, ny à gentil-
 lesse

*Fortune
 ayde à l'a-
 mour.*

*Cartari a-
dresse son
propos aux
femmes, au-
tremet qu'à
point.*

*Aduertisse-
ment.*

*Contre les
femmes a-
uares.*

leſſe, mais ſeulement aux riches preſens. Parquoy
peut on dire aſſeurement que quiconque aura or,
argent, & pierres precieufes, qui ſont preſens de For-
tune, demonſtrez par la corne d'abondance, ſera bien
heureux en amour. Pardonnez moy, femmes, car le
zele de voſtre honneur me contraint maintenant de
parler à vous en ceſte maniere, à cauſe de la perte
que i'ay ſenty deſia beaucoup de fois, pour voz aua-
res deſirs. Auez vous point de honte (ie parle ſeule-
ment aux mauuaiſes) de vous vendre ny plus ny
moins que les beſtes ſe vendent? & ſi vous ne demeu-
rez, comme les beſtes, au pouuoir de qui vous ache-
pte, retournant à vous, de maniere que vous pouuez
vous donner ores à l'un, & ores à l'autre, ſelon le prix
qui vous eſt offert, voſtre renom demeure à iamais
en proye au deſhonneur, blaſme & honte. Si vous
me dites, Vault il pas autant que nous ſoyons impu-
diques, par le prix, que par l'amour ſeulement? nous
perdons d'une maniere & d'autre, noſtre honneſte-
té, laquelle vous autres hommes auez reſerree entre
tresbriefs tourmens, de maniere que ſi nous voulõs
demeurer entre cecy, amour ne ſera pour nous: com-
ment voulez vous donc, que par amour, nous nous
mettiõs puis apres, à faire voz plaiſirs? Le vous reſpõ-
droy qu'il y a quelques œuures, leſquelles n'eſtans
de ſoy trop bonnes, reduittes neantmoins à leur fin,
par le moyen de la vertu, contentent ceux qui les
font, & ſont auſſi le plus ſouuent louees: au contrai-
re qui faiët mal, ne contente ſoymeſme, eſtant caché,
& quãd il ſe manifeſte, il ne trouue aucun qui le loue:
l'amour

l'amour est vertu, & l'auarice est vn vice. Ce que vous faites donc par amour, outre ce qu'il ne trouble vostre esprit qui sçait que vous auez fait vertueusement, est loué aussi de quiconque le sçait: mais ce qui vous tire à vn desir auare, vous eguillonne tousiours, & iamais ne vous donne repos, parquoy vous sentez tousiours vn tel remords, qui vous dict, Pourquoi as tu fait mal? Et quand les autres le sçauent, de gentiles & nobles, vous deuenez contemptibles & infames, & souuent le nom d'honneste damoiselle se change en impudique putain: ce qui n'aduindra iamais de celle qui par amour agree à son amant: * car on appelle putains seulement celles, qui font plaisir pour argent & salaire. Vostre honnesteté n'est pas si estroittement bornee, comme paraissant aucunes de vous pensent, que l'amour vous soit defendu, ains il vous est donné cōme vostre propre: car vous ne vous seruez gueres de vous mesmes, sans l'homme; & comment vous accosterez vous de l'homme, au plaisir de tous deux, si amour n'y est, qui vous lie ensemble? On ne vous oste dōc pas amour: mais sçauiez vous que lon vous defend de faire tort à amour, comme font plusieurs, qui viennent à faire marché de ce qu'elles deuroient faire pour luy. Ainsy, non par amour, ny vaincues de la fragilité humaine, choses qui couurent & excusent bien noz fautes, elles se iettent entre les bras de ceux qu'elles semblēt aymer: mais pourquoy? elles sont trop auares, & leur semble, que s'abandonnans à plusieurs, pour auoir de plusieurs, elles pourront mieux assouuir leurs de-

* Ceste maxime n'est telle que l'auteur la dist.

Tout ce discours est de Cartari, & entièrement indecent à la modestie d'un cœur vertueux ayant la pudicité.

Conseil pernicieux.

sirs auaricieux. Et pour ceste cause, celuy qui a de quoy donner, peut aisement iouir d'icelles. A cause d'icelles donc, Amour est ioinct à la Fortune, tenant la corne d'abondance, & monstre aussi leur peu de fermetté : car les femmes auares ne sont pas moins muables en amour, que la Fortune, à l'image de laquelle ie retourne, & vous laisse, vous autres femmes, en voz honteuses fautes, promettant de dire un iour, tous les biens du monde, de celles qui sont eslongnées de telles choses, de maniere que parauanture, elles en feront cas. Parquoy outre tous les desseins faicts iusques icy de la Fortune, ie trouue qu'aucuns l'ont depainte sur la mer, faisant voile, entre les ondes troublees : aucuns l'ont mise sur la pointe d'un haut rocher, ou d'un mont, de maniere qu'elle tourne à tous vents. Ie pense que ces peintures la sont modernes, car ie ne trouue point que les anciens en aient fait mention, comme a esté pareillement celle que recite Girald, escriuant des Gentils, où il dit, Aucuns de nostre temps, par vne fort belle inuention, ont fait la Fortune à cheual, qui s'en court legerement, & le Destin la suit avec l'arc & la fiesche pour la frapper. Ceste peinture demontre la legereté de Fortune, qui ne s'arreste iamais, ains court tousiours, chassée du Destin : car la Fortune n'a point de lieu où gist le Destin. Apulee la faict vne mesme chose avec Isis, quand il feinct, qu'estant d'Asne retourné homme, le prestre dit ainsi de la Deesse: Tu es maintenant sous la garde de Fortune, non de celle qui est aueugle, mais de celle qui voit, & donne lumiere aux autres

autres Dieux, par sa splendeur. Nous pouuons dire, qu'il vouloit entendre de la bonne Fortune, souz le nom de laquelle Macrobe a entendu la Lune montrée par Isis, comme il a desia esté dict en son image: *Fortune pour la Lis- ne.* car ceste la peut beaucoup es corps d'icy bas, lesquels sont suiets à diuers accidens de Fortune, & se changent continuellement. Mettans donc la Lune & la Fortune ensemble, comme estans vne mesme Deesse, de laquelle vienne la naissance & la fin des choses, nous pourrons dire que Pausanias ne s'est point trompé, quand il dit qu'aisement Pindare luy feroit croire, que la Fortune fut vne des Parques, ayant beaucoup plus de pouuoir que ses sœurs. Combien qu'il me semble que les Parques s'accordent beaucoup mieux avec le Destin, qu'avec la Fortune: car il est certain & arresté, comme elles sont immuables, tandis que filans la vie des hommes, elles assignent à vn chacun, le temps déterminé de la mort. Mais que sert cela aux images? rien. Laissons le donc, & parlons du bon Euenement, c'est à dire, de l'heureux succès des entreprinſes: car les Romains en auoient la statue au Capitole, avec celle de la bonne Fortune, comme Plinẽ escript, en forme d'vn ieune homme ioyeux, & bien vestu, tenant en sa main droite vne tasse, & en la fenestre vn espic, & du pa-uot. Avec la Fortune va aussi la Faueur, qui fut pareillement adoredẽ par les anciens, pource qu'il semble qu'elle vienne le plus souuent d'elle, encorẽ qu'elle vienne souuentesfois de la beauté, & souuent de la vertu, brief toutes les choses qui nous rendent

agreables a autrui, nous acquerent faueur, qui nous enorgueillit souuent: car tant plus heureusemēt succedent les affaires aux hommes, tant plus ils s'esleuent, & se fians aux ailes de la faueur humaine, ils montent par dessus les autres, iusques à ce que la rouë vienne à tourner, au moyen dequoy, ils trebuchent, & sont puis apres autant melprizez, qu'ils



estoyent

estoyent reuez premierement. Parquoy, que chascun se garde de trop se fier en ceste legere Faueur: car elle passe incontinent, comme son image nous demonstre, laquelle estoit d'un ieune homme, ayant des ailes, ou soit pource que par les choses prosperes & ioyeuses, il se leue tant en hault, qu'il ne daigne plus regarder en bas (& pourtant a il esté dict aueugle, pource qu'il semble que les hommes ne regardent plus à personne, ou bien peu, depuis qu'ils sont esleuez aux grands honneurs) ou pource qu'il ne s'arreste gueres avec nous, mais passe incontinent, & pourtant il auoit les pieds sur vne rouë: attendu qu'il imite la Fortune, tournât comme elle, & allant tousiours où elle porte de ses biens, se monstrant neantmoins tousiours timide, pource qu'à toute heure il veut monter plus haut qu'il ne luy est conuenable, poussé de l'Adulation, qui l'accompagne tousiours: & derriere ceste Faueur va aussi l'Enuie, à pas tardifs & lents, laquelle regarde tousiours de trauers la Felicité d'autrui, qui ne la craint point. Car ceste la estoit pareillement adoree des anciens, appelée par les Grecs, Macarie, qui fut, comme dit Euripide, & Pausanias le recite, fille d'Hercule, & acquit les honneurs diuins, pource que l'Oracle ayant répondu aux Atheniens, qu'ils pouuoient estre victorieux de certaine guerre, que les Lacedemoniens leur faisoient, par les fils d'Hercule, si quelque'un d'eux se tuant soy mesme, s'offroit aux Dieux d'Enfer, aussi tost qu'elle entendit cela, elle se couppa la gorge, & fit de soy la miserable offrande, & gangnea la victoire pour

Fortune timide.

Macarie.

les Atheniens, lesquels pour ceste cause l'adorerent depuis, comme ceux qui auoient esté victorieux & heureux, par son moyen. L'image de ceste Felicité estoit faite par les anciens (comme lon voit en certaines medalles de Iulia Mammea) vne femme, sur vn beau siege, tenant en sa main droite le Caducee, en la fenestre, vne corne d'abondance. On peut dire que le Caducee signifie la vertu, & la corne, les richesses, estant demonstté que les vertuz d'elles mesmes, ny les richesses seules, ne peuuent faire icy l'hōme heureux: qui estoit l'opinion d'Aristote. Car quel le felicité peut estre d'un vertueux, qui se trouue en si grande pauureté, qu'il a faute de toutes choses nécessaires? Au contraire, celui qui est priué de toute vertu, ayant toutes les richesses du mōde, ne se pourra iamais dire heureux, ains sera tres-malheureux, n'ayant rien de ce qui est propre à l'homme. Ceux donc se pourront dire heureux entre nous, selon l'opinion d'Aristote, & comme nous demonstre l'image de Felicité, lesquels sont vertueux & riches, c'est à dire, ayants tant des biens de Fortune, qu'ils puissent prouuoir à leurs affaires, & auoir leurs commoditez. Cebes en son tableau fait la Felicité vne femme assise à l'entree d'une certaine Forteresse, sur vn beau siege, bien parée, toutesfois non trop curieusement, & couronnée de tres-belles & plaisantes fleurs: à laquelle il semble bien que chacun vueille aller: mais ceux la seulement y arriuent, qui cheminent avec la vertu, laissant toutes autres choses arriere: car cestuy cy auoit opinion, comme plusieurs autres deuant luy,

luy, que la vertu seule pouuoit faire l'homme heureux. Ce que nous deuons dire aussi, parlans chreftiennement, & entendans non pas la Felicité que chacun desire temerairement en ce monde, qui n'est pas Felicité, combien qu'elle semble telle, mais celle la, de laquelle les âmes heureuses iouissent au ciel, vraye, immuable & eternelle : à laquelle doit fermement esperer de venir celuy lequel illuminé des trefluifans rayons de la bonté diuine, fait tout le chemin de ce monde en la compagnie de la foy, foulant le sec & sterile terroir, avec les pieds de charité.

C V P I D O N.

LA plus commune de toutes les affections de noz cœurs, n'est pas la plus belle, ny ayant plus grande force, que celle qui se void non seulement estre en nous, mais aussi au Dieu eternel (combien qu'en luy soit seulement vne pure substance, non pas affection ny passion) aux anges, & en tous les ordres des heureux, en chacun des elemens, & en toutes les choses qui en sont creees. Ceste affection, appelée Amour, oste toute laiddeur des esprits humains, & en ceste maniere les fait deuenir tant beaux, que puis apres ils osent bien se presenter deuât la beauté eternelle, où estans tous remplis de ioye, & de plaisir infiny, ils iouissent des fructs desirez de leurs amours. Cest Amour fait deuenir les superbes, humbles : les irez, paisibles : il resiouit & reconforte les affligez & desolez : il donne hardiesse auz craintifs, & ouure les
mains

mains closes à l'insatiable avarice. Cest Amour a puis-
 sance sur tous les plus puissans Rois : il surmonte les
 grâds Empereurs, brief il se fait obeir de toutes per-
 sonnes. Parquoy, il ne se faut pas esmerueiller, si les
 anciens le mettoient entre leurs Dieux, pource que
 n'estans encores illuminez de la lumiere de verité, ils
 donnoient aux creatures ce qui se deuoit donner au
 Createur de tout, & ne sachans d'où les vertuz ve-
 noient en nous, ils en adoroient plusieurs comme
 Dieux, & leur esleuoient diuerfes statues & images,
 selon les effects d'icelles es cœurs humains, comme
 i'ay desia monsté en vn autre endroit. Je veux seule-
 ment parler d'Amour, selon qu'il estoit depaint par
 les anciens. Ce qui semble aujourdhuy tant manife-
 ste à vn chacun, qu'il n'est besoin d'en escrire, pour
 l'enseigner : car voyant vn enfant, avec vn bandeau
 sur les yeux, l'arc en la main, & vn carquois plein de
 fiesches, au costé, chacun sçait dire, Cestuy la est A-
 mour, mais chacun ne sçaura pas dire pourtāt, pour-
 quoy il est fait ainsi. Quant à moy, ie n'ay seulement
 voulu monstrier en ces miennes images, comme les
 anciens le faisoient, mais aussi en ay-ie voulu don-
 ner raison, selon que ie l'ay peu trouuer es plus di-
 gnes autheurs, qui parlent d'Amour en diuerfes ma-
 nieres, pource qu'ils ont considéré les vertuz d'ice-
 luy diuerfes. Parquoy ils ont dit qu'il n'y a pas vn
 Amour seul, mais plusieurs. Platon en a principale-
 ment estably deux, comme il a fait pareillemēt deux
 Venus : l'vne celeste, de laquelle est procedé le celeste
 Cupidon, & ce diuin Amour, qui hausse l'esprit hu-
 main

*Qu'il n'ya
 vn seul A-
 mour.*

*Celeste Cu-
 pidon.*

main à la contemplation de Dieu, des intelligences separees, que nous appellons Anges, & des choses celestes. Cest Amour demeure aux cieux, comme Philostrate escript, disant que l'Amour celeste, qui n'est qu'un, demeure au ciel, où il a le soin des choses celestes, est pur, net, & tresincere: & pourtant se fait de corps ainsi ieune, tout luisant, & beau, & luy baille on des ailes, pour môstrer que les esprits humains poussez d'un desir amoureux, tendent au ciel, & aux choses qui y sont: comme font aussi ces pures intelligences, lesquelles sont toutes arrâgees sur les cieux, selon leurs degrez, lesquelles se leuent tant qu'elles peuuent, pour voir ceste heureuse face, qui est la fontaine eternelle de toute la beauté, laquelle enuoye en diuerses manieres, de la plus haute partie du ciel, ses rayons, pour prouoquer toutes choses à tendre à elle: & ces raiz sont les flesches aigues qu'Amour descoche souuent. Celuy donc qui considere en l'image de Cupidon, l'Amour diuin, void la purité de cestui-cy, au corps luisant de cestuy la. Et par les ailes, desquelles l'office est de leuer en haut, & porter en l'air les corps, lesquels d'eux mesmes ne se pourroyent pas leuer de terre, il void le sousleuement que fait Amour de noz cœurs, aux diuines beautez: comme par les flesches il peut comprendre les rayons de la diuine lumiere, laquelle nous vient toucher en mille manieres, à fin que nous nous tournions à elle, & que rauiz de sa beauté, nous n'estimions les choses d'icy bas, sinon entant qu'elles nous seruent d'escheles, pour monter au ciel, comme Amour dit bien

Ailes d'Amour.

Flesches d'Amour.

de soy mesme, quand Petrarque l'appelle en iugement en vne sienne chanson:

Encores cestuy la qui tout va surpassant

Pour voler sur le ciel, auoit donné des ailes

Par les choses mortelles,

Eschellons pour monter à leur Facteur puissant.

*Amour
semblable
au Soleil.*

Et pour n'entrer plus auant es affaires de l'Amour diuin, de peur de m'eslongner trop de mon propos, ie diray seulement qu'il est comme le Soleil, qui espand les rayons par l'vniuers, & attire & fait reuerberer en soy, les autres rayons, s'il touche d'auanture les corps purs & luisans. Et comme le Soleil reschauffe tout, ainsi Amour enflamme les cœurs desquels il s'accoste, au moyen dequoy, ils se tournent d'un desir enflammé aux choses celestes. Parquoy a on donné à l'image d'Amour, le flambeau allumé pour demonstrier l'ardante affection, de laquelle nous suiuiōs les choses aymeés, desquelles nous receuons plaisir continuel, parlant neantmoins seulement des diuines. Nous considerons du flambeau d'Amour, ce qui luit seulement, ce qui est resplendissant, & agreable à voir, non pas ce qui ard & brusle, pource qu'il fait mal & est fascheux: ce qui est cōforme à l'Amour des choses terriennes, qui ne donne iamais aucun plaisir entier, sans quelque tourment, mais ioinct en ceste maniere l'un à l'autre, comme au flambeau, sont ensemble la splendeur, qui delecte, & la flamme qui tourmente en bruslant. Ceste a esté l'opinion de Petrarque, qui escrit que les Poëtes, Sculpteurs & Peintres ont feint que Cupidon porte en main le flambeau

beau ardāt, pource que la lueur du feu est fort agreable : mais ce qui brulle, est grief & tref-fascheux. Ce qu'il a prins parauanture, avec les autres, de Platon, qui escrit en son Timee, qu'Amour en nous est meslé de plaisir & douleur. Cest Amour nasquit de Vulcan, & de l'autre Venus, que Platon appelle commune, mōdaine & terriēne, & pourtant est il vulgaire, terrien & plain de lasciuete humaine, comme les fables l'ont feint. Parquoy Seneque, en la Tragedie Octaue, le descript en ceste maniere,

L'erreur des hommes feinct Amour estre vn oiseau,

Vn Dieu cruel armé d'un horrible flambeau,

Ioinct à son arc sacré: luy donne en main des fleches,

Pour faire es cœurs humains infinité de breches,

En le croyant yssu de Venus & Vulcain.

Vne force de cœur est cest Amour humain,

Vne vigueur d'esprit, s'engendrant de ieunesse,

De superfluité, de plaisir & paresse.

Il est entretenu au milieu des esbats,

Et des biens de Fortune: il est soudain en bas,

Perdant force & vigueur, estainct, si d'auanture

Toufiours ne luy donnez sa propre nourriture.

Ouide pareillement a estably deux Amours, quand il dit,

Mere des deux Amours,

Las ! donnez moy secours.

Car nous aymons en deux manieres : bien, quand nous appliquons nostre cœur aux bonnes choses : & nous aymons mal, quand nous suiuous ce qui est mauuais. Et comme lon appelle cestui-cy vn Amour

*Compte de
Melete &
de Timago-
re.*

deshonneste & laid, cestuy la est aussi appellé beau & honneste. Aucuns veulent que de ces deux enfans de Venus, l'un soit Amour seulement, qui enflamme noz cœurs à suiure quelque chose, & que l'autre s'appelle Anteros, que nous pouuons dire Cōtre-amour, pource que les effects d'iceluy sont totalement contraires à ceux de l'autre, de maniere que par iceluy nous fuyons les choses, nous les desaymons, & auons en haine. Mais quiconque croit ainsi, s'abuse grandement: car lon adoroit Anteros, non pource qu'il faisoit desaymer ou haïr, mais pource qu'il punissoit quiconque n'aymoit pas, estant aymé, comme on lit en Suidas, lequel fait ce petit compte. Il y auoit à Athenes vn appellé Melete, ou Melez, lequel aymoit trefardamment vn tresbeau & noble ieune homme, fort riche, qui se nommoit Timagore. Cestuy cy non moins hautain que beau, monstroït ne faire cas de Melete, en autre chose que de luy commander choses tres dangereuses, que le pauvre Melete faisoit neantmoins treshardiment, pensant par ce moyen acquerir la faueur de l'aymé ieune homme: mais le tout luy succeda autrement: car tant plus Timagore se sentoït aymé & seruy d'iceluy, tant plus il le mesprisoit: à raison dequoy, l'infortuné Melete, ne pouuāt plus supporter les peines d'amour, vaincu de desespoir, se ietta du plus haut de la forteresse, en bas, & se tua: dequoy il sebla que Timagore fut si esmeu de pitié (ne voulant parauanture la iustice d'amour, que la mort de Melete demeurast sans vengeance) que le pauvre ieune homme s'en alla vistemment se precipiter

precipiter au mesme endroit, & mourut cruellemēt. Pour ceste cause fut mise là vne statue d'un tres beau ieune homme tout nud, lequel tenoit deux coqs fort beaux, & se iettoit en bas, la teste la premiere. Nous pouuons donques dire que c'estoit vn chastiment, qui venoit d'Anteros, comme Pausanias declare plus apertement, racontant quasi le semblable en ceste maniere. Il y auoit à Athenes vn autel consacré à Anteros, par vœu (comme on dit) des estrangers, & pour ceste occasion, Melez, ou Melete, ieune homme Athenien, ne faisant compte de Timagore qui l'aymoit grandement, luy dist vn iour, tout indigné, qu'il s'ostast de deuāt luy, & qu'il s'en allast se rôpre le col. Timagore ne se souciant plus de viure, & voulāt complaire en tout à celuy qu'il aymoit tant, se laissa choir du haut d'un certain rocher, & se tua miserablement. Melete se repentant de sa presumption, receut de cela vn si grand desplaisir, qu'un peu apres il se precipita pareillement, & eut vne mesme fin que son amant. Parquoy fut dict qu'Anteros auoit fait la vengeance de Timagore, & pourtant luy fut consacré l'autel que i'ay dict. Anteros donc estoit vn Dieu, qui punissoit quiconque n'aymoit estant aimé, & qui ne faisoit pas desaymer ou haïr : nous pouuons dire qu'il n'est autre chose que l'amour reciproque : ce que Porphyre confirme, escriuant d'iceluy en ceste maniere : Venus auoit enfanté Cupidon, il y auoit desia long temps, quand elle s'apperceut qu'il ne croissoit aucunement, mais demouroit tousiours petit, comme il estoit nay, & ne sachāt comme prou-

voir à cela, elle en demanda conseil à l'Oracle de la Deesse Themis, lequel respondit, que Cupidō estant seul, ne croistroit iamais, & qu'il luy falloit faire vn frere, à fin que l'amour fust mutuel entre eux, & qu'à l'heure Cupidon croistroit autant qu'il seroit de besoin. Venus aioustant foy aux parolles de l'Oracle, incontinent apres enfanta Anteros, & ausi tost qu'il fut nay, Cupidon commença à croistre, estendre les ailes, & cheminer hardiment, & se trouue l'auanture des deux, telle que peu souuent, ou iamais, l'vn n'est sans l'autre: & si Cupidon void qu'Anteros croisse, & deuienne grand, il se veut monstrier encores plus grand, s'il le voit petit, il deuiant pareillement petit, combien qu'il le fasse bien souuent par despit. L'Amour croist donc, quand il est en vne personne, qui ayme semblablement: & quiconque est aymé, doit pareillement aymer: ce que les anciens monstrent par Cupidon, & par Anteros. Pour ceste cause les Eleés, peuples de Grece, en certain endroit de leurs escholes, mettoient l'vn & l'autre, à fin que les escholiers eussent souuenance de n'estre ingrats enuers celuy qui les aymoient, mais aymassent mutuellement, comme ils estoient aymez. Il y auoit donc deux images ou statues de petits enfans: desquels l'vn estoit Cupidon, tenant en sa main vne branche de palme, l'autre, Anteros, lequel s'efforceoit de la luy oster, & ne pouuoit neantmoins, pour monstrier que quiconque respond en amour, ne doit aymer moins que celuy qui ayme le premier, & pour ceste cause Anteros s'efforce d'oster la palme de la main d'Amour. Duquel

quel Ciceron parlant, pour flatter son amy Atticus, comme Laſtance recite, & quaſi pour gaudir avec luy, dit que les Grecs eſtoient d'un grand conſeil, & d'un aduiſ fort hardy, de mettre deuant les yeux des ieunes gens, là où ils ſe deuoient exercer es choſes vertueuſes, l'image de Cupidon, d'autāt qu'elle peult les induire aux plaiſirs & laſciuetez, que tous les anciens diſoient venir de Cupidon, pluſtoſt que les enflammer aux vertuz. A quoy les Romains voulans d'auātūre remedier, ne mettoient ſeulement Amour en leurs Academies, & où les ieunes gens s'exerçoient, mais auſſi Mercure & Hercule, de maniere que la ſtatue de Cupidon eſtoit au milieu des deux, pour le monſtrer vertueux & raiſonnable: car Hercule denotoit la vertu, & Mercure, la raiſon. Athenee eſcript que les anciens Philoſophes eſtimoient Amour eſtre vn Dieu fort graue, & eſloigné de toute laideur, cōme lon peut cognoiſtre par ce qu'ils mettoient la ſtatue d'iceluy avec celles de Mercure & d'Hercule, l'un pour l'eloquence, l'autre pour la vertu & force, de la compagnie deſquels procede amitiē & concorde. Les anciens auoyent bien auſſi l'Amour, qui faiſoit deſaymer & mettre en oubly tout le bien, qu'autruy ſe vouloit, & s'appelloit Amour Letheen, ou bien oubliuieux, duquel la ſtatue, qui plongeoit ſes ardans feux au fleue, pour les y eſtindre, eſtoit au temple de Venus Erycine: dont Ouide faiſt mention, & dit, que tous les ieunes gens alloiēt là preſenter leurs deuotes prieres, deſirans oublier leurs amoureuſes, & ceux pareillemēt qui s'apperceuoient

*Mercurē
& Hercule
au c. Cupi-
don.*

uoient d'auoir mal aſſis leurs amours. A quoy les Grecs auoient vn meilleur remede: car ſans prier autruy, ils ſe lauoiẽt ſeulement en la riuierẽ Selene, qui n'eſt pas loin de Patra, ville d'Achaye, & ils oublioyent, tant hõmes que femmes, toutes les amours deſquelles ils ne ſe vouloiẽt plus ſouuenir. Mais Pauſanias qui raconte cela, dit que c'eſt vne fable, & que ſ'il eſtoit vray, les eaux de ceſte riuierẽ ſeroiẽt eſtimees plus que toutes les richeſſes du monde. Plinẽ fait mention d'vne certaine fontaine, appellee de Cupidon, au païs des Cyziceniẽs, de l'eau de laquelle quiconque beuuoit, oublioit incontinent toute affection amoureuſe. Mais ſi Cupidon n'eſt autre que l'affectueux deſir que nous mettons aux choſes,

Plusieurs Amours. l'Amour ne ſera vn ny deux, ains ſe trouueront pluſieurs Amours, comme les Poetes eſtablirent, leſquels, ſouz leurs fables, expriment ſouuent les forces, diuerſes paſſions & affectiones de noz cœurs. Ils ont dict qu'il y a pluſieurs Amours, comme Alexandre eſcript, en ſes problemes, pource que nous n'aymons pas tous vne meſme choſe, ny en vne meſme maniere, mais chacun ayme diuerſement, & ſouuent diuerſes choſes: ce qui ne ſe pourroit faire, ſ'il n'y auoit qu'vn Amour ſeulement. Les anciens en fai-

Amours. gnoiẽt donc pluſieurs, qu'ils faiſoiẽt tous petits enfans tresbeaux, avec des ailes, & leur bailloient en main, aux vns quelques petits flambeaux ardans, aux autres des fleſches poignantes, & aux autres des fermes liens, comme Properce monſtre tresbien, eſcrivant à ſa Cynthie, en ceſte maniere:

*Hier apres soupper, ma lumiere Cynthia,
 N'ayant de seruiteurs aucune compagnie,
 Me promenant de nuict, d'auanture ie voy
 Une troupe d'enfans se presenter à moy,
 Que ie ne peu compter, à cause de la crainte:
 Aux uns ie voy des feux, pour me donner attainte,
 Autres auoient des traiçts, & les autres enfans,
 Pour me rendre captif, preparent des liens.
 Ils estoient tref-tous nuds, & celui de la bande
 Tenu le plus lascif, toute à l'heure commande,
 Et dit, Empongnez le: vous le cognoissez bien.
 Ayant dict, aussi tost i'en au col le lien.*

Philoftrate pareillement en ses peintures dit, qu'il y a plusieurs Amours, & les fait estre enfans des Nymphes, comme fait Claudian aussi, quand il escript des nopces d'Honorius & de Marie, lesquels gouvernent les mortels, pource que lon trouue pareillement beaucoup de choses que ceux cy ayment. Il en fait vn beau tableau, qui est tel, selon ce que i'en ay peu tirer: Il y a vn tresbeau iardin, remply de plaisans arbrisseaux, plantez d'vn tel ordre que de tous costez ils monstrent aux regardans vne spacieuse voye, toute couuerte d'herbe tref-fresche, tant molle & delicate, que lon ne sçauroit se coucher sur aucune autre plus propre & agreable. Des branches de ces beaux arbres pendent des fruiçts iaunes & luisans, qui semblent d'or, ausquels les Amours tous nuds se tournent, & volent treflegerement à l'entour, ayās attaché aux arbres leurs carquois dorez, plains de poignantes sagettes, & quelques draps de diuerfes

*Peintu-
res des A-
mours.*

couleurs sont là iettez sur l'herbe bigarree de diuerses fleurs. Les cheueux dorez seruent aux Amours de ghirlandes, & les plumes de leurs ailes ne sont pas toutes d'une mesme couleur: mais aucunes sont rouges, aucunes iaunes, & autres de couleur azuree. Et d'entre eux, quatre des plus beaux, sont escartez des autres, desquels deux se iouent, & s'entreiettent des pommes, tour à tour: les deux autres se tirent des sagettes l'un contre l'autre, & ne se monstrent neantmoins au visage, aucunement courroucez, ains chacun d'eux presente sa poitrine nue, à fin que les traits ne donnent en vain, mais qu'ils bleffent là où ils sont dressez. Ces choses la monstrent le commencement d'Amour, & la confirmation d'iceluy mesme: car les deux qui se iouent avec des pommes, donnent commencement à l'Amour, & pourtant se void que l'un baise la pomme, & la iette, & l'autre leue les mains pour la prendre, faisant signe qu'il la baisera aussi, quand il la tiendra, & qu'il la renuoyera pareillemēt. Et de là Suidas a parauanture prins ce qu'il escript, que ietter vne pōme à vn autre, est l'inuiter à Amour. Parquoy Virgile en vne sienne pastoralle, fait ainsi dire à Dametas,

Galathea, la pucelle lasciue,

Pommes me iette, & à fin que la suyue,

A la saulxaye elle tost se retire,

Et que la veisse, au parauant, desire.

Les deux autres puis apres, qui se descochent leurs traits confirment l'Amour desiacommancé, cōme, le faisans penetrer iusques dās le cœur. Ceux la donc se iouent

iouent pour commancer à aymer, ceux cy se tirent des fleches, à fin que l'Amour se confirme & perseuere. Apres il y a vn Lieure souz vn arbre, qui mange des pômes tombees à terre, auquel les Amours donnent la chasse, & l'espouuantent, l'un en frappant des mains, l'autre en criant, & l'autre secouant l'habit qui estoit à terre. Aucuns volent dessus, & le harassent, aucuns s'en vont tout bellemēt apres, & autres se lancent, cōme se voulās quasi ietter dessus. Mais le Lieure se tourne d'autre costé, où l'un des Amours est en aguet, pensant le prendre avec les mains, par le pied, & vn autre qui l'auoit desia quasi empongné, se le voit sortir de la main : dequoy puis apres ils se prennent à rire tous si fort, qu'ils ne se peuuent tenir debout, de force de rire, mais se laissent choir à terre, l'un de trauers, l'autre à bouchons, & l'autre à l'enuers. Ce neantmoins, personne d'eux ne veut mettre ses fleches en besongne, & voudroient bien tous que ceste beste fust prinse en vie, pour en faire apres, vn tres agreable sacrifice à Venus, comme luy estant le Lieure fort conuenable: car on dit qu'il est fort luxurieux & ardent à l'acte Venereen : & pour ceste cause tandis qu'il nourrit ses petits, il en fait tousiours d'autres, & tousiours s'emplit le ventre, de maniere qu'il engendre & produit son fruiet en tout temps, comme Pline escript, & si ne cognoist lon le masse, d'entre la femelle, & croit on qu'ils ont tous la vertu du masse & de la femelle. D'auantage, le mesme Pline dit, qu'aucuns ont pensé que la chair de Lieure peust rendre plus beau & gracieux que deuant, qui-

Lieure conuenable à Venus.

conque en mangeoit par sept iours:& il aiouste, qu'il pense bien, que ce n'est qu'une folie, & neantmoins que lon peut penser, qu'il y a quelque raison, puis que chacun croit ainsi. De là Martial à prins argument de rire & gaudir d'une sienne amye, nommee Gellia, luy escripuant cest epigramme,

*Si quelquesfois, Gellie, tu commandes
Que lon m'apporte. Un Lieure, tu me mandes
Que ie seray par sept iours entiers, beau:
S'il est ainsi, onques de Lapereau,
Ny de Leuraut, ma mignonne Gellie,
Tu ne mangeas, aucun iour de ta vie.*

Et pource qu'Alexandre Seueré auoit accoustumé de manger souuent du Lieure, quelque vn par certains vers, se mocqua de luy, comme Lampridius escript, disant que combien qu'il fust Syrien de race, il ne se falloit pourtant esmerueiller s'il estoit beau & gracieux, veu que la chair de Lieure, qu'il mangeoit volontiers, le faisoit tel. D'auantage s'est trouué qui a dict, qu'il y a ie ne sçay quoy au Lieure, dont se peuvent faire enchantemens amoureux. Philostrate, qui recite cela, ne dit pas. qu'il n'est rië de cela, mais blasme ceux qui le font, & iuge ceux la indignes d'estre aymez, qui veulent se faire aymer par force, en ceste maniere, & en cest endroit finit son tableau: auquel il me semble que les Amours sont bien depeints: & pour ceste cause ie l'ay icy tiré & représenté, à fin que lon voye, qu'il y a plusieurs Amours, tous petits enfans nuds, avec les cheueux crespes & blons, & les ailes de diuerses couleurs: ayans aucunesfois
les

les flambeaux ardans en la main, aucunesfois, non: aucunesfois, l'arc, & le carquois, avec les sagettes, & aucunesfois estans destituez de telles choses. Parquoy Silie Italique descriuant comme les Amours accompagnoient Venus, quand elle alla avec Pallas & Iunon, au iugement, deuant Paris, donne à l'vn seulement l'arc & les fleches, & fait que les autres sont à l'entour d'elle, pour l'orner & parer. Les vers d'iceluy sont tels:

*Lors le beau Cupidon, qui attendu auoit
Le temps du grand discord, de sa main gouuernoit
Les Cygnes blancz conioincts au beau char de sa mere:
A qui monstrant son arc, seulement pour luy plaire,
Et son petit carquois, garny, pour son honneur,
De traictz, signe luy fit qu'elle n'eust point de peur
De n'obtenir victoire, & qu'elle en fust certaine.
Des autres Amoureux, chacun gay se demaine
A l'entour de son corps: l'un de trousser est prompt
Sa cheueleure d'or de dessus son beau front,
L'anellant par plaisir: l'autre sa robe pare:
Vn autre, puis apres, tout gaillard, se prepare
De luy faire seruice en ce qu'elle a besoin.*

Quand Apulee fait comparoir Venus sur l'eschafaut, accompagnee des Amours, il dit qu'ils sont petits enfans tresblancs, lesquels descendent du ciel, ou bien sortent de la mer; avec les ailes aux espaules, les fleches & la trouffe au costé, & les flambeaux en la main. Et pour monstrier la multitude d'iceux, il dit en vn autre endroit, qu'un peuple d'Amours accompagnoit Venus, pource que les desirs humains sont

*Liens des
Amours.*

*Amour le
plus ieune.*

*Amour ten-
dre & mol.*

Ate.

quasi infiniz, & que lon ayme autant que lon desire, ne confiderant gueres si c'est bien ou mal, mais prenant garde seulement à contenter tout nostre desir, encores qu'il soit desordonné, & contre la raison, de laquelle Amour ne fait point de cas, tandis qu'il s'amuse entierement aux plaisirs lascifs : & pour ceste cause, il nous lie tellement, que nous demourons en sa puissance : ce que les liens qui luy sont donnez, nous demonstrent. Mais parlons maintenant d'un seul Amour, nous le representans, selon que les anciens nous en ont laissé l'exemple. Platon en son banquet, faisant qu'Agathon louë Amour, & monstre, comme il est fait, dit ainsi, Amour est tresbeau, pource qu'il est le plus ieune de tous les Dieux. Et qu'ainsi soit, il le demonstre, parce qu'il fuit tousiours la vieillesse, combien qu'elle soit fort soudaine, & qu'elle vienne souuent plustost, qu'il ne feroit de besoin, il l'a naturellement en haine, & se tient entre les ieunes gens, selon le prouerbe qui dit, que les choses semblables volontiers se tiennent ensemble. Il est puis apres, tendre & mol : ce qui se prouue en la maniere qu'Homere prouue Ate auoir les pieds tendres & mols : *ἀτῆ*, est vne voix Greque, que nous pouuons dire Calamité : mais Homere la feinct vne Deesse, fille de Iupiter, laquelle trouble les esprits des hommes, leur suggerant mal au cœur : il dit qu'elle le chemine par dessus les testes des hommes, qu'elle ne foule iamais la terre avec les pieds, à raison dequoy elle les a mols & tendres. Ainsi donc Amour est pareillement tendre & delicat, pource qu'il ne chemine

chemine jamais ny sur terre, ny sur rochers, ny par aucun lieu qui soit dur & aspre: mais il se fourre entre les plus molles & delicates choses du monde, & demeure là. Ces choses sont les cœurs humains, en tous lesquels neantmoins il n'habite pas, mais en ceux la seulement, qui sont plaisans & gentils, & fuit les cœurs farousches & durs: la durté est tantressongne de luy, qu'il est quasi liquide comme l'eau: car sans cela, il ne pourroit pas aller, comme il fait, rechangeant entierement le cœur, ny entrer en iceluy secretement, & en sortir, quand il luy plaist. D'auantage, Amour a vn corps tresbien fait, & tant bien composé en toutes ses parties, que la beauté d'iceluy surpasse toutes les autres, à raison dequoy il y a grande discorde entre la laideur & luy: il a en toute sa personne vne couleur tant belle & agreable, que rien plus. Dequoy fait foy, ce qu'on le voit souuent, & quasi tousiours demeurer entre les fleurs, de maniere qu'il ne reside jamais aux lieux qui en sont destituez, & pourtant sont priuez d'iceluy tous les cœurs & corps despourueuz des fleurs de ieunesse & beauté: car Amour ne veut demeurer qu'aux lieux beaux, fleuriz, odoriferans & agreables. On pourroit alleguer plusieurs autres choses de la beauté d'Amour, mais Platon n'en dit pas d'auantage, pour l'heure, & pouuons recueillir d'iceluy, qu'Amour est ieune, tendre, mol & delicat, bien fait de corps, & ayant tresbonne couleur. Apulee l'a mieux depeinct par le menu, au compte de Psyche, quand il dit que contre le commandement receu de luy, elle demeure avec vne lanterne

*Amour
entre les
fleurs.*

lanterne en la main, à fin de le regarder, & le void en tel poinct, qu'il a la doree cheueleure toute molle, à cause de l'ambrosie esbandue dessus le col tresblâc, les iouës colorees semblables au pourpre, & ses beaux cheueux retors & frisez en diuerſes manieres, pendans en partie sur les éſpaules, en partie sur son beau viſage, tant luisans, qu'ils ne laissent apparoir, & obscurcissent la lumiere de la lanterne, qui est dessus. Il a sur les éſpaules deux ailes couuertes de tresfresche roſee, desquelles les legeres plumes, encores qu'elles tiennent bien, attaintes & touchees d'un vent tres-gratieux, se mouuent legerement, & puis tout son corps est tant poly & luisant, que Venus ne se doit pas repentir de l'auoir enfanté, l'arc, le carquois & les fleches sont là à terre, deuât le liêt. Apulee ne luy bande point les yeux, ou pource qu'il n'en étoit beſoin, puis qu'il dormoit à l'heure, ou pource qu'il tient le party de ceux là, lesquels ne le font pas aueugle, comme Petrarque, quand il eſcript qu'il l'a veu aux yeux de ſa dame, diſant ainſi:

Aueugle non, mais bien, aueques ſon carquois,

Je le voy, nud, ſi n'est que la honte le voile,

Garçon non peinct, mais viſ, ayant vne double aile.

Moschus, Poète Grec, le fait pareillement avec les yeux luisans, & enflammez, quand il feinct que Venus le va cherchant, laquelle le depeinct entierement, à fin que quiconque le trouuera, le recognoissant, le prenne, & le luy rameine, promettant puis apres, pour vn tel plaisir, vn baiſer, voire meſmes plus grande recompense. Telle chose est faicte Latine du Grec

de Mo

de Moschus par Politian, & se voit traduite aux œuvres d'Amadis Ianin en ceste maniere:

Amour fugitif.

*La Cyprienne à longs crus appelloit
Son fils Amour, qui vagabond voloit,
Qui ça, qui là d'une aile passagere
Se desroboit, mauuais fils, de sa merex
C'est mon fuitif: qui me l'enseignera,
Baïser Venus son salaire sera:
Mais si quelqu'un garreie me l'amcine,
Vn nud baïser ne payera sa peine,
On peut cognoistre aisement ce garçon
Par maint signal, à luy voir le facon:
Sa chair n'est blanche, ains à du feu semblable:
Son œil aigu, de flamme espouuantable:
Il a, malin, le parler attirant
De sa pensee (&) du cœur differant:
Le miel sucré destrampe sa voix douce,
Mais asprement, reuesche, il se courrouce
Quand une fois, il se sent irrité.
Iamais, trompeur, il ne dit verité,
Ains en iouant, à mal faire il s'applique,
Et sur chacun sa ieunesse pratique.
Il a la teste espaisse de cheueux,
Le front hautain, impudent, orgueilleux:
Petite main, toutes fois bien à craindre
Qui peut fort loin, bien que petite, atteindre.
Iusques là bas, dedans l'Enfer gloton
Son coup certain a sceu vaincre Pluton.
Son corps est nud, mais sa double pensee
Est bien couuerte, (&) bien entrelacee.*

Il est ailé, car ainsi qu'un oiseau
 Va voletant de rameau en rameau:
 Deçà delà vers les hommes il vole,
 Et non moins qu'eux, les femmes il affle.
 Souz l'estomac son vol se va nicher,
 Et bien souuent on ne peut l'arracher.
 Son arc petit, petite est sa sagette,
 Et toutesfois iusqu'au ciel il la iette.
 Le long du dos pend son carquois doré,
 De traits amers & poignans ramparé,
 De qui souuent plain de rigueur extreme,
 Cruel, ingrat, il traueise moymesme.
 De son flambeau petit, mais nonpareil
 Il va brusler iusqu'au ciel le Soleil.
 Quiconque soit qui le prendra, le lie,
 Et n'ait pitié, quoy qu'il lamente & crie:
 Mais garde bien que de luy, si rusé,
 Mesme en riant ne se trouue abusé.
 Si de baisers il veut faire caresse,
 Fuy son baiser, de peur qu'il ne te blesse:
 Dessus sa leure un venin est semé.
 Que s'il te dit, le veux tout desarmé
 T'abandonner les armes, de quoy i'ay se,
 N'y touche point, tous ses presens refuse:
 Tous ses presens sont affinez au feu,
 Et qui les prend, en est tousiours deceu.

Ce dessein touche vne bonne partie de la force &
 effects d'Amour: & pour ceste cause le fait de cou-
 leur rouge, & quasi enflammé par tout le corps: &
 de là Petrarque parauanture a prins exemple, quand
 il l'a

il l'a mis sur vn char en feu, le faisant triompher, disant,

Vn garçon nud dessus vn char de feu monté,

Auecques l'arc en main, & les traits au costé.

Ce qui monstre le desir ardent des amoureux, lequel accompagné de l'esperance se rallume & s'enflamme tousiours plus, comme Alexandre dit en vne sienne demande qu'il fait, Pourquoi il aduiant aucunesfois que les extremittez du corps des amoureux sont froides, & aucunesfois chaudes: & veut que la crainte & l'esperance soyent cause de tout cela. Car comme le cœur soit le siege & la fontaine de la vie, qui espend par tout le corps les esprits, qui luy donnent force & viuacité, toutes les fois qu'il est oppressé de quelque douleur, tant s'en faut qu'il puisse enuoyer aucune vigueur aux parties lointaines, que mesmes il retire à soy celle qu'il auoit desia enuoyee, pour estre plus forte à supporter la douleur qui l'opprime. Qui est-ce qui souffre plus grãde douleur q̃ celuy qui craint de ne pouuoir obtenir, ce qu'il desire tant, au moyen dequoy il ne puisse iamais receuoir aucune lieffe? Il ne se faut donc pas esmerueiller, si les extremittez du corps d'iceluy sont froides aucunesfois. Elles deuiennent chaudes en apres, quand il espere auoir ce qu'il desire: car le cœur, de grande ioye qu'il reçoit à l'heure, s'ouure quasi, & se dilate, & enuoye aux parties eslongnees les lignes de sa ioye, qui sont esprits trefuifs, lesquels reschauffent tout le corps, & le rendent coloré, comme nous disions n'agueres d'Amour. Combien qu'aucuns veulent que la rougeur aux

*Rougeur
aux amas.*

amans vienne pluſtoſt de la honte, comme ſi l'eſprit ſachant qu'il ſe ſepare de l'honneſteté & vertu, quâd il s'applique aux plaiſirs du corps, les deſirant ſeulement, ſe vouloit cacher:& pour ceſte cauſe, voulant couvrir,comme d'un voile coloré la partie en laquelle il ſe monſtre le plus, la rougeur luy monte au viſage. Les autres parties de Cupidon, avec toutes ſes beſongnes, ſont ainſi interpretees par Seruie, là où Virgile fait que Venus le prie de ſe transformer en Aſcanius, quand il doit eſtre mené deuant Didon. On depeint Amour vn petit enfant, pource qu'il n'eſt autre qu'un fol deſir, tandis qu'il s'applique à laſciueté: car le propos des amoureux eſt auſſi imparfaict que celui des petis enfans. Ce que Virgile demonſtre en Didon, quand il dit,

*Expoſition
d'Amour.*

*Elle commence à parler quelquesfois,
Et luy deſaut, au beau milieu, la voix.*

Il a puis apres des ailes, pour monſtrer la legereté des amans, qui ſont preſts à changer de volôté, comme lon peut voir en la meſme Didon, laquelle dedans Virgile, penſe de faire mourir celui qu'elle ay-
moit tant du commencement. Terence a bien monſtré le peu de conſtance & fermeté des amoureux, quand il dit, Ces maux ſont tous en Amour, iniures, ſoupçons, inimitiez, trefue, guerre, & puis apres la paix. Parquoy Petrarque, apres auoir racompté pluſieurs & diuers effectſ amoureux, conclud en ceſte maniere,

*Brief, ie ſçay bien comment eſt des amans la vie
Inconſtante, legere, & craitifue, & c hardie,*

Sentani

Sentant beaucoup d'amer, avec vn peu de doux.

Amour porte des fleches, ou pource qu'elles sont pareillement legeres, & ne vont tousiours frapper où elles sont dressées, comme nous auons dict des amoureux, qui sont fort prompts à changer de volonté, & ne peuuent tousiours arriuer à ce que plus ils desirent, ou bien pource que, comme elles sont aigues & poignâtes, ainsi les pointures de la cōscience, apres le peché, nous transpercent l'ame, laquelle apres le faict, cognoist qu'elle a mal faict. Ou bien, par les sagettes d'Amour, est entendue la promptitude de laquelle il descend au cœur des hommes: car l'homme, d'un regard seulement, sans quasi s'en appercevoir, demeure aucunesfois tant enflammé de la beauté d'autrui, qu'il pense estre desia tout en feu. Ce que ie pense auoir voulu monstrier celuy, qui fit Cupidon avec le fouldre en la main, & ne sçait on pas qui estoit cestuy là, comme Pline escript. Alcibiades le portoit en son escu: il y en auoit aussi vn semblable à Rome, en la court d'Octaue, qu'aucuns ont dit auoir esté faict depuis par Alcibiades, lequel le portoit ainsi en son escu, voulant monstrier en ceste maniere, la beauté d'iceluy, pour ce qu'il estoit tres-beau: comme voulant signifier que tout ainsi que Iupiter, auquel appartient proprement le fouldre, est plus grand que tous les autres Dieux, il surpassoit aussi en beauté, de beaucoup, tous les autres hommes. Mais on peut dire aussi, & parauanture mieux, qu'il luy a semblé qu'un flambeau ne monstre entièrement la force de l'ardeur amoureuse: & pourtant

Force d'Amour.

il a mis le fouldre en la main de Cupidon, attendu que le fouldre ard les choses, qui se bruslent aise mēt, mais ausi les enflamme soudain, ausquelles vn autre feu ne s'attacheroit pas si tost, rompt & despece tout ce qu'il trouue, tant dur soit il, & passe d'vne admirable vistesse, en tout lieu. Ces choses sont bien conformes à la force d'Amour, lequel se prend soudain à vn gentil cœur, rompt & despece les durs & obtinez, & penetre d'vne legereté merueilleuse, tout ce qu'il veut, comme dit Properce en vne Elegie, en laquelle il depeint Amour en ceste maniere,

*Celuy n'est il d'un esprit fort scauant,
 (Quiconque soit) qui fit Amour enfant?
 N'auoit il pas la main industrieuse?
 Il vid l'amant, en sa peine amoureuse,
 En premier lieu, viure sans aucun sens,
 N'ayant soucy de perdre de grands biens,
 Par fois poussez des ondes orageuses,
 A tref-bon droit fit des ailes ventouses
 Au Dieu volant dedans le cœur humain:
 Car nostre vent change d'huy à demain.
 Sa dextre, à tort, puissante n'est armee
 D'un traict poignant, d'une fleche amorcee:
 Et à bon droit le carquois Gnosien
 Luy pend au col: car lon sent le coup sien,
 Deuant que, seurs, nous voyons l'aduersaire.*

Je trouue ausi Cupidon aucunesfois peint en autre maniere, qu'avec l'arc, comme on voit en Pausanias, lequel escriuant de Corinthe, dit que là, dessus le temple d'Esculape, en vne certaine petite chappelle ronde,

*Cupidon
avec Fortu-
ne.*

ronde, estoit Cupidon fait de marbre blanc, par Paulias : qui auoit ietté l'arc & les fleches, & tenoit vne lyre en sa main. Et iceluy mesme parlant d'Achaye, dit, qu'en Egire, ville de ce país la, se trouuoit vn certain petit temple, où il vid Cupidon à costé de Fortune, pour monstrier qu'elle peut aussi beaucoup aux affaires d'Amour: combien que de soy mesme, il puisse bien tant, qu'il dompte toutes les plus obstinees volontez, rompt tout cœur endurcy, humiliant les plus superbes & hautains, qui volontiers se presentent, en apres, aux liens amoureux. Archesilaus parauanture a voulu monstrier cela, lequel pour ceste cause a esté fort loué de Varron : comme Plinie escript, combien qu'aucuns disent qu'il l'a loué non pour ceste raison, mais pour le bel art, & le grand iugement, qu'il monstra en la sculpture, quand d'vn morceau de marbre, il fit vne Lionne, avec laquelle les Amours se iouoyét, desquels aucuns la tenoiét lice, aucuns luy bailloient vne corne, & vouloient qu'elle beust dedans, la contraignans de ce faire, & quelques autres monstroient qu'ils la vouloient fouler aux pieds. Entre tous les animaux, le Lyon est le plus furieux, & dit on que la Lyonne est encores beaucoup plus cruelle & furieuse, & pour ceste cause elle fut faite par Archesilaus, pour mieux exprimer la force des affections amoureuses, que les Poëtes ont aussi fort bien demonstrees, quand ils ont feint, que Mars s'esgayé & prend ses plaisirs entre les bras de Venus, de laquelle l'image, avec celle des Graces & des Heures, qui alloient tousiours quant & elle, a esté

*Cupidon
vainqueur
de Pan.*

esté par eux ioincte à celle de Cupidon, à fin que le
fils ne soit point sans la mere, & que la mere ait qui
l'accompagne entre ces miennes images, aussi bien
qu'elle auoit du temps des anciens. Pourautant dōc
qu'Amour est si puissant, il a esté dict vaincre tout,
comme n'ayant aucun autre qui luy soit egal en for-
ce : & pourtant les fables feignent qu'il a aussi vain-
cu autresfois le Dieu Pan, qui l'auoit premierement
prouoqué. Ce qu'estant rapporté aux choses natu-
relles, signifie que quand la nature ayant fait toutes
choses, demostree par le Dieu Pan, commancea à
exercer son œuure, elle commancea aussi à prendre
plaisir en ce qu'elle faisoit, de maniere qu'estant quasi
raue de l'amour de ses œuures, elle a tousiours taf-
ché & tasche de les orner le plus qu'elle peut. Par ce
plaisir & deléctation Nature donques vint comme à
prouoquer Amour, lequel fut si puissant qu'il se l'af-
suiettitt en sorte, qu'elle fait seulement ce qui luy
plaist. De là vient la concorde des elemēs, contraires
entre eux, à la generation des choses, & les ames, se-
lon les Platoniciens, descendent aussi, par le moyen
d'Amour, du ciel icy bas, es corps humains, ayans
desia, par le moyen d'iceluy, conceu vne certaine af-
fection & desir d'iceux, ny plus ny moins qu'elles
remontent puis apres au ciel, quand despouillees
entierement de l'amour terrien, elles retournent ay-
mer les choses celestes, tant seulement. Et pource
que les contemplateurs des choses celestes ont dit,
qu'il y auoit au ciel deux portes, par lesquelles pas-
soient les ames humaines, descendans du ciel en ter-
re, &

re, & retournants de la terre au ciel, estant ceste la dite la porte des Dieux, & ceste cy, des hommes : Orphée vouloit qu'Amour eust les clefs de ces portes, de maniere que sans luy, on ne peult passer par icelles : & pour ceste cause, si on le representoit avec des clefs en la main, lon en pourroit bien rendre raison. Mais Amour n'a pas esté tousiours si puissant, qu'au-



cunesfois vn autre n'ait eu plus de pouuoir & puissance que luy, comme Aufone demonstre en vne sienne fiction, laquelle ie veux mettre icy, pour mettre par les tourmens, peine & croix d'Amour, fin à l'image d'iceluy, me vengeance en ceste maniere, puis que ie ne peux faire autre chose, de mille iniures, qu'il m'a faictes, & faict tous les iours. Car ne n'est pas prédre petite vengeance de qui fait mal, raconter les peines d'iceluy, & le mespris que lon en fait: & semble que lon soit consolé, en se souuenant, que ceux la ayent esté en tres-grands dangers, lesquels ont esté & sont tousiours cause de l'ennuy & trauail d'autrui.

*Amour
tourmenté.* Aufone fait donc que Cupidon, sans y penser, volle où sont les ames, lesquelles au moyen d'Amour, ont miserablemēt laissé la vie, & qu'estant prins par icelles, il est lié & comme pendu à vn haut myrte, de maniere que tandis qu'elles proposent diuers tourmēs, Venus vient, laquelle tasche non seulement d'appaiser les ames courroucees à l'encontre de son fils, mais aussi se montre faschee contre luy, & ayant faict quelques verges de roses & fleurs, le bat tant qu'elle peut, de maniere qu'elle incite ces ames à pitié, lesquelles la prient luy pardonner, & elles luy pardonnent aussi, le deslient, & le laissent aller. Ce que ie n'eusse pas faict, mais puis que toutes celles qui le prindrent estoient femmes, il n'en falloit pas attendre moins. Les vers se peuuent voir, traduits en ceste maniere,

*Aux lieux dits par Maron les lamentables champs,
Où de myrtes vn bois cache les fols amans,*

Quelques

Quelques dames d'honneur celebroident leurs orgies,
 Et demonstroident comment, & pourquoy, de leurs vies
 D'elles chacune auoit, d'un miserable sort,
 Fort courageusement fait eschange à la mort,
 Errantes en ce bois, souz une lueur sombre
 Entre certains roseaux, & le pavot, à l'ombre,
 Les estangs endormis, les fleuves non coulans,
 Aux riuages desquels flestrissent defaillans
 Souz l'obscure clarté, les fleurs cy racontées,
 Noms de Rois & d'enfans, autresfois lamentées,
 D'Oebalie, Hyacinth', Narcisse regardeur,
 Crocus au crein doré, Adonis de couleur
 Pourprin, avec Ajax, natif de Salamine,
 Plaint par le mot tragiq', pour sa vertu insigne.
 Toutes ces choses la plaines d'ennuys & pleurs:
 De leur piteuse fin rengregent les douleurs,
 Et leur font retourner le passé en memoire.
 L'accouchee Semele, à qui lon en fit croire,
 Son fruit foudroyant plore, & de srompant, en vain,
 Le berceau embrasé, va euantant soudain
 Du fouldre simulé la paresseuse flame.
 Cherchant le bien en vain, plore la noble dame
 Cornis, ayant iouy du sexe masculin,
 Se voyant retournée au premier feminin.
 Procris ses playes seiche, & ayme, estant atteinte,
 De Cephale la main, de son propre sang tainte.
 La fille de Sestos, qui se ietta dans l'eau,
 D'une tour, porte encoi son clair-fumeux flambeau:
 Du Roc nuageux est, la masle Sappho preste
 De sauter en la mer, ayant par la sagette

Lesbienne à mourir: Eriphyle en ennuy
 Ne veut d'Harmonia le carquan non fuy,
 En son fils & mary triste & infortunee.
 La fable de Minos, Roy de Crete aeree,
 Comme painte se void, souz un subtil semblant,
 Et Pasiphæe suit les pas du taureau blanc.
 Le ploton de fil porte Ariadne delaissee.
 L'amante d'Hippolyt' Phedre desesperee
 Voit des miseres bas: elle tient un lien
 Ariadne, le pourtra: Et manie qui n'est rien,
 D'une vaine couronne: & Une triste honte
 De l'art Dedalien, Pasiphæe surmonte,
 Ayant este enclose en la vache de bois.
 Laodamie rend une plaintifue voix
 D'avoir perdu deux nuicts (de vains plaisirs suivie)
 De son mary deffunct, & de luy mesme en vie.
 Cruelles, autre part, les glaines nuds en main
 Tysbe, Didon, Canace ont horreur, mais en vain:
 De son hoste Didon tien l'espee aduersaire:
 Tysbe, de son mary: Canace, de son pere:
 Errantes ça dela, comme iadis faisoit
 La Lune a double corne, à lors qu'elle vouloit
 Que son Endymion, par les monts de Latmie,
 Dormist, pour le baiser, comme loyalle amie,
 Avec son teinct d'argent, & diademe estoille.
 Cent autres en ce lieu, de leur cœur affolle
 Les playes meditants des Amours anciennes,
 Nourrissent leurs tourmens de douce- tristes peines.
 Entre icelles Amour, volant au beau milieu,
 Escarta, indiscret, l'ombre noire du lieu

De son

De son aile bruyante, & lors toutes cognurent
 L'enfant, & du passé se souuenans s'esmeurent:
 Elles sentirent bien le commun malfaieteur.
 Et combien qu'à l'entour, la nuageuse humeur
 Offusquast ses crochez dorez, son feu, sa trouffe,
 Il fut bien recognu: toutes d'une secousse,
 Une vaine vigueur commencent d'employer,
 Et serrent l'ennemy ne pouuant bien voler
 Au lieu non frequenté, souz une nuit espaisse:
 Il est prins, & tiré au milieu de la presse,
 Voulant fuir en vain, tout tremblant & esmeu.
 En la triste forest, le Myrte tant cogneu
 Est choisi, où se fait la vengeance diuine:
 Là autres fois auoit l'iree Proserpine,
 Tourmenté Adonis, d'elle ne faisant cas,
 A fin d'aymer Venus. Ces dames, de ce pas,
 Ayans lié Amour, pieds & mains par derriere,
 Sans moderer la peine en aucune maniere,
 Ny regarder ses pleurs, à l'arbre l'ont pendu:
 Amour est accusé & coupable rendu
 Sâs crime & iuge aucun. CHACUN se veut absoudre, „
 Pensant de son meffaiet se releuer & soul dre, „
 Le iettant sur autruy: chacune met auant „
 Et presente le fer & glaiue là deuant,
 De leur corps meurtriers, pour armes suffisantes.
 Ceste vengeance est douce, estans toutes contentes
 De punir leur douleur, par le propre moyen
 Et marque de leur mort: l'une tient un lien:
 L'autre du fer trenchant monstre l'espece vaine:
 L'autre les creuses eaux, & la roche inhumaine:

Des flots enfilez la peur, & sans ondes la mer.
 Là aucunes lon void de leurs flammes s'armer,
 Et menacer, sans feu, de flambeaux qui petillent:
 Myrrhe son ventre fend, dont les larmes distillent
 Elanceant contre Amour tremblant, du tronc pleureux,
 En se vengeant de luy, son ambre precieux.
 Souz couleur de pardon, aucunes aux iniures
 Ont seulement recours, à fin que de poinctures
 Faictes d'un fer aigu, lon tire le sang vif,
 Qui de la rose a faict le pourpre tant naif:
 Ou que les feuz ardans s'approchent de son einne.
 Or ja mere Venus, que semblable erreur meine,
 En ce trouble suruiet, pour mieux le manier,
 Redoublant la terreur de son fils prisonnier:
 De tref-vifs eguillons elle anime ces dames
 Qui douteuses encor, bruslent de viues flames.
 En crime de son fils, elle propose là
 Son propre deshonneur, & mesmes ne cella
 Qu'il a souffert le reth subtil de son mary,
 Surprinse aueques Mars: & reproche qu'est ry
 Priape d'Hellespont, à cause de la forme
 De son membre honteux, de grandeur tant enorme.
 Elle met en auant son fils Eryx cruel,
 L'Hermaphrodit my-homme, & d'un front nompareil
 De propos tant amers, elle n'est pas contente:
 De roses elle bat son fils qui se lamente,
 Craignant pire tourment: de roses le troussseau,
 A force de frapper sur le Cupidonneau,
 De son corps a tiré la vermeille rosee,
 Laquelle deuant tainte, ores plus embrasée

A receu la rougeur. De là sont mises bas
 Les menaces, excez, cruautez & débats:
 En la mere a lon veu plus grande la vengeance,
 Que le crime commis: ce qui fait qu'elle offense,
 Les Dames sont pour luy, & chacune ayme mieux
 Attribuer sa mort au Destin impiteux.
 La mere pitoyable à lors les remercie,
 De leur grande pitié, d'auoir remis la vie
 A son fils, pardonnant le mal qu'il a commis.
 Aux figures de nuit & tels phantosmes souz-mis
 Travaillent le repos, par une crainte vaine:
 Mais en fin, Cupidon, apres une grand' peine,
 Eschappe de ce lieu, & ayant escarté
 Du Somme paresseux la triste obscurité,
 De ce lieu nebuleux avec telle memoire,
 S'en volie au ciel, passant par la porte d'yuire.

V E N U S.

D E V A N T que ie montre l'image de Venus, ie
 veux faire vn dessein de la nature d'icelle, qui seruira
 beaucoup à cognoistre la raison de plusieurs choses
 que ie diray apres, en icelle. Venus donc, selon les fa-
 bles, estoit la Deesse de volupté & luxure, comme si
 elle eust enuoyé au cœur des hommes, des desirs &
 affections desordonnees & lasciuies, & aydé à auoir
 le desiré accomplissement. Pour ceste cause, on la fai-
 soit mere d'Amour, car il ne semble pas que iamais
 homme & femme se ioignent ensemble, sans cestuy
 la, & les anciens, outre Hymenee & Iunon, luy don-
 noient

*Deesse de
 Luxure.*

*Venus selon
les natu-
rels.*

noient aussi la charge & le soing des nopces, qui se font, à fin que s'en ensuiue la conionction charnelle, pour auoir lignee. La beauté estoit pareillement donnee en garde à Venus, pour la pouuoir donner & offer, comme bon luy sembloit. Mais selon les choses naturelles, signifiees en diuerses manieres, souz le nom de ceste Deesse, elle demonstre ceste vertu cachee, par laquelle tous les animaux sont tirez au desir d'engendrer. Parquoy ceux qui veulent que l'ame humaine descende du ciel en noz corps, & passant de ciel en ciel, tire de chacune sphere, plusieurs affectations particulieres, disent qu'elle tire de Venus l'appetit de concupiscence, qui l'induit à luxure, & aux desirs lascifs. Aucuns font aussi, conformans les fables aux choses naturelles, que Venus, Iunon, la Lune, Proserpine, Diane, & quelques autres, soyent vne mesme & seule Deesse, neantmoins souz tant de diuers noms, à cause de tant de vertuz diuerses, qui viennent d'icelle, comme lon verra par plusieurs desseings de son image, commençant à sa naissance.

*Naissance
de Venus.*

Car les fables portent qu'elle nasquit de l'escume de la mer, en laquelle Saturne auoit ietté les genitoires qu'il auoit couppé au Ciel son pere. Plusieurs ont exposé cela, & plus clairement que les autres, Leon Hebreu, en ses dialogues d'Amour. Les anciens voulans donc monstrier que Venus estoit prouenuë de la mer, la representoient, en paincture, sortant de la mer, dedans vne grande conche marine, ieune & belle, autant qu'il estoit possible de faire, toute nue, & faisoient aussi, qu'elle prenoit son plaisir à nager par

par la mer. Parquoy Ouide regardant à cela, le fait ainsi dire à Neptune,

J'ay aussi quelque affaire icy entre ceste onde,

Voyant que j'ay esté dedans la mer profonde

Vne escume autre fois, de laquelle ie sui

Venus, ayant le nom qu'encor j'ay auourd'huy.

Car elle est appelée des Grecs *Ἀφροδίτη*, Aphrodite, de l'escume, qu'ils appellēt d'une voix quasi semblable à ceste la. Virgile pareillement fait que Neptune respond ainsi à elle, quand elle le prie qu'il vueille appaiser la tempeste de la mer, de laquelle son fils Enee auoit desia esté tant tourmenté,

Aphrodite.

C'est bien raison que tu ayes fiance

En mon royaume, où tu as prins naissance.

Parquoy entre les autres statues qui estoient au temple de Iunon, au país des Eleens en Grece, comme Pausanias escript, y en auoit vne de Venus, laquelle sortant de la mer estoit recueillie de Cupidon. Aucunesfois lon faisoit, au lieu de Venus, vne tres-belle femme, avec vne conche de mer en main, & vn chapeau de roses sur la teste, pource que les roses sont propres à ceste Deesse, comme ie diray puis apres, quand i'en donneray la raison. La coquille marine montre tousiours que Venus est nee de la mer, soit qu'elle la tienne en la main, soit qu'elle ait les pieds dedans. Combien qu'aucuns veulent, que d'autant que la conche marine, au coït venerien, s'ouure & se montre entierement, elle a esté donnée à Venus, pour monstrier ce que lon fait en la conionction Venerienne, & aux plaisirs amoureux: ausquels, ou soit

*Coquille
marine donnée
à Venus.*

que la partie du ciel, à laquelle elle est suiecte, le vou-
lust ainsi, ou soit que la nature des habitans fust telle,
il sembloit que l'isle de Cypre fust merueilleusement
addonnee: & pour ceste cause ceux de Paphos, ville
de ceste isle, disoient que Venus sortant de la mer,
fut premierement veüe d'iceux, à raison dequoy ils
l'adoroient en tref-grande reuerence. Ils auoient vn
temple dedié à icelle, où sa statue n'estoit faite com-
me les autres, en figure humaine, mais estoit vne cer-
taine chose ronde, & large au fonds, qui se venoit
à estresir peu à peu en hault, dequoy ne semble,
comme dit Corneille Tacite, que lon puisse donner
aucune raison. Ce neantmoins ay-ie souuenance d'a-
uoir leu, que ceste figure represente le nombril du
corps humain, & est donnee à Venus, pource que
lon estime que la volupté & luxure commāce & soit
aux femmes, en ceste partie. Mais quand cela seroit
ainsi, que dirons nous en apres de la statue de Iupiter
Ammonien, lequel en vn certain lieu d'Egypte estoit
pareillement faict ainsi? comme lon peut voir en son
image. le croy que ceste figure cōtenoit en soy quel-
que mystere, que ceux qui la firent premierement,
n'ont pas voulu dire, ou pour donner à penser à ceux
qui viendroiēt apres eux, ou pource que telle a touf-
iours esté l'opinion des plus anciens, que c'estoit bien
faict, de cacher les affaires de la religion, ou bien les
mōstrer en sorte, qu'elles ne peussent estre cogneues,
sinon de ceux qui y mettoient vne trefgrande peine,
pour les entendre: leur semblant que par ce moyen,
elles deuoient estre plus respectees de tous, comme

i'ay dict ailleurs. On donna puis apres à Venus, comme aux autres Dieux, vn char, sur lequel, outre la cōche marine, elle alloit & en l'air, & par la mē, & où il luy plaisoit. Combien que Claudian, faignant qu'elle va aux nopces d'Honorius & de Marie, fasse que Triton la porte sur sa coulante eschine, en luy faisant ombre de sa queue renuersee. Et pource que chacun des Dieux a ses propres animaux, qui tirēt son char, celui de Venus est tiré de tres-blanches colombes, comme Apulee dit, car ces oiseaux, sur tous autres, semblent luy estre conformes, & pourtant sont ils appelez, les oiseaux de Venus, pource qu'ils sont fort lascifs, & se ioignent tout le temps de l'annee ensemble, & dit on que le pigeon n'a iamais affaire à la colombe, qu'il ne la baise premieremēt, comme font les amoureux. Les fables portent que le colomb estoit fort aymé de Venus, pource que la Nymphe Peristera, autresfois beaucoup aymee d'icelle, auoit esté changee en cest oiseau. D'auantage Elian monstre que les colombes estoient consacrees à Venus, de ce qu'en Erix, mont de Sicile, estoient celebrez certains iours de feste, que les Siciliens appelloient iours du passage, pource qu'ils disoient qu'en ces iours la, Venus passoit en Lybie, & pour ceste cause, ne se voioit à l'heure, en tout ce pais, vne colombe, comme estans routes allées accompagner leur Deesse. De là à neuf iours, s'en voyoit vne tresbelle reuoler de la mer de Lybie, qui n'estoit pas faite comme les autres, mais estoit rouge, comme dit Anacreon, que Venus est, où il l'appelle pourprine : & derriere

Chars donnez aux Dieux.

Colombes oiseaux de Venus.

ceste colombe, venoient les troupes des autres colombes. A ceste cause, ceux du mont Erix, à cause du retour d'icelles, celebroident ces iours la, & ceux qui estoient riches, faisoient de somptueux & magnifiques festins, comme Athenee recite. Les Cygnes tiroient aussi le char de Venus : car Horace, Ouide, & Statius l'escriuent ainsi, ou pource que cest oiseau,

Cygnes donnez à Venus.



est tres

est trel-innocent, & qu'il ne fait mal à personne, ou à raison de la douceur & gracieuseté de son chant, car il semble que le chant serue de beaucoup aux lasciuetez & plaisirs amoureux. Lon faisoit ceste Deesse nue, pour monstrier, comme aucuns veulent, ce à quoy elle est tousiours preste, à sçauoir les lascifs embrassemens, & pource que nous en iouïssons mieux nuds, que vestuz, ou bien pource que quiconque va apres les plaisirs lascifs, demeure souuent despouillé & priué de tout bien, perdant les richesses que les lasciuues femmes emportent, affoiblissant son corps, & tachant son ame d'une telle laiddeur que rien ne luy demeure de beau. Ou bien lon faisoit Venus nue, pour donner à cognoistre que les larcins d'amour ne peuuent estre cachez, & que s'ils le sont vn peu de temps, ils se descouurent à la fin, auenant bien souuent, qu'ils se monstrent à l'heure, que lon y pense le moins. Parquoy soit que l'excellent sculpteur Praxiteles eust esgard ou à l'un ou à l'autre, il fit à ceux de Gnide vne Venus toute nue de marbre trel-blanc, tant belle, que plusieurs nauigeoient en Cypre, seulement induits du desir de voir ceste statue, de laquelle on lit que quelqu'un s'enamoura si fort, que n'ayant esgard à aucun danger, ny mal qui luy en peust aduenir, il se cacha vne nuit, au temple où elle estoit, & l'embrassant, serrant & baisant, avec toutes les plus delicates caresses que lon a coustume de faire aux belles filles, il accomplit son amoureux desir, dont puis apres demeura tousiours vne certaine tache, à vn costé de la belle statue. Venus nouë par la

*Pourquoy
Venus estoit
nue.*

*Statue
merueilleuse
se.*

mer, dit on, pour donner à entendre, combien est amere la vie des hommes lascifs, agitée continuellement des orageuses ondes, des penſees incertaines, & des ordinaires naufrages. On lit aux hiftoires de Saxe, qu'en ce païs la, ceſte Deeffe eſtoit droite ſur vn char tiré par deux Cygnes, & deux colombes, nue, ayant la teſte enuironnee de fueillages, & en l'eſtomac vne flamme ardante: elle tenoit en la main droite vne certaine boule ronde, en forme du monde, & en la fenestre, trois pommes d'or, derriere elle eſtoiēt toutes les trois Graces, ayans les bras ioincts enſemble, comme il appert cy deſſus en l'image. Il ne ſeroit trop mal aisé de dire, ce que ceſte image ou ſtatue ſignifie: mais puis que Giral, qui en fait mention, où il eſcript des Dieux des Gentils, n'en a dict autre choſe, ie laifferay l'interpretation d'icelle à vn chacū, ſelon ſa fantaſie. Trop bien diray-ie qu'on lit, que le Myrte a eſté donné à Venus, pource que lon croyoit qu'il euſt en ſoy la force de faire naiſtre Amour entre les perſonnes, & de le conſeruer. Plutarque dit que c'eſt vne plante qui ſignifie peu, & pourtant ceux d'entre les Romains, qui menoient quelque petit triomphe, pour auoir vaincū les ennemis avec bien peu de peine, & ſans occiſion, eſtoient couronnez de Myrte, plante propre à Venus, pource qu'elle a en grande haine la violence, les guerres & les diſcordes. Autres diſent que ce a eſté pluſtoſt, pource que le Myrte naiſt heureuſement, & croiſt aux mareſts, & entour les riuages de la mer, où nous auons deſia dict que Venus print naiſſance. A laquelle les roſes furent

*Myrte don
né à Venus.*

furent pareillement donnees, pource qu'elles ont vne gracieuse odeur, qui represente la douceur des plaisirs amoureux, ou bien d'autant que comme les roses sont colorees, & mal aisement se peuuent cueillir, sans sentir les pointures de leurs espines: aussi semble il que la volupté porte avec soy la coustume de faire rougir, toutes les fois que nous auons souuenance de la deformité d'icelle: à raison dequoy nous auons vn remords de conscience de noz fautes commises, & en sentons vne tref-griefue douleur. D'auantage la beauté de la rose, qui dōne plaisir aux regardans, dure bien peu de temps, & flestrit bien tost, comme font aussi les plaisirs amoureux, & pour ceste cause lon mettoit sur le chef de Venus des chapeaux de roses, lesquelles n'ont pas tousiours esté colorees, mais du commencement elles estoient blanches, & depuis furent taintes du sang de ceste Deesse, vne fois que courāt pour secourir son aymé Adonis, que Mars ialoux vouloit tuer, elle asit ses pieds sur les poignantes espines des blanches roses: se fit grand mal, & le sang qui en sortit fut cause que de là en auant, les roses deuindrent rouges. Et combien que ce que ie vay dire, serue peu à depeindre Venus, si est ce que pour estre chose ioyeuse, ie la reciteray, comme Athenée la raconte, disant, Que les hommes du temps passé estoient fort addonnez aux plaisirs lascifs: à raison dequoy ils dedierent vn temple à Venus, l'appellans Callipiga, qui veut proprement dire qu'elle a de belles fesses. Deux filles d'un païsan, ieunes, belles & gracieuses, vindrent à debatre ensemble,

Roses donnees à Venus.

Roses colorees.

Compte plaisant.

Venus Callipiga.

ble, laquelle des deux auoit les plus belles fesses, & ne se pouuans accorder, pource que l'vne ne vouloit ceder à l'autre, elles s'en allerent sur le grand chemin, & y ayans trouué d'auanture vn ieune homme incognu, elles les luy monstrent, à fin qu'il en iugeast, promettant chacune de se tenir à ce qu'il en diroit. Le ieune homme ayant fort bien contemplé la partie litigieuse, iugea que l'aînée auoit les plus belles fesses, & pour ceste cause s'estant enamouré d'elle, il l'emmena en sa maison, ou il auoit vn frere, auquel il raconta le faict, ainsi qu'il s'estoit passé. Ce frere eut enuie de voir ce qui en estoit, & estant allé où son frere luy auoit dit, trouua l'autre sœur, qui estoit toute triste, pource que lon auoit iugé qu'elle n'auoit pas les fesses si belles que sa sœur, lesquelles il se fit monstrier, & elles luy semblerent tant belles, qu'il en fut incontinent amoureux, & consolant la ieune fille, il la pria d'auoir bon courage, & luy dict qu'elle auoit le plus beau cul du monde, contre le iugement de son frere. Il la persuada d'aller quant & luy, ce qu'elle fit volontiers, & en ceste maniere, les deux freres espouserent les deux sœurs aux belles fesses, lesquelles en peu de temps, deuindrent fort riches, & neantmoins ne lit on comment, mais chacun le peut de soy mesme aisement imaginer. Ils firent depuis vn temple à Venus, l'appellant Callipiga, que nous dirons, Venus au beau cul, pource que toute leur bonne auanture estoit venue de ceste partie, laquelle estant belle & aymee en ces ieunes sœurs, chacun peut penser qu'elle deuoit estre en Venus, qui

qui estoit tres-belle en tout son corps, comme Apulee la descript fort bien, quand il la represente sur le theatre, disant qu'elle estoit de tres-beau regard, de couleur plaisante, & montrant quasi toute nue sa parfaite beauté, n'ayant qu'un tres-subtil voile entour son corps, qui ne couuroit, mais seulement faisoit ombre aux belles parties tant agreables, qui sont quasi tousiours cachees: & le gracieux vent soufflant aucunesfois legerement, le haussait vn peu, & l'enflait, à fin que l'on vist la belle fleur de ieunesse, aucunesfois le resserroit tellement contre la chair, qu'il n'apparoissoit quasi plus. Son beau corps estoit tout blanc, de sorte que lon pouuoit bien dire qu'il estoit descendu du ciel: le voile delié estoit azuré, car la couleur de la mer est telle, d'où ceste Deesse est premierement yssue. Les gaillards Amours alloient deuant elle, avec des ardans flambeaux en la main, comme estoit la coustume des anciens, faire que cinq petits enfans, avec feuz allumez en la main, alloient deuant la nouvelle espouse, que lon menoit à la maison de son espoux. D'un costé elle auoit les Graces, de l'autre, les tresbelles Heures, lesquelles avec des chapeaux de fleurs, en mille gayeries manieres, sembloient orner la Deesse de plaisirs. Voila comme Apulee represente Venus, apres laquelle, aucuns autres font aller les Graces, là où il les met à l'un des costez, tenant d'une main Cupidon, & de l'autre, Anteros. Horace la fait ioyeuse & riante, & dit que le Ieu, qui signifie le passe-temps, avec mots pour rire, que les anciens mesmes faisoient de forme humaine, va voltant à l'entour

d'elle , avec Cupidon. Homere l'appelle quasi tousiours Ayme-ris, pource que le ris est signe d'allegresse, qui accompagne la lascifueté. Parquoy entre les choses antiques recueillies par Appian, se trouue seruant à ce propos, vn petit enfant nud, avec les ailes, couronné de myrte, assis en terre, & sonnant d'une harpe, qu'il tient entre les iambes, ayant escript sur la teste, Venus, deuant lequel est vn autre semblable à luy droit sur ses pieds, qui le regarde, tenant des deux mains vne de deux tresses, au bout desquelles est vn beau visage de femme orné d'un linge descendant iusques au milieu des tresses : sur ce chef est escript, *Iocus*, le Ieu, & dessus le petit enfant, Cupidon. Et comme si de Venus venoient aussi bien les honnestes pensees, que les lascifues volôtés, les Romains, par le cōseil des liures des Sybilles, luy vouërēt vn temple, à fin de destourner les cœurs de leurs femmes qui s'estoient abandonnees aux plaisirs, à plus honnestes volontez, & l'appellerent *Verticordia*, pource qu'elle tournoit les cœurs de ces lascifues femmes, comme Ouide escript, à vne vie plus honneste. Ce temple fut parauanture celuy que Marcel fit, apres qu'il eut vaincu la Sicile, quasi vne demie lieuë hors de Rome, à fin que par ce moyen, toute lasciueté fust loin des dames Romaines, tout ainsi que le temple estoit loin des murs de Rome. On lit que les ieunes filles desia grandes y alloient offrir certaines petites figures & popines, desquelles elles auoient coustume de se iouer en leur enfance. Ceste Venus des Romains ressembloit à celle que les Grecs

Grecs appelloient Apostrophie, que nous pouuons dire Aduersaire, pource qu'elle estoit contraire aux deshonestes desirs, & effaçoit des cœurs humains les falles volontez : car ainsi l'a nommee Harmonie femme de Cadme, comme Pausanias escrit. Les Thebains auoient aussi vne Venus celeste, de laquelle venoit ce pur & sincere Amour, qui est du tout es-



longné de la coniōction des corps, vne autre y estoit
 appelee vulgaire & commune,causant l'Amour,du-
 quel vient la generation humaine,& l'excellent scul-
 pteur Scopas l'a faicte autresfois en ceste maniere.
 Elle estoit assise sur vn bouc,& d'un pied fouloit vne
 tortue,comme Alexandre Napolitain recite, & Plu-
 tarque l'auoit desia escript aux remonstrances qu'il
 faict aux maris, & en rend aussi la raison, disant que
 Phidias auoit faict autresfois aux Eleens vne Venus
 qui auoit vn pied sur vne tortue, pour monstrier aux
 femmes, que c'estoit à elles d'auoir le soin de la mai-
 son, & de parler le moins qu'il leur seroit possible,
 pource qu'en vne femme, le taire est iugé vne tref-
 belle chose. Le mesme Plutarque, en vn autre lieu,
 voulant exposer que signifie ceste image, de laquelle
 Pausanias fait mention aussi, dit que les filles doi-
 uent demeurer en la garde d'autrui:mais que depuis
 qu'elles sont mariees, elles doiuent auoir la charge
 du gouuernement de la maison, & se taire, comme si
 les maris deuoient parler pour elles. Car Pline escrit
 que la tortue n'a point de langue: & lisant en iceluy
 mesme, & dedans Elian ausy, la nature de cest ani-
 mal, ie trouue que les anciens sculpteurs ont faict
 vne belle & saincte remonstrance aux femmes, met-
 tās la tortue souz le pied de Venus:car la tortue sçait
 le danger auquel elle se met, quand elle se conioinct
 avec le masle,attendu qu'il faut qu'elle se renuerse, le
 ventre contre mont, & le masle, ayant fait ce qu'il
 veut,s'en va,& la laisse là,ne pouuant se redresser, en
 proye,aux autres animaux,& sur tous, à l'aigle. Pour
 ceste

*Nature de
 la Tortue.*

ceste cause, la tortue, avec vne grande continence, se garde de la conionction Venerienne, & fuyant le masse, prefere sa vie au plaisir lascif, auquel neantmoins puis apres elle est contrainte de consentir, touchee d'une certaine herbe, qui l'enflamme du tout, de maniere qu'elle ne craint plus rien. Les femmes donc doiuent pareillement considerer en quel danger elles se mettent, quand elles perdent l'honneur, & pourtant doiuent euitier les plaisirs charnelz, si elles n'y sont contraintes par le deuoir du mariage, pour auoir lignee. Outre les Graces & les Amours, Plutarque escript, que les anciens auoient coustume de mettre avec la statue de Venus, celle de Mercure aussi, voulans donner à entendre que les embrassemens amoureux ont besoin de doux entretenemens, & de parolles agreables, qui causent souuent & conseruent Amour entre les personnes. Pour ceste cause mettoit lon aussi entre les Graces, qui accompagnoient Venus, celle qui estoit appelee des Grecs *Pitho*, & *Suadela*, des Latins, qui estoit la Deesse de persuation. Ceste Deesse, au temple de Iupiter, au pais des Eleens, en Grece, presentoit vne couronne à Venus, qui sortoit de la mer, & estoit recueillie de Cupidon, comme i'ay dit desia, cy dessus. Ceux de Megare pareillement mettoient la statue de ceste Deesse, au temple de Venus, & le premier qui fit adorer l'une & l'autre aux Atheniens, fut Thesee, comme Pausanias recite, apres qu'il eust congrege en vne ville, les peuples qui estoient espars, parmy les champs. Il y auoit aussi en autres endroits de

*Venus avec
Mercure.*

Grece, des temples de ceste Deesse, par où se void que les anciens l'adoroient aussi, & la mettoient souvent avec Venus: car comme dit Ouide,

*Venus premiere a fait l'homme d'esprit gentil,
De lourdaud, qu'il estoit.*

La premiere eloquence fut des amoureux, lesquels tascherent de persuader à leurs amoureuses, qu'elles se ployassent à leurs desirs, & pour complaire à icelles, ils ont trouué mille belles choses, qui n'estoient au parauant cogneues. Pour ceste cause, les Arcadiens adorans Venus, l'appelloient Machinatrice & Inuentrice, & à iuste cause, dit Pausanias, attendu que par les plaisirs, qui viennent de Venus, les hommes ont trouué diuerfes manieres d'attirer les ieunes filles à leurs volonte, & de mener avec elles ioyeuse vie, car il semble que Venus ayé seulement soucy des choses ioyeuses. Parquoy Iupiter, en Homere, l'aduertit qu'elle se tienne loin des tristes guerres, à l'heure qu'elle vouloit secourir Enee contre Diomedes, qui la bleffa en vne main, pource qu'elles sont propres à Mars & à Minerue, non pas à elle, à qui appartient le soucy des plaisirs amoureux. Ce neantmoins les anciens n'ont pas laissé de faire Venus armee, pource que, comme Lactance escrit, tandis que les Lacedemoniens tenoient Messene assiegee, les Messeniens estans fortiz secrettement, s'en allerent pour saccager Lacedemone, & ruiner tout le país à l'entour, pensans le pouuoir aisement faire, puis que tous les hommes de guerre d'iceluy se trouuoient à ce siege. Mais ils eurent mauuais succès: car

les femmes de Lacedemone, ayans entëdu cela, s'armerent toutes, & estans allees contre les ennemis, non seulement preseruerent la ville & le pais du sac, mais aussi mirent les ennemis en route, & les contraignirent de vuidier le pais. Cependant les Lacedemoniens s'estans apperceuz de la tromperie des ennemis, allerent apres, & pource qu'ils retournoient desia par vn autre chemin, ils ne les peurent rencontrer, mais bien rencontrèrent leurs femmes toutes armees, & pensans que fussent les ennemis, se mirent en poinct de combatre : mais elles se decouurirent à leurs maris, qui les cogneurent incontinent, & s'en allerent soudainement s'embrasser: & pource que le temps ne permettoit à l'heure de trouuer chacun la sienne, ainsi armez qu'ils estoient, chacun prenoit vn peu son plaisir, avec celle qui d'auanture se rencontroit, comme estant cela le plus precieux guerdon, qu'ils peussent donner à ces vaillantes guerrieres pour les recompenser de leurs peines. Parquoy, en memoire de ce faiet, & de l'entreprise de leurs femmes, ils firent vn temple à Venus, avec vne sienne statue armee, de laquelle Aufone fait vn gentil Epigramme, & feinct que Pallas voyant Venus armee, comme elle alloit aussi tousiours, veut derechef debatre avec elle souz le iugement de Paris: mais Venus se moque d'elle, comme temeraire, ayant la hardiesse de la prouoquer à l'heure, qu'elle la void armee, puis qu'elle l'auoit surmontee, lors qu'elle estoit nue. L'Epigramme, en nostre langue est tel,

Pallas voyant Venus estre dans Sparte armee,

Diët,

Dict, Ores debatois, mesme au dict de Paris.

Folle, respond Venus, m'as tu ore en mespris,

Veu que ie t'ay vaincu, quand i'estois desarmee?

On appelloit ausi Venus aucunesfois Victorieuse, ou pour ceste raison, ou pour vne autre : & se trouue qu'en vn certain endroit du pais de Corinthe, se voyoit vne statue, qui presentoit vne Victoire d'une main, & pour ceste cause estoit appelee Nicephore, du mot Grec, qui signifie Porte-victoire, & Pausanias escript, qu'elle fut dediee par Hypermestra, apres qu'elle fut deliuree du iugement, auquel l'auoit constituee & soumise Danaus son pere, pource qu'elle ne luy auoit pas voulu obeir, à tuer son mary, comme toutes ses autres sœurs auoient fait. Les Romains faisoient Venus victorieuse en ceste maniere, comme lon void en vne medalle del'Empereur Numerian. Ils faisoient vne tresbelle femme, avec vne longue robbe, trainant iusques à terre, laquelle presentoit de la main droite vne petite image de Victoire, & tenoit en la main senestre vne certaine chose faicte en ceste maniere, à, ce que aucuns disoient représenter l'image que ceux de Paphos adoroient souz le nom de Venus, comme j'ay desia dict : quelques autres ont voulu, que ce fust plustost vn miroir, pource que Philostrate escript, au tableau qu'il fait des Amours, que les Nymphes esleuerent vne statue à Venus, pource qu'elle est mere de tant belle lignee, à sçauoir des Amours, & luy dedierēt vn miroir d'argent, avec quelques ornemens de pieds dorez. On voit en vne autre maniere, Venus, en vne medalle

Venus victorieuse.

alle antique, de Fauſtine Auguſte, laquelle de la main ſeſtre tiét vn eſcu appuyé en terre, avec deux petites figures enleüees au milieu, preſentant de la main droite, vne Victoire, avec ces lettres à l'entour, Venus Vainquereſſe. l'ay ſouuenance d'auoir veu vne autre medalle de Fauſtine, avec ceſte eſcripture, Venus, & vne femme debout, veſtue, laquelle de la main ſeſtre, tenoit le bout de ſa robe, & le leuoit en haut: de l'autre, preſentoit ie ne ſçay quoy, qui reſſembloit vne pomme, parauanture en memoire de celle qui luy fut donnee par Paris, quand il la iugea plus belle que Iunon & Pallas. Parquoy Pauſanias luy met auſſi vne pomme en la main, faiſant mëtïon d'vne certaine ſtatue de Venus, que les Sicioniens auoient en Grece, diſant qu'il y auoit vn temple dedié à ceſte Deeſſe, où ne pouuoient entrer plus de deux femmes à la fois: deſquelles l'vne, qui en auoit la garde, eſtoit touſiours chaſte, & ne couchoit iamais avec ſon mary, tandis qu'elle eſtoit à ceſte charge, & falloit que l'autre fuſt vierge, pource qu'elle manioit les beſongnes des ſacrifices, & ne demeueroit en ceſte charge plus d'vn an. Tous les autres qui alloient à ce temple, pour prier la Deeſſe, de quelque choſe, ſe tenoient dehors deuant les portes. La ſtatue d'icelle eſtoit d'or, qui eſtoit aſſiſe, tenant d'vne main quelques teſtes de pauot, & de l'autre, vne pomme: elle auoit ſur le coupeau de la teſte, quelque choſe qui repreſentoit vn pole, ou gon. Celle que Tindaree fit, auoit vn certain voile, que les femmes de ce temps la auoient couſtume de porter pour pa-



*Morpho
Venus avec
les pieds
liez.*

rement. Le mesme Pausanias dit qu'au dessus du temple de Venus armee, les Lacedemoniens auoient vne chappelle ou elle estoit assise, appelee en cest endroit Morpho, avec vn certain voile sur la teste, comme i'ay dict, liens ou ceps aux pieds, pour monstrier, comme aucuns disent, que les femmes doiuent estre de foy tres-ferme enuers ceux auxquels elles se sont liees

liees du nœud de mariage. Quelques autres ont dict que Tindaree fit Venus ainsi liee, pour se vanger des adulteres commis par les filles, comme estans aue-
nuz par la faute d'icelle. Pausanias se moque de cela, disant que ce seroit vne trop grande sottise de penser que lon fist aucun mal à Venus, en luy faisant vne statue de cedre, comme estoit ceste la, & luy mettant les ceps aux pieds. Il me semble qu'il dit bien, car les anciens ne faisoient point les statues des Dieux par mespris, ny vengeance, mais par vne reuerence qu'ils leur portoient, pour l'aide & faueur qu'ils en attendoient en toutes leurs affaires, & aucunesfois pour monstrier en leurs statues, à ceux qui n'en sçauoient rien, les diuerfes vertuz d'iceux. Parquoy, comme lon peut voir en quelques autres images, les anciens mettoient les ceps aux pieds non seulement à Venus, mais aussi à quelques autres Dieux, non en mespris ny vengeance, mais pour autres raisons, lesquelles i'ay dict ailleurs. Je dy que combien qu'il semble que Venus soit la principale Deité des putains, comme ayant desia trouué & mis en vsage leur mestier, au moyen dequoy elles celebroyent solennellement sa feste, la priant de leur donner grace, beauté & gail-
lardise, pour estre aymees & caressees, à fin de gagner, si est il pourtant qu'elle estoit aussi adoree de non moindre affection, par les honnestes filles, lesquelles pensoient qu'elle peust leur donner telle grace & beauté, qu'il leur fust puis apres aisé de se marier: car comme i'ay dict autresfois, les anciens don-
noiët aussi à Venus, la charge du mariage. Les Grecs

auoient vne certaine cauerne , en laquelle Pausania^s escript que lon offroit les sacrez honneurs à Venus, & que pour plusieurs causes, les personnes y alloiēt: il sembloit neantmoins plus propre aux veufues d'y aller, comme elles faisoient, pour prier la Deesse, de bien rencontrer aux secondes nopces. Les mariees aussi la prioient, tant en ce lieu, qu'aux autres temples, de les tenir tousiours vnies avec leurs maris, d'une commune amour, & leur enuoyer heureuse lignee. Ainsi Venus estoit commune Deesse à toute sorte de femmes, lesquelles comme estans plus obligees, que les autres, à ceste Deesse, recognoissoient d'elle quasi tout ce qui leur aduenoit heureusement, & les hommes la remercioient aussi du bien fait & procedant d'icelle. Parquoy, d'autant que toutes les femmes se coupperent les cheueux, pour en faire des cordes pour en tirer les instrumens, desquels pour lors on se seruoit à la guerre, quand les Romains assiegez par les François, au Capitole, furent à l'extremité de toutes choses, iceux deliurés du siege, dedierent (comme Lactance recite) vn temple à Venus, où ils la firent chauue, & l'appellerent Chauue, en memoire de ce que les femmes auoient fait, pour le bien public, combien qu'autrement on fassé tousiours Venus, avec de tres-beaux cheueux, comme Claudian la descript, disant;

Venus estant à lors en son siege doré,

Agencoit ses cheueux: des Graces entouré

Estoit son gentil corps, desquelles l'une affable

Mouille les cheueux d'or de nectar agreable:

Qui,

*Qui, du peigne ynoirin, par l'autre desmeslez,
De la troisieme font, en tresses annellez.*

Les anciens non seulement la faisoient avec les cheveux, mais aussi avec la barbe : vne telle statue estoit adoree en Cypre, pour Venus, comme Alexandre Napolitain recite, laquelle de visage ressembloit vn homme, mais estoit habillee en femme. Suidas escrit que la statue de Venus a esté faicte avec vn peigne en la main, & la barbe au visage, pour estre aduenue aux femmes Romaines vn certain mal, par lequel tout le poil leur venoit à tomber, comme souuent il aduient aussi de nostre temps : à raison dequoy elles n'auoient plus que faire de peigne, & pour ceste cause, les femmes trauaillees d'un si vilain mal, se tournerent à Venus, & la prierent avec vœux infiniz, de prouuoir à leur misere. Elle, qui a tousiours esté benigne, acceptant leurs deuotes prieres, fit en sorte, que les cheveux ne tomberent plus aux femmes, & ceux qui estoient tombez retournerent. Les femmes, en signe de recognoissance, luy dresserent puis apres vne statue, tenant en main vn peigne, ayant barbe, à fin que ceste Deesse eust l'enseigne d'homme & femme, comme celle qui estoit tousiours à l'vniuerselle generation des animaux : & pourtant du milieu, en hault, elle estoit faicte en forme d'homme, & le demourant, en bas, estoit de femme. Les anciens ne disoient pas seulement cela de Venus, mais aussi de tous les autres Dieux, donnans à chacun le nom d'homme & de femme, comme ne se trouuant entre eux la difference du sexe, qui est entre les hommes.

*Venus avec
la barbe.*

*Tous les
Dieux hom
mes & fem
mes.*

*Coustume
notable.*

*Dieu Lu-
nus.*

On lit que les Carreniens peuples d'Arabie estoient soufmiz aux femmes, & ceux la obligez de seruir à leurs parties, qui croyoient la Lune estre femelle, & l'appelloient du nom de femme : au contraire qui la pensoit masle, & la nommoit comme masle, n'estoit iamais trompé des femmes, & estoit le maistre sur la siene, comme de raison. Ceux d'Egypte appelloient ordinairement la Lune du nom de femme, & neantmoins en leurs mysterès, ils la disoient puis apres, non pas vne Deesse, mais vn Dieu. Et pour ceste cause, pour l'amour d'elle, on adoroit le veau, tant celebré par iceux. Les Parthes adoroient le Dieu Lunus, & Philocore (qui tient que Venus & la Lune est vne mesme chose, comme aussi ont pensé quelques vns d'Egypte, lesquels pour ceste cause faisoient des cornes à sa statue, pource que la Lune est cornue, ainsi que lon peut voir en l'image d'icelle) dit que les hommes luy faisoïent anciēnemēt sacrifice, en habit de femmes, & les femmes, en habit d'hommes. A quoy n'est beaucoup discordât ce q̄ Seneque escript en ses questions naturelles, que les Egyptiēs de chacū des quatre elemens, en faisoient deux, l'vn masle, & l'autre femelle: car ils disoiēt q̄ de l'air, le vent est le masle, & la femelle, ce qui ne semble se mouuoir, & est tousiours nebuleux : que la mer est le masle de l'eau, & toute l'eau douce, la femelle : que du feu, celuy qui brusle, est le masle, & celuy qui est luisant, & ne fait aucun mal, la femelle: que de la terre, le plus dur est le masle, comme les rochers & escueils, & femelle, ce qui est le plus mol, & se peut cultiuer. On faisoit en oultre vne



tre vne statue de Venus semblable à celle qui se voyoit au mont du Liban, laquelle auoit vn manteau à l'entour, qui la cououroit entieremēt, semblant toute triste & desolee : & ayant les mains enuelopees du manteau, elle soustenoit sa face, & comme dit Macrobe, chacū pensoit que les larmes luy tombassent des yeux : Venus se monstroit là ainsi dolente à cause
de la

Festes d'Adonis.

de la mort d'Adonis tué par vn sanglier. Pour ceste cause, lon celebroit quelques iours, cōme sacrez, que lon appelloit les festes d'Adonis, & lors les femmes en general, mettoient certaines images semblables aux corps morts, sur certains petits liëts faiëts tout exprez, qu'elles ploroient, comme personnes au parauant trespassees, & les portoient à la sepulture. Plutarque dit que lon faisoit cela à Athenes, en memoire des larmes espendues par Venus, à la mort d'Adonis son amoureux. Les femmes des Argiues, comme Pausanias escript, alloient pleurer Adonis, en vne certaine chappelle, qui n'estoit gueres loin du temple de Iupiter Sauueur. Ce que rapporté aux choses naturelles, est ainsi interpreté par Macrobe, Que de toute la terre, ceste moitié d'enhaut, laquelle nous habitons, estoit entendue par les anciës souz le nom de Venus, & l'autre moitié de deffouz, estoit par eux appelée Proserpine. D'auantage, des douze signes du Zodiac, qui l'environne, six sont appelez superieurs, & les six autres inferieurs, ceux cy de l'enfer, & ceux la de l'Esté. Quād donc le Soleil, lequel est signifié par Adonis, va en tēps d'Esté par les six signes d'en hault, Venus a son amoureux avec elle, l'Esté, & est gaillarde: mais elle se monstre triste, quand elle le void descendre, au temps d'hiuer, aux signes d'embas, comme si elle se mouroit à l'heure, voyant que Proserpine le tient de son costé. Les fables portent qu'un Sanglier le tua, pource qu'il semble que cest animal represente fort bien l'Hiuer, attendu qu'il est tout couuert de poil dur & aspre, il se tient volon-

Venus pour la moitié de la terre.

Adonis pour le Soleil.

Adonis tué par un Sanglier.

tiers aux lieux fangeux, & se nourrit de glands, qui sont fruiçts de l'Hiuer : & l'Hiuer est quasi vne playe mortelle au Soleil, faisant qu'il ne nous luit gueres, & nous donne peu de sa chaleur. Parquoy l'image de Venus qui se lamente souz le manteau, nous represente la terre au temps d'Hiuer, quand pour la plus part, elle est couuerte de nuages, & semble toute triste, pour ce qu'elle ne voit point le Soleil. Alors les fontaines, qui sont les yeux de la terre, espandent des eaux en abondance, & les camps priuez de tout ornement, se montrent tous tristes. Eusebe parlant aussi naturellement de Venus, dit que d'elle vient la vertu d'engendrer, & que c'est elle qui donne force à la semence, on la faict en forme de femme pour monstrier que la generation procedde d'elle : on la feint belle, pource qu'elle est ceste estoille, qui semble au ciel la plus belle de toutes, appelée le soir *Hesperus*, & le matin, *Lucifer*. Cupidon est à son costé, pour monstrier que d'elle vient tout desir lascif, & toute voluptueuse conuoitise : elle a les mammelles & membres honteux & genitaux couverts, pource qu'en iceux est enfermee la semence, & aux mammelles, la nourriture de qui procedde de ceste semence. On dit qu'elle est nee de la mer, pource que lon estime son eau chaude & humide, qu'elle se mouue souuēt, & qu'estant fort agitee, elle fait beaucoup d'escume, toutes lesquelles choses sont en la semence, car elle est pareillement blanche, escumeuse, & naturellement humide & chaude. On pourroit encores alleguer plusieurs autres choses de Venus, com-

*Exposition
de Venus.*

me d'une Planette, & des effects qui procedent de son estoille, qui orne le troisieme ciel, par où l'on pourroit cognoistre aussi, pourquoy les anciens faignoient que Mars, Dieu tant terrible & cruel, se tenoit avec elle avec vn si grand plaisir : mais pource q̃ cela me detourneroit trop de mon propos, qui est de parler des images des Dieux, & non pas de la nature d'iceux, ie ne parleray plus d'icelle, puis que ie n'ay souuenance d'auoir leu que les anciens l'ayent faicte en autre maniere. Pourroit bien estre qu'ils l'eussent faicte autrement, mais ie n'en sçay rien, & en escriuant il est impossible de comprendre si bien toutes choses, qu'il ne demeure tousiours ie ne sçay quoy derriere, comme il est bien raisonnable, à fin que chacun ait matiere pour escrire. Il suffit que lisant ce peu que j'escry, ne defauldra l'exemple de peindre & tailler les Dieux des anciens à ceux qui le voudront faire, qui sçauront aussi pourquoy ils le font ainsi. Je parleray donc maintenant de la compagnie de Venus, qui sont les Graces & les Heures, comme j'ay promis, mettant premierement ce que Mars dit, tandis qu'il a ceste Deesse entre ses bras, ayant prins d'elle son plaisir amoureux, quand Iupiter luy commande d'aller mouuoir la guerre, par le Royaume de Thebes, entre Etheocle & Polynice, comme Stace escript. Dequoy, sans escrire autre chose, l'on pourra fort bien comprendre quelle & combien grande est la force de Venus. Parquoy personne ne s'esmerueillera plus, voyant aucunes fois les plus fermes cœurs estre vaincuz par icelle, de maniere

niere qu'ils s'abandonnent aux plaisirs amoureux.
Voicy donc les parolles de Mars par lesquelles ie
mets fin à l'image de Venus:

*O doux repos ! ô plaisir gracieux !
O vraye paix, rendant le cœur ioyeux,
Trouble deuant ! tu peux, sans nulle crainte
Te presenter à moy, combien qu'attainte
Mon ame soit d'un enflammé courroux:
Seule tu peux, aux batailles & coups,
De ces cheuaux arrester la carriere
Et s'il te plaist, ô ma douce guerriere!
Seule tu peux, ceste main desarmer.*

LES GRACES.

A P R E S auoir demonstté Venus mere d'Amour,
que nous auons pareillement representé, parlons
maintenant des Graces, & des Heures ensemble, qui
vont tousiours avec elle. Car comme Venus & A-
mour sont cause de la succession de la lignee, & par
ce moyen, de la conseruation du genre humain, les
Graces aussi tiennent les hommes vniz ensemble:
car les plaisirs, que tour à tour, les hommes se font
les vns aux autres, sont cause que l'un est agreable à
l'autre, au moyen dequoy ils sont ioincts ensemble,
du beau lien d'amitié, sans laquelle, certainement les
hommes ne seroiēt à comparer aux autres animaux,
& seroient moindres qu'iceux, les citez deuiendroiēt
cauernes, voire s'aneantiroient du tout. Et pour ce-
ste cause, pourroit on dire quasi, que mieux eust esté

*Graces de
qui filles.*

aux hommes de n'estre, qu'estans sur la terre viure sans les Graces. Mais la diuine Prouidence qui a soucy de l'Vniuers, a voulu qu'elles fussent : & selon aucuns, ces Graces sont yssues de Venus & de Bacchus, & ont habité entre les hommes. Ce que les fables ont feint, car il ne semble quasi qu'autres choses soyent plus agreables aux hommes que celles qui viennent de ces Dieux, lesquelles ie ne repliqueray pas, pource qu'on les peut voir en leurs images. Aucuns les font naistre autrement : mais nous n'auons que faire de parler de cela pour le present, nous deuous dire seulement comme les anciens les representoient. Et combien que leurs noms soyent diuers, si est ce que les Graces & les Heures sont estimees vne mesme chose, ayans neantmoins diuerses & differentes charges. Chrysippe disoit que les Graces estoient vn peu plus ieunes que les Heures, & plus belles aussi, & que pour ceste cause les anciens les bailloient pour compagnes à Venus. Homere escript que les Heures sont Deesses, estans aux portes du ciel, où elles font sentinelle, auxquelles appartient d'enuoyer sur la terre l'espaissie nue, & de l'en oster aussi. Statius descriuant le coucher du Soleil, fait qu'elles viennent promptement oster les brides aux tres-legers cheuaux d'iceluy, disant ainsi,

*Heures
Deesses.*

*Lors que Phæbus tombé dans les marines eaux
Va moderant le cours de ses ardans cheuaux,
A l'entour de luy sont les filles de Neree:
Des Heures tout soudain sa coche est entourée,
A fin de desbrider ses coursiers escumeux,*

Qu'elles

*Qu'elles laschent après aux herbes, tous fumeux,
 A fin de restaurer leurs forces & haleine.
 Aucunes, d'autre part, vont d'une main soudaine,
 Oster les cheueux d'or, qui sont les beaux rayons
 Esclairans l'Vniuers par tout, aux enuirs,
 Qui ornent le Soleil, en forme de couronne.*

Les Heures ne sont autre chose que les saisons des temps, & pourtât tient on qu'elles sont quatre, comme lon void quatre parties de l'an, ainsi distinguees & pareillement nommees d'iceluy: car les Egyptiens outre plusieurs autres noms appelloient le Soleil Horus. Parquoy Eusebe escript d'icelles en ceste maniere, Les Heures, que lon dit estre les quatre saisons de l'annee, & ouurir & fermer les portes du ciel, sont aucunesfois donnees au Soleil, aucunesfois à Ceres, & pour ceste cause, elles portent deux paniers, l'un plain de fleurs, par lequel se môstre le Printéps, l'autre plain d'espics, qui signifie l'Esté. Ouide pareillemét en ses Fastes, dit qu'elles sont avec Ianus, à la garde des portes du ciel: & quand puis apres, il parle de Flore, en la puissance de laquelle sont les prez fleuriz, il dit que les Heures vestues de tressubtils voiles, y viennent aucunesfois cueillir diuerfes fleurs, pour s'en faire de beaux chapeaux. Pausanias escript que les anciens les mettoient sur le chef de Iupiter avec les Parques, voulans parauanture demonstrier que le Destin n'est autre chose que la volonté de Dieu, duquel viennent aussi les changemens des temps. Mais j'ay parlé plustost maintenant de la nature des Heures, que ie n'ay pas dict, comme elles se doiuent pein-

*Combien
 d'Heures.*

dre. A quoy venant, i'en feray feulemēt vn pourtrait, selon que Philostrate en fait vn beau tableau, disant que les Heures descendues en terre font la reuolution de l'an, lequel est en forme d'une certaine chose ronde, avec les mains: dont aduient que la terre produit puis apres, tous les ans, tout ce qui naist. Elles sont blondes, vestues d'habits tres-deliés, & cheminent sur les espics secs si legerement, qu'elles n'en rompent point, ny tordent seulement vne, elles sont d'un regard amiable & ioyeux: elles chantent tres-doucement, & en roulant ceste boule, ou rondeur, il semble qu'elles donnent vn fort grand plaisir aux regardans: elles vont comme sautans quasi tousiours, leuant souuentefois les bras en haut, elles ont les cheveux blonds, esparpillez sur les espaules, les iouës colorées, ny plus ny moins que celuy qui se sent reschauffé de la course, les yeux luisans & prôpts à se mouuoir. Faisans donc que la terre nous rend le grain semé, & les autres fruiçts avec grande vsure, comme recognoissant en ceste maniere ce que nous luy donnons, lon a dict que les Graces estoient quatre, pource qu'il y a autant de saisons de l'annee, appelees Heures, comme i'ay dict, pour donner à entendre qu'icelles & les Graces sont vne mesme chose: lesquelles, pour ceste cause se faisoient avec ghirlandes sur la teste, & l'une l'auoit de fleurs, l'autre, d'espics, la troisieme, de grappes de raisins, & la dernière, d'oliues. Les anciens faignoient qu'Apollon les tenoit de la main droite, pource que du Soleil vient la diuersité des saisons. Et d'autant, comme dit Diodore,

*Quatre
Graces.*

Diodore,



Diodore , que les anciens les adoroient , pensans qu'elles peussent donner la beauté du visage , & de toutes les autres parties du corps , avec la grace , aucunesfois tant agreable à ceux qui les contemple , on les mettoit en la compagnie de Venus. A icelles appartenoit de faire que les hommes ne fussent ingrats les vns enuers les autres , mais rendissent de bon

*Deux Gra-
ces.*

bon cœur les plaisirs receuz. Pour ceste cause aucuns ont dict qu'il n'y auoit que deux Graces, & les Lacedemoniens n'en adoroient que deux, comme Pausanias escript, car il semble qu'elles ne produisent que deux effectz: l'un, de faire plaisir à autrui: l'autre, de rendre les plaisirs receuz. Le mesme Pausanias dit puis apres, que tous ceux lesquels mirent en Deité, avec les statues de Mercure, de Bacchus, & d'Apollon, les Graces, les firent trois, & qu'il y en auoit trois aussi à l'entree de la citadelle d'Athenes. Parquoy lon a tousiours tenu depuis qu'elles sont trois, pour ce que ne se doit rendre le plaisir tel, que nous l'auons receu, mais beaucoup plus grand, & souuentefois double. De là viét que d'icelles l'une est tousiours, le dos contre nous, & les deux autres nous regardent, pour nous donner à entendre qu'à recompenser vn plaisir, à nous faict, nous deuõs estre beaucoup plus liberaux, que quand nous sommes les premiers à faire plaisir, qui ne se doit faire neantmoins pour en attendre recompense, car quiconque le faict, se peut appeller plustost vsurier que bienfaiteur liberal. On dit que les Graces sont vierges, ioyeuses & riantes, pour monstrier que quiconque fuit plaisir, ne se doit seruir d'aucune deception, mais aller rondemēt, & de bon cœur. Ce que lon cognoistra encores mieux, si lon prend garde qu'on les faisoit nues & sans aucun lien, comme Horace a chanté d'icelles, pource que les hommes doiuent estre les vns enuers les autres, de cœur franc, exempts de toute feintise, nud & ouuert. Ce neantmoins Pausanias

nias escript n'auoir onques peu trouuer qui a premieremēt faiēt les Graces nues, pource que du commencement chacun les faisoit vestues, & dit qu'il ne sçait pas pourquoy leur ornement a esté changé depuis, de maniere que tous les ont faites nues, peintres & sculpteurs. D'auantage il met qu'Eteocles de Beotie fut le premier, qui ordonna que les Graces fussent adorees, & fussent trois : mais il ne sçait pas quels noms il leur donna. Parquoy nous les nommons à present, comme elles ont esté nommees par Hesiode, qui en a appellé vne Euphrosyne, c'est à dire allegresse: l'autre, Aglaia, signifiant maiesté & grace: la troisieme, Thalia, qui signifie Plaissance. Homere en appelle vne Pasithee, que Iunō promet dōner à femme au Sommeil, s'il va à Iupiter pour l'endormir: il en appelle aussi vne, Grace, par son nom propre, qu'il dit auoir esté femme de Vulcan, & qu'elle a tousiours demeuré avec luy. Ceste la, avec vn beau voile sur la teste, vient rencontrer Thetis, quand elle va prier Vulcan, de luy bailler des armes pour Achille son fils. Les Eleens auoient en Grece, les Graces en vn temple, où leurs statues estoient faiētes de bois, avec habits dorez, & auoient le visage, les mains, & les pieds d'iuoir. L'vne d'icelles auoit vne rose en la main, l'autre vne certaine chose faiēte comme vn dé: la troisieme, vne branche de myrte: desquelles choses ils rendent ceste raison. La rose & le myrte appartiennent à Venus, & pourtant estoient donnez à celles qui sont le plus souuēt avec elle: ceste chose qu'on appelle myrte signifie les ieux que les simples fillettes font en-

*Noms des
Graces.*

semble, entre elles, à leur grand plaisir, & de ceux qui les voyent: ce que ne font les femmes plus agees, auxquelles conuiennent les choses plus graues, non pas les ieux. Pausanias dit tout cela: mais q̄lques autres rendēt de ces trois enseignes, autre raison, & disent que la rose signifie la ioyeuseté d'icelles: le dé, qu'elles doiuent aller & retourner tour à tour, cōme vont les dés, desquels lon iouë, & le myrte, qu'il faut qu'elles soyent tousiours verdes, & ne se seichent iamais, comme le myrte est tousiours verd. Et comme Alexandre Napolitain recite, & Aristote l'a escript deuant luy, en les Morales, les anciens auoient coustume de faire le temple des Graces, au milieu des places, à fin qu'il fust proposé à vn chacun de faire volontiers plaisir à autrui, & rendre les plaisirs receüz, pource que c'est le propre deuoir des Graces. Ce que neantmoins ne se doit faire, sans bonne consideration: car c'est aussi mal faict de donner à qui ne merite, ou n'a besoin, comme c'est vn signe d'ingratitude & auarice de ne donner, quand il est besoin, & à celuy qui merite bien, qu'on luy donne, comme les anciens nous ont pareillement demonstté, en l'image des Graces, les faisans conduire par Mercure, qui demonstre la raison, & le sain iugement, à fin que suiuaus les vestiges d'iceluy, les hommes sachēt, comment, quand & à qui ils doiuent donner, & faire plaisir, ensuiuaus tant qu'il leur est possible, la diuine bonté, qui est tousiours preste de nous faire bien. Parquoy, dit Macrobe, les anciens mettoient les Graces à la main droite d'Apollon, & son arc, avec ses fleches,



fleches, à la gauche, pour donner à entendre, que la
 diuine bonté est beaucoup plus prôpte à nous bien
 faire, que mal faire:& que tant qu'elle peut, pourueu
 qu'elle ne soit empeschée par nostre malice, pource
 qu'atons elle se sert de ce qu'elle tient à la fenestre,
 pour nous chastier, elle donne aux hommes les gra-
 ces, avec largesse. Les hommes aussi doiuent faire le

semblable, & l'apprendre, s'ils ne le sçauent, de l'image des Graces, que Seneque declare fort bien, où il escript de la maniere de faire plaisir à autruy, disant qu'elles sont trois, pource que l'une fait plaisir, l'autre le reçoit, & l'autre rend le plaisir. Ou bien que l'une fait, l'autre rend, & la troisieme fait & rend, qui sont trois manieres de faire plaisir. Elles sont avec les mains & bras ioints ensemble, car l'ordre de faire bien à vn autre, est qu'il passe de main en autre, & retourne encores au profit de celuy qui l'a fait premierement: & en ceste maniere l'agreable lien d'amitié, tiét les hommes vniz ensemble. Elles sont gayeres & ioyeuses, au visage, pource que celuy qui fait plaisir à autruy se doit monstrier tel, & pour la plus part ceux la qui le reçoient sont ainsi. Elles sont ieunes, pource que iamais ne se doit enuieillir la memoire des plaisirs receuz. Elles sont vierges, pource que faisant bien à autruy, il le faut faire d'un cœur pur & sincere, & sans aucun nœud d'obligation, comme demonstrent bien les accoustremens ouuerts & libres, luisans & transparoissans, pource que par dedans, le cœur de celuy qui fait plaisir doit estre tel, qu'il se monstre dehors, par les œuvres, & pource que celuy qui reçoit le plaisir ne le doit pas cacher, mais le faire voir à chacun. Car c'est vne reconnoissance, quand par effect, on ne peut rendre le plaisir receu, de le confesser, à tout le moins par parolles, & faire si bien, que la liberalité du bien facteur soit manifeste à tous. C'est cela seul, qui me fait esperer que ie ne seray pas ingrat. enuers ceux à qui ie suis tenu:

car

car combien que ie n'aye le pouuoir de leur rendre beaucoup de plaisirs qu'ils m'ont fait , & qu'ils me font tous les iours,i'en peux neantmoins parler & escrire,faisant tant qu'il m'est possible,que leur liberalité & gẽtil cœur tousiours prest à secourir les amis, soit manifeste à vn chacun,avec ma recõgnoissance:à fin que voulât monstrier, par la peinture des Graces, comme les hommes doiuent gratifier les vns aux autres,ie ne sois aussi ingrat en leur endroit, & que tãt que ie pourray , ie sois gracieux enuers les autres.le finerai icy l'image des Graces,avec vne sculpture d'icelles qui se void à Rome , en la maison des Colonnois avec des vers Latins,ainfi traduits:

*Nues les Graces sont,qui furent autresfois
 Faiçtes de marbre blanc:couuertes tu les vois:
 Elles sont toutes trois semblables de visage,
 D'vne egalle beauté,egalles mesme en aage
 Par où lon apperçoit que toutes trois sont sœurs.
 Vers elles Thalia,demonstrant ses douceurs,
 Tourne le front serain,& aux leur,ses bras lie,
 A gauche,& deuers nous à droite elle se plie:
 En apres ceste cy d'Euphrosyne a le nom,
 D'Aglaie ceste la,de qui les bras voit lon
 A la troisieme ioinçts:Iupiter est leur pere
 Et conceues les a Eunomie leur mere,
 Les ayans puis apres,pour vn bien heureux fruiçt,
 Gayes seruans Venus,en ce monde produiçt:
 Tant que par leur moyen,souuent ceste Cybele
 Le plaisirs amoureux croiçt d'vne façon telle,
 Qu'avec son fils Amour,tout cœur en est vaincu.*

ADVERTISEMENT

AV LECTEUR.

Par ce que par mesgarde a esté obmise une figure qui devoit estre en la page 575. il m'a semblé bon de te la représenter icy, afin que tu en ayes la vne, cōme des autres.






TABLE SELON L'ORDRE DE L'ALPHABETH, POVR TROU- VER LES LIEUX ET MATIERES

PLVS NOTABLES, CONTENVES

en ce liure des Images des Dieux.



BONDANCE, chambrie- re de Fortune.	183	Aigle, roy des oyseaux.	184
statue d'Acheloe.	324	Aigneau au costé de Mercure.	402
Acheloe transmué en bœuf.	179	Aile, signe de Victoire.	476
Acheron.	351. 372	Ailes d'Amour.	569
Achor, Dieu des mousches.	419	Ailes de Mercure que denotent.	403
Acilie Glabirion fit le premier en Italie		Aime-ris, surnom de Venus.	610
statue doree.	19	nous Aïmons en deux manieres.	571
le fleuve Acis.	324	Alcibiades accusé d'auoir ruiné les	
Adad, & Adargate des Assyriens.	81	Hermes des Atheniens.	391
Adianthum donné à Pluton.	341	Aleçtryon, changé en coq.	480
festes d'Adonis.	624	Alexandre Seuerie mangeoit souuent	
Adonis pour le Soleil.	624	de lieure, & pourquoy.	580
Adonis tué par vn sanglier.	624	opinion des Allemands anciens tou-	
Adrastie.	541	chant les statues.	9
Adulation.	565	Amalthee & Melisse, nourriffes de Ju-	
Adulation accompagne la Faueur.	565	piler.	179
Agésilae refusa des Grecs l'honneur		Amata premiere vierge des Vestales.	265
des statues.	19	Ambassadeurs couronnez de veruain-	
Agläia.	633	ne.	378
Agdiste.	253	Ambassadeurs de la paix.	376
Aigle de Iupiter.	184	opinion des Platoniciens, touchant	
Aigle d'or, mise par Herode sur la grâ-		l'Ame.	48
de porte du temple de Hierusalem,		l'Ame a deux lumieres.	49
brisée & abatue par les Iuifs.	7	legereté des Amants.	588
Aigle enseigne des Perses.	478	image d'Amour.	593
Aigle mangeant le foye de Promethee,		force & effects d'Amour.	567. 585. 586.
tuée par Hercule.	416		589
Aigle, porte-foudre de Iupiter.	189	qu'il n'y a vn seul Amour.	568
		exposition d'Amour.	588

Amour

T A B L E.

Amour accompagnant l'homme en sa naissance.	404	statue d'Apollon à Rome, faite de ce- dre.	22
Amour avec Mercure & Hercule, mis es Academies des Romains.	575	image d'Apollon, avec son exposition.	79.80
Amour auoit les clefs des deux portes du ciel, par ou passoient les ames humaines.	593	statue d'Apollon, ayant teste de mou- ton.	100
Amour entre les fleurs.	583	statue d'Apollon en Achaie.	72
Amour fugitif.	585	statue d'Apollon en Argos, faite de bois.	23
Amour le plus ieune.	582	statue d'Apollon faite par Praxiteles.	96
Amour Lethéen.	575	Apollon chef des Muses.	59
Amour pourquoy est ioint à la Fortu- ne.	562	Apollon, Dieu d'enfer, selon aucuns.	61
Amour semblable au Soleil.	570	Apollon gardien des troupeaux d'Am- mer.	78
Amour tendre & mol.	582	Apollon gardien du bestial de Lao- coon.	73
Amour tourmenté par les ames.	594	Apollon lié.	475
plusieurs Amours.	576	Apollon Lycee.	63
Amours chassants vn lieure.	579	Apollon occit les Cyclopes.	87
Amours, enfans des Nymphes.	577	Apollon pasteur.	78
les Amoureux ont aucunesfois les ex- tremitez du corps froides, & au cu- nesfois chaudes, & pourquoy.	587	Apollon pere d'Esculape.	88
Amphitryon mit premier d'eau au vin.	489	Apollon pere de la Medecine.	69
image de l'An,	28	Apollon, Phœbus, le Soleil.	54
aisons de l'An, comme furent depein- tes par les anciens.	50	Apollon pourquoy est au milieu des Muses.	60
Angerone Deesse des plaisirs, ou de l'action.	443	Apollon Sminthien.	96
Animaux de Mars.	480	Apollon tenant les Graces par la main droite.	630
Anteros.	572	Apollon transmué en oyseau.	145
Anteros punisseur de ceux qui n'ai- ment estants aymez.	573	Apollon tousiours ieune.	56
Anteuorte & Postuorte.	47	Apostrophie, surnom de Venus.	611
Antisthenes, chef de la secte Cynique.	6	Aquilon.	319
Antonin Pie, mourant, enuoya la sta- tue de Fortune à M. Antoine.	558	Arat, fils d'Esculape.	92
Antre de Trophoniüs.	93	Arbre infernal.	499
Anubis.	405	Arc de Diane, & des Nymphes.	106
Aphrodite, nom de Venus.	601	Arc en la main de Diane, que signifie.	116
Apis.	74	Arcadiens, plus antiques d'entre les Grecs.	139
Apis occis par Cambyfes.	76	Argus tué par Mercure.	403
statue d'Apollon.	55	Ariadne.	347.494
		Arimaspes.	429
		Armée	

Armee de mer des Grecs bruslee par Minerue.	187	soif.	198
Armes d'Hercule.	411	Bacchus nourry par les Muses en Nise.	489
Armes sacrifiees à Vulcan.	465	pourquoy lon faisoit Bacchus nud, & vieil.	486
Armet d'Orque.	454	Bacchus pere de Priape.	515
Armure de Mars.	467	Bacchus pour l'automne.	50
Arrogance, sacrifice de Vulcan.	465	Bacchus pour le Soleil.	491
Arts de Minerue.	435	Bacchus pour le vin.	486
Asbamee, fontaine miraculeuse.	170	Bacchus pourquoy est dit fils de Proserpine.	499
Asne avec Priape.	517	Bacchus pourquoy fut surnomme Liber.	497
Asne donné à Bacchus.	501	Bacchus triompha le premier.	501
Asne & Crocodile representants la bataille des Egyptiens & Perfes, sur le Nil.	195	Bacchantes.	498
Asne offert à Apollon.	98	Baiser la main.	119.384
Astarte, fille de Celie.	40	Balances en la main de Iustice.	543
Atalante & Hippomanes.	249	Barbes rases par le commandement des Ephores.	448
Ate.	582	Bassares & Menades.	498
Atys, & sa femme.	252.253.254.255	Bellone.	432
Atys, & sa signification.	255	Bellone adoree hors la ville de Rome.	459
Auerrunques, Dieux.	343	Bellone prend plaisir au sang respandu.	433
Aurore, & son cheual.	103.104	Belzebu, Dieu des mousches.	419
Auxesias & Damias, demons d'Epidaure.	24	Berecinthe.	252

B

Bacchus.	484	Berger des troupeaux marins.	315
Statue de Bacchus.	485.493.496.	Besche, ou eschif, vaisseau d'Hercule.	413
500		Bestes sacrifiees pourquoy diuerfes.	278
Bacchus a monstre à accoupler les bœufs.	492	Bestes adorees.	3
Bacchus a plusieurs surnoms.	484	les Bestes ont quelque chose de raisonnable, mais non point de religion.	2
Bacchus avec cornes de taureau.	161	Biche sacrifiee à Diane.	109
Bacchus avec les Deesses Eleusines.	513	Bonne, Deesse.	286
Bacchus Bassaree.	498	image de la Deesse Bonne.	288
Bacchus chef des Muses.	489	Boreas.	319
Bacchus de diuers aages.	486	Bœuf de bronze dedie à Apollon.	73
Bacchus desmembré.	513	Bœufen Egypte adoré en place d'Osiris.	73
Bacchus en deux manieres.	491	Bœuf ou vache representant la terre.	
Bacchus en forme de taureau.	492		
Bacchus, & son trepiéd.	423		
Bacchus, & son armee, languissant de			

T A B L E.

re.	259	deesse Carne, ou Cardinee.	45.357
Bœuffacrifié à la Lune.	113	isles Cassiterides.	346
Bœufs agreables à Apollon.	72	Castor & Pollux.	219
le Bouc adoré en Egypte.	77	statue des Castors.	224
Bouc au lieu de Priape.	519	les Castors pourquoy inuoquez des	
Bouc donné à Bacchus.	519	Nochers.	225
Bouc offert à Apollon.	98	Caton ne tint iamais compte des sta-	
Boucs paillards outre mesure.	160	tues.	19
Boueste des poisons & enchantements		Cauallin deuoré par Saturne en lieu	
de Medee.	133	de Neptune.	37
Bouteau de foin, au bout d'une pique,		Cauerne en Grece ou estoit adreee	
enseigne des Romains.	478	Venus.	620
Bras consacrez à Iunon.	207	Cephisote sculpteur.	341
Brenne, capitaine des François contre		Cerbere aux pieds de Pluton, que si-	
les Grecs.	144.145	gnifie.	334
Bridereisse, surnom de Minerve.	458	Cerbere, signe de Serapis & d'Isis.	337
Brocard de Ciceron touchant les		Cerbere tiré par Hercule hors d'enfer.	
Grecs.	575		416
Bupalus, architecte & sculpteur excel-		Cerus Dieu.	556
lent.	536	Compte des Cercopes.	408

C

C Aducee accommodé à la naissance		Ceremonie de iurer sur les genitoires	
de l'homme.	403	d'un pourceau.	171
Caducee, enseigne de Mercure.	375	Ceremonie des Romains à faire tre-	
& de la paix.	376	ues.	173
Calais & Zethes.	354	Ceremonie faite en l'honneur de Pro-	
Calamité, Deesse, fille de Iupiter.	582	methee, & autres Dieux.	14
Calendes consacrees à Ianus & Iunon.		exposition de ladite ceremonie.	15
	53	Ceremonie ridicule en la feste de Mars.	
Caligula fit oster la teste des statues			482
des Dieux pour y mettre la sienne.		Ceremonie sorte.	202
	17	Ceremonies de Bacchus par qui mes-	
Callipiga, surnom de Venus.	607	prisees.	507
Calomnie pourtraite par Apelles.	195.	Ceremonies de la Bonne Deesse.	287
	546	Ceremonies de la paix ou trefue.	477
Cambyfes occit Apis.	76	Ceremonies des Bacchanales.	515
Candaule occis par Gyges.	192	Ceremonies des festes de Bacchus.	495
Canope.	306	Ceremonies d'Hercule.	417
Capilli Veneris, herbe donnee à Plu-		Ceremonies d'Osiris.	510
ton.	342	Ceromonies obseruees à l'endroit des	
Cariens inuenteurs des armes.	193	espossees.	228
		statue de Ceres.	271.277.279.281
		loix de Ceres.	271
		Ceres aymee de la Paix.	379
		Ceres	

T A B L E.

Ceres changée en Iument.	279	lape.	88
Ceres Erynné.	279	Chien sacrifié à Hecaté.	120
Ceres innutrice de l'usage du bled.	270	Chiens gardiens de Vulcan.	464
Ceres la noire.	280	Chiens ny mousches pourquoy n'entroient point au temple d'Hercule.	418
Ceres pour l'Este.	50	Chimere.	360
Chancelier des Dieux.	367	Chimere occise par Persee & Bellerophon.	457
Chapeau, ou bonnet, enseigne de liberté.	221.445	chaque Ciel a sa Muse.	59
& symbole de vertu & sçauoir.	223	Cibele, nom de la Grand mere.	261
Char de Mars.	466	Cibele nourrie par Lyons.	263
Chars donnez aux Dieux.	603	Cigales d'or portees à la teste par les Atheniens.	140
Chariot de Bacchus.	505	piété de la Cigogne.	169
Chariot de Iunon.	212	Cigogne consacrée à Concorde.	384
Chariot de la Grand mere.	260.249	Cigogne mise à la cime des sceptrés.	169
Chariot de Phœbus.	99	Cimeterre en la main de Mercure, que signifie.	403.454
Chariot de Pluton.	340	Cipsele, Tyran de Corinthe.	194
Charon.	370	coffre de Cipsele.	116
exposition de Charon.	371	Cisson changé en lierre.	502
Charybdis.	303	Claudie Vestale.	256
Chat avec face humaine.	137	Clefbaillée à l'image de la Grand mere, & pourquoy.	251
Chat insculpé en la Cymbale d'Isis.	137	Clesen la main de Pluton.	335
Chefne adoré pour Iupiter.	200	Cluse & Patulce, surnoms de Ianus.	51
Chefne consacré à Iupiter.	200	Cocyte.	351
Chefne grandement vtile.	302	Coignée appelée en iugement.	203
Chefnes tenus des anciens pour choses saintes & sacrez temples.	9	Colombe sur la teste d'Apollon.	99
Chemin Iugaire.	233	Colombes oiseaux de Venus.	603
Cheual principale victime de Mars.	470.480	Colonne bellique.	434
Cheual propre à Neptune.	311	Colomnes de Mercure en Egypte.	4
Cheuaux au chariot de Phœbus.	99	Colomnes du temple de Iunon en Metapont, faites de bois de vigne.	24
Cheuaux de Castor & Pollux.	220	Commode Empereur, superbe & cruel.	457
Cheuaux sous la garde des Castors.	308	Commode osta la teste du colosse qui estoit de Neron, & y posa la sienne.	17.
Cheuaux de la Lune.	111	Compagnie d'Ariadne.	495
Cheure de bronze à Corinthe.	160	Compagnie de Venus.	626
Cheure honorée en Grece.	160		
Cheuriers & pasteurs grandemét estimez.	159		
Chien, animal de Mars.	480		
Chié pédu à vne potée de sureau.	214		
le Chien pourquoy est donné à Escu-			

Compte de Melete & de Timagore.	572	Cotilee, surnom d'Esculapē.	411
Compte plaissant de quelques hommes yures.	503	Couleur propre à la Foy.	382
Compte plaissant de deux ieunes filles.	607	Couronne de chesne à qui fut donnee.	200
statue de Comus.	488	Couronne de Phœbus.	99
Comus, Dieu des banquets.	487	Couronne murale à qui anciennement estoit donnee.	261
Concorde.	380	Courriers sous la charge de Mercure.	400
Conseil pernicieux.	561	Coustume des anciens pour donner bataille.	433-434
Conse, Dieu.	309	Coustume des anciens sur les funerailles.	342
dieux Consentes.	5	Coustume notable.	622
festes Consuale.	309	Crainte adoree.	447
Contemplations forgees sur le simulachre des Dieux cheuretiers.	148	Crainte & Espouuamment, en la statue de Minerue.	446
Copie, Deesse d'abondance & fertilité.	180	Crainte & Palleur adorees.	448
le Coq à costé de Mercure.	393	Crainte & Terreur, cheuaux de Mars.	466
le Coq consacré à Esculape.	90	Crane d'un homme mort adoré des Effedons, & en quelle maniere.	8
Coq d'Apollon.	65	le Crocodile adoré en Egypte, avec le tour que luy ioua Cleomenes.	77
Coquille des Tritons.	144	le Crocodile dédié au Soleil.	66
Coq donné à Mars.	480	Cube consacré à la Grand mere.	261
Coquille marine donnee à Venus.	601	Cuirasse de Minerue.	451-455
Coquille mise en l'image de Pan.	147	Cupidon.	567
Corbeau d'Apollon.	64	Cupidon avec Fortune.	591
Coribantes.	250	Cupidon celeste.	568
Corne d'Abondance. 179. & son exposition.	183	Cupidon & Anteros, es escholes des Éleens.	574
Corne d'Abondance en la main d'Amour.	562	Cupidon pourquoy est à costé de Venus.	625
Corne d'Abondance en la main de Fortune.	559	Cupidon vainqueur de Pan.	592
Corne de richesse.	324	deesse Curine.	246
Cornemuse de Minerue, trouuee par Marsias.	497	Cyathe tué par Hercule.	413
Corneille aymee de Minerue.	436	Cyclopes.	462
Corneille chassée par Minerue.	446	Cyclopes occis par Apollon.	87
Corneille inuoquee es nopces.	234	Cygne d'Apollon.	64
Corneille, oyseau de Concorde.	385	le Cygne pourquoy se plaint ou chante en mourant.	65
Cornes de Bacchus.	491	Cygnés donnez à Venus.	604
Cornes des bisches & bœufs appendues es temples de Diane.	109		Cyllenien,
Corfaires changez en Dauphins.	507		

Cyllenien, surnom de Mercure.	392	tements, sous le nom de Lucine.	
la Cymbale mise en la main d'Isis, que signifie.	135.136	114	
Cymmeriens.	399	Diane prenant plaisir au sang humain	
Cyparisse mué en cyprez.	156	espandu.	108
Cyprez donné à Pluton.	342	Diane surnommée Noctiluca.	116
Cypre subiette aux amours.	602	Diane transmuee en chat, pour crainte de Typhon.	137.145
Cytheron.	229	Diane Triforme, Trigemine, & Trinie.	117

D

D Amias & Auxefias, demons d'Epidaure.	24	Dieu autheur & donneur de tous biens, &c.	3
statues de Damias & Auxefias, faites d'oliuier, par le conseil de l'oracle Delphien.	24	Dieu caché.	475
Danae & Gelanor.	63	Dieu de prudence & d'eloquence.	405
Dauphins, ayez par Neptune.	307	Dieu des marchants.	393
Decima Parque.	363	Dieu des richesses.	340
Dedalus ouurit le premier les yeux aux statues, & leur separa les pieds.	82	Dieu des lardins.	516
Deesse de la ieunesse.	57	Dieu n'a point de figure.	6
Deesse de la luxure.	599	Dieu ne peut estre craint sans auoir cognoissance de luy.	2
Deesse de large poitrine.	248	Dieu ne peut estre veu des yeux.	6
Deesse des richesses.	212	multitude de Dieux.	3
Deesses feueres.	343	douze principaux Dieux.	45
Demidieux, mortels.	5.159	Dieux accompagnans l'homme en sa naissance.	404
Democrite pourquoy fut en Egypte.	4	cinq Dieux adorez deuotement.	228
Demogorgon, premier de tous les Dieux.	27	Dieux appelez hors les villes.	474
Demon accompagnant l'homme en sa naissance.	404	Dieux de l'exercice.	407
Dent de chien, herbe donnee à Mars.	482	Dieux des Grecs, armez.	19
Dercete, Deesse fabuleuse.	316	Dieux des Phoeniciens, tenants des sacs pleins d'argent.	19
Destin.	364.562	Dieux establis selon les vertus & vices.	177
Destin pourfuyuant Fortune.	562	Dieux faicts en forme d'homme & de beste ioincts ensemble.	26
Deuerre, Dieu gardien des accouchees.	157	Dieux gardiens des accouchees.	156
images de Diane.	105.111	tous les Dieux homes & femmes.	521
Diane Fascelline.	107	Dieux iurants par les eaux de Styx.	651
Diane inuoquee des femmes, en enfan-		Dieux liez.	474
		les Dieux pourquoy ont esté faicts en effigie humaine.	13
		Dieux vils & plebeiens, dequoy faicts.	26
		Diphthere, liure de Iupiter.	191

T A B L E.

Disque en la statue de Horus.	514	nature de la Lune.	135
Discorde.	472	cinq Enfants (selon la coustume des anciens) marchioient deuant l'espouse avec flambeaux en la main.	609
Docana simulachres de Castor & Pollux.	219	Enfer, la plus basse partie du monde.	61
Document moral de Seneque sur Iupiter.	190	Enigmes proposez par Sphinx.	359
Doigt, montagne.	344	Enofigee.	313
le Drome des Lacedemoniens.	407	Enseignes des Romains.	476
Dyctame, aydant à l'enfantement.	115	Enuie.	547-565

E

E Aque, Rhadamant, Minos.	331	Enuieux à qui ressemblent.	549
Eeau de Iupiter le patriure.	171	Eole Dieu des vents.	318
Eau du Soleil.	196	Eole, & les vents, pour Phyer.	50
Eau mise au vin.	489	Eone, nepveu d'Hercule.	410
Echo.	152	Epaphus.	74
Echo, fille de l'air & de la langue.	153	Ephores.	448
Echo heptaphone.	153	Epopee.	435
image d'Echo par le seigneur Barbare, patriarche d'Aquilee.	154. & par du Bellay.	Equestres, surnom de Neptune.	309
deesse Eduque.	246	Eraton, Nymphe.	145
Ega fille du Soleil.	451	Ercine.	290
Egide.	451	l'Escarbot dedie au Soleil.	66. 68
Egide portee par Iupiter.	190	Eschif, ou besche, vaisseau d'Hercule.	413
pourquoy les Egyptiens ne tuoyent ny boucs ny cheures.	148. 159	Escu de Minerue.	449
les Eleens mettoient en leurs escholes Cupidon & Anteros.	574	Esculape Agnite.	24
Elements adorez des Egyptiens.	8	Esculape comme fut porté à Rome.	90
Elements adorez sous le nom de dieux.	206	compte d'Esculape.	91
feste d'Eleusine: 274. mysteres Eleusins.	275	Esculape Cotilee.	411
deesses Eleusines.	277	Esculape, Dieu de la Medecine, & statue.	88
Eloquence, & sa force.	407	statue d'Esculape, faite d'Agnes castus.	24
Embusche.	346	Esculape nourri par des chiens.	263
Empuse.	124	Esculape transmué en serpent.	90
Encelade.	456	Esperuier d'Apollon.	65
Endymion, aimé de la Lune.	134	espece d'Esperuier consacré à Junon.	213
Endymion premier observateur de la		l'Esperuier consacré au Soleil.	115
		Espouuamment & Crainte, en la statue de Minerue.	446
		l'Esprit de l'homme est cause d'une vie heureuse ou pauvre.	555
		les Essedons n'adoroient que le crane d'un homme mort, & en quelle maniere.	

T A B L E.

nierē.	8
Estendarts de diuerſes couleurs, des Romains.	309
Estendars & enſeignes de Pilate portees en Iudee.	7
Eternité, en vne medalle de Fauſtine.	28
image de l'Eternité.	31
deſcription de l'Eternité.	28
Eternité, perpetuelle compagne des Dieux.	27
Etheocles fit le premier adorer les Graces.	633
Ethiopiens Macrobieſ.	78
Eudoxe pourquoy fut en Egypte.	4
bon Euenement avec la bonne Fortune au Capitoled de Rome.	563
Eumenides.	343
Euphroſyne.	633
Euriale & Sthenon.	453
Eurite apprint à Hercule de tirer de l'arc.	411
Eurus.	319
Eurynome.	315. 338
Eurime chaſſa le mauuais Genie des Temeliens.	533
Extirpateur des monſtres, ſurnom d'Hercule.	416

F

F æcialis.	477
origine du Fard, & iceluy repris.	202
Faueur avec la Fortune.	563
image de Faueur.	565
Fauna.	286
Faune amoureux de ſa fille.	287
Faune & Pic, notables enchanteurs.	133
Faunes.	155
Faunes, Satyres & Syluains, n'alloient iamais au ciel.	158
Febues, legume impur, & pourquoy.	

282	Fees.	357
	image de la Felicité.	566
	Femme de Iupiter.	206
	contre les Femmes auares.	560
	contre les Femmes, avec leur deſenſe.	428
	Femmes chaſſees des ſacrifices d'Hercule.	419
	Femmes priuilegiees pour ſe trouuer auſdicts ſacrifices.	420
	par qui le Fer a eſté mis premierement en beſongne.	463
	Feſte de Mars.	482
	Feſte de Minerue.	483
	Feſtes de Minerue, avec leurs ceremonies.	435
	Feu, Dieu des Perſes.	307
	Feu entendu ſoubs le nom de Vulcan.	458
	Feu & eau prezentez à l'eſpouſee.	228
	ſimulachre de Fidio à Rome.	174
	Fidio, Dieu des Sabins.	174
	Fielieté.	234
	Figuier donné à Bacchus.	502
	deux Filles debatants enſemble à qui auoir plus belles ſeſſes.	607
	Figure, ſans viſage, pour le Dieu de ſilence.	444
	Figures offertes aux Dieux domeſtiques.	524
	Figures quarrees de Mercure.	403
	Flambeau en la main de Diane.	115
	Flambeau en l'image d'Amour.	570
	Flambeaux allumez portez deuant les eſpouſees.	227
	Fleches d'Amour.	569
	comme les anciens ſe ſeruoient des Fleurs.	487
	Fleues couronnez de Canes.	323
	Flote, & fable d'icelle.	284
	Flote Deſſe des prez.	629
	Foberor, miniſtre du Sommeil.	399
	Foculare	

T A B L E.

Foculaire.	269	Fouldretrifulque.	189
Fondemens des fortereſſes dediez à Neptune.	313	Fouldres detrois couleurs , & fortes.	187
Fontaine d'huyle.	435	Foulque, oyſeau d'Hercule.	413
Fontaine du Soleil.	196	la Fourche à trois dents , & ce qu'elle ſignifie.	292
Fontaines de l'oubli & de la memoire.	93	la deeſſe Foy.	381
Fontaines ſont yeux de la terre.	625	ſtatue de la Foy.	383
Forcule, Dieu des portes.	45	la Foy appuyee & conſacree par trois choſes.	176
Fortune.	534-539	le ſiege de la Foy eſt en la main droite.	382
la bonne Fortune.	554	Fraude.	546
pourquoy lon blaſme Fortune.	534	Funerailles des anciens , & leurs ceremonies.	342
il n'y a point de Fortune.	535	la Fureur.	469
Fortune à cheual.	562	Fureur & Ire à l'entour de Mars.	468
Fortune ayde à l'amour.	559	Furies d'Enfer.	343
l'image de la Fortune avec les Empe-reurs.	558	ſtatue des Furies.	345
Fortune compagne de l'homme en ſa naiſſance.	404	Furies que ſignifient.	349
Fortune de verre.	557	trois Furies representent les trois paſſions de l'homme.	348
la Fortune des Scythes.	557	Furine, Deeſſe.	344
Fortune des Eleens, & de ceux d'Egire.	558	Fuſeau & quenouille de Tanaquil.	237
Fortune depeinte par Cebes & Artemidore.	553	Fuſeau & quenouille des eſpouſees.	229.238
Fortune, l'une des Parques.	563		
Fortune, mere & nourrice de Plute.	341		
Fortune n'a point de lieu ou giſt le Deſtin.	562		
ſi Fortune peut quelque choſe aux affaires du monde.	555.591		
Fortune pour la Lune.	563		
Fortune pourquoy aſſie.	552		
Fortune ſur la mer.	562		
Fortune timide.	565		
Fortune tournant deux timons.	536		
deux Fortunes.	535.539		
miracles du Foudre.	188		
Fouldres de nuit, ſont rares, à cauſe de la froideur de l'air.	187		
Foudre de Summan.	187		
Foudre en la main de Cupidon, que ſignifie.	589		

G

GAlathee.	295
G Ganymedes ravi.	185
les Geants, & l'expoſition d'iceux.	457
Gelanor & Danae.	63
le Genie.	527
mauuais Genie.	532
mauuais Genie chaſſé.	533
Genie d'Adrian & d'autres Empe-reurs.	530
Genie du Prince.	528
Genie en forme de ſerpent.	529
deux Genies.	528
Genitoires du Ciel, coupez par Saturne, & iettez en la mer.	600

Ghirlandes

Ghirlandes trouuees par Bacchus.	501	Gyges occit Candaule.	192
Glauque.	291		
Glauque, fils de Minos, resuscité par Esculape.	91	H	
Gorgone en la poi&trine de Minerue.	451	Habit de Minerue.	450.455
Gorgone se prend pour le chef de Meduse.	452	Origines des Hammoniens.	199
Gorgones, femmes belliqueuses.	453	vraye Hardiess& vertu.	448
Gouuernement des choses humaines.	536	Harpocrate, Dieu de silence.	77
Grace.	633	Harpocrate, & sa statue.	444
les Graces.	627	Harpyes.	353
deux, & trois Graces.	632	statue des Harpyes.	356
pourquoy il y a trois Graces, selon Senèque.	636	Heaume de Minerue.	426
quatre Graces.	630	Heaume de Pluton.	334
statue des Graces.	633.635	Hebé.	57
les Graces avec Venus.	606	statue de Hebé.	58
office des Graces.	631	Hecaté, & Hecatombe.	117.120
Graces de qui filles.	628	statue de Hecaté ayant teste d'esperuier.	124
sculpture des Graces en la maison des Colonnaïs à Rome.	637	statue de Hecaté faite par Miron.	122
Graces & Heures sont vne mesme chose.	628	Hecaté maistresse des Demons.	123
les Graces pourquoy estoient adorees au milieu des places.	634	Hega & Helice, nourrissees de Iupiter.	179
les Graces pourquoy estoient mises en la main d'Apollon.	635	Hemispheres.	249
la Grand mere.	245	Hera.	279
noms de la Grand mere.	246	que signifie presenter de l'Herbe.	377
la Grand mere portee de Phrygie à Rome.	256	Hercule.	405
Grane Nympe, Deesse des gonds des portes.	44	simulachre d'Hercule.	406.408.410.
les Grecs ont sceu les noms des Dieux par le moyen des Egyptiens.	10	411	
Grenades, pour signe de Concorde.	385	Hercule amateur de prudence.	417
Grifons à la statue de Minerue.	450	Hercule amoureux d'Amathee.	180
Grifons au heaume de Minerue.	529	Hercule armé.	410
portes de la Guerre.	51	Hercule combatant pour la ville de Thebes.	411
Guide des voyageurs.	401	Hercule dedié par le Roy Euander, fut posé au marché aux bœufs à Rome.	25
		simulachre d'Hercule en forme de ra& déau.	419.420
		simulachre d'Hercule & d'Apollon tenant le trepied.	420.421.422
		Hercule & Mercure avec Cupidon.	575
		Hercule fort de force d'esprit.	416

T A B L E.

Images

Images des Dieux d'or & d'argent prohibees par Platon.	23	218.126	Iunon liee par Vulcan.	462
Inach.	322.408		Iunon Lucine.	207.209
Iniure.	545		Iunon royne du ciel, & femme de Iupiter.	206
Intercidone, Dieu gardien des accouchees.	157		Iunon se prend pour la terre.	207
Inuenteurs des armes.	193		Iunon Solspite, & Februale.	231
Iolae, nepueu d'Hercule, destroba la corne d'Abondance à Amalthee.	181		Iunon signifie l'air, & la terre.	218.263
Ioue est tout.	141		images de Iupiter.	162.165
Ioue premier & dernier de toutes choses.	142		statue de Iupiter, d'yuoire, de grandeur desmesuree.	194
Iphigenie sacrifiee à Diane.	106		Iupiter Ammonien.	196.602
I'ire.	469		Iupiter assis.	183
Ires & Fureur à l'entour de Mars.	468		Iupiter assis sur le Melitor.	141
Iris.	214		Iupiter avec cornes de Belier.	161
Iris messagere de Iunon.	214		Iupiter avec couronne de Roy.	201
Iris & Mercure, messagers des Dieux.	373		Iupiter avec les ornements de Bacchus.	184
Isis.	125		Iupiter avec quatre oreilles.	167
simulachre d'Isis.	129		Iupiter avec trois yeux.	168
feste d'Isis.	127		Iupiter boiteux, & droit, & pourquoy.	341
statue d'Isis couronnee de plumes de Vaultour.	213		Iupiter changé en coucou.	218
dieu Iugantin.	239		Iupiter changé en diuerfes formes pour iouyr de ses amours.	204
Iuges d'enfer.	329		Iupiter changé en mouton.	198
quelz doiuent estre les Iuges.	343		Iupiter changé en serpent.	492
images des Iuges sans mains.	169		Iupiter, chasseur des mousches.	418
pourquoy les Iuges sont faux.	330		Iupiter couronné d'oliuier.	200.201
les Iuifs n'auoient statues ny simulachres.	7		Iupiter depeint par Orphee.	143
Iunon.	206		Iupiter enfantant Bacchus.	193
statues de Iunon.	209. 215. 216. 217. 218.231.232.233		Iupiter enfantant Minerue.	427
surnoms de Iunon.	239		Iupiter en forme de Mouton.	198
Iunon ennemie d'Hercule & Bacchus.	231		Iupiter en forme de pyramide.	195
Iunon entendue sous le nom de Lucine.	114		Iupiter en forme quarrée.	200
discord entre Iunon & Iupiter.	229		Iupiter est Destin, Prouidence, Nature, Monde.	142
Iunon Espousee.	226.229		Iupiter estant debout & nud.	186
Iunon Iugale.	233		Iupiter & Iunon enfantez d'une ventree.	36
Iunon liee par Iupiter de chaines d'or.			Iupiter & le Soleil ioincts ensemble.	55
			Iupiter haut de sept coudées.	193
			office de Iupiter Horcie.	174

Iupiter Labradeen.	193	Laurier donné à la Lune.	121
Iupiter le Conseruateur.	187	le Laurier ne craint la foudre.	69
Iupiter le Gardien.	186	Laurier, signe de Victoire.	476
Iupiter Lyceen.	143	Lebetes.	421
Iupiter le Stateur.	186	Legumes distribuez par Ceres.	281
Iupiter nourri par des rossignols & vne cheure.	263	deesse Lenona.	246
Iupiter peint de vermillon.	201	Lethé.	351
statue de Iupiter punisseur du pariure.		Letre de Pythagore.	442
170		Letre venue des Antipodes, portee par les vents.	334
Iupiter sans fouldre & sceptre.	191	Leucopiges.	408
Iupiter sans oreilles.	167	Libithine.	367
Iupiter sans rasouer.	184	Liburne, adree d'aucuns peuples de la Germanie.	128
Iupiter se prend pour l'air.	207	Licinie, nepueu d'Hercule.	410
Iupiter signifie le feu & l'air.	263	Liectiere des espouses.	227
Iupiter surnommé diuersement.	205	Liens des Amours.	582
Iupiter transmüé en vache.	126	Lierre donné à Bacchus.	501
Iupiter, tresbon & tresgrand.	140	Lieure conuenable à Venus.	579
Iupiter vestu d'une peau de mouton.		la chair de Lieure peut rēdre plus beau celui qui en mangera par sept iours.	580
200		Limantin, Dieu du sueuil des portes.	46
statue de la Iustice.	544	Lion plus furieux de tous les animaux.	591
statue de la Iustice accompagnant celle Iupiter.	169	naturel des Lions.	249
Iustice void tout.	543	Lions donnez à Vulcan.	464

L

L Abeurs d'Hercule.	415	Lionne plus furieuse que le Lion.	591
Laceremonie des Lacedemoniens sacrificians à Diane.	107	Lissa, entre les Furies.	352
Lamia.	357	Liures de Numa Pompilius brulez par arrest du Senat.	20
Lampe de Minerue.	435	Loup, animal de Mars.	480
Langue consacree à Mercure.	393	Loup avec silence.	445
Laraires d'Alexandre Empereur de Rome.	524	Loup au temple d'Apollon à Delphes.	62
Lard de pourceau mangé par les Romains aux Calendes de Iuing, à l'honneur de ceste Deesse.	45	Loup, enseigne des Romains.	476
Lares.	269.523.524.525	le Loup pourquoy est attribué à Apollon.	62
Lasciuéré.	161	Lucifer.	625
Laurence, putain notable.	285	statue de Lucine.	115
Laurier consacré à Apollon.	502	Luculle bien fourni de peintures & sculpteurs.	17
Laurier d'Apollon.	68	la Lune	

la Lune aydant à l'enfantement.	113	naissance de Mars.	466
lumiere de la Lune, incertaine.	138	statue de Mars.	466
la Lune, le Soleil & Vulcan seuls adorez des Allemands.	16	statue de Mars liee.	474
moyen d'empescher que la Lune ne soit charmee.	136	statue de Mars en Laconie consacrée à Apollon.	482
la Lune planete humide.	113	maison de Mars.	472
la Lune pourquoy est feinte en forme de vache.	72	Mars avec Venus.	465
la Lune tirée en terre par enchantements.	132	Mars dieu des guerres.	466
Lunes (ou croissants) portees par les gentilshommes Romains, en leurs fouliers.	138	Mars & Venus avec Cupido.	591, 592
Lunus Dieu.	62	Mars Pacifique, appelé Quirin.	459
Luperques & Lupercals.	231, 232	Marsias excellent musicien.	498
Luyteurs & escrimeurs sous la garde de Mercure & d'Hercule.	407	Marsias, l'un des ministres de Bacchus.	497
les Lybiens anciens n'eurent statues, autels ne temples.	8	Massue d'Hercule.	407, 408, 411, 417
Lycurge ne permit faire simulachre des Dieux.	7	Medee faisoit descendre la Lune en terre par enchantements.	132
Lyre en la main d'Apollon.	58	Meduse.	453
Lys blanchis du lait de Lunon.	231	Meduse occise par Persee.	454

M

M Acarie.	565	simulachre de Memnon.	485
Maïesté, nee du mariage d'Honneur avec Reuerence.	176	Menades & Bassares.	498
Main consacree à la Foy.	382	Menippe le Cynique, & sa folie.	46
vertu de l'vsage des Mains.	424	Meragetes Dieu.	67
Maison appelée Galere.	505	statues de Mercure.	374, 388, 401
Malice de la Fortune, comment a esté designee par les anciens.	553	statue de Mercure en figure quatrée.	389
Manies, Deesses.	344	Mercure avec trois testes.	401
Marc Tulle noyé en mer pour auoir baillé copie du liure contenant les secrets de la religion.	26	Mercure avec Venus.	615
Marcel porta les statues de Grece à Rome.	11	Mercure ayant le col de chien.	405
dieu des Marchants.	393	Mercure, Dieu des marchants.	395
Mariage.	234	Mercure dieu des pasteurs.	402
		Mercure en habit de soldat.	402
		pourquoy Mercure est sans barbe.	399
		Mercure & Hercule, avec Amour, mis es Academies des Romains.	575

Mercure & Hercule avec Cupidon.	550
575	
Mercure, guide des voyageurs.	401
Mercure inuenteur de la Musique, & de la Lyre.	147
Mercure inuenteur de plusieurs arts.	389
Mercure, messager des Dieux.	373
Mercure pris pour le Soleil.	403
Mercure transformé en bouc.	147
Mercure transmué en oyseau.	145
deux ieunes Messeniens, se feignant estre Castor & Pollux.	220
Minerue.	424. 431
simulachre de Minerue armée.	426. 430
Minerue avec des talonniers.	449
Minerue avec la quenouille.	435
Minerue Brideresse.	458
Minerue ciuile & courtoyse.	459
Minerue contendant avec Neptune touchant la seigneurie d'Athenes.	434
Minerue, Deesse de Prudence.	424
Minerue depainte sur les portes.	459
comment Minerue est faite.	425
Minerue, & Athene, Deitez d'Athenes.	459
Minerue, & ses yeux.	425
Minerue, & son oyseau.	436
Minerue iette le fouldre.	187
Minerue inuentrice des arts.	458
Minerue nee du cerueau de Iupiter.	189
426	
Minerue tenue aux Academies.	425
Minerue vierge.	484
Mingre, ou Miodes, Dieu des mouches.	419
Ministres des Songes.	399
Minos, Rhadamanth, Eaque.	331
ce que Minos signifie.	332
Minotaur, enseigne des Romains.	476
Miroir d'argent dedié à Venus.	616
Mome.	549
Momes de ce temps.	550
le Monde vniuersel diuisé en deux parties, par les deuins d'Hetruirie.	103
Monnoye offerte à Mercure.	423
Morphee, ministre du Sommeil.	399
Morpho Venus avec les pieds liez.	618
Mort de Saturne.	87
Morte, Parque.	363
Mouches ny chiens pourquoy n'entroient point au tēple d'Hercule.	418
le Mouton dedié au Soleil.	66
Mouton, guidé de Bacchus & de son armee, languissant de soif.	198
Mouton porté par Mercure.	402
Mouton, reputé sacré par les Thebains en Egypte.	199
Mulet au chariot de la Lune.	112
Multitude de Dieux.	3
images des Muses.	59
Muses avec le Sommeil.	394
chapeaux dont les Muses estoient couronnées.	60
nombre des Muses.	59
Mutin, Dieu.	238. 516
Myrte consacré à Venus.	502
Myrte donné à Venus.	606
Mysteres contenues au sistré d'Isis.	137
Mysteres de la religion doyuent estre secrets.	429
Mysteres tenus secrets.	160
N	
Narcisse, donné à Pluton.	342
Nature.	126
Naturel des trompeurs.	551
Nature de Bacchus.	505
Necessité Deesse.	364
Necessité accompagnant l'homme en sa naissance.	404
Nemesis.	539. 540. 542
Nemesis sans ailes.	543
reste	

T A B L E.

ceste de Nephthie insculpee en la Cymbale d'Isis.	137	Oeil de Iupiter.	78
Neptune.	291	Oeneide Nymphe.	147
Neptune & Amphitrite.	305	Oliuier baillé à Minerue.	201.434
statue de Neptune.	312	Oliuier, signe de paix.	376
Neptune changé en cheual.	280	ieux Olympiques.	171
Neptune conserué de la deuorante gueule de Saturne.	37	Omphale Lydienne aimée d'Hercule.	191
Neptune debatant avec Minerue touchant la seigneurie d'Athenes.	434	Opinion.	437
Neptune & Minerue, deitez d'Athenes.	459	Ops, ou Rhea, femme de Saturne.	36
Neptune premier dompteur de cheuaux.	309	statue de la Deesse Ops.	251.257.259.
Nereide.	294	261	
Nereides cent en nombre.	305	exposition de l'image de la Deesse Ops.	248
compte de Nicon, ou Theagenes.	203	Oracle de Iupiter Olympien.	194
Nil riuiere, & sa statue.	325	Oracle de Mercure.	423
Nombre impair demonstreur de paix & d'vnion.	227	Oracle de la Deesse Themis, touchant Cupidon.	574
Nona Parque.	363	Oracle de Trophonius.	93
Nopces de Ceres.	278	Ordre bien establi pour iuger les ames.	331
Notus.	319	Origine des Dieux.	10
Numa Pompilius ne permit faire simulachre des Dieux.	8	Origine des statues & idoles.	12
compte de Numenie philosophe, sur les Deesses d'Eleusis.	276	Ormeau en enfer, demeure des Songes faux.	398
la Nuit, & comment elle fut pourtraicte.	394	Osiris adoré sous le nom de Priape.	509
Nymphes, mortelles.	5	Osiris desmembré.	509
quatorze Nymphes au seruice de Iunon.	215	l'ame d'Osiris occis passa en vn boeuf.	75
Nymphes, & leur signification.	317	Osiris occis par Typhon.	144
		Osiris en forme d'Esperuier.	509
		Osiris entendu sous le nom d'Esperuier.	65
		Oye consacree à Iunon.	213
		Oye portee en procession.	214
O ccasion, Deesse.	555		
image de l'Occasion.	556		
Occasion accompagnée de la Poenitence.	556		
Ocean pourquoy fut dit pere des Dieux.	314	P ainture d'Apelles.	546
Ocrisie enceinte du Genie.	520	de Paintures des Amours.	576
		la deesse Paix.	378
		statue de la Paix.	341
		pourtraict de la Paix.	379
		la Paix	

T A B L E.

la Paix amie de Ceres.	379	Pasteurs & cheuriers grandement esti-	
la Paix couronnee d'oliuier & delau-		mez.	159
rier.	380	Pasteurs sous la garde de Mercure.	402
Palais de Mars.	474	Pataiques Dieux.	463
Palemon, ou Portunus.	305	Patulce & Cluse, surnoms de Ianus.	51
Pales, Deesse des pasteurs.	283	le Pau.	322
Palestre, fille de Mercure.	387	deesse Paudentie & Potine.	246
festes Palilies.	283	le Paur donné à la Lune.	121
Palladium.	431	Peau de lyon, dont est couuert Hercu-	
Pallas.	430	le, que signifie.	417
Pallas plaidant contre Neptune pour		Pegase, cheual.	457
la ville d'Athènes.	308	Peine & Remuneration, seuls dieux,	
Palleur & Crainte adorees.	448	selon Democrite.	177
origine de Pan.	147	Penates.	526
image de Pan.	146	Penelope amoureuse de Mercure.	147
Pan addonné à la paillardise.	150.160	Penitence.	546
Pan amoureux d'Echo.	151	Penitence avec l'Occasion.	556
Pan appelé Bouc en Egypte.	148	Peplum, maniere d'habit.	455
Pan appelé Inue.	149	Peregrate.	288
Pan Dieu de la Musique.	147	Perpetuite.	27
Pan, Dieu des troupeaux & pasteurs.		les Persans anciens n'eurent statues,	
143		autels, ne temples.	8
Pan, Dieu peculier des Arcadiens.	145	statue de Persee en vn temple de Mi-	
Pan iouit de la Lune, & par quel		nerue.	454
moyen.	135	Pescher dedié à Harpocrate.	446
Pan mis au roolle des huit premiers		Peste causee par le grand nombre de	
Dieux.	148.159	mouches.	419
Pan, pour la parole, ou frere d'icelle.		Peuplier, arbre d'Hercule.	417
151		Peuplier, arbre infernal.	499
Pan secourut les Atheniens contre les		Phallon, image du membre de l'hom-	
Perses.	145	me.	495
les Pantheres pourquoy sont au cha-		Phallophores.	515
riot de Bacchus.	505	Phantase, ministre du Sommeil.	399
Paon baillé à Iunon.	213	Phillyre Nympe.	42
vertu de la Parolle, & de l'usage des		fable de Phinee & des Harpyes.	353
maines.	492.424	Phorbas, enrichi par Mercure.	402
Parolles hastifues & aillees.	386	deesse Phrygienne.	252
origine des Parques.	364	Pic & Faune, notables enchanteurs.	
statue des Parques.	365.368	133	
ghirlandes des Parques.	366	Pie donnee à Bacchus.	501
habit des Parques.	366	Pie oyseau de Mars.	481
Parques filants la vie del'homme.	361	Pierius donna le surnom de Pierides	
Pasithec.	633	aux Muses.	59
		Pierre	

T A B L E.

Pierre deuoree par Saturne en lieu de Iupiter.	37	Pomme & pauot en la main de Venus.	617
Pierre gardée en grand respect à Delphes, & à Rome adree pour le Dieu Terminus.	37	Pommes sacrifies à Hercule en Thebes.	415
Pierre longue & ronde, prouenant de Sicile, avec la vertu d'icelle.	262	Pomone.	284
Pierres iettees contre la statue de Mercure.	400	Portes du ciel sont deux.	43
Pierres quarrées adrees par certaine gent d'Achaie.	9	deux Portes au ciel, par où passent les ames humaines.	393
Pigue en la main de Venus.	621	deux Portes des Songes.	398
Pilier de guerre.	433	Portes des villes baillées à Iunon.	313
Pilumne, Dieu gardien des accouchees.	157	Portique heptaphone en Olympic.	153
le Pin donné à Pan.	161	Portumne, Dieu gardien des portes.	44
Pin donné à la grand Mere.	252	chambre de Portumne soubsterraine.	171
le Pin pour la fraude.	351	Postuorte & Anteuorte.	47
Pique de Minerue.	449	Pourceau, enseigne des Romains.	476
pourquoy les Piques furent baillées aux statues des Dieux.	211	Pourceau sacrifié à Ceres, & pourquoy.	278
Pistie & Fidie.	174	Pourceau seulement sacrifié à la Lune & à Bacchus, & en quelles festes.	118
Pitho (ou Suadela), entre les Graces.	613	deesse Preme, & Partunder.	239
Plané donné au Genie.	531	Premices des fruiets mis sur les chemins publics.	401
Plante d'Osiris, appelée lierre.	502	Priape.	515
Platon pourquoy fut en Egypte.	4	origine de Priape.	520
pourquoy les Plumes furent données à Mercure.	386	statue de Priape.	518
Plute, Dieu des richesses.	340	Priape est le mesme que Bacchus.	514
Plute en la main de la Paix.	370	Priape, surnommé Mutin.	258
Pluton.	329	Prieres: comme sont faictes.	43
pourtraict de Pluton.	339	Princes, images des Dieux.	47
couleur, couronne & sceptre de Pluton.	333	Priuilege des statues des Princes.	18
Pluton en la main de Fortune.	538	fable de Promethee.	2
Pluton pour le Soleil.	333	exposition d'icelle.	16
Pluton pourquoy roy des morts.	333	statue de Promethee en la Phocide.	15
Pluton Roy de ce monde, & pourquoy.	332	Promethee fit le premier de terre statue d'hóme: & pour ce fut adoré.	14
Pluye d'or.	341	Promethee emporta le feu du char du Soleil.	458
Poëtes couronnez de lierre.	489	Proserpine avec vne oye.	290
Polypheme.	295	Proserpine pourquoy fut refaïee à Mars & à Phœbus.	380

Proserpine prinse pour les bleds.	290	Sans statues & images de leurs Dieux.	8
Proserpine rauie par Pluton.	273	Romule & son frere nourri par des Loups.	263
Protée en diuerses formes, & pourquoy.	315	Roses colorees.	607
Proteruia, sacrifice de Vulcan.	465	Roses de Iunon.	230
Prouesse des femmes de Lacedemone.	615	Roses donnees à Venus.	607
Prouesse des femmes de Rome.	620	Rougeur aux amants.	588
Prouidence, adorée des anciens comme Deesse.	16		
Pudor, c'est à dire, Honte, adoré.	241	Sacrifice de Vulcan.	465
Putains signifiees par les Sirenes.	301	Sacrifice notable de Mars.	470
Pyrithoe tué par Cerbere.	339	Sacrifices sots & ridicules, faits à Hercule.	414
Pythagoras pourquoy fut en Egypte.	4	Sacrificateur de la Foy ayant la main & la teste couuverte d'un voile blanc.	382
Python occis par Apollon.	61	Sacrificateurs chastez.	253
		Sacrificateurs de Bellone l'appaisans de leur propre sang.	433
		Sang respand u agreable à Bellone.	433
		Sanglier, armoirie des Allemans, & marque de leur religion.	260
		signes, image, & enseigne de la Saté.	95
		Sapience, & ses trois parties.	431
		Sarpe en la main de Bacchus.	492
		Satellites de Bacchus.	493
		Satrape.	312
		image de Saturne, avec son exposition.	34.38
		histoire & fable de Saturne.	33.36
		Saturne aucteur de l'histoire.	35
		Saturne ayant les pieds liez.	41
		Saturne changé en cheual.	42
		Saturne dit Sterculie, & pris pour le temps.	34
		Saturne, le plus grand des sept planetes.	38
		Saturne pris pour l'esprit, ou ame.	40
		Satyre veu par S. Antoine.	158
		description des Satyres.	157
		Satyres compagnons de Bacchus.	161
		Satyres	
la Raison principalement fait l'homme different des animaux brutes.	101		
Rasoir en la main de Cærus.	556		
Rats enuoyez par Vulcan contre les Arabes.	461		
Rats hais des Arabes.	461		
Rats tenus en grand honneur.	97		
la Religio defendoit de manger la Vi-ctime sur laquelle on auoit iuré.	172		
la Religion perfection principale des hommes.	1		
Remede contre les enchantemens qu'on faisoit aux espousez.	240		
Remuneration & Peine, seuls Dieux, selon Democrite.	177		
Renommee double.	468		
la Renommée, & sa description.	468		
Rhadamanth, Eaque, Minos.	331		
Rhamnuse.	541		
Rhea, ou Ops, femme de Saturne.	36		
Ris de Iupiter.	87		
Riuieres infernales.	351		
Rois surmontez par Bacchus.	501		
les Romains combien demeurerent			

Satyres & Syluains	153	auoir en mourant deux images de	158
Satyres, Syluains & Faunes n'alloient	158	Fortune.	158
ni jamais au ciel.	158	Seu de Iupiter.	166
illes Satyrides.	157	Sicile de Ceres.	173
Sceptre en la main de Concorde.	380	Siege de la memoire.	194
Sceptre & toge palmee, enseignes de	201	Signe de liberte.	222
Iupiter.	201	Signe de noblesse.	213
Scipion pourquoy s'enfermoit souuēt	161	Silene.	161
seul au Capitole.	161	Silene, Dieu de la nature.	490
Scylla.	302	Silene, pedagogue de Bacchus.	489
les Scythes ne firent statues à aucun	18	Silene pris par Midas.	490
qu'à Mars.	18	sepultures des Silenes.	5
Selene, riuere, faisant oublier les	576	Silenes mortels.	491
amours.	576	Sirenes.	297
Selēuque Nicanor	494	Sirenes surmontees par les Muses au	60
statue de Semiramis, de grandeur ad-	13	chanter.	60
mirable.	13	Sistre donnee à Mercure.	403
Semiramis engendree miraculeuse-	16	Sistre d'Isis.	37
ment.	16	Socrates mourant laissa vn coq à Escu-	90
Semiramis nourrie par des oyseaux.	263	la lape.	90
Semiramis se fit faire vne statue, & icel-	13. 13.	simulachre du Soleil, des Phoeniciens.	71
le adorer.	13. 13.	& des Megaresiens.	71
Seps de vigne fort gros.	24	images du Soleil en Egypte, avec des	83
Serapis. 76. & ses images.	83	plumes.	83
Serment fait sur deux pierres en Arca-	281	nauires du Soleil.	66
die.	281	Soleil chef du monde.	403
Serpent donne à Minerve.	450	Soleil dit Horus par les Egyptiens.	629
Serpent en l'image de Ianus.	47	le Soleil & les estoilles de quoy se nour-	63
le Serpent pourquoy est donne à Escu-	88	risent.	63
lape.	88	de Soleil, la Lune, & le Ciel, premiers	3
Serpents au caducee de Mercure.	375	Dieux.	3
464	375	le Soleil voit & entend tout.	70
Serpents donnez à Ceres.	273	le Soleil, Vulcan, & la Lune, seuls ado-	10
Serpents estimez de nature diuine.	165	rez des Allemands.	10
Serpents familiers à Esculape.	92	statue du Sommeil.	327
Serpents maniez des Bacchantes, sans	507	robes du Sommeil.	325
nuire.	507	Sommeil avec les ailes.	326
Seruch, de la race de Iaffet, mit le pre-	12	Sommeil avec les Muses.	394
mier en auant l'adoration des sta-	12	Sommeil frere de la Mort.	394
tuës.	12	Songes.	397
Sethon Roy, prestre de Vulcan.	460	Songes faux.	398
Seuere empereur de Rome voulut	1	Sorcières & magiciennes de Thessa-	

lie.	70	Syluain, nuyfant aux accouchees.	136
Sott.	339	Symbole & enseigne d'abondance.	179
Sosipolis, Dieu des Eleens.	171. 529	Sytienne Deesse.	109
Sourcils en la protection de Iunó.	207		
Sphinx avec Minerue.	429. 450		
Sphinges.	359		
Squillance, à Rome, appaisée par Ange- rone.	444	T able du Soleil.	79
Staphyle, Nymphé, changée en vigne.	502	Tableau d'Apelles.	546
Statue de Iupiter à Portoferrato, faite d'un seul bois de vigne.	24	Tacite Deesse.	444
Satue de Iunon en Argos, d'un tronc de poirier, & à Rome, deux de cy- prez.	24	Taire en son temps, est vertu.	446
Statue en Egypte, faite par vn pere pour son fils decédé.	13	Taire nécessaire.	444
Statue merueilleuse.	605	Talonniers aux pieds de Minerue.	449
matieres des Statues.	22	Talonniers de Mercure.	375
Statues d'yuoire & de fer.	26	Tarasippe.	310
Statues faites en sorte qu'on leur ostoit la teste pour y en mettre d'au- tres.	17	Tarquin le Prisque, selon Tertullien, enseigne aux Romains à faire sta- tues des Dieux.	12
Statues, marques & enseigne de no- blesse.	19	Tarrutie.	285
Statues par qui desprisees.	19	Tasses de corne pour boire.	492
Statues portees solennellements pom- pes publiques par les Romains.	19	Taureaux au chariot de la lune.	112
Statues pourquoy faites en diuerses manieres.	19 21	Telephe nourri par des cerfs.	263
Statues pourquoy nues.	19	Temple des Atlantiques, de grandeur desmesuree.	305
Statues quarrees donnees aux vail- lants capitaines.	391	le Temple des Graces pourquoy estoit fait au milieu des places.	634
Statues tenues en grand respect.	17	vn Temple ne pouuoit estre dedie à deux Dieux.	438
Sthenon & Euriale.	453	Terre adoree par les Allemands.	259
Stimule, & Horte, Deesses.	443	Pourquoy la Terre fut honnoree du nom de mere.	245
Striges, nees des Harpyes.	355	Terre representee en forme de vache.	403
Syux que signifie.	351	Terreur & Crainte, cheuaux de Mars.	466
Suadela entre les Graces.	613	Terreur Panique.	144
Summan, ou Pluton.	187	Terreur pourtraicte en deux manieres.	447
Surnoms de Iupiter.	205	Teste d'un asne d'or adoree par certai- ne gent de la Iudee.	9
Surnoms de Bacchus.	484	Teste de Vulcan.	87
Syca, nymphe, changée en figuier.	502	deux Testes de fer à Pergame, consa- crees à Bacchus.	26
		Tetin de Iunon.	87
		Thalassie	

T A B L E.

Thalasse Capitaine de grande valeur.		Typhon occit Osiris.	144
Thalasse inuoké aux nopces.	237		
236		V	
Thalasse, signifie certain panier propre		V. Ache brehaigne sacrifiée à la Lu-	
à l'usage des femmes.	237	ne.	112
Thalia.	633	Vache sacrifiée à la Grand mere.	258
Thaumante.	214	Vaisseau baillé par le Soleil à Hercule.	
compte de Theagenes, ou Nicon.	203	412	
pourquoy les Thebains en Egypte ne		Van de Bacchus.	496
sacrifioyent le mouton.	198	Vases de Phœbus.	87
Themis Deesse.	574	dieu Vatican.	246
Thetis pourquoy tenoit le Soleil au		Vaultour consacré à Iunon.	213
bras droit, & la Lune au gauche.	102	Vaultour consacré à Mars.	481
Thoit, ou Theut.	389	les Vaultours sont tous femelles, & ne	
Timagore & Melete.	572	s'en trouue aucun mâle.	127
Timon en la main de Fortune.	553	Veau escartellé des ceremonies de Bac-	
Tisiphone.	350	chus.	507
Tortue, au pied de l'image de Pan.	147	Veloue, & sa statue.	178
Tortue, sous le pied de Venus.	612	les Vents.	318
nature de la Tortue.	612	Vents principaux.	319
Tremblement de terre procede de Ne-		Venus.	599
ptune.	313	naissance de Venus.	600
Trepied d'Apollon, signe de verité.	423	statues de Venus.	604. 610. 611. 618.
Trepied en Delphes, & ce que c'est.	421	statue de Venus au pais des Eleens.	601
la Trinité representee par le simula-		statue de Venus en Cypre.	602
cre de Fidius.	178	statue de Venus en Paphos, sans sem-	
Triomphe trouué par Bacchus.	501	blance d'homme.	195
statue de Triptoleme.	277	exposition de Venus.	625
opinion de Trismegiste touchant les		char de Venus.	603
statues.	7	Venus accompagnée des Graces &	
Tritonide marais.	483	8. Heures.	627
Tritonienne.	431	Venus armée.	614
les Tritons.	293. 297	Venus avec la barbe.	621
Troncs des arbres reuerz par ceux de		Venus avec Mercure.	613
Marseillé.	9	Venus avec Vulcan.	465
Trophonius.	93	Venus Calipiga.	607
Truye plaine sacrifiée à Bonne Dees-		Venus celeste, vulgaire & commune.	
se.	286	611. 612.	
Truye sacrifiée à la Grand mere.	258	Venus Chauue.	620
Tybre.	322	Venus de marbre, de beauté admira-	
statue du Tybre.	324	ble, faite par Praxiteles.	605
Typhon.	508. 510	Venus, Deesse de generation.	367
statue de Typhon.	511		

T A B L E.

Venus deesse du mariage.	613	Veste, gardienne du Tybre & de Ro-	me.	473
Venus descripte par Apulee.	609	Veste inuoquee en tous les sacrifices.		269
feste de Venus en Efrix.	603	vierges Vestales.		265
Venus entre les Parques.	366	supplice des Vestales impudiques.		266
Venus enuoloppée d'un manteau.	623	Vestibulum.		269
Venus & Mars avec Cupidon.	591, 592	Vices de l'ame, cruels tyrans contre		419
Venus faite par Scopas, & par Phidias.	612	les hommes.		419
Venus Machinatrice & Inuentrice.	614	Victime de Mars.		470
Venus ne peut rien sans Bacchus.	602	Victimes de Jupiter.		202
Venus pour la moitié de la terre.	624	Victimes de Minerue.		484
Venus pour le printemps.	650	Victimes feintes.		418
Venus pourquoy estoit nue.	605	Victimes ou bestes sacrifiees à la Grâd		258
Venus principale Deité des putains.	619	mere.		476
Venus se lamentant sous le manteau,		Victoire.		476
que nous represente.	626	statue de Victoire.		479
Venus se vengeance de son fils. Amour.	594	Victoire Deesse commune.		479
Venus selon les naturels.	600	Victoire, fille de Stryx.		357
Venus Victorieuse.	616	Victoire sans ailes.		475
Verge donnée à Bacchus.	499	Vigné, plante propre à Bacchus.		503
Verge du Sommeil.	398	le Vin dessèche plus qu'il n'humecte.		487
Verge en la main de Pluton.	335	le vin est entendu par Bacchus.		486
Verité.	423	le Vin incite à luxure.		501
Verité mere de la Vertu.	438	Violence Deesse.		366
Verité ne se laissant cognoistre.	437	Virginie Deesse.		258
Verité pourtraicte diuersement.	437	mariage d'Ulysses & Penelope.		241
Verité pourtraicte nue.	177, & vestue	Ulysses ornement de tous les Grecs.		302
d'une robe blanche.	178	cantelle d'Ulysses contre les Sirenes.		299
Verticordia, surnom de Venus.	616	l'Uniuers depeint par les Egyptiens.		165
Vertu.	438	Voye Lactee.		237
Vertu pourtraicte diuersement.	439	Voille flammee des espousees.		226
statue de Vertu.	440	Volupie, Deesse des plaisirs.		443
vraye Vertu & hardiesse.	448	Volupté.		441
Vertu & Volupté apparoißans à Her-		Voyagers sous la garde de Mercure.		401
cule.	441	Vulcan.		458
Vertu masculine.	436	statue de Vulcan.		459, 463
Vertu & vices adorez.	3	Vulcan à la forge.		462
Vertumne.	284, 326	Vulcan avec des rats.		460
Veruaine, signe de paix.	377, 378			
Veste.	264			
le temple de Veste.	267			

T A B L E.

Vulcan boiteux.	460	Y	
Vulcan jette du ciel.	461		
Vulcan jette le foudre.	187		
Vulcan, le Soleil & la Lune seuls ad- rez des Allemands.	10	Y	urongnerie, sacrements de Bac- chus. 497
Vulcan ouurant le cerueau de Iupiter, pour faire naistre Minerue.	427	Z	
Vulcan pour l'hyuer.	50	Z	Ephyre. 320
Vulcan Roy d'Egypte.	462	Z	Zephyre engroisse la terre & les ar- bres. 127. 320.
X			Z
			Zethes & Calais. 354

dire de Xenophanes touchant les sta-
tues. 6

FIN.

AUTRE



A V T R E T A B L E, C O N - TENANT LES P O V R T R A I C T S .

DES DIEUX ET DEESSES,

designez en ce liure..

35



D A D , ayant la teste entourée de rayons , tendants contre bas : & Adargate, contre mont: estoient les principales Deitez des Assyriens, lesquels par Adad entendoient le Soleil, & par Adargate, la terre. 80

Amour(ou Cupidon) tenant en sa main vne branchie de palme: laquelle Anteros s'efforce de luy oster. Item Amour surnommé Letheé, ou bien oublinieux, plongeant ses ardants feux au fleuve, pour les y estaindre: laquelle figure se trouue la dernière de toutes, & doit estre transferee en la page 575. Amour pourtrait en petit enfant, en forme de corps ieune, luyfant & beau, ayant des ailes, & fleches. Item tenant le foudre en la main. Item ayant ietté l'arc & les fleches, tient vne lyre en sa main. 593

Angerone avec la bouche bandee & scellée, 445

Apollon, Phœbus, le Soleil, portant en la main droicte vn fouët de charretier, & en la gauche le foudre, avec quelques espics de bled. Item Apollon tenant les Graces en la main droicte, & les sagettes en la gauche: ayant d'Animaux pour consacrez à luy, le loup, le corbeau, le cygne, le coq, l'esperuier, le crocodile, l'escarbot, & le mouton: 55

Apollon adoré en forme de nauire portee par vn crocodile: de laquelle sept fiesres ont le gouuernement, &c. 67

Apollon adoré en vn antre, ayant teste de lyon, vestu à la Persianne, tenant fort & ferme vn bœuf ou vne vache par les cornes. Item en forme de pierres, diuerses & différentes en figure. 71

Apollon ayant la barbe longue & pointue, portant sur la teste vn panier, vestu d'vn corceler, tenant de la main droicte vne pique, avec vne figure de la Victoire, & presentant de la gauche vn bouquet de fleurs. 80

Apollon sous le nom de Serapis, portant à la teste vn muy, & vn baston à mesurer: ayant à costé vne figure à trois testes en vn corps, entortillé d'vn serpēt. 84

Apollon assis en vn haut siege de iustice, ayant deuant luy quatre vases couuerts. 87

Apollon ayant sur la teste vne couronne de douze bagues trefseluyfantes: tenant de la main gauche vn bouclier, & de la droicte vne torche allumee. Item fait en

T A B L E.

faict en forme d'homme ayant teste de mouton avec les cornes. 100

B

B Acchus en forme d'un ieune enfant, d'un puissant ieune homme,
& d'un foible vieillard, couronnez de lierre. 485

Bacchus en deux manieres, l'une fort feure , avec vne barbe longue,
& l'autre belle de visage, ioyeuse & ieune. Item tenant en la main
droicte vne sarpe, & en la gauche vne tasse. Item en forme de tau-
reau. 493

Bacchus habillé en femme, accompagné de diuerfes Nymphes, Syl-
uains, & autres semblables siens seruiteurs. 496

Bacchus se soustenant avec le thyrsce. Item triomphant sur vn elephât.
Item monté sur vn char, tiré par des tigres & pantheres. 500

Bacchus pris par des Corsaires Tyrrhensiens, les changea en dau-
phins : duquel la nauire se voit pourtraicte & descrite en la page
506

Bellone avec vn fouet à la main, & vn flambeau allumé: les sacri-
ficateurs de laquelle se piquent eux mesmes les bras & les espau-
les, pour l'appaiser de leur propre sang. 440

la Bonne Desse, sous vne vigne, espendant ses rameaux sur son chef,
tenant vn sceptre de la main gauche, & à costé vn serpent, avec
vne verge de myrthe. Item Proserpine tenant vne oye en la main.
289

Boreas, vent Septentrional, rauissant Orithie ; ayant au lieu de pieds,
des queues de serpents : la barbe, les cheveux, & les ailes couuertes
de nege. 321

C

L'image de C A N O P E estoit adoree en forme grosse, courte, & quasi
toute ronde, avec le col tortu, & les iambes fort basses. 306

Castor & Pollux, freres iumeaux, monte sur deux cheuaux blancs,
portans des chappeaux à la teste, avec aucunes petites flammes,
vestus de robe militaire, les espees au costé, & les piques à la main.
224

Ceres, laquelle enseigna la premiere à semer le blé, faite en forme
de Matrone, couronnee d'espics, tenant vn bouquet de paur d'une
main, & de l'autre vn flambeau: tiree par Dragons volants. Item
ayant la teste & les crins de cheual, tenant d'une main vn dauphin,
& vne colombe de l'autre. 272

Comus Dieu des banquetz, en ieune homme, dormant tout debout,
laissant pendre sa face sur sa poitrine, s'appuyant de la fenestre à

T A B L E.

vne pique, & de la droiçte semble laisser choir vn flambeau ardent, orné de fleurs tout à l'entour, desquelles il en a vne ghirlande sur la teste. 488

la deesse Concorde faite en forme de femme, tenant en sa main d'oiçte vne coupe, & à la gauche, vne corne d'abondance : & quelquefois, vn sceptre produysant quelques fruiçts : a esté aussi representee par deux mains iointes ensemble, à laquelle fut dedice la Cigogne, & la pomme de grenade. 383

D

DE R C E T E, Deesse fabuleuse, en forme de poisson, excepté la teste, qui est de femme. 317

le Destin avec l'arc & la fleche, poursuyuant Fortune à cheual, qui s'en court legerement. 559

Diane vestue de peau de cerf, ayant vn carquois pendu aux espauls, en vne main vne torche allumee, & en l'autre deux serpents. Item Diane en forme de chasseresse. Item Diane toute couuerte, sans pouoir estre veue. 110

E

ES C Y L A P E assis en vn siege, ayant vn baston en vne main, & tenant l'autre sur la teste d'un serpent. Item portant quelques fruiçts au bort de sa robe, & de la main droiçte, deux coqs. Item tenant en la main droiçte vn sceptre, & en la gauche vne pomme de pin. 89

l'Eternité (ou Perpetuité) habitant en vn antre, enuironné d'un serpent, lequel se pouffe la queue dans la bouche : Nature estant à l'huis, autour laquelle volent plusieurs ames, & vn vieillard dans lediçt antre. 31

le bon Euenement, (c'est à dire, l'heureux succez des entreprises) en forme d'un ieune homme ioyeux, & bien vestu, tenant en sa main droite vne tasse, & en la fenestre vn espic, & du pauot. 564

Eurus, vêt Orietal, tout noir, à cause des Ethiopiés, d'où il prêt s'origine : ayant vn Soleil enflâmé sur la teste, & des ailes aux costez. 321

F

la F A Y E V R, en ieune homme, ayât des ailes, & les pieds sur vne roue, pouffé de l'Adulation, qui l'accompagne tousiours : & derriere ceste Fauet va aussi l'Enuie, à pas tardifs & lents, laquelle regarde tousiours de trauers la Felicité d'autrui, qui ne la craint point. 565

la Fe

la Felicité, appelée par les Grecs Macarie, fille d'Hercule, en femme assise sur vn beau siege, tenant en sa main droite le caducee, & en la fenestre vne corne d'abondance: & la teste couronnée de tresbelles & plaisantes fleurs. 565

les Fleuues estoient faicts en forme d'homme, avec barbe & cheveux longs, couché & appuyé sur vn bras, appuyé aussi bien souuent sur vne grande cruche qui respand de l'eau. Item avec des cornes, & la teste couuerte de cannes. 323

Flore (Deesse des fleurs, femme de Zephyre) ayant vne ghirlande sur la teste, & vne robe peinte de fleurs. 321

Fortune tenant vne corne d'abondance, & ayant à costé le timon d'vne nauire. Item en femme honnestement vestue, assise, en habit de matrone, triste & desolée en face, deuant laquelle est vne belle & gaillarde fille, qui luy baille la main droite, & vne petite fille par derriere appuyée à vn siege. 537

Fortune a esté aucunesfois representee des anciens, par vn caducee, avec vn chapeau au bout, ayant deux petites ailes, & avec deux cornes d'abondance, qui embrassent le caducee: comme se voit en l'image de l'Occasion. 554

Fortune ayant d'vn costé la corne d'abondance, de l'autre, le Dieu Cupidon. Item ayant des ailes entour les mains, desquelles elle donne & presente les biens, & n'a point de pieds. Item Fortune à cheual, qui s'en court legerement, & le Destin la suit avec l'arc & la fleche, pour la frapper. 559

la deesse Foy (comme aussi la Concorde) estoit representee par deux petites figures se baillants la main l'vne l'autre, ayant vn chien blanc pres d'elles. 383

Furies infernales, ministres & seruantes de Pluton, ayants des serpents entortillez à l'entour de la teste, au lieu de cheveux: des robes noires, longues, & ceinturees à trauers, avec le baston, & des serpents es mains. 345

G

le GENIE Dieu domestique, & propre à chacun, non beaucoup different des Larès, lequel des sa naissance accompagnoit tousiours l'homme, a esté d'aucuns pourtraict en forme de serpet, & par d'autres, d'enfant: d'aucuns en forme d'vn ieune homme, & par d'autres d'vn vieillard. Item en homme de guerre, avec vn accoustrement iusques à my-iambe, tenant en sa main droicte comme vne talle, & en la gauche, la corne d'abondance, couronné de plane. Item vestu d'vne peau de loup, (& cestuy estoit le mauuais Genie) adoré par les Temesiens, & chassé par Eutime. 531

- les Graces,& Heures,blondes, vestues d'habits tref-deliéz , ayants les cheueux esparpillez sur les espauls, les ioues colorees , avec ghirlandes sur la teste,conduites par Apollon par la main droite. 631
- les Graces faites de bois,horfmis le visage,les mains,& les pieds,qui estoient d'iuoir : tenants l'vne en la main vne rose, l'autre vne certaine chose faicte comme vn dé , & la troisieme vne branche de myrthe:conduites par Mercure. 635
- la Grand Mere, pourtraicte fort aagee,d'vne grande corpulēce, vestue d'vne robe peinte de fleurs , & d'vn manteau tissu d'herbe verde: ayant sur la teste vne couronne faite à tourions , & plusieurs tabours,vn chariot à quatre roues , tiré par des Lyons , tenant d'vne main vn sceptre , & de l'autre vne clef: & les sacrificateurs armez & tous debout. 251
- la Grand Mere adoree dans vn bois avec vn chariot tout couuert de draps,lequel n'estoit loysible de toucher,qu'au sacrificateur, qui le suyuoit:avec plusieurs autres circonstances & ceremonies. 260

H

- H** A R P O C R A T E,Dieu de silence, en homme fort ieune, tenant le doigt à la bouche. Item en figure sans visage,avec vn petit chapeau en la teste, & vne peau de loup à l'entour , couuerte d'yeux & d'oreilles. 445
- les Harpyes,filles de Neptune & de la Terre,ayāts le visage de femme, & le reste comme vn oyseau serpentin:les mains crochues, le ventre grand à merueilles avec vne perpetuelle faim , & de grandes ailes.Iré,les Striges, qui sont certains grands oyseaux espouuantables,auides du sang humain,nez des Harpyes:ayants la face,le col, & le sein de femme , avec quelques serpents leur descendants sur le visage. 356
- Hebé, Deesse de la ieunesse , donnant à boire aux Dieux , à laquelle aussi les malfaiçteurs recourants , recepuoyent pardon de toutes fautes & crimes commis , & les prisonniers relaschez portoyent leurs ceps,& les pendoient en certains arbres en son temple. 58
- Hecaté à trois testes, de cheual, de chien, & de sanglier. Item faicte en forme d'homme tout blanc,ayant teste d'esperuier. 125
- Hercule pourtraict en homme vieil , chaulue, brun, crespu & ridé, & vestu d'vne peau de lyon,tenant en la main droicte,vne massue, & vn arc en la gauche, avec vn carquois pendant des espauls : ayant au bout de la langue plusieurs chaines d'or & d'argent , avec lesquelles il traine apres soy par les oreilles,plusieurs gents qui le suyuent volontiers. 406
- Hercule en homme fort & robuste, nud , horfmis qu'il a vne peau de lyon à l'entour , duquel la teste & la bouche luy sert d'heaume: tenant

- tenant d'une main la massue, & l'arc en l'autre, le carquois luy pend des espaules. Item vn ieune garçon luy baillant à boire. Item vne pomme fichée sur quatre bastons au lieu de pieds, & deux autres au lieu de cornes, sacrifiée à Hercule au lieu de bœuf. 412
- Hercule & Apollon tenans le Trepied, comme le se voulants oster l'un à l'autre: sur laquelle est assise la ieune fille qui bailloit les responses. 422
- L'Honneur, en forme de ieune femme, tenant vne pique d'une main, nue iusques sous la mammelle, & de l'autre, vne corne de richesses: ayant vn heaume sous le pied, & la teste ornée de belles tresses blondes. 440
- Hymenee en forme de ieune homme, couronné de fleurs, & de Perisa, tenant vn flambeau allumé en la main droite, & en la gauche le voile dont les espousees se couuroient. 242

I

- I**ANVS à deux faces, avec vne baguette & vne clef à la main: item ayant en la main droite le nombre de 300. & en la gauche, 65. 44
- Ianus garde & portier des portes de la guerre, & pour cest effect sur-nommé Patulce & Cluse. 52
- Inache riuere, ayant des cornes en la teste, & s'appuyant sur vne cruche qui respand de l'eau, & la teste couuerte de cannes. 322
- Iris couronnée d'Aurone, tenant en la main droite vne petite nauires, & en la gauche ladicte herbe. Item pourtraicte selon la description qu'en fait Apulee. 128
- Iunon assise sur deux lions, tenant d'une main vn sceptre, & de l'autre vn fuseau: item vestue en mode de matrone, tenant en la dextre vne tase, & vne haste ou pique en la gauche. 208
- Iunon couuerte d'un crespé blanc couronnée par Iris d'une couronne enrhie de pierres precieuses: tenant en la main dextre le foudre, & vn amour en la fenestre. Itē Iunon couronnée, tenant d'une main vne grenade, & de l'autre vn sceptre avec vn coucou au dessus. 217
- Iunon ceinte de rameaux de vigne, ayant sous ses pieds vne peau de lyon. Item entourée d'une peau de cheure, portant la pique & vn petit bouclier. Item tenant des oiseaux à la main droite, & à la gauche vn sceptre, & est couronnée de rayons. 233
- Iupiter assis, nud en haut, couuert en bas, tenant vn sceptre en la main gauche, & en la droite tantost vne aigle, tantost vne image de la Victoire. Item (sous le nom de Createur) tenant vn cercle en vne main, & en l'autre, vn baston royal. 163
- Iupiter ayant sur la teste vne couronne flaboyante, avec vn sceptre clair & reluyfant, couuert d'un mâteau de verre, de peint à estoilles brillā

res:tenant en la main droicte deux boules rondes, & en la gauche
vne lyre à sept chordes, avec autres circonstances. Item tenant le
foudre des deux mains,prest à punir les pariures. 166

Iupiter Fidius se voit en vn marbre, auquel sont insculpees trois ima-
ges, l'une d'Honneur, l'autre de Verité, & au milieu des deux est
Amour, avec ceste inscription, F I D I I S I M V L A C H R V M. Item
en forme d'un enfant, tenant des sagettes aux mains, & vne cheure
aupres de luy. Item avec les ornements de Bacchus, tenant d'une
main vne tasse à boire, & de l'autre vn Thyrsé, avec vne Aigle au
bout. 175

Iupiter sans foudre & sceptre, tenant vne coignée, avec vn coustelas
pendant en escharpe. Item portant vne Aigle en la main gauche, &
vn dard en la droite. 192

Iupiter Hammon, en forme de nombril, porté en procession par les
prestres, quand on le vouloit consulter, suyui de plusieurs femmes
& filles chantans des vers sans mesure. 197

Iupiter en forme de mouton: & en forme quarree à la mode des Her-
mes. 199

Iustice en forme d'une belle vierge, terrible de regard, laquelle d'une
seuerité honneste, se monstre digne de toute reuerence: tenant au-
cunesfois vne balance, aucunesfois vn trousséau de verges liees,
avec les haches des huyssiers des consuls Romains. Item en forme
d'une belle femme, laquelle tire arriere vne autre laide (& ceste ci est
l'Iniure) la tenant estroitement par le col, avec la main fenestre, &
la frappant fort de la droicte, avec vn baston. 544

les L A R E S, Dieux domestiques, ou plustost demons, gardes de lo-
gis, & mesmes de toute la ville, estoient adorez sur les chemins, où
lon leur pendoit à certains iours quelques boules & petites figu-
res de laine: & estoient faicts en forme de ieunes hommes, vêtus de
peau de chien, ayants aussi le chien à leurs pieds: aucunesfois vestus
d'habits courts & troussés sur l'espaule fenestre. 525

M

M A R S furieux & terrible de regard, avec la lance au poing, mon-
té sur vn char, tiré par deux cheuaux, au deuant desquels la Re-
nommee va battant les ailes, vestue d'un drap subtil & delié, avec
vne trompette en la bouche. 467

Mars adoré en forme de cimenterre, mis au milieu d'un grand tas de
ferment en quarré. Item en certaine pierre noire, quarree, sans autre
figure

- figure, haute de quatre pieds, & large de deux. 471
- Mercuré, messager & interprete des Dieux, fait en ieune homme sans barbe, avec deux petites ailes sur la teste, & aux pieds: tenant de la main droicte vne bourse appuyee sur la teste d'un bouc, ayant le coq à ses pieds: & en la gauche le caducee. Item la Deesse Paix, tenant d'une main l'enfant Plute, & de l'autre des espics de bled. 374
- Mercuré semblablement en beau ieune homme, grand & gros, commençant à ietter barbe, à demi nud, avec Palestre (ou Luytte) pres de luy, assise, tenant un rameau d'oliuier. Item Mercuré en figure quarrée, en sorte qu'il semble se vestir un manteau. 389
- Mercuré estant dessus une base quarrée, n'ayant aucun membre que la teste. 390
- Mercuré avec trois testes: item portant un mouton sur son col: item armé, avec un heaume en la teste, & une cimenterre à la main, portant un mouton sous le bras: item ayant teste de chien, tenant en la gauche le caducee, & en la droicte un rameau de palme. 401
- Minerve, Deesse de prudence, & inuentrice de tous les arts, accompagnée avec Mercuré, armée, avec une pique en la main, & le pauois de crystal au bras; & le heaume doré en la teste, au dessus duquel est le Sphinx. Item Minerve naissant de la teste de Iupiter, laquelle Vulcan luy ouure avec une coignée de diamant bien tranchante. 427
- Minerve armée, branlant la pique, avec une ghirlande d'oliuier sur son heaume doré, sur lequel, & au milieu, est le Sphinx, & de ça & de là, deux Griffons: & aucunes fois, le coq, & le hibou. Item Minerve assise sur une chaire haute, tenant une quenouille entre les mains. Item tenant d'une main la Corneille. 430

N

- Necessité, mere des Parques, tenant entre ses genoux ce grand fuseau de diamant, qui tient d'un pole iusques à l'autre: & les Parques assises pres de la mere, chantent avec les Sirenes, qui sont par dessus les Spheres du ciel: sont toutes trois vestues de drap blanc, & la teste couronnée. 365
- Nemesis tenant une bride en une main, & une mesure en l'autre. Item ayant une couronne sur la teste, entourée de cerfs, & de petites images de Victoire, & tenant une branche de fresne d'une main, & de l'autre un vase, avec plusieurs Ethiopiens grauez dedans. 341
- Néptune avec le soc (auquel est adioustée une proue de nauire) & le chariot, comme si nauigeant il labourait la terre. 306
- Neptune avec Amphitrite sa femme, tenant de la main un trident, tiré par des chevaux. 311
- le Nil

T A B L E.

- la statue du Nil posée par Vespasian au temple de la Paix, avec seize
petits enfans se iouants à l'entour. 326
- Notus, ou Auster, vent Meridional, amenant le plus souuent par son
haleine, les pluyes. 321
- la Nuit & peinte en forme de femme, ayant deux grandes ailes noires
sur les espauls, tenant sur le bras gauche vn petit enfant blanc
(qui est le Sommeil) & sur le gauche, vn noir (qui est la Mort) 397

O

- L'OCCASION en femme se tenant debout sur vne roue, ou bien
sur vne boule, ayant ses longs cheveux pendants sur le front, de
maniere qu'elle a la nuque descouuerte & denuee : ayant des ai-
les aux pieds, comme on peint Mercure. 554

P

- P**AN ayant deux petites cornes au front, rudes & mal polies, lon-
gues & roides, les temples entournees de fucilles de pin, la bar-
be mal peignée qui luy descend iusques à la poitrine, vne petite
queue, laquelle il remue, l'estomach rayonnant d'estoyles, le bas du
corps tout velu, & les pieds comme vne cheure, vestu de la peau
d'vne bische toute tachetee, & tient d'vne main vne fluste de sept
chalumeaux, & de l'autre, vne houlette, avec la tortue & la coquille
seruant de trompe & cornet, à ses pieds. 146
- les Parques, ministres de Pluton, filants la vie de l'homme, dont l'vne
tient la quenouille, & tire le fil, l'autre le tourne à l'entour du fu-
seau, & la troisieme le coupe. 362
- le Pau, ayant face d'vn taureau, avec deux cornes dorees, & couron-
né de cannes. 323
- les Penates, Dieux nais aux maisons particulieres, & adorez aux lieux
les plus secrets d'icelles, commis aussi à la garde des villes, estoient
pourtraicts par deux verges de fer, longues & entortillees, avec vn
certain vaisseau de terre. Item en forme de ieunes hommes, assis, &
ayants chacun en la main vn iauellor, avec l'habit & ornement de
guerre. 525
- Pluton & Proserpine, avec deux Nymphes, l'vne desquelles tient
avec la main vne boule, & l'autre vne clef: item Cerbere à trois
testes demeurant à la porte infernale. 336
- Priape en forme d'homme, avec barbe, & vne cheueleure rebrousee,
tout nud, ayant vne faucille en sa main droiçte, & habillé d'vn drap
qu'il tient rebroussé avec la main, portant en vn coin de son habit,
des fruiçts de toute sorte, avec vne longue canne sur la teste, & vn
gros

gros baston en la main : & l'Asne pres de luy , lequel aussi luy estoit dedié , comme mesmes le bouc, par lequel le membre seruant à la generation estoit demonstré & adoré par les anciens sous le nom de Priape : lequel aussi quelquesfois tenoit vn sceptre en sa main.

518

Proserpine , fille de Iupiter & de Ceres , appelee aussi par quelques vns, Peregate (laquelle signifie les bleds , qui prouiennent de la terre, qui est Ceres, mais non sans la chaleur temperée qu'en icelle enuoye le ciel, signifié par Iupiter) tenant vne oye en la main, laquelle elle osta à vne fille appelee Ercyne, se iouant avec elle. 289

R

la R E N O M M E E , adoree des anciens comme Deesse messagere aussi bien de mensonge que de la verité , comme estant vne certaine ruineur , qui d'un petit commencement se leue , & croist tellement qu'elle remplit les villes & pays , & Homere l'appelle messagere de Iupiter : a esté depeinte en forme de femme, vestue d'un drap subtil & delié , route trouffée , monstrant courir legerement , avec vne bruyante trompette en la bouche , & des ailes remplies d'yeux , lesquelles elle va battant au deuant du char de Mars. 467

S

l'enseigne de la S A N T E est pourtraicte en forme de pentagone , autour duquel est escript en Grec, ΥΓΙΕΙΑ, comme on voit aux medalles antiques d'Antioque. 95

Saturne tenant vne faux en la main , & deuorant vne pierre enuolopee dans vn drap, cuidant deuorer Iupiter. 34

Saturne portant en la main droidte vn serpent qui se mord la queue : item deux testes : l'une de lyon, & l'autre de sanglier. 39

les Sirenes, ayants visage de femme , & le reste du corps , horsmis que depuis le milieu en bas, elles sont poissons : & (selon aucuns) ayants ailes , & pieds de coq : item (comme d'autres veulent) sont oyseaux es parties d'embas, avec visage & mammelles de femme. 298

le Sommeil ayant des ailes , & deux robes , l'une blanche , & l'autre noire , & vne corne à vne main, & à l'autre vne verge pour endormir les hommes. 397

Sosipolis, adoré des Eleens, en petit enfant, avec un accoustrement de diuerfes couleurs , & couuert d'estoiles , presentant d'une main la corne d'abondance. 531

le TYBRE cornu, depeint par Virgile.

323

Typhon, composé de deux natures, humaine & brutale, estoit au dessus en forme d'homme, tout couuert de plumes: duquel les iam-
bes, & les doigts finissoient en serpents, vomissant des flammes ar-
dantes. Item l'hippopotame (representant Typhon) avec l'esper-
uier, qui le combat.

511

V

les VENTS estoient depeints avec des ailes, le chef hideux, les iouës
enflees, comme soufflants à grande force, desquels les effects se
voyent plus à plain en leur description.

321

Venus, Deesse de volupté & luxure, mere d'Amour, montee sur vn
char, tiré de tref- blanches colombes, & de cygnes, oyseaux confa-
crez à Venus: estoit nue, comme estant à toute heure preste aux
lascifs embrassements, ayant la teste enuironnee de feuillages, &
en l'estomac vne flamme ardante, tenant en la main droicte vne
certaine boule ronde, en forme du monde, & en la fenestre, trois
pommes d'or; derriere elle sont les trois Graces, ayants les bras
ioints ensemble. Item Venus adoree en forme de certaine figure
ronde, & large au fonds, qui se vient à estreindre peu à peu en haut,
qui peut représenter le nombril du corps humain: & est donné à
Venus, pource que lon estime que la volupté & luxure commen-
ce & soit aux femmes en ceste partie.

604

Venus en forme d'un petit enfant nud, avec les ailes, couronné de
myrte, assis en terre, & sonnant d'une harpe, qu'il tient entre les iam-
bes: deuant lequel est vn autre semblable à luy droit sur ses pieds,
qui le regarde, tenant des deux mains vne de deux tresses, au bout
desquelles est vn beau visage de femme, orné d'un linge descendant
iusques au milieu des tresses. Item Venus assise sur vn bouc, sou-
lant d'un pied vne tortue.

611

Venus Victorieuse, en forme de tref- belle femme, avec vne longue
robe, trainant iusques à terre, presentant de la main droite vne pe-
tite image de Victoire, & tenant en la main fenestre vne certaine
chose faite en ceste maniere. Item Venus assise, tenant d'une main
quelques testes de pauot, & de l'autre, vne pomme, & sur la teste,
quelque chose qui represente vn pole, ou gon. Item Venus armee,
tenant la pique & le bouclier.

618

Venus avec la barbe, ressemblant de visage à vn homme, mais habillée
en femme, tenant vn peigne à la main: laquelle du milieu en haut
est faite en forme d'homme, & le demeurant du corps en bas est
de fem

de femme. Item Venus pleurant Adonis tué par vn sanglier, couverte d'un manteau à l'entour, toute triste & dolente : & ayant les mains enuoloppées d'un manteau, elle soustient sa face, & semble que les larmes luy tombent des yeux. 623

la Vertu en forme d'un ieune homme, vestu court, ayant vn morion à la teste, & à la creste d'iceluy aucunes plumes : tenât la main gauche appuyee à vne pique droicte en terre, appuyee sa main dextre avec le sceptre sur le genouil droit : ayant sous le pied vne tortue, & des botines aux pieds : demeure droit, & regarde droitement à vne ieune femme, qui luy est vis à vis, laquelle a esté faite pour Honneur.

Vertumne, Dieu constitué sur les humaines pensées, se changeant en diuerses formes, pource que les hommes changent souuent de pensée : & selon aucuns, estoit Dieu de l'An, lequel selon les saisons reçoit diuerses formes, & donne occasion aux hommes de faire tantost vne chose, tantost vne autre. & fut sa statue assise au palais Romain, représentant le Tybre : en forme de ieune homme, orné de toutes sortes de fleurs & fructs, tenant en ses mains des concombres, & courles, avec quelques autres fructs, pour demonstrier la fertilité des champs voisins au Tybre. 326

Veste, vierge, & tousiours pure & entiere, fut peinte en femme ayant le regard d'une vierge, tenant en la main vn tabour, & toute ronde, ayant les espauls estroites, & couronnée de fleurs blanches : & fut adoree en vn temple grand, large & spacieux, qui au milieu auoit vn autel, avec le feu allumé d'un costé & d'autre, à la garde duquel estoit vne vierge au costé, & sur le plus haut du temple y auoit semblablement vne vierge, qui tenoit vn petit enfant entre ses bras. 268

la Victoire estoit adoree des Atheniens, sans ailes, afin qu'elle ne s'en volast, tenât de la main droite, vne grenade, & vn heaume, de la senestre : laquelle estoit toutesfois le plus souuent faite avec des ailes, en forme d'une belle fille, s'en volant parmi l'air, tendant d'une main vne couronne de laurier, ou bien d'oliuier blanc, & tenant de l'autre vne branche de palme, comme lon void aux antiques medalles & marbres, & se voit aucunesfois avec la couronne seule, aucunesfois avec la branche seule de palme. Les Romains l'ont souuent faite avec la branche de laurier en la main, pource qu'ils auoient le laurier seul pour signe de Victoire : representee aussi par l'Aigle, d'autant que l'Aigle passe en valeur, tous les autres oyseaux : & estoit portee en bataille, comme estant la vraye enseigne de principauté, & portant avec soy contre les ennemis, le signe de Victoire. Et estoit pour ce regard, la principale enseigne entre toutes celles que les Romains auoient en guerre, en leurs estendars. La Victoire se void aussi armee, tenant vne pique & vn bouclier. 477

Vulcan en forme d'homme boiteux, noir de visage, laid, & enfumé comme sont volontiers les forgerons, avec vn chapeau sur la teste, de couleur asuree. Item auoit en Egypte vne statue qui tenoit d'vne main vn rat: combien que selon aucuns, elle fust de Seton, prestre dudit Vulcan, & roy d'Egypte: avec ceste inscription, *In me quis intuens, pius esto.* Item Vulcan fut fait en vne grande cauerne, se tenant à la forge avec les Cyclopes, pour forger ores vne chose, ores vne autre, ayant derriere soy vn de ses forgerons, avec vne grande tenaille en la main. Et luy estoient faits sacrifices par ceux qui demouroient victorieux d'aucune guerre, lesquels amassoient les escus, & autres armes des ennemis, en vn, & les brusloient en l'honneur de Vulcan.

464

Z.

ZEPHYRE, vent Occidental, pare la terre de verdure, au printemps, & fait florir les prez verdoyants: est fait en forme d'vn beau iouuenceau, avec ailes aux espauls, & vne ghirlande sur la teste.

328

F I N.

Fautes suruenues en l'Impression.

Page 6. ligne 8. lisez Cyr. pag. 24. ligne 7. Auxefias. l. 24. Plin. p. 40. l. 7. Astarte. p. 126. l. 5. qu'il. p. 131. l. 16. la mer. p. 286. l. 20. truye pleine. (car ce mot, encinte, ne conuient nullement, & n'est en vsage pour les bestes brutes) p. 339. l. penult. en la tragedie. p. 347. l. 8. apres ce mot Phedre, mettez vne virgule, & ostez celle qui est apres le mot, miserable. p. 352. l. 26. mandee. p. 353. l. 15. n'importe. p. 357. l. 9. qu'ils. p. 369. l. 20. mouroient. p. 377. l. 25. parez. p. 381. l. 19. Sagonte. p. 386. l. 24. & ailles comme. p. 424. l. penult. effacez ce mot, elles. p. 494. l. 12. Seleuque. p. 630. l. 9. vn. p. 637. l. 11. finiray.

A Lyon, de l'Imprimerie de Guichard
Iullieron. 1 5 8 1.



